

The Ohio State University



3 2435 022765937

Mecmua-i funun /
AP95T8M42

001
NO25-33

THE OHIO STATE UNIVERSITY BOOK DEPOSITORY



D	AISLE	SECT	SHLF	SIDE	POS	ITEM	C
8	08	31	14	7	13	008	3

OHIO STATE
UNIVERSITY
LIBRARIES

AP95

T8M42

no. 25-33

مجموعه سنون

اثر

جمعیت علمیه عثمانیه

اوچونجی سنده

نومرو ۲۵

محرم

استانبول

جمعیت علمیه عثمانیه مطبعه سنده اولمیشدر

۱۲۸۱

(مواد مندرجه)

تاریخ قدمای ملک مصریه	•	•	محمد جلیل پاشا و خلیل بك
مدخل علم ژئولوژی	•	•	ادهم پاشا
سویس جدولی	•	•	مئیغ افندی
احر بقایه دائره مقاله	•	•	موسیو براون
خلاصه یوایتیه	•	•	

جمعیت مهریه مهور اولیان مجموعه فنون نسخہ لرینه ساخته نظریه
باقیه رق طابع و اباعاری مسئول طوایله جعفر

مجموعه سنون

از

جمعیت علمیہ عثمانیہ

اوچنجی سہ

نومرو ۲۵-۳۶

جلد ثالث

استانبول

جمعیت علمیہ عثمانیہ مطبعہ سندیہ طبع اولمشدر



جمعیت مهریله ممهور اولیان مجموعه فنون نسخہ لرینہ ساختہ نظاریله
باقیله رق طابع و بایعاری مسئول طوبیله جقدر

(تاریخ قدمای ملوک مصریه)

بطلمیوس فیلوپاتور

ملك مشارالیه میلاددن ایکی یوز یکرمی سنه اول جالس مقام پدر اولوب عیش و عشرته زیاده انهماکی سؤا اداره سنی و بودخی اهلینک کندوسندن نفرتنی مستلزم اولدیغندن بریه الشام حکمداری بولنان انطیوکوس ملك مشارالیهک شو حالندن استفاده ایتک استیه رک مصر حکومتنه تابع بولنان ارض فلسطین و فینسیا ایالتلرینی ضبط ایلک اوزره قیام ایدوب بوندن طولای دولتین بیننده ایکی سنه آتش حرب و جدال اشتعال ایتدکدن صکره مصریون مغلوب اولسیله انطیوکوس ایالتین مذکور تینی ضبط و تسخیر ایلدکدن بشقه پلوس شهرینه قدر کلوب مصری دخی استیلا ایتک اوزره ایکن نیلک فیضانی مناسبتیه ایلرویه کیده میهرک عودته مجبور اولدی بونک اوزرینه بطلمیوس اخذ انتقام داعیه سیله یتش بیک پیاده ویکرمی بیک سواری و یوز یکرمی فیلدن مرکب براردو ترتیب ایله بالذات کندوسی بریه الشام اوزرینه هجوم ایلدی . طرفین اردولری

راقبا نام محله ملاقی اوله رق بینارنده بر محاربه عظیمه وقوعبولش
وبریه السام اردوسندن اون بیک قدر آدم تلف اوله رق انطیو کوس مغلوب
اولشدر. انجی اشبو غلبه حکمدار مشار الیهک اثر رشد و ریتی
اولیوب محرد رفاقتنده بولنان همشیره و زوجیه سی ارسینوی ایله
ملک مشار الیهک خدمتنده بولنان نیقوله نام یونانلو بر ضابطک
حسن تدبیر و اقداماری ثمره سی اولق اوزره حصوله کلمشدر.

اشبو محاربه دن صکره بطلمیوس قدس شریفه کیدوب اول زمانده
یالکز یهودیلر بتیرست اولیه رق تورات شریف اوزره اجرای این
دین ایلدکلی حالده بطلمیوس فوق العاده اوله رق ذبح قرابین ایلدی
و عبادتگاهده بولنان محرابک دروننه دخول ایله تماشا ایتک استیوب
بودخی عندالیهود جائز اولدیغندن شاید بر غضب الهی ظهور ایدر
مطالعده سیله کیرماسی اهالی و احبار یهود طرفندن نیاز اولمش
ایسده بطلمیوس اصغما ایتیه رک محرابه کیرمک اوزره ایکن دفعه
کندوسنه بر خوف و دهشت طاری اوله رق شونیتدن صرف نظر
و متعاقباً اردوسیه برابر مصره عودت ایلشدر.

بطلمیوس ذکر اولنان محراب وقعه سندن طولای غوماً یهودیلره
خصومت ایلدیکندن مصره دخولنده اوراده بولنان بالجه یهودیلره جبرا
تبدیل دین ایتدیرمکی تصمیم ایدوب بولردن یالکز اوچیوزی اولبابده
اطهار موافقت و قصور قرق بیکی قبولدن استکاف ایتش
اوللریله بولنری فیله پامال ایتدیرمک اوزره اسکندریه جمع
ایتش ایسده اول ائنده بررؤیا کوروب بونی اشارت غیبیه حل ایله
او قدر بیکناهک خون ناحقنی اراقده دن اجتناب ایلدی. بطلمیوسک
معاملی اسمنده بر برادری اولوب اخلاق حمیده ایله موصوف

اولد یغندن اهلایک کندوسنه زیاده میل و محبت کوستردکاری می مشاهده
ایلد کده حسدن ناشی مومی الیهی قتل ایتدیرمشدیر.

یونانستانده وقوعبولان محاربانه مغلوب اولدوق مقدماری مصره
التجاء ایتیش اولان اسپارطه حکمداری فیلومن حسن اخلاق
واهلایت ایله متصف اولسیله بطلمیوسک پدری زماننده زیاده مظهر
اعزاز واحترام اولوب حتی اسپارطه حکومتی اجانب یدندن
تخلیص ایتک اوزره کندوسنه مقدار وافی عسکر ترفیق دخی وعد
اولمش ایکن بطلمیوس ملتجی مشارالیه حقنده حرمت ایتدکدن
بشقه یدندن نزع اولمش اولان مملکتک استخلاصیچون محاربه
ایلمسنه بیله رخصت و یرمیه رک حبسه القاء و فیلومن شاید فرار
ایدرك مملکتنه کیدوب حکومتی استرداد و یونانستانی ضبط ایدرایسه
کندوسنک حقنده روا کوردیکی معاملات غیر لایقهدن طولانی
اخذ انتقامه قیام ایدر ملاحظات و اهیدسنه ذاهب اوله رق هم ملتجی
وهمده مسافر اولان مشارالیهی بغیر حتی قتل ایتدیردی. بطلمیوسک
کندو والد هسنی دخی اعدام ایلدیککی مرویدر.

بطلمیوس و کلاسندن سوزیب نام بر ذاته زیاده امنیت و اعتماد
ایدرك زمام حکومتی یدینه تسلیم ایتشیدی. اشبو سوزیب غایت
مفسد و دسیسه کار بر ادم اولد یغندن متبوعنک عزاجنه کوره
حرکت و هوا و هوسنه خدمت ایدرك مشارالیه حلول ایتیش
اولد یغندن بی پروا اهالی حقنده انواع مظالم ارتکاب و خزینه دولتی
خراب ایدر ایدی. بطلمیوسک زوجه سی ماده یی کندوسنه بیان وشو
حالك وخامت عاقبتی در میان ایلدیککی جهنمه مومی الیهایی دخی قتل
ایتدیردی. بونک اوزرینه اهالی عصیان ایدرك مومی الیهانک قتلنه

و امور اولان شخصی اعدام و هر قوم سوزیک عزل و نفیله یرینه
 تلبیوایم استند بر ذلک نصبند بطلمیوسی اجبار ایلدیار. مومی
 الیه هر قدر اهل عفت و استقامتدن ایسه ده حلم و ملایمتی غالب
 اولد بختدن مأموریتی بر وجه مطلوب اصلاح حاله مدار اوله میهرق
 بطلمیوس کماکان فسق و فجور رایله اشتغال و عنان امور مملکتی بر
 طایف فاحشکان و فسدده یدینه اعطا ایلدی. مشارالیه مدت حکومتی
 اون یندی سنه مئد اولدقدن صکره عبش و عبشرتک سو تأثیراتیه
 هلاک اولمشدر.

ملک مشارالیهک ینده بطلمیوس نامنده بش یاشند بر اوغلی قالوب
 ایلم حیالده بونک تربیه سنی محبوبه سی اولان بر خاتون ایله مز بوره نك
 والده سنه و اغا توغلی نام برادرینه حواله ایلشیدی. بونلر بر قاج کون
 ملک مشارالیهک وفاتنی کتم ایدرک شواثناده سرایدن بر چوق
 مجوهرات و سائر ذیقیت اشیا اخذ و سرقت ایلدیلر و هر قوم
 اغا توغلی دخی وصی حکومت اولاق داعیه سیله وارث سلطنت اولان
 چو جق قوجاغنده اولدیغی حالده اغلیه رق کبرا و اهالینک اوکنه
 جیغوب یاس وکیل بولشان سالف الذکر تلبیوایمک بو چو جق اعدام ایله
 صددلی حکومتده قعود ایلک نیتده اولدیغنی و متوفی ایسه چو جق
 و حکومتی کندوسنه تودیع و توصیه ایلدیکنی بیان وادعا ایلش ایسه ده
 اشواقوال کاذبه سنه توجیه سمع اعتبار اولمیه رق چو جق قوجاغندن
 الثوب در عفت سلطنتی اعلان و هر قوم اغا توغلی ایله والده و همشیره
 و اقربا و متعلقاتی بالجمله اعدام قلندی.

بو اثنا ده بریدالشام حکمداری انطیوکوس ایله مقدونیا حکمداری
 قلیپوس مصر حکومتک بر چو جق انبیده بولمسنی وسیله اتخاذا

ايدرك حكومت مذكوره ايله اولان عهدلرينى نقص و خطه مصریه یی ضبط ايله ييئلرنده تقسيم اولنق اوزره عقد اتفاق ايلديلر. فقط بواشاسنده روما جمهورى متفقين مذكوره اعلان حرب ايلديكندن متفقين انجق انكله اوغراشمق اوزره مصر لواءيله محاربه دن صرف و نظر ايلكه مجبور اولديلر.

مصر كبراسى باش و كيل بولنان تلبى و ليك عدم اهليندن ناخشنود اوله رق مومى اليه عزل ايتيملر ايسده يرينه بر بشقه سنك انتخاىي حقنده ييئلرنده اختلاف ظهور ايدوب شو مشكلاتك حلى ضمنده نهايت روما جمهورينه مراجعت ايتاريله جمهور مذكور ارستومن نام يونانلويى وصى دولت تعيين ايدوب من بعد دخى بو مقوله منازعاتك منع وقوع چيون مصرى تحت حياه سنه الدي مومى اليه ارستومن احخاب رشد و سداددن اولمغله نظامات جديده وضع و اصول اداره يي اصلاح ايله امن و اسايش عامه يي استحصال ايلدى.

بريد الشام ملكى بولنان انطيوخوس فيلوپاتر نام كريمه سنى بطليموسه تزويج و جهاز اوله رق فلسطينى اعطا ايدوب بو وجهله مملكتين يينده مناسبات دوستانه كسب تاكد ايلدى.

بطليموس سن بلوغه واصل اوله رق زمام حكومتى اله القدسه پدرينك اثرينه اقتفا ايله خزينه حكومتى اتلاف و اهالى حقنده مظالم و تعدياته ابتدار ايتمسيله مومى اليه ارستومنك اثر همتى اولان اسايشه خليل طارى اوله رق اهالى ينه رفع لوى عصيان ايلديلر. ارستومنك حسن تدبيريله اشبو غائله فساد مدفع اولمش ايسده بطليموسك اثناسى اختلالده تلف اولديغنه دائر بريد الشامده بعض

اراجیف شایع اولغله انطیوکوس مصر الکاسنی صمیمه ممالکی
ایلیک ایچون مصر اوزرینه براردو سوق ایلمش ایسه ده خبر
مذکورک عدم صحتی اکلاشلد قدده یالکز فلسطین ایالتک برجزوینی
ضبط ایله اکتفا ایلدی.

بطلمیوسک فساد اخلاقی کتدجکه اشتداد بولوب حتی سالف الذکر
ارستومنک وقوع بولان حسن خدماتنه مکافات لازم کلور ایکن
مومی الیهی تسمیم ایتدی. و انواع شناعت ارتکابیه بیت المالی
اتلاف و برارالق دخی بریه الشام حکومتی ایله محاربه یه قیام ایلدی.
بونک ایچون اقتضا ایدن ایچیه یی نره دن تدارک ایده جکنی کبرادن
برایسی کندوسندن سؤال ایلد کده بنم دوستلرم خزینه لر مدردیوو یردیکی
جوابدن مقصدی کندولر نی قتل و ماللر نی مصادره ایتک اولدیغی
سیاق حانندن اکلاشلغله کبرای مملکت بالاتفاق کندوسنی تسمیم
ایلدیلر. مشارالیهک مدت حکومتی یکر می درت سنه ممتداولمشدر.
متوفای مشارالیهک بطلمیوس فیلومتور و بطلمیوس فیسکون نامنده
ایکی اوغلی و قلیوپا تر نامنده بر قزی اولوب ینه قلیوپا تر اسمنده
اولان زوجه سنی قبل الوفاة بونله وصی نصب ایلمشیدی. مشارالیها
بر سنه قدر اهلیت و عدالتله مملکتی اداره ایدوب برادری اولان
بریه الشام حکمداری انطیوکوس ایله مصر حکومتی بیننده تأکید
رابطه صلح و صلاح ایلدی. مشارالیهانک وفاتنده کندوسنی
کوچک اوغلی بطلمیوس فیسکونک تسمیم ایلدیکی شایع اولدیغندن
اهالی عصیان و مومی الیهک اعدا منه قیام ایتشلر ایسه ده بیوک
برادری دفع فساد ایله بطلمیوس فیسکونی ورطه هلاکدن تخلیصنه
ظفر یاب اولدی.

انطیوکوس ایقان بریه الشام حکمداری اولدقده فلسطین ایالتی اسکندر بن فیلیپوسک وفاتندن صکره ممالک شامه الحاق اولنوب حالبوکه کندوسنه راجع اوله جغنی درمیان و مصر حکومتندن ردینی طلب ایلمسینه مصر حکمداری بطلمیوس فیلومتور بوایالتک مدت مدیده دنبرو مصره تابع اولدیغی و مؤخرأ دخی پدری بریه الشام حکمدارینک کریمه سنی تزوج ایلدکده بالاده بیان اولندیغی اوزره جهاز اوله رق مصره فراغت ایلدیکی جهته ملک مشروعی اولدیغی جوانی ویرمش و بوجهته مصلحت کشا کشته قاله رق مسئله حربی منتج اولق اوزره ایکن مصر ملکی اسکندریه ده رسم توجی اجرا ایتدیکندن صورتا تبریک جلسوس و معنأ مصرک قوه عسکریه سی و اصول پولیتقه سنی تحقیق ایلمک اوزره بریه الشام حکمداری اورایه اپولونیوس نامنده برسفیر کوندروب بونک تحقیقات واقعه سنه نظرا اسباب مختلفه یه مبنی حکومت مصریه نک کال ضعفی اکلا شلغله مصر اوزرینه براو بحرا عسکر سوق ایدوب و دیلوس شهرینه قدر ایاو کیدوب مقابلنه کوندریلان مصر اردوسنه غلبه ایلدی . فقط اول ائاده حکومتی داخلنده یونان یهودیلر عصیان ایلدیکندن یای تختی اولان صور شهرینه عودت وسنه آتیه ده ینه برجسیم اوردو ایله مصر اوزرینه حرکت ایلدی و طرفین بیننده بر محاربه عظیمه وقوعیله مصر اردوسنه غلبه ایدرک بطلمیوس فیلومتوری اسیر و اسکندریه دن ماعدا کاملاً ممالک مصریه یی ضبط و تسخیر ایلدی . ابتدای امر ده مصر ملکتنک حوادث سنه مبنی مشار الیهی تحت حمایه اله رق ملکتنک اصلاح احوالی مقصدیله کادیکنی اعلان ایدوب براز وقت دخی اجرای عدالت

اتش ایسده مملکتی کاملاً قبضه تسخیره الد قد نصکره هر طرفی
یغما و انواع مظالم اجرا ایلدی

بواسطه ملک مشار الیهک مصرده وفاتی وقوع بولدیغی خبری
بریه الشامده منتشر اولوب بونک اوزرینه قدس شریفده عظیم
براختلال ظهور ایلدیکندن ملک مشار الیه ارتق مصرده
طوره میوب مملکتده عودته مسارعت و قدس شریفی تحت اطاعته
ادخال ایتدکنن شقه نهب و تخریب و اهالی بسندن سکسان بیك
قدر نفوس اتلاف ایلدی. اسکندریه اهالیسی مشار الیهک
غیوبتنی فرصت اتخاذا ایدرک اسیر طوتمش اولان حکمدار لرینک
کوچک برادری بطلمیوس فیسکونی مسند حکمداری په اقعاد
ایغاریله انطیوکوس دفعه ثالثه اولق اوزره جسیم اردو ایله مصره
کیدوب اسکندریه په تقرب ایتدکده مشار الیه فیسکون روما
جمهورینه تظلم حال ایله استمداد ایتدکله جمهور مذکور طرفندن
اصلاح ذات البین ضمننده مخصوص سفیر کوندلمش و انطیوکوس
روما جمهورینه مخالفندن احتراز ایلمسیله بطلمیوس فیلو متوری
اطلاق وینلرنده عقد اولسان برعهده نامه اقتضاستجه فسلطین
ایالتیه مصر الکاسنک کلیدی منابه سنده بولسان پلوس شهرینی
بریه الشامه الحاق ایدوب یداستیلا سنده یکمیش اولان محال
سائره بی مصر حکومتنه رد ایلدی.

بطلمیوس فیلو متور ایله برادری بطلمیوسک ایکبسی دخی
حق سلطنت دعواسنده قیام ایله بریسی اسکندریه یه و دیگری
منقبس شهرینه چکیله رک یکدیگریله منهی حرب و قتال
اولدقاری جالده طرفینک و کلاسی محاربات داخله مملکتجه

مضرات کثیره بی موجب اولدقدن بشقه ایکی جانبه دخی ایرات
ضعف وفتور ایدوب اوحالده بالسهوله مملکتیه اجانب مستولی
اوله بیله جکنی مشار الیهمایه تفهیم و بوجهمله بینلرینی تألیف ایتلریله
مشرکا اجرای حکومت ایتلرینه قرار ویرلیدی .

بریه الشام ملکی انطیوکوس مصری ضبط ایتک اوزره دائماً فرصت
وقوعنه منتظر اولدیغندن برارالقینه بروسيله بوله رق مصر
اوزرینه برآورد و سوق ایلدی . اشبوار دو منفیس شهرینه قدر
کله رک اورادن اسکندریه یه دخی روبراه عزیمت اولدیغی حالده
مشار الیهما مصر حکمدارلریینه روما جه هورندن استمداد ایتلریله
جه هور مذکور انطیوکوس طرفنه یویلیوس لینا اسمنده برسفیر
ارسال ایلدی . اشبوسفیر حکمدار مشارالیه ایله ملاقاتنده کیندوسنک
بومحاربه دن فراغت ایدوب مملکتیه عودت ایلسی روما جه هورینک
مطلوبی اولدیغی افاده و تبلیغ ایتکله مشارالیه درحال بوکاجواب
ویرمک استیوب ملاحظه ایتدن صکره بوبابده صورت افکارمی
سزه بیان ایدرم دیدکده سفیر مومی الیه بوکاقائل اولیبوب النده اولان
عصایله حکمدارک طور دیغی محاک اطرافنه برکوچک دائره چیروب
اگر بودائره دن حقیقه سزین جه هورک تکلیفی قبول ایتزایسه کز
خصما دزدن معدود اولورسکزدیدی . اشبوتهد یدک اوزرینه
مشارالیه زیاده خوف و تلاش ایدرک یرندن حرکت ایتکسزین
تکلیف مذکوره موافقت و در عقب اردوسيله برابر مملکتیه عودت
ایلدی . سفیر مومی الیه حرکت مشروحیه سی شهرت بولوب
الیوم دخی بریوک دولتک سفیری برکوچک دولته بعضی شی تکلیف
ایدرک درحال جواب قطع سنی استدکده یویلیوسک دائره سنی

چیردی دینلور. انطیوکوس بو وقعه دن غایت منفعل اولسیله
 مملکتنه عودتنده حال عصیانده بولسان یهودیلردن پک چوق
 نفوس اتلافیه تشفی غیظ ایلدی. فیسکون غایت حریص وغدار
 برادم اولدیغندن انطیوکوس غائله سنک اندفاعی متعاقب
 برادری فیلومتور علیهنه برفساد ترتیب ایدرک بونی اسکندریه دن
 طرد ایلدیکندن مشارالیه رومایه التجا وسنا تو مجلسنک
 صحابت وحایتی استدعا ایلدی. مجلس مذکور مشارالیه حقنده
 حرمت لایقه یی اجراوش کایات واقعه سنی استماع ایلدکن صکره
 مصر الکا سنک ایکی برادرینده تقسینه حکم ایلدی. فیسکون
 ابتدای امر ده حکم مذکوره امثال ایش ايسه ده بعده کندو
 حصه سنک دیگرینه نسبتله جزئی اولدیغندن بحثله قبریس
 اطه سنک دخی کندوسنه اعطا اولمسنی استدعا ایلدی و چونکه
 روما جمهورینک اوتهدنبرو پولیتقه سی ملوک سائره ییننه فساد
 القابونک دفعیچون کندوسنی حکم اتخاذا ایتدیروب بو طریق ايله
 مملکتلرینی ضبط واستیلا ایتک اولدیغندن فیسکونک اشبو
 استدعاسنه مساعدده ایلش ايسه ده فیلومتور بونی قبول ایتدیکندن
 فیسکون روما جمهورینک اعانه سیله برادری اوزرینه عسکر سوق ایدوب
 وقوعبولان محاربه ده فیلومتور غالب کله رک فیسکونی اسیر ایلدی
 فقط حقنده برکونه سوءعامله روا کورمیه رک حصه سی اولان
 ممالکه متصرف اولق اوزره محانه اعاده ایلدیکندن فیلومتورک
 شومرونی روما جمهورى نزدنده رهس تحسین اولوب مطالب سابقه ده
 اصرار ایتیدرک مشارالیه ايله عقد مصالحه یه رغبت وقبریس
 جزیره سنی کندوسنه ترک ایلدی. وقعه مذکوره دن صکره فیلومتور

برقاج سنه صلح وصلاح اوزره حكومت ایدوب انجق برینه
الشامده دیمتریوس مسند نشین حکمداری اولدقده حکمدار
سابق انطیوکوسك اسکندر بالا نامنده برولدا مشر وعنك
دیمتریوس علیه برعظیم فساد ترتیب ایتدیکنی فیلومتور استخبار
ایلد کده فلسطین ایالتی استرداد ایتك املیه اسکندر بالایه برای امداد
عسکر کوندرد کدن بشقه همشیره سی قلیوپاتری دخی کندوسنه
تزوج ایلدی . سکندر بالایشای محاربه ده دیمتریوسی اخذ و قتل
ایدرک بریه الشامی کاملاً قبضه تصرفه المش ایسه ده هر تکب
اولدیغی مظالم و تعدیات اهالی بی دلگیر ایلدی ومتوفی دیمتریوس
نامنده اولان ارغلی بر مقدار وافی یونان و عسکر جمعیله پدری مملکتندن
بعض محاکماری ضبط ایلدیکندن فیلومتورینه انشته سنك
امدادینه کتدی واپولونیوس نام برادرك فیلومتوره سوء قصد ایتك
نیتده اولدیغی اکلا شیلوب تعقیب اولندیغی صروده اسکندر
بالانك نزدینه التجا ایتش اولغله فیلومتور مذکور اپولونیوسی
طلب ایلد کده اسکندر بونی تسلیمدن امتناع ایتدیکندن فیلومتور
منفعل اوله رق همشیره سنی اسکندردن تفریق و دیمتریوسه تزویج
ایدرک رفاقتده اولان عسکری دخی دیمتریوسه اعطا وانطاکیه
شهرینه دخول ایله مشارالیهی پدرینك مقامنه اقعداد ایلدی .
بو کیفیت اسکندر بالانك مسموعی اولدقده اردوسیه شهر مذکوره
هجوم ایدوب اولجوارده وقوعبولان بر محاربه عظیمه ده مغلوب اولدی
بطلمیوس اردوسنده بولنان عرب ملو کنندن بریسی هر قومی قتل
وسر مقتوعنی بطلمیوسه اهدا ایدوب بطلمیوس دخی اشبو محاربه ده
مجروح اوله رق برازوقت صکره یعنی میلاددن یوز قرق بش سنه اول

مقدم وفات ایدوب مدت حکومتی اوتوزباش سنہ ۱۸۷۱ء اولشدر

(محمد جیل)

(خلیل کامل)

سفیر پاریس

سفیر پتربورغ

(مدخل علم ژئولوژی)

بحار وانہار و بحیرات و منابع

ایلرودہ میاھک تأثیرات واناری بیان اولنہ جق ایسده سطح
ارضک بشده اوچی صوایله مغمور اولوب بووجہلہ میاھک اہمیتی
درکار اولغلہ بحار وانہار و منابع و بحیراتہ دائر بعض معلوماتک
بیانی مناسب کور نمشد

معلوم اولہ کہ ہک چوق دلائل علیہ ایلہ ثابت ومتحقق اولدیغی وجہلہ
اوزرنده ساکن اولدیغمر ارض کروی التکل اولوب فقط قطبین جانبی
یصبر یعنی خط استوا دائرہ سنک نصف قطری ۶۳۷۷۳۹۸ الی ملیون
اوچیوز یمش یدی بیک اوچیوز طقسان سکر متر و نصف محوری دخی
۶۳۵۶۰۷۹ الی ملیون اوچیوز الی الی بیک یمش طقوز متر و طولندہ
اولدیغدن قطر مذکور محوردن بکرمی بریک اوچیوزاون طقوز متر و
مقداری بیوک دیمک اولور و بو صورتلہ صحبت ارض ۱۲۹۹ اولش
اولور و قطرین بیندہ اولان فرق بکرمی بریک اوچیوزاون طقوز متر و
یعنی بکرمی الی بیک الی یوز قرق سکر ذراع کہ تقریباً اوج بقی

ساعتك مسافه اولديغندىن خط استوا دائره سنك قطرى ارض
اوزرنده بولسان طاغارك كمر تفعى اولان هيمالايا طاغى ارتفاعنك
ايكى بچق مثليدر

قاره لك سطح بحردن ارتفاعى بزه كوره يك چوق كورينور ايسه ده
جرم ارضه نسبت اولنديغى حالده غايت جزئى ايدوكى دركاردر
اورپاده رئيس الحكماعد اولمش اولان مشهور موسيو هو مبولد
جبال موجوده دوريله رك مشتمل اولدقلى مواد قاره لك سطحى
اوزرينه بسط وتسويه اولنسه اشبو قاره لك سطح دريادن مقدار
مرتفع اوله جغنى هر قطعه ايچون اير و اير و حساب ايدرك اسيائى
وسطى و قوزموس نام مؤلفات مشهوره سنده كوستر مشدر
شويله كه امريقاي شمالى التى يوزيدى بيك مربع ساعت وسعتنده
اولوب جبال موجوده سى بتون سطحنه بسط اولنسه سطح دريادن
اعتباراً هر طرفى ايكى يوزيكرمى سكر مترو ارتفاعنده بولنور
واشبو عمليات امريقاي جنوبيده اجرا اولنسه اوچيوز قرق بش
مترو قدر ارتفاع حاصل اولور مذكور ايكى قطعه برلشديريله رك
حساب اولنديغى حالده ايك يوز سكرسان بش مترو ارتفاع وجوده
كلور اسيا قطعه سى بر مليون اوچيوز قرق التى بيك مربع ساعت
وسعتنده اولديغندىن اولوججه له تسويه سى تقديرجه اوچيوز الى
بر مترو مرتفع اولور واوروپا قطعه سى دخی اوچيوز درت بيك مربع
ساعت وسعتنده اولوب بومئوال محرر تسويه اولنديغى صورتده
ايكيوز بش مترو كسب ارتفاع ايدر واکر كافه قطعاتك قاره لى
بروجه مشروح تسويه قلمش اولسه اوچيوز سكر مترويعنى اوچيوز
سكرسان بش ذراع ارتفاع حاصل اولور

قاره لك انقسامی دخی بر صورت مطرده ده اولوب نصف كره شمالیده دیگر نصفدن زیاده قاره واقع اولمشدر وبالجمله اظه لك مجموعی بولك قاره لك یكرمی اوچ قسمده بر قسمده مساوی اولور و قطعات خمسك طرف جنوبی سبور یله لك شكل مخروطی بی اخذ ایتشاردر مثلا امریقا و افریقا و آسیا و اوسترالیا قطعه لرینك نهایتلری قطب جنوبی یه یقلمشش و بونلك مقابلنده شمال طرفنده دخی همان بر خط نصف نهارد اتره سی اوزرنده اوله رق قطب شمالی یه طوغری چیقندیلر واقع اولوب شویله كد افریقانك امید برونی مقابلنده شمال برونی و ما لغا برونی مقابلنده دخی سیبرده تایمور برونی وارددر.

مشهور قبودان جایمس دوس سانت هانا جزیره سنك طقوز یوز میل جانب غریبسنده دریاده طقوز بیك یوز قرق اوچ مترو دریناك بولوب حالبو كه دیناك ك هر تفع جبالی بوانسان هیمالایا طاغتك ك هر تفع محلی اولان غوریسنقاد نام تیه نك سكر بیك سكر یوز قرق مترو ارتفاعنده بواندیخی ۱۸۵۹ سنه میلادیه سنده باویره لو بعض مهندسلك وقوعبولان مساحه لرندن تبین اتمش و بنا علیه دكرلك عمق طاغارك ارتفاعندن زیاده اولدیخی ثابت اولمشدر

محارك وسعت سطحیه سندن و دائما شمس قارشو بوانمسندن ناشی میاهندن مقدار هائی بخیر و جو هواده یكیدن تمیج و تقطرا یدرك ینده سطح ارضدر جوع ایدرو سطح دریاه نزول ایدن صومیا به بحر ایله قارشور ایسه ده قاره لره اصابت ایدن امطار نیجه کیفیات و حادثاته یادی اولور و جبال شاهقه دائما رطوبتی جذب و باو طارك الحقی یرره

نزول کرده اراضی مذکوره انلرك صورتي اخذ و سمان نزول ایدن قارذوبان ايدرك صويه تحول و يا خود مواقع هر تفعه ده تجمده ایلر. علی الخصوص ارضك اقطار قطبيه سنده يك چوق محالر بوزدن عبارت اولوب **اكرچه** بونلرك التي برطرفدن ذوبان ايدر ايسده برطرفدن دخي اوزر لرینه نزول ایدن قار كسب انجماد ایتدیکندن منطقه منجمده ده هیچ بوزا كسك اولمز. سمان سطح ارضه نزول ایدن صودائما اوچه منقسم اولوب اقسام مذکوره دن هر برينك مقداری ورود ایلدیکی محلاك جنسینه وهوانك حرارتنه وازل صويك دخي جنس وهبتنه کوره در. نزول ایدن صويك بر مقدارى همان بخاره منقلب اولوب بر قسمی دخي نزول ایلدیکی محله زمينك ميل وانحرافنه کوره جریان ایدوب بوندن سيل حاصل اولور. او جنجی قسمی دخي قشر ارضه نفوذ ایدوب انفصالات بوله رق درین محالره تجوف ایدروبو كوچك صوطرلری تحت الارض بر مناسب محله و احجار طبقاتی ارا سنده تجمع ایتد کدنصکره ابتدايره نفوذ ایلد کلى محله نسبتله الحق بولنان یلردن سطح ارضه چسبوب بوندن پیکار و منبعار حصوله کلور (الم تر ان الله انزل من السماء ماء فاسکه ینابیع فی الارض) نص جایلنده حق سبحانه و تعالی حضرتلری بونی بیان بیورمشدر. اشبوآیت کریمه ده مراد ماء مطردر و سلاکه نك معناسی مطری ارضه ادخال ايله صويك ارضه جریانچون جسده اولان طرلر کی عیون و مسیله و مجرالر خالق ایلشدر که مفادی یا غوری سحابدن ایندیور برده عیون و مجاری به ادخال ایدردیک اولور.

(مستعارك ايكنجي جلدنيك ۱۱۴۹ صحيفه سنه نظر اولنه) اكر
منبعلرك صولرينه ذكر اولسان سيلار قارشور ايسه كوچك
چايلر پيدا و اكر بويله برقاق صولر برلشوب كثر اوزره جريان
ايدر ايسه نهرلر حاصل اولوب دريايه منصب اولور و بوصولك
جمله سنه على الاطلاق ميايه جاريه تسميه اولنور لكن افق محاره
ورودلنده تبحر ايدوب يعنى صولرى ياييلوب بطاقلر حاصل اولور
واكر زمين دوز اولوب صولر برحوض شكلنده اولان محله واصل
اولور ايسه او محلى املا ايدوب بر كول ظهور ايدر. اشته بونلرك
جمله سى على الاجال زيرده بيان اولنور

(منابع) يره دخول و نفوذ ايدن صويك اكثريسى قشر ارضده
واقع انفصالا تدن بالمرور اكر مواد اجنبيه يى حاوى ايسه بونى اول
محلرده ترك ايله كندوسى ودها اشاغى يه طوغرو نزول ايدرك بر محله
سطح ارضه چيقوب نبعان ايدر. اكثرياً تحت الارض نفوذ ايله مديكى
بر طبقه يه تصادف ايلرك انك اوزرندن ميل و انحرافنه كوره جريان
ايدوب بر طاعك اتكنده و يا خود بو كرنده ظهور ايدر. اشته
بو كامنى منبعلر جبال ايله محاط بولسان اوهرده محال سائره دن
زياده منبعلر بولنور. هر جنس اراضيده ينابيع بولنور ايسه ده
استراتفیه تسميه قلنان يعنى طبقات اوزره بولسان اراضيده ده
زياده بولنديغى مجرب و محققدر وينابيعك محلارى مختلف ارتفاعده
اولوب بعضا طاع تپه لرنده دخى واقع اولور و صويك اويله هر تفع
محاره صعود ينه مطلقاً بعضى قوه اجنبيه سبب اولنديغى
بي اشتباهدر

(عيون فواره) بالاده تعريف قلنديغى اوزره صويوكسك

طغارك ايچىنە نفوذ ايدوب اگر صويى نىفخا ايلسان ايكي طبقه نك
 اراسىنە ورد ايلش و بو طبقه لك شكلى منحنى و مقوس و ايكي
 نهائىلى دخی بالاىه طوغرى متوجه بولنش ايسه اولزمان الت
 طبقه نك اوزرينه اجراى تضيق ايلدكدن بشقه بالاىه دخی صعود
 و خروج ايدە مامكانه اوست طرفده برمنفند بولنديغى حالده
 اندن سطح ارضه طوغرى انفجار و فوران ايلوب برعين فواز
 ظهـور ايدر بوجهمـله قشقران پيكارل سطح ارضه يك چوق
 محـلارده بولنوب سويش جوارنده واقع عين موسى دخی بوقبيادنـدر
 مياـه بـحـريـه قشـنده دخی عبون فواره بولنوب حتى بعضيلرى ساحله
 بعيد محاده واقع اولمشدر. از جمله بحر هنده ساحلـدن ۱۲۵ انكـاير
 ميلـي بعـدندە دريـادن برطـانـلو صومـنـبـعـك فوران ايلديكى كورلشدر
 و ايتـالـيـا بـادە واقع اسـپـچـا نام كورفـزده قعر دريادن سطح مياـه قدر
 برعين منفجر اولـور كه درياك اوزرنده يكرمى اوتوز مـتـر و دورنده
 و برقـاچ قـدم ارتـفـاعـنده قـبـه شـكـلـنده برتـپـه حـاصل اولـشـدر و دريا
 ساكن اولديغى وقت مذكور منفجرده طاتلو صويك قعر دريادن
 قـيـادـيغـى و بالاىه صعودى يك اعلا رؤيت اولتور و موسيو هوـه بـولـد
 دخی امر يقاسـو احـلـنـده بـويله برعين فواره تصادف ايلشدر كه
 درون بحردن تفجـرى غايت شدتلى اولديغـدن قايقـارك بوكاتـقـرى
 مخاطره دن خالى اولوب مع مافيه بعض كـيلـر كـلـوب اندن
 صوالورل ايمش. موره ده دخی متعدد عيون فواره اولوب رويجه
 كفا لوريزى يعنى پيكارباشى نـسـبـه اولتور. بو پيكارلـر من القـديم
 معلوم و مشهور درو بعضيلرى دخی درون درياده واقع اولوب سطح
 دريايه قدر چيقا منزل

(منابع متناوبه البحرین) بعض منبعا وخصوصا صیقله عبور فواره
 بردوزی به قینا میوب فاصله ویره رک تفجر و جریان ایدر - اشبو
 کیفیت ایکی سببه مینی اولوب برنجی سبب اجسام غازییه نك وجودیدر -
 شویله که مذکور غاز صویك چیق دیغی منفذدن خروج ایده جکنه
 مینی ایکیسی برابر چقده میوب غازك خروجی اثناسنده صومجراده
 مکث ایدر صکره فشقرر ایکن غاز کیروده قالور -
 و بویله متناوبه جریان وفوران ایدر - ایکنجی سبب دخی
 تحت الارض مخزن کی محوف محارک ایچنده صولرک تراکم ایلسیدر
 منابع متناوبه البحرینانک الکجسیم و مشهورلری میاه معدنیة حاره
 تعریفی بکننده ذکر اولنه حق غایر صولریدر که اسلاندا جزیره سنده
 واقع اولنددر و ذکر اولنان فاصله لرک مدتلری هر متبعده
 مختلف اولوب بعضیلرنده اون ویکرمی دقیقه و بعضیلرنده
 بر قاج ساعت و بلکه ده از یاده اولور و بعضیلرنده دخی مدت فاصله
 بردوزی به دکلدر - مثلا بر کره اوتوز دقیقه و ایکنجی دفعه بر چق
 ساعت توقف ایدوب بعده اون اون بش دقیقه مدت جریان
 ایدروینه بوقیاس اوزره فاصله ویره رک ظه - نور ایدرو بعض
 صولر واردر که یکرمی ساعت ظرفنده اوتوز الی کره کسیلوب
 ینه نبعان ایدر

(بقیه سی صکره)

(ادهم)

ناظر نافعده و معارف

سویس جدولی (مابعد نوهر و ۲۲)

جدولك كسادينه دائر مصر والېسى متوفى سعيد پاشا طرفندن
اعطا اولنان رخصتنامه نك ترجمه سیدر

موسیو فردیناند دولبسپس دوستن اقد کز ایله بحر احمر یاشنده
بیوک کیار هر ور ایده ییله جك صورتده بر جدول كسادینك
مصرجه منتخ اوله جخی فوائد حقنده نظرد قتمزی جلب و بوبابده
کافه ملل سرماییه دارانندن مرکب بر قومپانیه تشکیلی ممکن
اولدیغنی بیان ایلمش اولدیغندن طرفمزه عرض ایلدیکی صورتی
قبول ایله هر درلو اعمالات وانشا آتیه مباشرت ایتك ویاخود
ایتدیرمك و مصلیت عامه ایچون اخذ اولنه جق اءلا كك
تضمینات لازمه سی قومپانیه طرفندن تسویه اولنق شرطیه
سویس جدولونك كسادينه وایشلد لمسنه رخصت اعطا
اولنمش و شروط مذکوره بروجده آتی تعیین و تحدید قلمنشد

(برنجی ماده)

سویس برزخنی خرق و بیوک کیار هر وزینه مساعد بر جدول
كساد ایتك و بریسی اقد کزده و دیگرى بحر احمر سا حلنده اوله رق
ایکی مدخل و بر ویاخود ایکی لیمان انشا ایلمك اوزره موسیو
فردیناند بر قومپانیه تشکیلی ایده جك و اشبو قومپانیه (سویس
جدول بحر یسی شرکت عمومیه سی) تسمیه اولنوب اداره سی دخی
مومی الیه موسیو فردیناند حاله اولنه چقدر

قومیانہ نک دیرقوری دائماً ادارہ مصریہ طرفندن تعیین
اولئہ حق و بودخی ممکن اولہ بیلدیکی مرتبہ شوتشبدہ الزیادہ
علاقہ دار اولان حصہ دارلردن انتخاب قلنہ جقدر
(اوچمی ماده)

اشبو امتیازک مدتی جدولک ایشلکمہ باشلدیخی کوندن اعتبارا
طقسان طقوزسنہ اولہ جقدر
(دردمی ماده)

اعمال خاصہ قومیانہ مصارفیہ اجرا اولنہ حق و بونک ایچون
اقتضا ایدوب افرادہ عائد اولیان بالجلہ اراضی مجاناً اعطا اولنہ جقدر
حکومتک انشاسنی تنسیب ایدہ جکی استحکاماتک مصارفی
قومیانہ راجع اولیہ جقدر
(بشنمی ماده)

ادارہ مصریہ قومیانہ حصہ سنداتک حین کشادندہ
کند و حسابیچون اخذ ایدہ جکی حصہ لک فائض و تمتعندن
بسفہ اولہ رق کرک اعمالک اجرا سندہ و کرک قومیانہ معاملاتنہ
متعلق خصوصاتدہ برکونہ کفالتی اولیہ رق قومیانہ نک بعدالخرج
والمصرف تمتعات واقعہ سندن یوزدهاون بشی ادارہ مشارالیه
عائد اولہ حق و قصور تمتعک یتش بشی قومیانہ حصہ دارانہ
واونی دخی اعضای موسسہ یه ویریله جکدر
(التبی ماده)

سویس جدولندہ اخذ اولنہ حق رسم مروریه قومیانہ و ادارہ
مصریہ بیندہ بانذ کر تعیین اولنہ رق قومیانہ مأمورلی معرفتیه

تحصیل اوله جق واشبو رسم کافه ملل حقنده مساوات اوزره
اولوب هیچ بر ملت بویاده بر امتیاز مخصوصه مظهر اولیه جقدر
(ید بی ماده)

قومپانیه نیل ایله سویس جدولی بیننده طوغریدن طوغری به
سیرسفائنه قابل دیگر بر جدول کشادینی مناسب کور دیکی
و جدول بحری نیل واسطه سیله کشاد اولندیغی تقدیرده
اداره مصر به میری به عائد اولوب الیوم غیر محروث بولنان اراضی بی
قومپانیه به ترک ایدیه جک واشبو اراضی قومپانیه مصارف و معرفتیه
حراثت واسقا اولنه جقدر. قومپانیه جدولک کشادی
کونندن اعتبارا اون سنه مدت برکونه رسم ویرمیه رک
اراضی مذکوره دن متمتع اوله جقدر. مدت امتیازک
انقضاسیچون باقی قاله جق سکسان طقوز سنه طرفنده اداره
مصریه به عشر اعطا ایدوب بومدتک ختامندن صکره اومقوله
اراضیدن اخذی معتاد اولان مقدار ویرکوی ویرمدجکه
اراضی مذکوره دن متمتع اوله میه جقدر
(سکزی بی ماده)

قومپانیه به ترک اولنه جق اراضیدن طولایی هرکونه مشکلات
وقوعندن احترازاً قومپانیه نزدنده مأمور و مهند سمز لئسان بک
معرفتیه تنظیم اولنه جق رسمده کرک بحری و طاتلو صوجدوالرینک
امری و کرک ید بی ماده احکامجه زراعت ایچون قومپانیه به
اعطا اولنان اراضی ارئه و تعیین قلنه جقدر. ترک اولنه جق
اراضی میریه نک بیع و شرایی شدیدن ممنوع اوله جقدر. فی الاصل
افراد عائد اولوب مؤخرأ اصحابی قومپانیه مصارفیه کشاد

اولنمى طاتلى صوجدوللرندن اسقاسنى مرادايلىد كلرى اراضى
ايچون فدان باشنه بر مقدار مقطوع شى ويريلوب ياخود اداره
مصريه ايله قومپانيه بيننده دوستانه تعيين اولنمى بر مقدار
رسم اعطا اولنه جقدر

(طقوز بى ماده)

جدول اعمالنى واكاملتلىق انشات ايچون اقتضايدين هر درلو
موادك حكومتده عائد معادن واوجاقلردن بلارسم استخر اجنه
قومپانيه نك صلاحيتى اوله جنى مثلو تعهداتك اجرا سيچون
خارجدن جلبايدى جكى هر درلو آلات و اشيا ايچون رسم اعطاسندن
معاف اوله جقدر

(اوننجى ماده)

مدت امتيازى نك انقضا سنده اداره مصريه قومپانيه نك مقامنه قائم
اوله رقى هر درلو حقوقنه متصرف و بخرين جدولىله كافى
معلقاتنه بلا قيد و شرط مالك اوله جقدر. قومپانيه نك ترك
ايدى جكى اشياى منقوله ايچون اقتضا ايدى تضمين الحقه سى دوستانه
وياخود طرفيندن منتخب حكملر معرفتيله تعيين اولنه جقدر

(اون برنجى ماده)

قومپانيه نظاماتى مؤخرأ ديرقشورى معرفتيله بزه تقديم اولنوب
طرفزدن تصديق قلنه جقدر. بعده اولبايدى وقوع بوله بيله جك
تعديلات حقنده دخى اول امرده موافقتن استحصالى اولنه جقدر.
نظامات مذكوره ده مؤسسلك اسامى تعيين اولنوب
اشبواسامى دفتر نك قبولى دخى رايغزه محول اوله جقدر. دفتر مذكور
سويش جدولك حفر و كشادى امرنده ابتدائى حالده مساعى

وتحقیقات و سرمایہ لرینک مدخلی اولش اولان ذواتک اسامیسی
شامل اوله جقدر

(اون ایکنجی ماده)

اشبو مقاولاتک تمامی اجرا سنه طرفزدن وبالجمله مأمورین مصریه
جانبندن معاونت واعتنا اولنه جغنی وعدایدرز

حرر بمصر القاهره فی ۳۰ تشرین اول سنه ۱۸۶۴

خصوص مذکوره دائرهینه متوفی سعید پاشا طرفزدن ۱۴۷۱
سنه سی رمضانک اوچی تاریخله مؤرخاً موسیودو لیسپسه یازیلان
تحریراتک ترجمه سیدر

سویس جدولیچون اعطا اولسان امتیازک طرف اشرف حضرت
پادشاهیدن تصدیق لازم کله جکندن اشبو صورت نزد کرده
خفظ اولمق اوزره طرفکره اعطا قلندی. جدول مذکورک
اعمالات حفریه سی بمشته کالنجه طرف دولت علیه دن رخصت
ویرلدجکه بوکا مباشرت اولمیه جقدر.

رخصتنامه مذکورک بعض مرتبه تعدیلنه دأر یکن سنه اداره
مصریه ایله قومپانیه بینده عقد اولنان مقاوله نک ترجمه سیدر

(برنجی ماده)

قومپانیه کشاد ایتمش اولدیغی طاتلی صوجدولنه قاهره جوارندن
نیل صوبی اجرا ایتک واشبو جدولک انشاسیچون قاهره دن بدأ
ایله قومپانیه مهند سارینک تعیین ایده جکی نقطه ده وادی
جدولیه اتصالیله قدر لازم کلان اراضی بی اخذ ایتک اوزره

رخصتنامه موجب حائز اولدبخی حقوقدن فراغت ایتش و برده
الان نفیش نام محلدن سوبشه قدر حفر اولنقده اولان جدولك
بالكر صو جلی و اراضی اسقاسنه مخصوص اولسی رخصتنامه ده
مشروطا بنده جدول مذکورك بوندن فضله اوله رقی سیر سفائنه
قابل اوله جق درجه توسیعنی تعهد ایلمشدر
(ایکینجی ماده)

قومپانیسه نك بوجه مسطور رخصتنامه احکامنه حائز اولدبخی
حقوقدن کفاید ایلمسنه مقابل اولاق اوزره مصر اداره سی قاهره دن
بر جدول کشادیه قومپانیسه طاتلو صو جدولك نیله ایصالنی تعهد
ایدرو اشبو تعهدات ۱۸۵۶ سنه سی کانون تانیسك بشی تاریخیه منعقد
مقاوله نامه احکامنه وبالخصوص زیرده مسطور شروطه تطبیقا
اجرا اولنه جقدر اولاجدول دول مختلفه قومیسو نك
ترتیبی وقومپانیسه باش مهندسی معرفتیله تنظیم اولنوب اداره سی
طرفندن تصدیق اولنه جق رسم موجبجه کشاد و صوبی
قاهره دن اجرا اولنه جقدر تانیس قومپانیسه مهندس لری اعمالاته
نظارت ایدرك بونلرك حسن صورتله اجرا اولنمسنه تقید
واعضا ایده جکلردر تانیس اقتضا ایدن رسمك قومپانیسه طرفندن
مصر اداره سنه تسلیم اولنسنی متعاقب ایشه مباشرت اولنه جق
ودائما وادی جدولنه مقدار کافی صو جریان ایده جك صورتده
۱۸۶۵ سنه میلادی سی مارتندن مقدم اکمال قلنه جقدر رابعاً
قومپانیسه یرینه مصر اداره سی طرفندن کشاد اولنه جق اشبو
طاتلو صو جدولی کائن قومپانیسه معرفتیله تانیس اولنش کی
اقتضا ایدن خصوصاً تاده استعمال اولنوب یعنی نیلک تزايد و تناقصی

حساب اوله رق هر مسمده مقدار کافی صوا اجرا ایده بیله جک
صورتده حسن اداره سنه وصوینک قومپانیه جدولنه اجرا سنه
اعتنا اولنه جقدر

(اوچنجی ماده)

مصرک اراضی محروقه سنیدن بالروروادی به قدر مسمده اوله جق
اشبو طاتلی صوجدولی و هرور ایده جکی محلات اداره مصریه نک
تصرفنده بولنه جق ایسده اداره مشارالیها بو طریق ایله وادی
جدوللرینک نهایتی اولان سویشه قدر عزیمت و اورادن هودن
ایده جک سفینه و قایقلردن برکونه رسم المیه جقدر

(دردنجی ماده)

طرفیندن بریسی میدانده برقوه مجبره اولیسه رق شرائط
مذکورده ایفادن امتناع ایدرایسه هر طرفدن ایکی حکم
انتخایله درت اعضادن مرکب بر قومسیون تشکیل اولنه جق
واشبو قومسیون بشنجی اعضا اولق اوزره بررئیس انتخاب
ایدرك امتناع مذکوردن برکونه ضرر و زیان ترتیب ایتش اولدیغی
حالده بالتحقیق تسویه اولنه جق تضمیناتك مقدارینی تعیین
ایده جک و یا خود انتخابی لازم کلان تدابیری قرارلشدیره جقدر

امضا

(فر دیناند دولیسیس) (نوبار)

امریقانك عندالقدماء معلوم اولديغىندى دائر در سعادتده رميم
ممالك مجتمعه سفارتى پاش ترجمانى موسيو براون طرفندن
جهيته اعطا اولنان مقاولهك ترجمه سيدر

سپته بوغازينك خارجنده وافر يقانك جانب غربيستنده اطلالتيد
استنده بر مملكت اولديغى قدمای يونان عندنده متواترا روايت
اولور ايدى بويابده معلومات صحيحه لری اوليوب روايت مذکوره
دخی افریقا سواحله سیر و سفر ایدن بعض سفائن وقتيله
یوانی شاشیره رق بحر محیط اچیقارینه دوشوب اوراده برارض
مجهول مشاهده ایتش اولستندن نشأت ایلدیکنه ذاهب
اولور ایدى وحتی اشبو مملکت موهومه نك تحری و تحقیق ضمنده
روایت اولنان طرفه بعض سفائن کوندرلش ایستده عودت
ایتموب بر اثر لری دخی ظهور ایتماشدر.

فلاطونك بعض مؤلفانده مملکت مذکوره یه دائرخیلی تفصیلات
اولوب فقط اکثر یسنگ عقل واحتمالدن بعید اولستنه نظراً
خرافات قیلندن عد اولور.

روایات واقعه یه نظر امد کور اطلالتید مملکتی بحر محیط غربی جزا ارندن
بعض اطه لر اولسی لازم کلور. جبل الطارق بوغازينك جانب
شمالیستنده اوتوزالتی و اوتوز طقوز عرض شمالی لری بینده آسوری
ویا خود فوکون اطه لری تسمیه اولور بر طاقم اطه لر موجود
اولوب یونلری میلادك ۱۴۴۶ و هجرتك ۷۵۰ سنه سنده پورتکیرلر
کف ایتسلر و بعض روایته کوره تاریخ مذکور دن بر قاج سنه
اول هولانده لیلر کشف ایدوب فلانك اطه لری تسمیه ایتسلر در.

اشبو اطدرک جانب جنوبیسنده پور تکز اها لبسندن زارونام
 قبودانک ۱۴۱۹ سنه میلادیه سنده یعنی هجرتک ۸۲۲ سنه سنده
 کشف ایتش اولدیغی مادیرا اطهسی وافر یقاسوا حانه قریب
 صولده یکر می یدی درجه اوتوز دقیقه ایلہ یکر می طقوز درجه
 اوتوز دقیقه عرض شمالی وان اوچ درجه یکر می دقیقه ایلہ
 اون سکر درجه اون دقیقه طول غربی بیننده واقع قناریا
 اطهری واردن اشبو قناریا اطهرینک کشف اولندقلری تاریخ
 معلوم اولیبوب فقط بونلرک بعضی سادہ کوز ایلہ افریقا
 ساحلندن کورندیکی جهتله اوتہ دنبرو افریقا اها لبسی عندندہ
 غیر مجهول اولسی لازم کله جکی درکاردرن تاریخ هجرتک مائتہ
 نامنه سنده عربارک اسپانیایه هجوم واستیلا ایلدکلی اثنا سادہ
 مملکت مذکورہ دن فرار ایدن بعض اہالی مذکور اطهری
 کشف ایدوب بونلر میلادک ۱۴۳۶ و هجرتک ۷۳۷ سنه سنده وندیکده
 اعمال اولمش اولان برنجی محیط خریطہ سنده برنجی دفعہ
 اولقی اوزره ککو سترلشدن

اشبو قناریا اطهرینک جهت جنوبیہ سنده وافر یقا ساحلہ
 قریب محلدہ اون بش ایلہ سکر عرض شمالی بینندہ یشیل اطهر
 تسمیہ اولنور برطاقم کوچک اطهر و بونلرک دخی جانب جنوبیسنده
 دیگر بعض اطهر واردن ذکر اولنان جزائرک افریقا سواحلندہ واقع
 جمال مرتفعہ دن تباعدلری وغایت متسع اولان بحر محیط ایلہ محاط
 اولملری جهتله هواری غایت معتدل وصحتہ موافقدن

اورو باو افریقا و امریقا بینندہ واقع بحر محیطہ اطلانتیق تسمیہ
 اولنوب بودخی بالادہ بیان اولندیغی اوزره فلاطون و دیگر

بعضی قدمای یونانک توهم ایتش اولدقلری مملکت مذکورده غایت جسیم بردوات و پک چوق اهالی موجود اولوب حتی براوجی افریقا و دیگری یکی دنیایه متصل بولمشدن. فی الحقیقه قطعه مذکوریه بو طریق ایله اهالی کیمش اولسی تخیل اولنه یلورایسه ده تاریخ و معلومات انسانیه بورالری تحقیقندن عاجز اولوب حقیقت حال انجق معلوم خالق متعالدر.

اشبوجی اطلانتیق قطب شمالیدن قطب جنوبییه قدر متمد اولوب یک میلدن درت بیك میله قدر و بلکه دهه زیاده وسعتلی یرلری واردن. ایکی اوجی دائما منجمد اولوب خط استوا تحتیده اولان وسطی دخی غایت سیما قدر.

اشبورودت و حرارت بعضی اقلیدیلر و روز کارلر حصوله کتوررکه فی زماننا بونلرک تحقیقده فوائد کثیره درکاردر. اقلیدیلر یکی دنیا سواحلینده جنوبیدن شماله طوغری جریان ایدوب مواقع منجمدهیه واصل اولدقده اور و یا و افریقا سواحلینه میل و انحراف ایدر. روز کارلر صبق صبق تغیر ایدر ایسه ده بونلرک بعضی شهرور و عروضده انطراد اوزره هبوب ایلدکلری الیوم تحقیق ایدوب حتی بونی بین خریطه لر تنظیم اولمشدن که اسفار بحریه ده زیاده ایشه یرار. بعضی روز کارلر دخی واردن که برقاچ ماه علی التوالی بر طرفه طوغری اسوب بونلرک اوکنه دوشن سفائن زیاده استفاده ایدرلر ایسه ده قارشوکیدن کیلر محل مقصودلرینه وصولده زیاده زحمت چکرلر. اطلانتیق روز کارلرینه اقلیدیلرک زیاده تأثیری اولسی و سالف الذکر اطهرلرک کشفی بو مقوله روز کارلرک غنائی خواهد و ناخواه بعضی طرفلره سوقی ایلندن نشأت

ایتمش اولمشی جای اشتبہاء دکلدر . اشته قرستوف قولومبوس
 ذکر اولسان روز کارلردن بریسنه تبعیتله کیدوب اول وقتسه قدر
 بحر یون عندنده مجهول بوانسان هند غربی پی کشف ایلشدر
 مومی الیه قولومبوس میلادک ۱۴۹۲ و هجرتک ۸۹۸ سنه سنده
 جبل الطارق بوغازندن چیقہ رق سالف الذ کریشیل اطہلره قدر
 افریقا سواحلی بوینه طوغری کتد کدن صکره اقدیلر کندوسنی
 مادیرا اطہ سنک جانب جنوبیسنه واورادن دخی غرب طرفنه
 سوق ایدوب برخیلی وقت کتد کدن صکره یکی دنیا سواحلنده
 واقع اطہلری کشف ایلشدر

مقدمات مشروحه دن اکلا شلدیغی وجهله بحر محیط اطلانیق
 جزأری هجرتک یدنجی و سکزیجی قرننده یعنی ۷۳۵ و ۸۳۲
 و ۸۵۰ تاریخلرنده کشف اولسوب یکی دنیا سواحلنده واقع
 جزیره لر ایسه ۸۹۷ سنه سنده جنوبیره لی قرستوف قولومبوس
 واسطه سبله کشف اولمش و مومی الیه بووجهله ممالک مجهوله
 ارامق و هند ستانه برکسدرمه یول بولق اعلیله اختیار ایلش
 اولدیغی اشبو اسفار بعیده ده ک چوق فورطنه لره دوچار اولدیغی
 مثلاً و منشاء و سببی بیله مدیکی برطاقم روز کارلره واقندیلره تبعیتله
 مجبور اولدیغی جهستله بعونه تعالی اشبو مهالک و مخاطراتدن
 نجات بوادیغنه تشکراً جزأرمذکوره دن الک اول تصادفی ایتدیکنه
 (سان سالو ادور) یعنی منجی مقدس تسبیح ایلشدر . برهنوال محرر
 یکی دنیایی و هیچ دکل ایسه بونک سواحلنده واقع اطہلری ابتدا
 کشف ایدن قولومبوس ایسه ده اشبو قطعہ جسمیه الک اول
 مومی الیه و منزع قدم ایقبوب ایتا ایاده واقع فلورانس شهری

اها ايسندن امر بقوس ويسوسين نام قيودان قولومبوسك
طوتديغي يوله كيدرك يكي دنيايي كشف ايتك شرفنه مظهر اولش
واشبو قطعديه اليوم امر بقا ديلمسي دخی مومی اليه امر بقوسه
نسبت اولمسنندن نشأت ايتشد

قولومبوس كندوا افكار ومعا لعاتنه وروايات قديمديه نظر أبحر محيط
غربيده هندستانه متصل بعض ممالك مجهوله وجودينه ذاهب
اولوب اشوكشف ايلديكي ممالكه هند غربي دخی اطلاقي بوسبده
عبيدر چونكه قولومبوس هندستان تجارتنه برطريق جديده
بولق ايچون اولوجهله بحر محيط اطلاقي سفريني اختيار ايتش
وائساي راهده انواع مخاطراته دوچار اولوب حتى طائفه لري
بالدفعات كندوسني تهديد ايتشيكن عزيمتنده ثبات ايدرك
عاقبت من جدوجد سرينه مظهر اولمشد

هرنقدر اولوجهله يكي دنيانك هيئت مجموعه سي قولومبوس
اسميلاه بنام اوله ماحش ايسده اليوم اوراده برچوق ممالك وسيله
ومداين وانهار جسيه قولومبوس نسيه اولوب بوجهله اخلاق
مومی اليه حقننده اجراي لازمه شكرانيت ايلشردن

قولومبوسك اشبو اسفار بحريه سي اسبانيا قرالتك معاونتيه
وقوعيش اولديغندن كشف ايلديكي ممالك جديده اولوقت
تمامها اسبانيا دولتنه عائد اولوب بوجهله قولومبوس اسبانيا قرالني
امريقا كي بر مملكت جسيه صاحبي ايتشيكن قرال مشار اليه
بعض رقبه غر ضكار انك قولومبوس عليهنده وقوعبولان
عز او تارينه توجه سمع اعتبار وكشف ايلديكي مملكتدن زنجير لره
مقيداً اسبانيايه جلب واحضيار ايلش واوراده كيفت لري

التحقیق برائت ذمتی اگلا شلشدن بونک اوزرینہ قرال طرفندن
 زیادہ سیلہ تلطیف و تعذیب و کند و ثمرہ سعی و سدادی اولان
 ممالکک والیملکی عہدہ استیہانہ احالہ قلمیش ایسہدہ معاملات
 سابقہ کند و سنے موجب یأس و فتور اولدیغندن اولکی شوق
 و غیرتی قالمیش و برمدت صکرہ اسپانیایہ عودتندہ یتیش یاشندہ
 اولدیغی حالده وفات ایدوب وصیتی اوزرینہ جنازہ سی وقتیلہ
 کند و سنک مقید اولدیغی زنجیر لرلہ برابر ہوانا شہرندہ دفن
 اولمشدر شہر مذکور احرر بشا جزا ارنندن و قولوموسنک کشف ایلدیکی
 ممالکک باشلیجہ لرندن بولنان قویا اطہ سنک مقر حکومتیدر
 (بقیدہ سی صکرہ)

(خلاصہ پولیتقیہ)

چرکس مهاجرینی کلیت اوزرہ طر بزون و صامسونہ ورود ایتمکدہ
 اولوب اکثریسی همان اورادن اناطولیہدہ مناسب اولان محالہ
 اعزام واسکان اولندیغی مثالو برطاقی دخی در سعاتہ کلہ مکدہ درلر
 بونلر همان کافہ تہی دست و بیوایہ اولدقلری جہتیلہ برطرفدن
 اجلقدن و برطرفدن ینلرنندہ ظہور ایدن حای محرقہ و چیچک
 علتندن ناشی اثنای راہدہ پاک چوغی تائف اولمشدر کرک سلطنت
 سنہ و کرک ممالک محروسہ اہالیسی طرفندن مهاجرین مذکورہ رک
 تخفیف بارکران مصیبتلرینہ مدار اولہ جق اسبابک استحصانہ
 ممکن مرتبہ سعی و اہتمام اولندیغی مثالو ممالک سائرہ دن دخی

بعض اعانه کوندر لکده در

دانیارقه سنه سنک حلیچون لوندردده عقد اولان قونفرانس
برجیقی ماه متار کدن صکره مذاکراتی برقائده بی منتخ اولیدرق
ختام پذیر اولمش و یوتلاندده ینه محاربه یه شروع اولنوب پروسیا
عساکری السن اطه سنی ضبط ایلش لردر. قوپنه باقدن انسان
حوادث اخیریه نظراً دانیارقه و کلاسی تبدل ایدوب یکی کلانلرک
صلح طرفداری اوللری ملحوظ بولمیشدر

بوندن الی سنه مقدم روسیه ایمراطوری برنجی الکساندر پترسبورغدن
موسقوه شهرینه عربیه ایله انجیق سکرز اون کونده کیده بیلوب اکثریا
موسم شتاده دخی موانع قویه یه تصاد فله بعض یرلرده عربیه دن
نزول ایدرک حیوانه بنجکه مجبور اولور ایدی حالوکه الیوم روسیه
ایمراطوری ایکنجی الکساندر عادتاسر اینده اوتورر کی هر درلو
اسباب استراحت و کامرانیسی مکمل اولدنی حالده ممالکی
داخلنده و بلکه بتون اوروپاده کشت و کذار ایتکده در. بودفعه
مشارایه زیجده سی ودرت چوجغیه له برابر سوار اوله رق برلینه
کلدیکی تیموریول عربیه لی اون قطعدن مرکب اولوب بونلر
برکوری ایله یکدیگرینه متصلدر اشبع عربیه لک اوچی
ایمراطوریه مخصوص اولوب بونلر دخی برسالون و بره مطالعه
اولدسی و بریتاق اوطدسی و برالبسه اوطه سنی مشتملدر دیگر
عربیه زده دخی بربالو سالونی و بریلا ردو سالونی و بریمک اوطه سی
و ایمراطور دأره سی واردر قصصوری دخی معیت ایمراطوریده
بوانسان مأمورین و خدمتیه مخصوص اولوب ازجمله بریسی مکمل
برمطبخنی محتویدر خلاصه مذکور عربیه لر بر مکمل سرای متحرکدر.

ایمپراطور مشارایہ برلینده دایسی اولان پروسیا قرالیله ملاقات
ایتد کدن صکره کچن دفعه یازدیغیر وجهله کیسکین معدن
حمامه عزیمت ایش و اوستریا ایمپرا طور و ایمپراطور یچه و باویه را
قرالی و برطانی المانیا کوچک حکمدار لر یله دخی اوراده ملاقی
اولمشدر.

پروسیا قرالی بوهمیاده وقع تارلسباده عزیمت ایش و اوستریا ایمپراطوری
دخی کیسکین حمامدن مخصوصاً اورایه کلمش اولمغله مشار
الیهمما اوراده ملاقی اولمشلردر حکمداران مشار الیهمک شو
ملاقاتلری نه مقصده مبنی اولدیغی و نه بی نتیج اوله جخی هنوز
اکلاشیله مامشدر.

ورتمبرغ قرالی بوکونلرده سکسان اوچ یاشنده یعنی بتون اورویا
حکمدار لرینک الک مبنی اولدیغی حالده وفات ایش و متحدوی
شارل جنابلری صندالی حکومته قعود ایتشدر قرال مشار الیه
روسیه ایمپرا طورینک بیوک همشیره سی پرنسس اولقسانک
زوجیدر.

فرانسه ده هر سنه بوموسمده معتاد اولدیغی و جهاه سرکارده بولنان
ذواتک بعضی یاز اولرینه و بعضی دکن و معدن حماملرینه
و برطانی دخی ممالک سائرده سیروسیا حته جیقمش اولدیغندن
امور پولیتیکه یه طور غناق کلمشدر.

ایمپراطور حضرتلری فونتن بلوده اولوب بودفعه اوراده ایکی
قضا صاوشدیر مشدر شو یله که برکره راکب اولدیغی
قابق دوریلهرک صویه دوشمش فقط کندوسی غایت ایویوزمک
یادیکندن اک قولایغله ساحل سلامته جیقمشدر و برکره دخی

کند و سنک قوللانديغی عربیه حیوانلری کم المیه رق کمال سرعتله
قوشغه باشلا مشارایسه ده هر فصلسه برقاچ دقیقه صکره حیوانلری
ضبط و توقیف ایتش و بو وجهله لوئی فلیک بیوک اوغلی دوق
دورایانک وفاتی داعی اولان برتهلکدن خلاص اولمشدر.

جزأرده اختلال مند فع اولغه یوزطوتوب فقط تونسده بالعکس
عصاة طاقی کتدکجه کسب قوت ایتکده درلر کچنلر ده والی پاشا
وایوره ارکا باسوس و مناستر و صفاقس سنجاقلرینه یکی قائم مقام
و ما مورل تعیین واعزام ایتش ایسه ده بونلر محال مذکور
اها ایسی طرفندن قبول اولمندیغندن مایوساً تونسده عودته
مجبور اولمشلردر.

مکبقا ایمپراطوری پایتختنه مواصلت ایتش واهالی طرفندن غایت
برودتله استقبال اولوب حتی مشا الیهک زوجه سی شومعا مله دن
زیاده سیله متأثراوله رق اشکریز تأسف اولدیغی مرویدر.

مکبقا مملکتی قرق سنه دنبرویک چوق انقلا باه مظهر اوله رق
تسویش واختلالدن خالی اولمادیغندن بونک تنظیم واصلحی
خیلی همه محتاجدر. مملکت مذکوره امریقانک کشفندن برو
اسپانیا دولته تابع اولدیغی حالده بیک سکرز یوز یکر می برسنه
میلادیه سنده دولت مشارالیهادن انفصال ايله کسب استقلال
ایلمشدر. برسنه مدت برحکومت موقته معرفتیه اداره اولندقدن
صکره بر ایمپراطورلق تشکیل قلمش واسپانیا قرال خاندانندن
برذاتک مسند ایمپراطورییه اقعادی اسپانیا دولته تکلیف اولمش
ایسه ده اسپانیا ملت مجلس بونی قبولدن استکاف ایلمشدر.
بونک اوزرینه مکبقا وایتوریده نام ذات اهاالی طرفندن ایمپراطور

انتخاب اولیٰ و مشاورانہ بر سہ قدر مملکتی اداره ایتد کدن صکرہ
 ۱۸۲۴ سنہ سنہ ترک غائلہ حکومت ایش اولئہ مکسیق مملکتی
 ممالک مجتمعه امریکا واسویچرہده جاری اولان اصوله تطبیقا
 جمهوریت شکلہ کیروب اون اوچ سنہ شو حال اوزرہ امر وایتد کدن
 صکرہ حکومت امر کزیه تعبیر اولنور دیگر بر اصول اداره انتخاب
 ایشدر ۱۸۴۱ سنہ سنہ امر حکومت اهالی طرفندن انتخاب
 اولنور بر حکمدارید استقلالہ کیوب شو صورت شمیدی یه قدر
 دوام ایش و بوقبلدن اولان شمیدی حکمدار بنیتو یو آرس حالا
 رسماً حق سلطنتدن فراغت ایتیوب مکسیقانک ایکی ایالتی دخی
 تحت حکومتده بولمیشدر بروجه محرر مکسیقانک اسپانیادن
 تاریخ افتراقی اولان ۱۸۲۱ سنہ سندن شمیدی یه قدر مملکت مذکوردهده
 اصول حکومتک تبدیلی مقصدیه ایکوز ایش ایکی دفعه اختلال
 ظهوره کلمیشدر مکسیقاده بولسان فرانسیز وانگلیر واسپانیایا
 دولتری تبعدری حقده بعض معامله ظلمیه وقوعبولش و مکسیقا
 حکومتی اولسایده طلب اولسان ترضیه و تخففاتک اعطا سندن
 امتناع ایش اولسی اوزرینه دول نشئه مشاور الیهم برلکده مکسیقایه
 اعلان حرب و بر مقدار عسکر دخی سوق ایشارایسه ده اشبو
 متفقین بیلرنده حرکات عسکریه نک اجرایی امرنده اتفاق حاصل
 اوله مدیخی جهتله انگلیر واسپانیایا دولتری شومدعان صرف نظر
 ایدرک اردولرینی اعاده ایشلردر بنأعلیه فرانسه عساکری اوراده
 بالکنز قالمش اولدیخی حالده ۱۸۶۳ سنہ سی حزیرانک بشنده
 مکسیقانک پایتختی اولان مکسیقو شهرینی ضبط واستیلا یله
 عساکر مذکورہ باش قوماندانی بولسان مارشال فوره اوراده

بر حکومت موقتہ تأسیس ایتمش واشنبو حکومت اوتوزیش
اعضادن مرکب اولوب بر حکمدار نصبندہ قدر قوه اجرائیہ یی
حائز اولق اوزره بونلرمعر فتیله مکسیقا اهاپسندن اوج ذات
انتخاب اولتمش و بونی متعاقب مبعوثان ملتدن مرکب عقد
اولنان بر جمعیت عمومیہ ده اکثریت آرا ایله ایمپراطور اقی تأسیسندہ
و مسند ایمپراطورینک دخی حشمتلواوستریا ایمپراطوری حضر تارینک
برادری ماقسیمیلین حضر تارینہ تکلیفنه قرار ویرلشدن.

مکسیقا غایت مثبت و محصولدار بر مملکت اولوب اگر چه ممالک
حارہ دن ایسده ده مر تفع محارنده ممالک بارده و معتدله یه مخصوص
هر درلو محصولات وجوده کلوب فرانسیز لک اوراده بولندقلری
ائساده از وقت ظرفندہ یک چرق ترقی حصواہ کلش اولدیغندن
شو حاله نظرا مملکتک نه درجه قابل اعمار اولدیغی برقاندہا
اکلا شلنددر. از جمله مکسیقانک بیوک اسکله لرندن
ویرا کروسده مکک حاصلاتی ای بای الشمس یتمش بیک ریال تزايد
ایدوب منته حالیه مایسندہ ایکوزیتش سکزییک در تیوز بر ریاله
بالغ اولمشدر.

اوستریا ایمپراطورینک کوچک برادری ارشیدوق لوئی جنابلری
برازیلیا ایمپراطوری دون پدرونک کریمه سنی تزوج ایده جیکی
روایت اولنقدہ در برازیلیا ایمپراطورینک مشار الیهادن بشقه
کریمه سی اولمد یغندن وفاتی وقوعندہ برازیلیا حکومتی اوستریا
خاندانه انتقال ایده جکی وشو تقدیرجه هاپسبورغ خاندانندن
اوج برادر بر زمانده جالس مسند ایمپراطوری اواہ ییله جکلری در کاردر.



مجموعه فنون سرمد عربی نماینده پیچا ریور

درخواست ایچون ماسی

غروش ۶۵ بر سندهك

۳۵ التي ايلق

۰۶ بر نسخته

بر سندهك نه و یا خود التي ايلغه مشتری اولق اسنلد كده یکی
جامع جوارنده چيچك بازارنده واقع جمعیت علمیه عثمانیه
مرکزینده مراجعت اولنه . ایالاتده مشتری اولق استیانتار فیئات
مذکوره اوزرینده مسافهك قریبیت و بعدینده با قلیوب بر ییلاق
ایچون انی والی ایلق ایچون اوچ غروش پوسته اجرتی ضمیمه
اچدسنی پوسته یه تودیعاً جمعیت علمیه عثمانیه ریاستی طرفنه
کوندردکلری حالده اوقات معینه سنده محله ایصال اولنور
ممالک اجنیده ایچون مسافه سنده کوره لازم کلان پوسته اجرتی
ضم اولنور

متفرق صایمان محال

جغال اوغلا ده صوبی	جمعیت مرکزی
بك اوغلی جاده سنده صحاف	صحاف لر کتخداسی حلیلی حاجی
کولر نومرو ۳۲۳	حسین افندی
الاجده حمامده سرکی عثمانی	سلطان بایزیدده کاغذچی حافظ
اشیامسی صاتان یوسف افندی	اسماعیل افندی

مجموعه فنون دربی مراد او لمان مود مناسپ به جمعیت مرکزی

ارسال پیوریله

مجموعه سنون

از

جمعیت علمیہ عثمانیہ

اولیٰ جنبی سندہ

نومبر و ۲۶

صفر

استانبول

جمعیت علمیہ عثمانیہ مطبعہ سندہ طبع اولیٰ شد

۱۲۸۱

(مواد مندرجه)

منیف افندی	•	سویس جدولی
احمد رفعت افندی	•	صریستان تاریخی
موسیو براون	•	امریقایہ دائرہ مقالہ
محمد شوقی افندی	•	اوروپا دولنارینک مقایسہ قوہ عسکر یہ لری
ابوبکر	•	امید برونندن مورود بر مکتوب
منیف افندی	•	اناطولیدہ سمدان نزول ایدن بغدادی
	•	خلاصہ پولیتقہ

جمعیت مہریلہ ممہور اولیان مجموعہ فزون آمدند لریہ ساختہ قطاریلہ
باقیلہ رقی طابع و بایعلری مسئل طوبیلہ جقدر



(سویس جدولی) (ماہمند نومبر و ۲۵)

بالادہ بیان اولندیغی اوزره اقدکز ایله بحر احمر بیلننده سیر سفائنه
قابل بر جدول کشادینی ازمنه قدیمه دنبرو ملوک مصریه دن واوراده
حکومت ایدن اجنبی حکمداران دن پک چونغی تصور ایتش وفقه
بحرینک سطحلری غیر مساوی ظن اولمسنه مبنی طوغریدن طوغرییه
یعنی بر خط مستقیم اوزره برلشدیرلرینه تشبث اولمییوب نیل
واسطه سیله برقاج دفعه قوه دن فعله کتورلش ایکن خطه مصریه ده
سرزده ظهور اولان محاربات و انقلابات جهتیله متروک و مسدود
قالدیغی مثللو دفعه اخیرده دخی پولاتیقه جه بعض مطالبات واهییه
مبنی قصد آسد اولمشد ر .

مشاهیر مؤرخین یونانیه دن هر دو توسک قولنه کوره بحرین مذکورینک
برلشدیرلسنه اک اول ملوک مصریه دن پسامتیقوسک اوغلی نیقوس
تشبث ایتش و فقط اکالنه موفق اوله میه رق ایرانلور مصری فتح
ایتدکن صکره برنجی دارا زماننده ختسامپذیر اولمشد ر . جدول
مذکورک طولی سفینه ایله درت کونده قطع اولنوب عرضی دخی اوچ
صره کورکلی ایکی کی مرور ایده جک وسعتده ایدی . مبدائی نیلک
ایکی ره منقسم اولدیغی محلسده واقع بولمات شهرنده اولوب اول

غریب دن شرقه طوغری جریان و طاعنلرک ارالرن دن هر ورا ایدرک پاتوموس
جوارنده بحر احره منتهی اولورایدی . سالف الذکر نیقوس زمانده
بونک حفرنده یوز یکر می یک ادم تلف اولمشدر . ملک مشار الیه
شوتشبی حقنده هاتنی استجواب ایتدکده ملل وحشیه ایچون
چالبشورسن نداسی کلمسی اوزرینه انشاسندن فراغت ایلشدر .
کذلک مؤزحیندن سچلیالو دیودورک قولنه نظراً بعض مهندسلر
مصرک زمینی بحر احمرک سطحندن ایچق اولوب جدول اچیلدیغی
حالده مصری صوبای مصر دیملریله دارا دخی حفرینی اکمال ایتدیرک
ترک ایلش وایکنجی بطلمیوس جدولک مناسب محالارنده هرور
اولنده جغی وقت اچیلور و در عقب قیانور صورتده سدلر یاپه رق
و بو وجهله محذور مذکورى دفع ایدرک اتمام ایلشدر .
سترابون نام مؤرخ دخی سویش جدولنی الک اول ترواذا محاربه
مشهوره سندن مقدم ملوک مصریه دن سیزوستریس حفر ایتدیرمش
اولدیغی بیان و بعضارینک دخی بونی اوغلی پسامتیقوسه اسناد
ایلدکلرینی علاوه اتیان ایتشدر . دارا دخی براز اوغراشوب ختامه
تقرب ایلش اولدیغی حالده برمنوال محرر کویا بحر احمرک سطحی
مصرک زمینندن مرتفع اولدیغندن جدول اچیلدیغی حالده مصری صو
باصد جغی حقنده بعض مهندسلرک افادات واقع سنه اعتماد ایلدیرک
ایلمشدر بعده بظالمه جدولی اکمال ونیل ایلد بحر احره بیننده بالسهموله
سیرسفائنه قابل اوله جق صورتده بعض بندلر انشا ایتدیله . سالف
الذکر سترابونک قولنه کوره اشبو جدولک عرضی یوز ارشون اولوب
عمق دخی اول وقتک الک جسیم سفینه سی هرورینه مساعد بولمشدر .
اشبو جدول مارالیه بیان بویاست شهرندن بدأ ایدرک بحر احره

منتهی اولور ایدی . فقط بلین نام مؤرخ جدولی ایکنجی بطلمیوس
 اچی کولاره قدر حفرایتدیروب اوراده بحر احمرک اراضی مصریه دن
 اوج ارشون مرتفع اولدیغی خبر ویرلسی اوزرینه اتمانندن صرف
 نظر ایلدیکنی بیان ایتش و بعض مؤلفردخی نیل ایله بحر احمر
 برایشدیرلدیکی حالده نیل صوی بوزیاور مطالعہ سنہ مبنی ترک
 اولند یغنی ادعا ایشدیر . شو حاله نظرأ ازمنہ قدیمہ نیل ایله
 بحر احمر بینده بولسان جدول فراغنه و ملوک عجم و بطالمہ
 زمانارنده نیلاک دمیاط قولندن بر شعبہ اولدیغی اکلاشیلوب فقط
 الیوم دخی منزله کوانہ طوغری متمد بر جدولک اثارى مشہود
 اولدیغندن الک قدیم جدول دلتادن بدأ ایدوب بودخی نیقوسک
 انشا کردہ سی اولسی ملحوظدر .

ملک مشار الیہک اخلافی دخی سائرلی کبی بحر احمر سطحنک مرتفع
 اولسندن خوف ایدرک انشاسنہ مباشرت ایتش اولدقلری جدوللارک
 باسنی دہا یوقاریدن طوتدیرمشلروینہ بو ملاحظہ یہ مبنی بعدہ
 رومالورک و خلفای عباسیہک انشاسنہ مبادرت ایتش اولدقلری
 جدولک مبدائی دہا یوقاری یہ کوتورلمش وبونک اثارى الی یومناہذا
 اسکی مصرده موجود بولمشدر .

روایات مشروحہ دن استنباط اولنہ جغی وجہلہ جدول مذکور
 ختامذیر اولمشکن متعاقباً مصرده وقوعہ کلان محاربات وانقلاباتہ
 مبنی متروک قالش اولسی اغلب احتمال اولوب فقط صکرہ بحر احمر
 صوی نیل ایله قارشماق اوزرہ بندر انشاسیلہ دہا مکمل صورتہ
 انشا اولدیغی محققدر .

رومالور و بعدہ عربلردخی بین البحرین نیل واسطہ سیلہ جدول

کشاد ایتشلردر . مشاهیر مؤلفین اسلامدن فرغانینک بویابده
اولان روایتی بروجہ آتی درج و بیان قلنور .

بابل مصردن مرور ایدن طراجان نہری مؤخرأ جدول امیرالمودنین
تسمیہ اولنوب فسطاطدن جریان ایدن جدولدر . زیرا فتح مصر
تاریخندہ مسطور اولدیغی اوزره جدول مذکور حین
فتحندہ قوم ایله مسدود اولوب اول اثناسادہ حرمین شریفینہ
حط و غلامستولی اولدیغندن اورالره ذخائر نقلیچون جدول
مذکورک تطہیر و کشادینی حضرت عمر الفاروق رضی اللہ عنہ
امر ایلیدی .

مؤرخ مشہور مقریزینک دخی بویابده اولان روایتی بروجہ آتی درج
و بیان قلنور . دفعہ ثانیہ اولیق اوزره جدولی حفر ایتدیرن
ایمپراطور ادریئن اولوب ملک مشارالیدہ کرک روما ایمپراطورلرندن
طراجانک زمانندہ بدأ اولمش اولان جدولی اکمال ایتمش اولسون
کرک مستقلاً کندوانشا ایلش اولسون مصرده سالف الذکر
طراجاندن زیادہ آثار جسمیہ یدہ موفق اولمشدر . مؤرخیندن شمس الدینک
قولنہ نظراً قاہرہ دن بدأ ایله انشا اولمش اولان جدولی
قدمای ملوک مصریہ دن تارسبس بن مالایا انشا ایلشددر . حضرت
ابراہیم علیہ السلام ملک مشارالیدہ زمانندہ مصرہ کلمشدر . مذکور
جدول سویش جوارندن مرور ایله قلمزم شہرینہ قدر کلوب اورادہ
دکرہ منصب اولور ایدی . حبوبات یو کلی سفائن اشبو جدول
واسطہ سیلہ بحر احمرہ کیدرایدی . حضرت عمر بن الخطاب رضی
اللہ عنہ اشبو جدولی تطہیر و اصلاح ایدوب اولوقدنبرو
امیرالمؤمنین جدولی تسمیہ اولندی . خلفای عباسیہ دن ابوجعفر المنصور

زمانه یعنی شجرتک یوز الی طقوز تار یخنه کلنجیه قدر متمادیا یوز
 الی سنه ایشلیوب بعده خلیفه مشارالیه جدول مذکورک قلزم (بحر
 احمر) دکرنده اولان بوغازینی سد ایتدیردی . اشبو جدول فسطاط
 (اسکی مصر) شهرینک خارجنده بدأ ایدوب قاهره نک جانب
 غریبندن مرور ایدر ایدی . حضرت اسماعیلک والده سی هاجر
 مکه مکرمه ده اقامت ایلدیکي اثناده جدول مذکورک ملوک
 مصریه دن بریسی مومی الیها ایچون انشا ایتدیرمشدر . بعده
 اسکندرک وفاتی متعاقب مصرده حکومت ایدن ملوک یونانیه دن
 بریسی دخی دفعه ثانیه اولق اوزره حفر ایتدیرمشدر . ظهور
 اسلامده عمرو بن العاص مصری فتح ایتدکده حضرت عمر
 رضی الله عنہک امریله بر طاعون سنه سنه تطهیر و اصلاح
 و بحر احمره قدر تمید اولندی . بو طریق ایله سفائن مصردن
 حجاز و یمن و هندستانه کیدر ایدی . اشبو جدول مدینه
 منوره ده محمد بن ابی طالبک ابو جعفر المنصور علیهنه عصیان
 ایتدیکي وقته قدر پایدار اولوب اول اثناده خلیفه مشار
 الیه مصردن مدینه یه ذخائر نقلنک منعی ضمنده جدول
 مذکورک قیادلسنی مصرده بولسان قائمقامنه امر ایلدی . اشبو
 امر انفاذ اولدرق اولوقدن شمدی یه قدر بحر احمره نیل یلنده
 سفاین آمدندی بالکلیه منقطع اولدی (تاریخ تحریر سنه ۸۳۹)
 تاریخ و جغرافیه ده مؤلفات معتبره صاحبی ابو الفدائک دخی بوماده
 حقه رقرن تحقیق اولدیغی اوزره بحر سفید ساحلنده پلوس
 شهرینک جانب شرقیسنده واقع فرما شهریله بحر احمر یلنده
 بالکزیتمش میل مسافه اولوب بو دخی بحرین سطحنه مساوی دوز

محررادن عبارت اولمله عمرو بن العاص اشبو ایکی دکزک نیل صوی
ایله عملو بر خلیج ایله برلشدیرلمسنی تصور ایلدی . فقط حضرت
عمر طائفه رومک بو طریق ایله بحر احمره تسلطاری وقوعندن احترازاً
اولبابده موافقت کوسیرمدی . بونک اوزرینه عمرو بن العاص بشقه بر
تدبیره تشبث ایلدی شویله که طراجانوس امپرس اسمنده بابل مصر
جوارندن هرور ایدر بر قدیم جدول وار ایدی که ایمپرتور ادرین
الوم بلیس دینلان فار بوتس نام محله قدر عمید ایلشیدی . اشبو
جدول وقتیه نیقوسک انشاسنه شروع ایدوب دارا بن کشتاسبک
حفرینه دوام ایلدیکی دیگر بر جدول ایله محل مذکوره ملاقی
اولوب بونلر بر کوچک اجی کوله مناصب اولورلر ایدی .

بطلمیوس فیلادلف مذکور کولدن اوتیه سنه بر جسیم جدول اچهرق
الوم سویس شهرینه واقع اولدیغی کورفرزیک نهایتنده کائن قلئویاتریس
شهرینه قدر صوی اجرا ایلشیدی . اشبو جدول مشهور
قلئویاتر زمانده قوم ایله طوله رق بالکلیه متروک قالشیدی . عمر بن
العاص بحر احمر سطحنک مصرک زمیندن هر تفع اولسی حقنده
متواتر اولان توهماته الدائمیه رق محصولات مصریه نک بحر احمر
سواحله بالسهوله نقلی ضمیمه جدول مذکوری تکرار کشاد ایلدی
الوم قاهره نک دروندن هرور ایدوب خلیج تسمیه اولنان جدول
دخی بودر . فقط شمدی یالکز شعیب اسمنده بر کوچک کوله منتهی
اولوب بحر احمره قدر اولان باقبسی مسدود ومع مافیه اثری
مشهوددر .

الوم دخی سویس کورفرزیک نهایتنده دکز صوینک طاتلی صو ایله
اختلاطنک منه یچون وقتیه انشا اولمش بر طاقم ابنیه اثری موجوددر .

اشبوا بینه بر درجه متین و مستحکمدر که قیا پارچه سی ظن اولنور.
بر زخ بوینجده دخی یدی سکر محاسبه طویراقدن سدر موجود
اولوب بونلرک بعضیسی زمیندن التي متروقدنمر تفعدراشبو سدردن
بشق اولحوالیده کرک جدول اعمالانه و کرک عمله نک تحصیل لوازماته
مخصوص انشا اولنش بعض ابنيه آناری مشاهده اولنور.

سلاطین عثمانیه دن سلطان مصطفای ثالث حضر تلی دخی سویش
جدولانک کشادینی تصور و اولوقت در سعادتده فرانسه دولتی
سفیری بولنان موسیوتوت و مصرده سیرو سیاحت ایتش اولان
سائر ذوات ایله مذاکره ایدرک اولبابده معلومات وافیله استحصال
ایتش و حتی سفیر مومی الیه معرفتیله بر قطعه خریطه سنی تنظیم
ایتدیروب اجراسنی وقت صلحه تعلیق ایتشیدی.

نابولون دخی ۱۲۱۴ سنه سنده خطه مصریه وضع قدم استیلا
ایلدکده سویش جدولانک کشادینی تصمیم و اولبابده تحقیقات
لازمه نک اجراسیچون رفاقتده بولنان ارباب معارفدن هر کب بر
قومسیون تعیین ایدوب اشبو قومسیون مأموریتنی ایفا و اولبابده
تنظیم ایلدیکی مضبوطی مشار الیهک فرانسه یه عودتی اثنا سنده
کندوسنه تقدیم ایلدکده بو بر امر عظیمدر بونی شمیدی اجرایه
بیم وقت و حال مساعددکدر فقط بر کون اولور که دولت عثمانیه کندو
بقا و شوکتی شویتیک اجراسنه متوقف اولدیغنی فهم ایدر
دیدیکی مشهوردر.

مصر و الیسی اسبق متوفی محمد علی پاشا دخی جدول مذکوری
کندو مصارفیه انشا ایلمکی تصمیم ایتش ایسده بونک اجراسی
اول امرده بین الدول موافقت حصوله متوقف اولدیغنی بعض

طرفدن کندوسنه افاده اولمش واشبو موافقتك استعصالی دخی
 وعد قلمش اولدیغندن وعد مذکورك انجازه انتظاراً شو
 نیتك اجر اسنه مباشرت ایلامشدر.

(منیف)

(صربستان تاریخی) (مابعدنومرو ۲۲)

روسیه دولتی ایسه میلوش بکک حرکت مشروحده سنی کندو
 پولیتقه سنک ترویجنه سر رشته اتخاذا ایدرك دولتیله متفقاً کیفیت
 رسماً باب عالییه اشعار و صرپلوره بو قدر صربستاك ویرلسی
 طرفین حقنده دخی مضر اولدیغندن بمثله قونستیتوسیونك فسخ
 ایتدیرلسنی طلب ایش و واقعاً میلوش بکک خط همايون احکامنی
 هنوز تماماً ایفا ایتمکسزین صرپلوره انکلیرلردن زیاده صربستاك
 ویرمکه قالقشمسی نزد دولت علیده دخی تنسیب بیورلماش اولغله
 مترتب عهدۀ تابعیتی اولان وظائفك اجر اسندن انحراف ایلامسی
 کندوسنه امر و تأکید اولندیغندن و قونستیتوسیونك سؤ تأثیراتی دخی
 کورملکه باشلیدیغندن میلوش بك نه پیاچغنی شاشر مشیدی
 بونک اوزرینه روسیه نك صرپستانده نفوذی کتدجکه تزايد ایدوب
 انکلتره دولتی شو حالک مسئله شرقیه جه اهمیتی اوله جغنی درك
 ایتسیله ۱۲۵۳ سنه سی اوائلنده قونساروس و پولیتقه مأموری
 صفتیه بلغراده جورج هوتج اسمنده و میرالای رتبه سنده بر ذات
 تعیین وار سال ایدوب مأمور موی ایه میلوش بککه انکلتره نك

نیات و افکار نی بیان ایله صوب صوابه سوق و اغرا و كرك داخله
و كرك خارجاً صربستان بجه ظهوری ملحوظ اولان هر درلو
فنا لك اوكنی كسديره بيله جك صورتده ده اچق و مختصر بر
قونسیتوسيون نشری تكلیف ایدوب صورتی دخی اعطا ایلشدرد
حالبو كه روسیه لونك افكار و نیاتی انكلتره دولتك سلطنت سینه
حقنده متخذه اولان اصول پولیتقهك خلافی بولندیغندن
صربستانه انكلیز مأموری كیتسندن خشنود اولیوب بالخصوص
مومی ایله جورج هوتجك بروجده محرر میلوش بکی انكلتره طرفه
میل ایتدیرمكه سعی ایلدیكنی و بر قونسیتوسيون صورتی دخی
ویردیكنی مأمورین خفیه سی واسطه سیه استخبار ایتش ایلغله
در عقب طولغور کی نامنده بر مأمور ارسال ایلشدرد

مأمور مومی ایله میلوش بك ایله حین لاقانده روسیهك صربستان
حقنده وقوعه كلان ایولكلرندن بحث ایله انكلتره لویه میل ایتسی
دولتك موجب كال افعالی اوله جغنی اشراب ایتدكدن صكره
۱۸۴۶ سنه سی خط همایونی موجبجه بر سناتو تسکیل ایلسی
لازمكده جكنی و خلافی تقدیرجه روسیه دولتی سلطنت سینه ایله
بالاتفاق خط همایون مذکور احكامك اجراسنه كندوسنی اجبار
ایده جكلرنی بیان ایله تهدید ایلسی اوزرینه میلوش بك اولبابده
بیان معذریله برابر حاك و وقت مساعد اولدیغی مرتبه روسیه
دولتك شو نصایحندن استفاده ایدرم یوالو مبهم جوابلر ویرمشدر
بولندن صكره میلوش بك انكلتره قونسلسیه بالندا كره روسیه دولتك
صرب طائفه سی بیننده قزاندیغی نفوذ موافق ارمق اوزره
صربستانی فرانسه و اوستریا ایله روسیا دولتلرینك تحت حمایتلرنده

بولندیرمق لزونی در میان ایدوب قونسلوس مومی الیهک دخی بونی
 دولته عرض ایتدیکی روسیهک مسموعی اولدوقده لمصلحه خارشوه
 قصبه سنده بولنان قونسلوسنی ۱۲۵۳ سنه سی ذی الحجه سنده
 بلغراده مأمور ایتش وقونسلوس مومی الیه اورایه وصولنده تسکیل
 اولمسی مقرر اولان سناتو اعضاسی دائمی صوربله اولیه جغندن
 و بولایسه خط همایونک خلاقی بولندیغندن طولای انکلتزهک
 تکلینی وجهله میلوش بکک نشر ایتدیکی قونستتوسیون علمنده
 پروتستو ایتشدن

بنابرین میلوش بک روسیه دن اعراض ایدرک خواه و ناخواه بر موجب
 خط همایون بر سناتو تسکیلنه مجبور بولدیغنی تیقز ایتسیله
 انکلتزه پولیتقدسنه انقیاد و من بعد نوجهله حرکت ایتسی لازم
 کله جکنی قونسلوس سندن سؤال ایتکله قونسلوس مومی الیه
 قونستتوسیون جدیدی دولت علیهیه تصدیق ایتدیرمکه تشبث
 ایلر ایسه انکلتزه دولتک بولایده معاونتدن کیرو طور مبد جغنی
 بیان ایلش و بونک اوزرینه ۱۲۵۴ سنه سی صفرنده در سعاده
 مأمور لر کوندروب انکلتزه دولتی دخی بونی ترویج ایلدیکندن
 مزبور قونستتوسیونک طرف سلطنت سینه دن قبول و تصدیق
 بیوربله جغنی امید ایلش ایسه ده دولت علیهک بولایده روسیه
 دولتیله معااهده سی اولوب بوندن قطع نظر امتیاز فرماننده
 اعضاسی عزل اولنده مز بر سناتو تسکیلی مصرح بولندیغنی جهته
 صرب بکنک کوستردیکی قونستتوسیون قبول اولغبه رق بلغراد
 محافظی یوسف مخلص پاشا ایله صرب باش کترینه خطاباً صربستانک
 صورت اداره سنه دایر بر فرمان عالی ارسال اولمشدر که خلاصه

مالى زيرده بيان اولنور.

(باش كنزك حقوق و وظائفى)

- (۱) صربستان كنزلكى ميلوش بك ايله خاندانه توجه اولمشدر.
- (۲) ميلوش بكة سنوى دوت بك كبسه الحقه تخصیص اولنه جقدر.
- (۳) اولاداره ايلات ايجون اقتضا ایدن هر درلور مأمورينك نصیبی.
- ثانياً امن و اسایش مملكتك محافظه سی و ظهور ایدیه بيله چك
- او بغونسز قلرك دفعی ايجون لزومی مقدار عسکر استخدا می.
- ثالثاً و برک و ايله رسومات سائر مكن توزیع و تحصيلی.
- رابعاً ايجاب ایدن قوم بیسیونلرك تشکیلی ايله صرب ايلاتك
- بالجمله مأمورلرینه خلاف نظام اولماق شرطیله تعلیمات و یرلمسی
- خامساً مستحق مجازات اولانلرك تأدیب و یاعفو اولنملاری
- ميلوش بكة احاله قلمشدر.

- (۴) میرمشار ايله امور داخلیه و مالیه و حقوقیه به متعلق مصالحی
- تسویه ايتك اوزره اوج ذات انتخاب و تعیین ایدیه جکدر.
- (۵) مشار ايله بساپورط مصالحی رؤیت ايتك و صربلورلك دول
- اجنبیه جه اولان منافعلرینی وقایه ايتك اوزره بر قنچیلاریه دخی
- تشکیل ایدیه بيله جکدر.

(سناتو)

- (۶) قوجده باشی و سائر معتبران اهل ایدن رئیس ايله برابر اون یدی
- اعضادن مرکب بر مجلس تشکیل قلنه جقدر.
- (۷) ذاتاً صربستانده طوغمش و یاخود موخرأ صربلور اولمش
- اولیانلر سناتویه اعضا اوله میده جق و اعضا سنك دخی

اوتوز بش ياشنده اولارى و يا خود املاك اصحابندن بولنلرى
لازمكده جكدرد.

(۸) مجلس مزبورك رئيس و اعضاسى ارباب اهليت و حيتدن
وبين الاهالى معتمد و مؤتمن اولان ذواتدن اولق اوزره كتر
طرفندن انتخاب اولنه جكدرد.

(۹) ايشو مجلسه انتخاب اولنه جق اعضا اجراي مأموريتنه شمرع
ايتكمسز ين كتر ايله برابر اهاليك منافعى و سلطنت سنيهك
مريضى خلافتده حركت ايتيه جكلرينه كتر و متروپوليد
حضورتده تحيف اولنه جكلردرد.

(۱۰) مجلسك رظيفه سى مجرد منافع اهالى يى وقايه دن عبارت ارله جكدرد.
(۱۱) مجلس مدكورك رأى ارلدنجه بر قانون وضع ارلنسه ميه جق
ويكيدن ويركو طرح قائمه ميه جكدرد.

(۱۲) ميوش بك طرفندن اعضاى مومى اليه اتفاسق عمومى ايله
مقدار مناسب معاش تعيين اولنه جق و مجلس مزبور امارتك
مركز ادارسى اولان محلده تشكيل ايلانوب وظائفى دخى
اولامكك قواني و نظاماتنه و دعارى ايله ويركو و سائر تكاليفه
متعلق هر درلو مستدعيات و منازماتى فصل و رؤيت ايتك
ثانيا بالجمعه مأمورينك معاشى و مكافاتلرى تعيينه ايجاب
ايدرايسه يكيدن مأمور لر نصب ايلك . ثالثا اداره
مملكته لازمكلان مصارف سنويهك تخمى ايله مصارفاته
قارشواق اوله جق تكاليف و رسوماتى طرح و توزاع ايتك .
رابعا محافظه اين واسايش ايجون لازمكلان ملت عسكرينك
عقدار و مخصوصاتيله نظامات و قوانينى تعيين ايلك خصوصى

اوزرینه مؤسس اوله جقدر.

(۱۳) مجلس مذکور دولت علیه نك متبوعیت حقوق مشروطه سنی
اخلال ایتما نك شرطیه مناسب کوردیکی قوانینك وضعی
تکلیف ایده بیله جقدر.

(۱۴) بو مثالار تکلیفات اوزرینه مذاکره اولنوب اکثریت ارا ايله
قرار ویريله جقدر.

(۱۵) اشبو مجلس مارت و نیسان آیلرنده امور داخلیه و مالیه
و حقوقیه مأمور ارله حق اولان اوچ مدیر طرفندن کذران
ایدن سنده اداره مخصوصه لرنجه اتخاذا ایتش اولدقلری
تدابیرك بر قطعه لایحه سنی طلب و حسابلرینی دخی رؤیت
ایده بیله جقدر.

(۱۶) اشبو اوچ ذات ايله قنچلاریه مدیری اصول تحلیفه لری اجرا
قلندقدن صکره مأموریتلرنده بولنددجه مجلس عز بوره
داخل اوله جقدر.

(۱۷) سالف الذکر مجلسك اعضاسی مملکتك قوانین و نظاماتی
اخلال ایتك تهمة متهم اولنددجه و کیفیت جانب باب عالییه
دخی عرض و اشعار اولنددجه عزل اولانه میه جقدر.

(۱۸) صربستان مصالحنك تسویه سیچون در سعادته صربلوزدن
برق و کنخداسی تعیین اولانه جقدر.

(امور داخلیه و مالیه و دعاوی مدیرلرینك وظائفی)

(۱۹) ضبطیه و قرننسه مصالحنك و کنز طرفندن صادر ارله حق
اوامرک قضا مدیرلرینه تبلیغ و ارسالی ايله پوسته خانه
نظاماتی و طرق و معابرک محافظه امنیت و اسایشی

واھالی مملکتہ دائر نظاماتک اجرایی خصوصاری داخلہ
مدیری وظائفند در.

(۲۰) مالیه مدیری امارتک مصارفنی تحقیق و تدقیق و تجارتی
توسیع ایله تقداری قوانین مملکتہ له محدود و معین
اولان وارداتی اسنیفا و صرف ایتمک و تجارت ایله امور
مالیه دایر اولان نظاماتک اجرایی سنه و دیگر ایکی مدیرک
کوستره جکی حسابہ نظراً مصارفات مملکتی قیامتغه و مملکت
و حکومت املاکنک بر قطعہ دفترینک تنظیمه و معدنلر ایله
اورمانلرک ایشلتدیرلمسنه و دائره وظائفی داخلنده اولان
خصوصیات سائرہ یه نظارت و دقت ایده جکدر.

(۲۱) دعاری یه دأ مور اولوب معارف عمومیه ادارسی دخی عهدہ سنه
محول ارلان ذات و یریلان قرارلرک اجرا اولنوب اولنم یغنی
تفتیش و تحقیق ایده جک و حکام حقننده وقوعبولان
شکایاتی استماع ایدوب لازمکدان قراری اتخاذ ایله جک
و بونلرک اهلیت و استحقاقارینی تحقیق ایله رؤیت ایشکلری
دعوالرک اویچ ایده بر کره لایمده سنی طلب ایده جک و حبسخانه لرک
انشا و اصلاحی خصوصیاتنه باقه جکدر.

(۲۲) مدیر مومی الیه بوندن بشقه تربیه عمومیه دخی نظارت
ایده جک و مکتبلرک سادیلر علوم نافعدنک تعلیمچون اجرای
تشویقات ایله جک و خسته خانلر ایله منافع عمومیه یی
مستلزم ارلان ابنیه سائرہ یه نظارت ایدوب امور دینیه به
متعلق بالجله موادی دخی کلبسا اختیارلرله بالاتفاق رؤیت
و تسویه ایده جکدر.

(۲۳) ذاتاً صربستانده طوغغامش و یا خود صرب قومیتنی قبول ایتغامش اولانلر خدمات مشرر حدنك هیچ برنده استخدام اولنه میده جقدر.

(۲۴) ذکر اولان ايج مديرک وظائف مخصوصه لرینک اجرا سنده یکدیگرینه تابع اولوب هر بری کند و امرنده مستقل ايله جقدر.

(۲۵) اشبو یکر می بشیچی ماده دوائر مذکوره ده بولسان اقلامک وظائفنه دائر اولوب تحریرینه لزوم کوريله مدی.

(۲۶) مدیرلر هر سنه مارت ونيسان آیلارنده کرک دائره لرنده جریان ایدن و کرک کندولرینه حواله اولسان مصالحک بر قطعه لایحه سنی تنظیم وزیرینه اعضا و مهرلرینی وضع ايله قلم رؤسای سنه دخی تمهیر ایتدیردکن صکره امارت مجلسنه تقدیم ایده جکدر.

(محاکم)

(۲۷) متهمینک تأدیبی و حقوق ناسک محافظه سی ایچون بر قاج درلو محکمه لر تشکیل اولنه جقدر.

(۲۸) محاکم مذکوره هر درلو منازعاتی فصل و رؤیت ايله خلاف قانون حرکت ایدنلرک جزالرینی ترتیب ایده جک ایسه ده هیچ بر وقت و حالده مصادره امواله حکم ایده میده جکدر.

(۲۹) تشکیل اولنه جق اولان محکمه لر اوج نوع اولوب برنجیسی محاکم صلییه نامیه قراده اختیارلردن مرکب اوله جق و ایکنجیسی برنجی صنف محکمه لر دن اولوب صربستانک اون یدی قضاسنک هر برنده تشکیل اولنه جق و اوجنجیسی استئناف محلی اولق اوتوره رأس ایالته بوانه جقدر.

(۳۰) هر برقریه نك محكمه صلحه سی اولقریه اهالیسی طرفندن
انتخاب اراقق ارزیه بررئیس ایله ایکی اعضادن مرکب ارله جق
و ترتب ایده جك جزاسی اوچ کون حبسدن و یا خورد اون
دکنکدن زیاده اولیان قباحتره متعلق مواد ایله نهایت یوز
غرو شلق دعاوی یی رؤیت و تسویه ایده جکدر.

(۳۱) متهمینك اولاد و اقرباسی پدر و والد و خصملرندن طولایی
مسئول طوتلبه جقدر.

(۳۲) دعوالر قرا محکمهلرنده شفاها و دیگرلرنده تحریراً رؤیت
اولانه جق و یوز غروشدن زیاده بر مبالغ ارزینه اولان دعوی
ایله ترتب ایده جك جزاسی اون دکنکی تجاوز ایده جك
مادهلرینی محاکم صلحه قضا محکمهلرینه حواله ایده جکدر.

(۳۳) قضا محکمهلری منازعات و دعاوی یی رؤیت ایدوب بوندر بررئیس
و اوچر اعضا ایله کفایت مقداری کتبه دن مرکب ارله جقدر.
(۴) سنی اوتوزه بالغ اولیانلر محاکم من بوره یه نه رئیس و نه اعضا
ارله بیله جکدر.

(۳۵) قضا محکمهلرینك جناياته متعلق مواد ایله دعاوی سائرینی
حسم و فصله صلاحیتی ارله جقدر.

(۳۶) قضا محکمهلری طرفندن محکوم اولانلره استیناف ایده بیلک
ایچون سکز کون مهلت ویریله جك ایسه ده مدت مذکوره
انقضاسنده اشبو محکمهلرک ویردیکی قرار موقع اجرایه
قونیه جقدر.

(احدر فعت)

(بقیه سی صکره)

باب عالی ترجمه اوطه سی خلفاسندن

(امریقایہ دائرہ مقالہ) (ما بعد نومبر و ۲۵)

بروجہ بالا بعض مقدمات مناسبہ بسط و ایادندن صکرہ بحر یوندن
بعض ارباب جسارتک قطب شمالی بحار منجمدہ سنہ نوجہلہ رھیاب
دخول اولہرق کرستوف قولومبوسدن چوق زمان آول امریقا
قطعہ سنی کشف ایتش اولدقلری بحثہ شروع ایدہم.

ازرویا ایلہ امریقا قطعہ لرینک شمال طرفندہ واقع اوجلری
یکدیگرینہ یک یقین اولوب التمشیلہ یتش درجہ عرض شمالی اراسندہ
واقع اشبو ممالکدہ برودت هوا فوق الغایہ شدیددر خط استوا
اوزرنده بولان پرارایسہ دائماً شمسک مقابلندہ بواندیغندن اورالردہ
بالعکس حرارت شدت اوزرہ اولدیخی مثلاًو کیچہ ایلہ کوندز عسای
اولور. منطقہ معتدلہدہ واقع ممالک اکثر کرہ ارضک در یومی
وسنوبسی اقتضا سنجہ بعضاً شمسہ مقابل و بعضاً اندن منحرف
اولدیغندن قطعات مذکورہدہ حرارت و برودت یک شدتلی اولیوب
اعتدال ارزردہ. قطب طرفلرنده شمس سنہدہ بالکزالی آی
کورینوب ضیائی دخی ارضہ منحرفاً واصل اولدیغندن اورالردہ
برودت دائمی اولوب لیل ونہار دخی بر امتداددہ بوانور. کونشک
متداً غیبوبت ایلدیکی الی آی ظرفندہ اشبو قطعات بارددہ
سمادہ بر نوع ضیا مشاہدہ اولنورکہ شفق شمالی اسمیلہ معروف
و قطبلردہ موجود خاصہ الکتریقیہ سنوبدر. اشبو ضیا
نادراً بورالردہ دخی شمسک غروبندن صکرہ کوریلان آید بیلغہ
مسابہ اولوب فقط یک زیادہ قوتلی اولدیغندن قطعات مذکورہ
احتیاج سکندیہ کافی درجہدہ تنویر ایدر. قطبلندن برندہ کوندز
اولدیخی وقت دیکرنده کیچہ اولور. موسم بہار دہ وقوع بولان

استواء لیل و نهار دن فصل خریفده واقع اولان استواء لیل و نهاره
یعنی مارک یکر می برندن ایلوک یکر می برینه قدر قطب شمالی
طرفلرنده دائماً کوندز اولدیغی کی قطب جنوبی طرفلرنده دخی
دائماً کیجه اولور.

اشبو اقالیم شمالیده دکترک اوزرینی بوز پارچه لری استیغاب ایدوب
بونلردخی هیچ بر وقتده اریمدیکندن اورا لرده سنه ده پک جزئی بر
مدت ظریفده سیر سفائن قابل اولور. بحار منجمده مذکورده ک
جهت جنوبیه سی موسمه یارده کونشک حرارتیه بعضی مرتبه
اربه رک بوئدن منفصل اولان جسیم بوز پارچه لری بحی محیطک
اقتدیسیه منطقه معتدله یه طوغری ورود ایدر که بحی یون بونلره
بوز طاغلری تسمیه ایدرلر. اشبو بوز پارچه لریک هوا و صوجه
بعضی تأثیراتلری اولدیغندن و کثیف سبس حصوله کتوردیکندن
تقریرلری حس اولنده رق سفائن تصادمندن اجتناب ایده یلور ایسه ده
لیلاً تصادف اولندقد ه خلاص مشکل اولدیغندن بو یوزدن پک
چوق کی غرق و تلف اولور. مع مافیه شو مخاطرات شمال
کچیلرینک سیر و سفرینه مانع اولیوب بونلر او صولرده بی پروا
کشت و کذار ایدرلر.

اسوج و نوره ج سواحلنده بر طاقم اطهر وار ایسه ده کرک
محصولاتارینک جزئی اولسی و کرک امیتلی لیاذلری بولنامسی جهته
پک اهمیتلری یوقدر. اشبو اطدرک اطرافنده قادرغه بالغی و صو
صغری و بیاض آیو و دیگر بعض حیوانات و حشیه صید اولنوب
بونلرک دریلری و یاغلری اموال مهمه تجاریه دن معدوددر. ممالک
قطبیده دین تعیر اولنور بر نوع کیسک دخی واردر که اولطرف

اھالیسی بونی با السہولہ تربیہ و تألیف ایدرک یوک تا لدریق و بوز
ازرندہ قزاق چکمک کی امور نقلیدہ قولانورلر و سو دولتی
اکل ایدوب دریسندن دخی الہسہ یاپرلر .

اشبواقوام شمالیہ اعصار قدیمہ و حتی قولوہبوس زمانندہ
قورصانلق ایدرک اولحوالیدہ سیر و سفر ایدن سفائتہ ایصال
خسار ایدرلر ایدی

التش اوج درجہ یکرمی اوج دقیقہ و التمش درجہ اوتوز اوج
دقیقہ عرض شمالی الہ اون اوج درجہ اون بش دقیقہ و یکرمی
درت درجہ قرق دقیقہ طول غربیدہ و قدیمہ اسقاندینا و تعبیر
اولان نوروج قطعہ سیلہ امریکا یقہ بینندہ ایسلاند اسمیلہ مسمی بر
یولکاطہ وارد رکہ قدما بونی دنیاک نہایتی ظن ایدرلر ایدی .
میلادک سکر یوز التمش و ہجرتک ایک یوز قرق التی سنہ سندہ بر
قورصان کمپسی دکر دہ کست و کذار ایدرکن مخالف ہوا یہ
تصاریفہ مذکور اطہیہ دوشوب اراضی منجمدہ معناسنی متضمن اولان
اسم مذکور طاق قدر برقاج سنہ صکرہ اورایہ نوروجدن بعض فادلیار
مہاجر تہ توطن ایدوب شدیکی حالہ برقاج بیک نفوس تجمع
ایلسدر . جزیرہ مذکورہ ہر نقدر دائمہ بوز الہ مستور ایسہ دہ
دریوندہ بنار طاغلر و قابلیجہلر و بعض اولردہ اھالینک حیواناتہ
کافی مرعاردخی واردہ بحر محیطک اقدیسیلہ سواحل مذکورہ
امریقادن بعض اخشاب پارچہلری ورود ایدرک اھالی بونلری
اخذ الہ استعمال ایدرلر . قطعات منجمدہ دہ متمکن مخلوقا ک دخی
حوائج ضروریہ لری بو صورتہ حصولدیر اولسی عطایای جلیلہ
ربانیہ و حکم بالغہ صمدانیہ دن اولدیغی بی اشتباہدر .

امریقا قطعہ سی کرسترف قولوموسون در روز یگر می بر سنده
 مقدم یعنی هجرتك او چیز قش بدنجی سنده سنده مذکور ابسلاند
 اطیسی اھالیسی معرفتیلہ کشف اولمشدر شوبلہ کہ سنده ہر قوم مددہ
 مذکور اطیسی اھالیسندن قزل اربق نام بر شخص ہر انصاسہ
 اعددن طرد اولنفلہ ہر قوم بر تاج رفقاسیلہ برابر بر کوچك کمی یہ
 رابکا رغرب طرفند متوجہا عزیمت ایتش و خیلی وقت دکرده
 بوزلار اسندہ قالدقدن صکرہ بیلدیکی بر ساحلہ یناشوب چتمشدر
 و مملکت مذکورہ یہ غرین لند یعنی بشیل مملکت تسمیہ ایتشد کہ
 الان دخی بو اسم ایلہ معروف اولوب ایتش بش درجہ عرض
 شمالی ایلہ یگر می درجہ طول غربیدہ واقعدر مؤخرأ ہر قولك
 یارن نام اوغلی باباسنك کشف ایتدیکی محلی زیارتہ عزیمت ایتش
 و مساعدا ہوا یہ تصادفلہ بر قاچ کون کتد کدن صکرہ غایت
 اورمانلق بر محل مشاہدہ ایتش ایسندہ محمل مذکور ی باباسنك
 کشف ایتش اولدیغی غرین لند حقندہ مسعودی ارلان تعریفانہ
 موافق بولمادیغدن اورانہ توقف ایتدرك جنوبہ طوغری متوجہ
 اولمشدر ایکی کون صکرہ دوز و اورمانلق دیگر بر محلہ تصادف
 ایتش ایسندہ ینہ یواند دوام و بر غرب روزگار بلہ اوچ کون دھا
 کتد کدن صکرہ بوز ایلہ محاط طاعلق بر محل مشاہدہ ایتش
 و بو محلاک اطرافنی طولاش مدقدہ بر جزیرہ اولدیغنی اکلامشدر
 انجق جزیرہ مذکورہ نك موقعی طبعنہ موافق کلمدیکن مساعد
 ہوا بلہ غربہ طوغری درت کون دھا کتد کدن صکرہ بر محل
 کشف ایدرك ساحلہ چقوب اوراسنی ہریوفنس تسمیہ ایلدی
 محل مذکور الیوم دخی بو اسم ایلہ معروف اولوب بافینی کورفری

تسمیہ اولسان واسع کورفرك اغزینہ قدر متمد اولان غرین لند
 سواحلدن عبارتدر: اشبوسباحندن بر مدت صکره میلادك طقوز
 یوز طقسان درت و هجرتك ارجیوز سگسان درت سنه سی مر قوم بیارن
 نوروج حکمداری نزدینہ کیدوب یکی دنیاہ کوردیکی محالری بیان
 ایلدی: مر قومك افاده سی اوزرینہ حکمدار موھی الیه اشبویکی
 مملکتلر حقندہ تحقیقات کافیہ اجراسی ایچون قزل اریقك دیگر
 ارغانی مأمور و اعزام ایدوب مر قوم هجرتك اوجیوز طقسان بر
 و میلادك بیک سنه سی نوروجدن حرکتلہ مذکور هر یلیوفنس
 پیشکاهنہ موصلت ایلدی.

محل مذکور هر طرفی بوز ایله مستور بر طاشلقدن عبارت اولوب
 قطعاً نبات اثری کورنمديکندن بو معنایي متضمن ارمق اوزره
 هلواند و براز ایلروده قوواق وادرمانلق ارله رق کشف ایلدیکی
 دیگر بر محله دخی مارقلند تسمیہ ایلدی: بعده جنوب غربی طرفه
 طرغری متمد اولان سواحل طولا شهرق بر طاسقم جزایر صغیره
 قرینده واقع بر ایرمق مصبندہ موصلت و موسم شتایی اوراده
 امراره نیت ایدرک برقاج قولبه انشا و کندوسنه نسبتله بو کالیفس بورغ
 نانی اعطا ایلدی: امریقاده الک اول تأسیس اولسان قریه بودر.
 سواحل مذکورده پک چوق ازمان و خدایی نابت اوزوم کروی
 اولدیغندن و این لند یعنی شراب مملکتی تسمیہ قلندی.

قطعه مذکورده الیوم ممالک مجتمعه امریقادن رود ایسلاند مملکتی
 واقعدر: بهار موسمنده بر چوق امریقا وحشیاری بونلرک اوزرینہ
 هجوم ایله محاربه ایدوب بو اراقده مر قوم لیف مجروح اولدیغندن
 غرین لندہ عودتہ مجبور اولدی.

ميلادك يك التي وهجرتك او چوز طقسان يدي سنه سي اراضى مجموله
 كنى ايچون ايسلاند اطه سندن اچ بيوك كى كوندريابوب بونارده
 مال مختلفه دن خيلي نفوس وار ايدى . سفائن مذكوره نك سالما
 واين لنده مواصلة رنده ايرمقلراوزرنده برچوق كوچك صندالمر
 و بونلرك اينجده سختيان رنكنده صقالسز سياه و قبا صاچلي بيوك
 كوزلو ايكل چهره لو والخاصل مهيب الشكل ادملر مشاهده ايلديلر
 و بونلره قرمزى چوقه و يروب كورك الهرق اخذ و اعطايه باشلاديلر
 فقط براز صكره بيدارنده ظهور ايدن منازعه منتج محارب به اولوب
 بونك اوزرينه ارتق اوراده اقامت متعسر اولديغدن مهاجرين
 مذكوره كمينه لرينه راكبا عودت ايلديلر .

اشته افادات مشر وحددن اكلا شيله جغى وجهله ميلادك يك اون
 ايكي وهجرتك درتوز اچ سنه سنده يعنى كرستوف قولوموسك
 كشفندن درتوز طقسان بش سنه مقدم اسوج و نور و جلور
 امر يقايه عزيمت ايتساردر . بوكيفيت قولوموسك معلومى المسى
 محتملاتدن اولديغى مثالو قلاب دكرارنده سير سفاينك مشكلاتى
 و امر يقا وحشيلرينك جنكاورلكلرى اسوجلورلك اوراده تممكن
 و استقرارلر نه مانع اولمش اولمى ملحوظدر . ممالك مجتمعه امر يقا
 سواحلندن قرق درت درجه عرض شماليده واقع رود ايسلاند
 ممالكى ملحقانندن بوبورط شهرنده اسوج كيجيلرينك انساكردهلرى
 ارلان بعض ابدية عتيقه انارى الى يومناهدا مشهود اولمغله شو كيفيت
 كرستوف قولوموسك كشفندن مقدم امر يقانك معلوم اولديغنه
 دائر بالاده بسط و بيان اولان رواياتك صحينه دليل كافيدر .

(براون)

(اوروپا دولتلرینک متایسه قوه عسگریه لری)

سیاراتک بلا انحراف مداران مخصوصه لری ارزنده دوران ایلماری
شمسک ازلری جذب و انزالک دخی شمسدن تباعده میل ایلمسندن
نسأت ایلدیکی مثالو برهئت اجتماعی بشریه ک رسوخ واستقراری
دخی هم مساعد و مدده مخالف ایکی قوتک تأثیرات متقابله سی
یعنی منفعت ذاتیه و محبت و طنبیه ایله حاصل اولور. ککذک
دولتلرک شوکت و اقتدارلری ایکی جنس قوه متخالفه ک ترکیبندن
وجوده کلوب بونلرک دخی بری مادی و دیکری معنویدر. اعصار
قدیمده نیچه زمان مجرد الحکم لمن غلب قاعده سی صورت
مطابقه جران ایدوب بین المال آارتقی و مدنیّت ظهوره کلدکجه
عقل و حکمت دخی حل و عقد امور و تسویه مهمام جهورده
اشترک ایلدی. اشیو تبدلاته بارونک اختراعی مبدأعد اولنه یله جکی
مثالو الیوم بین الدول مرعی اولان حقوق مال قواعدینک اوروپاده
تأسی و فن طباعتک ایجادی و امریقا قطع سنک کسفی و افکار
ادیه و حکمیه ک انتشاری ک برطاقم رقوعات مهمه سبب اولمشدر.
فقط دائره عقل و حکمت هر نقدر کسب وسعت ایتسه مادامکه
فطرت انسانیه ده حرص و طمع و عجب و غرور و امثالی تسویلات
نفسانیه مرکوزدر مصائب حریده دن بالکلیه اجتناب ایله دائم
متنع نعمت امن و اسایش اولقی تمنیات باطله قیلندن اولدیغی
جهتله دولتلر صولات جبابرديه مقاومت ایتک و باخود مطالب
مشروعدر تی استحصال ایلک ارزره قوه مادیه لرینه استناد
ایلماری لازم کلور.

بنا علیه بر دولتک قدرت و اهمیتی اکثریا عساکر موجوده سنک

مقدارینه نسبتله تقدیر اولوب فقط قوهٔ عسکریه دخی حضری
و سفری به منقسم اولغله بر مملکتک درجهٔ قوتنی وقت حضرد
استخدام ایلدیکی عسکرک مقدارینه قیاساً تعیین ایتک خطادان
سالم اوله میده جغندن دولتک هنکام محاربه ده موجود اولان قوهٔ
عسکریه سی اساس اتخاذ اولمق اقتضا ایدر چونکه مملکتک مجموعهٔ
امریقا و اسویچره جمهورری کی بعض حکومتلر هنکام حربده
فوق العاده کلیتلو عسکر جمع ایلدکلرندن بو متوله مملکتک قوهٔ
حربیه سی وقت حضره مقبوس اوله میده جغنی درکاردر برده دولتک
قوهٔ عسکریه سی یالکز عساکر موظفهٔ منتظمه دن عبارت اریوب
بعض مملکتلر ده عساکر ملیدن بشقه احتیاط عسکری و المایاده
لاندور عسکری و انکلتره ده کوکلاو عسکری و اسوجده اندلس
عسکری و مملکتک دولت علایده دخی ردیف عسکری وارد در ملت
عسکرندن بشقه سی جدول آئیده کوسترلشدور.

وقت حضرد اهلینک	وقت	وقت	اسامی
یکده قاپچی عسکر اولدیغی	حضر	سفر	دول
۵,۵	۲۰۰۰۰۰	۴۰۰۰۰۰	دولت علیه
۱۲,۶	۴۶۷۰۰۰	۶۰۰۰۰۰	فرانسه
۱۳,۱	۰۹۹۰۰۰	۵۳۹۰۰۰	انکلتره
۸,۵	۲۹۹۰۰۰	۶۳۲۰۰۰	اوستریا
۱۱,۶	۲۰۰۰۰۰	۵۰۰۰۰۰	پروسیا
۹,۱	۵۷۸۰۰۰	۸۶۸۰۰۰	روسیه
۱۹,۱	۳۰۴۱۶۲	۴۳۵۳۲۰	المابا
۹,۲	۲۰۰۰۰۰	۴۰۰۰۰۰	ایتالیا

بلجیقا	٠٨٤٠٠٠	٠٤٠١١٥	٩,٠
دانمارقه	٠٨٠٠٠٠	٠٢٢٩٠٠	٩,٤
یونان	٠٠٠٠٠٠	٠٠٩٦٠٠	٩,٠
فلنك	١٣٠٠٠٠	٠٥٨٥٠٠	٢٤,٠
پورتگیز	٠٥٠٠٠٠	٠١٩٥٠٠	٧,١
اسپانیا	٢٣٢٧٠٠	١٥١٦٠٠	١٢,٠
اسوج	٠٠٠٠٠٠	٠٠٧٠٠٠	٢,٠
نوروجیا	٠٢٣٦٠٠	٠١٤٢٠٠	٩,٥

١٧٩٧٣٠ سوئیچره جمهوری

دولت علیه نك اورویا خارجنده و فرانسه دولتنك جزایرده بولنان قوه عسکریه لری بوحسابه داخل اولوب فقط انكلتره و دیگر بعض دولترك قطعات سائرده موجود عساکری بشقه اولغله بونك دخی مقداری بروجه اتی ابروجه کوستریلور

٢٨٠٤٦٦ - - - - - انكلتره

٠٣٨٢٠٠ - - - - - اسپانیا

٠٠٨٢٠٠ - - - - - پورتگیز

٠٢٥٢٠٠ - - - - - فلنك

ایوم استخدام اولنان نفرات عسکریه نك مقداری مقدما اولدیغی وجهله اهالی نك عددینه نسبتله اولیوب عسکر تحریری حقنده جاری اولان اصوله و امور عسکریه ایچون موازنه دفترنده تعیین اولسان و یا خود استحصالی ممکن اولان اچمه یه کوره در و تحریر عسکر دخی قرعه کشیده سبله و فقط انكلتره ده اهالی نك حسن

رضاسیله اجر اقلنور. روسیه ده خدمت عسکریه اون بش سنه اولوب
 عساکر نظامیه اون ایکی وعسکر خاصه اون سنه سلاح التنده
 بولنور و اوستریا و بلجیکا و اسپانیاده سکر و پورتکیرو فرانسه ده یدی
 و فلیمک و اسوجده مدتک چوغی اذن ایله کذران ایتدیکی حالده
 بش و دانیمارقه ده درت و پروسیا و ایتالیا ده دخی وقت حضرده
 اوچ سنه در. پروسیا و اوستریا دولتری ممالک متفقہ جرمانیاداخلنده
 اولدقلری حالده بونلرک مدت عسکریه لرنده مبیانت اولدیغی مثلاً
 سائر المانیا حکومتلرنده دخی خدمت عسکریه نک مدتی برسیاق
 اوزره دکلدن. مثلاً باوهره و ورتمبرغ و بادن و هس و ساقسونیا
 ممالکنده مدت عسکریه التی سنه اولوب فقط ساقسونیاده اوچ سنه
 خدمت ایتیش اولان عسکرلر وقت حضرده مملکتلرینه اعاده
 اولندیغندن ساقسونیا عسکرینک مدت خدمتلی اوچ سنه دیمک
 اولور. هانورده خدمت عسکریه قانوناً یدی سنه ایسه ده بو دخی
 اوچ و یا خود درت سنه دن زیاده ممتد اولن. بعض احوال پولیتیکه یه
 مبنی هر دولته کونکالو عسکری تحریر قلوب بونلره از چوق مدته
 صیق صیق رخصت ویریلور.

مدت عسکریه حقنده اوتیه دنبرویک چوق مباحثات جریان ایتیش ایسه ده
 بو بایده اتحاد آرا حاصل اوله مامشدر. بودخی شو مسئله نک کمال
 اشکالندن نشأت ایتیوب بلکه هر طرفک ارزو ایلدیکی تسایجک
 بشقه اولاندن ظهوره کیش بر کیفیت ایدوکی درکاردر. نفراتک
 امور عسکریه ده کسب ملکه و مهارت ایتلری مدت مدیده سلاح
 التنده بولمغه متوقف اولدیغندن منظم وقوی براردو صاحبی
 اولمق اسلیان دولت مدت عسکریه نک ممکن مرتبه مدید اولسنی

تسبب ایدرلر و حریت سیاسی و مذهبی و هر شیء تقدیم و ترجیح
ایدنلر خدمت عسکریه نك تقایلی التزام ایدوب شو مدعالرینی دخی
تفرات مدت مدیده خدمت عسکریه ده بولندقلری تقدیرده
اطاعت مطلقه بی اعتیاد ایدرک بعض حالات غیر محققده دولتك
آلت عیاسی اوله یله جکنی و هر کسک کندو خانه سنده تحصیل
ایده جکی فضائل انسانیه نك بر چوق سنده لر قشله لرده آرام ایله
اکتساب اولسان افکاره رجحانیتی اولدیغنی بیان ایله تأیید ایدرلر
خلاصه کلام مدت عسکریه نك اوزون اولمسی قوهٔ ماده و قصه
اولمسی قوهٔ معنویه طرفدارانی ترجیح ایلرلر ایمیدی علم ثروت ملل
قواعدینه نظر آتقین مذکورینك قنیه سی شایان ترجیح اولدیغنی بیان
و اثرات ایدلم یکر می یاشنده بولنا نلرک کافه سی عسکره اندیغنی حالده
بولردن عمله اولنار بر قاق سنه خدمت عسکریه ده بولندقدن صکره
بنه برایش بوله رفی تعیش ایده یللوب حاله سو که طب و حقوق
و امثالی علوم تحصیلله اشتغال ایدنلر بر قاق سنه معطل قالدقلری
صورتده مقصدلری اولان مسلکده بی بهره قاله جقلرندن شو حاله
نظر آ خدمت عسکریه نك کافه اهالی یه بر راده ده بار اولمدیغنی
اکلاشیلور و برده کافه ممالکده عجزه دن بولسان پدر و والده لرینه
و یا خود بولرک ترک ایتدکلری ایتمه کندولردن بشقه معین اولمیان
ادملر عسکره القیوب حتی اشبو معافیت بدل اصولی جاری اولان
فرانسه و اسپانیا و بلجیکا و پورتگیز و اوستریا و باریه ره وورتمبرغ
و ساقسونیا و هانوره و اسوج ممالکنده دخی هر عیدر فقط بو
صورتله مظهر معافیت اولان اشخاص قلیل المقدار اولوب انحق
علیل الوجود و ضعف البینه و قصیر القیامه اولدقلری جهته

خدمت مذکوره دن وارسته اولانلر پک چوقدر.

ایمدی یالکز اسباب مذکوره یه مبنی معاف اولنلر مستثنای اولمق اوزره
اهالیدن یکر می یاشنه واصل اولنلر کافه عسکره انهرق ایکی سنه
ویا خود بونلرک بر ثلثی الی سنه و یا خود بر ربعی سکر سنه مدته
خدمت عسکر یه ده بولنملری شقلرندن قنغیسی انسب و اولی اولدیغی
مسائل مختلف فیها دن ایسه ده اکثر ارباب تحقیقک رأینه کوره مدت
عسکر یه قصه اوله رق عموم اهالیکن مناوبه شو خدمتی انفا
ایملری بالوجه مرجع اولوب اشبو مدعا کن اثباتیچون دلائل آینه
ایراد اولنور شویله که اولایکر می یکر می ایکی یاشنده یوز نفر عمله کن
یکرمی درت یکر می الی یاشنده اول مقدار عمله دن ازایش کوردیکندن
صنف اول عسکر ده بولندیر یلوب صنف ثانیکن کندو ایشلریله
مشغول اولمق اوزره سربست برا غملری عامه حقنده دهاخیرلودر.
ثانیاً پک چوق کسان یکر می یکر می ایکی یاشنه قدر بر محل و مسلکده
ثبات ایتیوب اکثر بایکر می بش و یا خود یکر می الی یاشنه وارمدجه
صورت حالری تقرر ایتدیکندن شو اناده تدرکین اولملری موافق
مصلحت اوله من. ثالثاً قرعه کشیده سندن اول انسان عجبا اسممه
قرعه اصابت ایده حکمی دیو دوچار اولدیغی حال مشکوکیت بر
مساک و صنعته سلوکنه مانع اولوب حالبو که بای حال عسکره کیر، جکی
معلوم اولدیغی حالده ایشنی اکا کوره اویدیره رق وقت و حالی
مساعد ایکن شو خدمتی ایفا ایدرک چیقوب غائله سرجه استدیکی
طریقه سلوک ایدر. رابعاً بعض کسان بدل تدارک ایتک ایچون
سرمایه سنی اتلاف و یا خود تنقیص ایدوب بونی الان دخی عسکرلک
حالنده استفاده ایده میدرک یهوده تلف ایدر و بوجهله مملکتک

ترقی و معموریتند مدار اوله حق سرمایهلر منستت و ضایع اولور.
و مدت عسکریه نقدر مدید اولور ایسه بدل ایچون اعطایارلنه حق
الخدمتک اولقدر کلی اولسی لازم کلور. خاصاً مدت عسکریه نک
امتدادی تأخیر تأهلی مستلزم اولوب شویله که انکلتزده قرعه اصولی
اولدیغندن اهالی بری بری اوزرینه یکر می یاشنده تأهل ایلدکلی
حالده فرانسه ده یکر می سکز و بلجیقاده یکر می طقوز یاشنده تزوج
ایلدکلی و بنأ علیه مدت عسکریه نک اوزامسی تکر نسله مانع اولدیغی
درکاردر. سادسا بر کمسنه نک الی سنه دن سکز سنه یه قدر خدمت
عسکریه ده بوانه رق صنعتدن دور اولسی یالکز ایکی سنه عسکرلک
ایتمسندن زیاده سؤ تأثیری اولوب چونکه تعلم و تحصیل خیلی
وقتله متوقف اولان فنون و صنایع اربابی عسکرلک حالنده بالمطبع
بوندن بی بهره قاله جقلری مثلاً طوپراق قازمق و یوک قالدیرمق
کبی امور شاقه ایله مشغول اولنلر قشله لرده مدت مدیده قالدقلری
حالده استراحته مألوف اولورلر. سابعاً مدت عسکریه نقدر قلیل
اولور ایسه ویرکونک طرح و توزیعی اولقدر مساوانه اقرب اولور.
اشته اسباب مشروحه یه منی روسیه و اوستریا و دیگر بعض دولتلر
خدمت عسکریه لرخی قلیل ایتدکلی مثلاً فرانسه دولتی دخی
تمدیدندن احتراز ایتمش و انکلتزده پیاده عسکرینک مدت استخدای
یکر می سنه ایکن مؤخرأ اون سنه یه و سواری عسکرینک مدتی
دخی یکر می درت سنه اولدیغی حالده اون سنه یه تنزیل اولمشدر.
(بقیه سی صکره)

(محمد شوقی)

از خلفای اوطه ترجمه باب عالی

(امید بروندن مورد بر قطعه مکتوبك خلاصه مألیدر)

تحقیقات عاجزانه که کوره افریقا قطعه سنك همان باشند باشد
سواحل شرقیه سیله اولجوار لرده واقع جزائریه بعضاً ملل سائر
ایله مختلط و بعضاً غیر مختلط اوله رق پك چوق اهل اسلام اولوب
مقدم دخی یازلدیغی وجهله بونلر بزم طرفلرله مناسبت و اختلاط
حاصل ایتک کسزین مذاهب اربعه نك وجودندن دخی بی خبر اوله رق
کندولرینه مخصوص اعتقادات دینیلری اولدیغی مثلاً مؤخرأ
حج شریفه کیدوب گلش اوللردن بعضیلری دخی ایوم مکه مکرده ده
مجاور جاوی الاصل محمد صالح بن علی بتاری نام کسندن بعض
اعتقادات فاسده استماع و تلقی ایدرك و جاوه لسانی اوزره اولیاده
بعض رساله لر دخی کتوردرک نشر و ترویجینه سعی ایتش و بونلر ایسه
حجاج سائر نك تحقیق کرده لری اولان عنائد صحیحده اسلامیه مفایر
بولمش اولدیغندن بو دخی بین الاسلام فساد و اختلافك برقا تدها
تزیادینی داعی اولمشدر. هر قوم محمد صالحدن نقلاً نشر اولنان
اعتقاداته کوره کویا عایه الصلاة والسلام افندمن لیلہ معراجده
مقام انبیا علیهم السلامده امام شافعی به ملاقات ایله سلام ویروب
یا شافعی اتمی سکا اصهارلدم تعلیم و ارشاد لرینه دقت و اهتمام
ایله دیوبورمش اوللریله مذاهب سائرینی حاشا باطل حد ایدرلر
و صفات اللهدن یا لکن درینی تصدیق ایدوب سائرینی انکار ایدرلر
و کویا یوم جزاده کنه کارلرک عفو و تعذیبی محله اماملرینه محول
اوله جغندن دنیاده مالا و بدنا هر دراو فداکارلق اختیار یله بونلرک
حسن رضالرینی تحصیل ایتش اوللر عقوبات اخرویه دن مصون

اولوب بالعکس صنف مذکوری اخضاب ایدنلرک طاعات و حسناتلری درگاه الهیده مقبول اولیده رق بو مقوله لر مجازات ابدیه به دوچار اولور. مذهب مذکور اربابی دهها بو قبیلدن بر طساق اباطیله اینانورلر. اشبو مذهب باطل ایسه بو طرف اهل اسلامک اعتقادات قدیمه لری قدر مضر برشی اولوب بونک ساده دلان اهالی بینه انتشارندن خوف اولندیغندن الدن کلدیکی مرتبه منع وقوعی ضمننده تدابیر مناسبه اتخاذ ایلدم.

بو طرف اهل اسلامک اکثر افعاللری موافق شریعت اولمیدیغی مثالو و حوش و طیور دن حلال و حرام اولنلری تمیز ایتیه رک جهه سنی و حتی حشراتک دخی اکثریسی اکل ایدرلر و رضاعاً قز قرنداشلری و سائر اقربا رضاعیه یی تزوج ایدوب جمع اختبندده دخی باس کورمز لر و برادرمک متوفی برادری متروکه سنی تزوج ایلمسی جائز اولمظن ایدرلر و بلا ولد وفات ایدنلرک متروکاتنی متوفانک باباسی طرفندن ارلان اقرباسنه و احیانا والدهسی طرفندن اولنلره و بعض کره دخی احد الزوجینک اقرباسنه ویررلر.

بو حوالیده قران عظیم التان و مطلق اوقویوب یازمق تعلیمنه مخصوص هیچ مکتب اولیوب یالکز هرگز مشابه سنده اولان امید برونی شهرنده الی صبیان مکتبی وارد بوئلرده دخی یالکزیم جزئی ویس شریف و تبارک سوره لری تعلیم اولور فقط بو طرف اهالیسی حروف هجایی بزده متعارف اولان صورته تلفظ ایتیوب اکثریسی کندولرینه مخصوص بر صورته تلفظ ایدرلر بو دخی بر وجه اتی کوستریلور.

ا	ب	ت	ث	ج	ح	خ	د	ذ	ر	ز
		سا	ثیم	خا			زل	غا		
س	ش	ص	ض	ط	ظ	ع	غ	ف	ق	ك
شین	شوم	ست	لت	ژا	زا	این		ثا	تف	تان
ل	م	ن	و	ه	لا	ی				
			قاو	جا	اینا					

اشته قرآن و خطبه و تسبیح و سائره بی مخارج مذکوره اوزره قرائت
ایدوب مثلاً فاتحه شریفه بی بوجه اتی قرائت ایدرلر
الحمد للحم اغب الامین اغثمان اعحیم مالح ایقیم الدین ایاق نأبدوایاق
نشتاین اجدنا ایشغار المشتقیم شغار الزین انامت الیجم غیغ المغلوب
الیجم قللا لین

کلمه شهادتی دخی ذیرده محرر وجهله تلفظ ایدرلر.
اشد ان لا الالج والهج واشدان محمد ا غشول الیج.

(ابوبکر)

(اناطولیده سمدان نزول ایدن بغدادی)

کچن فصل خریفده خربوت و ملاطیه طرفلرنده سمدان نزول
ایدن بر نوع حبوبك صورت نزولیه منشأ و ماهینسه دائر دسترس
ارله بیایدیکمز بعض تحقیقات رسمیدنک تحریر و بیانه ابتدایار قلنور.
کچن فصل خریفده خربوت طرفلرنده شدت اوزره قحط و غلا
اولدبغی حالد سمدان بر نوع بغدادی نزول ایدوب هرکس بونکله

دفع احتیاج ایتدیکی و بوجته اول حوالیده ذخائرک فیثانی دخی
خیلی تنزل ایلدیکی چند ماه مقدم در سعادت غزته زنده کورلش
و اگرچه قوربغه و طاش و دیگر بعض شیلرک نزولی من القسیدیم
مسبوق و معلوم ایسده اولوجهله بغدادی نزولی بورالده مصروع
اولمدیخی جهتهله شو کیفیت خوارق عاداتن و بالخصوص خط
زمانده ظهوری غرائب احوالدهن بولنش اریغله مذکور بغدادیدن
بر مقدارینک سرعت ارسالله حاصل اولان قوائدی درجه سنک دخی
اشعاری خصوصی جانب باب عالدن خرپوب والیسی دولتو عزت
پاشا حضرتهلرینه امر و وازبار بیورلشدی . پاشای مشارالیه
حضرتهلری مذکور بغدادیدن تدارک ایتدیریه بیلان مقصدارک بر
تنکه محفظهیه موضوعا ارساله مسارعت ایلدیکی مثلاً جواباً
ورود ایدن تحریراتی مفادینه نظراً اشبوجواب کچن شهر شباط و اخرنده
خرپوتک جانب شرقیسنده واقع شهیدلر دوزی نام محله یغمورله
برابر نزول ایدرک بعض کسان اوچر بشرقیه قدرینی طویللامش
و مؤخرأً ملاطیه جوارنده بر محله دخی یاغمشدر اگرچه مقدازی جزئی
ایسده اوتة دنجری بوبله خط سنه زنده نزولی بین الاهالی سنه آیه ده
فیض و برکت حصولنده ال عد اولمدیغندن اهالی منشکر اولدیخی
مثلاً اصحاب احتکار دخی ذخائر مدخره لرینی چیقاروب بو کیفیت
فی الحقیقه خلیجه تنزل فیأته سبب اولمش و متعاقباً یاغورلر دخی
یاغغه باشلایه رفی اکثر محارک مرزوعاتنده انار فیض و غنا مشاهده
اولمشدر .

خرپوتدن کوندربیلان مذکور بغدادی در سعاده بالورود جمله نک
مشهودی اولدیخی مثلاً فقیر دخی کوردیم . اکثریسی حب اللذین

تعبیر اولنان دانه شکل و جسمانده اولوب بر نوع بیاض دقیقی
 محتویدر روایت اولندیغنه کوره طحن اولندرق بوندن یا پیلان اتمک
 مصر ضاریسی اتمکی طعمنده اولوب تازهلکنده اگله صالح اوله یلور
 ایسه ده بیاتی غایت قتی و لذتسز اولور ایش و حبوبات سائره
 مثلاً و قابل زراعت اولوب اولدیغی اکلا شلق ایچون بر قاج دانه سی
 طور اغه اگمش ایسده نشو و نماسنک متوقف اراه یله جکی اسباب
 و حالاتک فقد انندمیدر یوخسه مطلقاً ارض اوزرنده قابل نبات
 اولدیغندمیدر هر فصلسه اثرغا روغا اولمامسدر. حبوب مذکوره ک
 بر مقداری مکتب فنون طبیئه شاهانده کوندریله رک اوراده ارباب
 معلوماتدن مرکب بر قومبسیون معرفتیه تحلیل ایتدیرلش اولغله
 اشبو قومبسیون طرفندن تنظیم اولنان راپورطک خلاصه مالی
 بوجه اتی بیان قلنور.

اشبو جوهر یوسون نوعندن اولوب علم نباتانده بوکا (بورنلیا
 اسکولانتا) تعبیر اولنور. رنگی سنجابی و طعمی لذتسز و ترایدر.
 سطحی کاملاً کوچک کرلدن مرکب اولوب بونارک صاپلری دخی
 داخلا بر صورت غیر منتظمده موضوعدر. یردن قومیش اولدیغی
 درکار ایسه ده اوزرنده صاپ علامتی یوقدر. کیمیا اصولی اوزره
 تحلیل اولندقدده قلور قبل و لعاب صمغ و ادقسلالات جیری و اینولین
 و پرچینه دن مرکب اولدیغی اکلا شلشد.

اشبو نبات طور اغانی قوتلوقیا یارقلرنده حصوله کلوب بورار
 بونلری هوایه قالدیره رق پک اوزاق محملره کوتورر. بیک سکن یوز
 قرق بر سنه میلادیه سنده طبیعیوندن روش و پانوت و دیگر بعض
 ذوات بوه قواه نبات یاغدیغنی و حتی لافانوفرانوعندن یوسون نزول

ایلدیکی مشاهده و تحقیق ایلمشلردر. حبوب مذکوره خریوت
و ملاطیه طرفلرنده اکثراً نزول ایلدیکی تقدیرجه بونک اولخوالیده
حاصل اولدیغی بی اشتباه ایسده بروجده محرر یورال واسطه سیله
محال بعیده دن کلیسی دخی محتملدر.

(منیف)

(خلاصهٔ پولیتیکه)

پروسیا دولتی دول معظمه دن اولدیغی حالده قوهٔ بحریه جه
دانیمارقه دن دون اولدیغندن بو کیفیت اوته دنیرو کندوسنه موجب
خوف و اندیشه اولوب محاربه حاضرده دخی بونک سو نتیجه سنی
کوره ش اولدیغندن دو تناسنی دانیمارقه یه غلبه ایدیه یله جک
برحاله قویغنه بذل مجهود ایدوب شو برقاچ ماه طرفنده خارجدن
سفائن اشتراسیله قوهٔ حریره سنی تضعیف ایلمش و المانیا غزته لرینک
روایتنه کوره دولت مشار الیه انک اشبو قوهٔ موجوده سی پروسیا
سواحلی محافظه یه کافی اولدقدن بشقه دانیمارقه اوزرینه هجومه
دخی مساعد بولمشدر.

روسیه و اوستریا و پروسیا دولتلری دانیمارقه ممالکنی بیلرنده تقسیم
ایتمک و دیگر بعض مقاصد پولیتیکه لرینه دسترس اولق اوزره خفیا عقد
اتفاق ایتمش اولدقلرینی مقدمه مورنیک پوست نام انگلیز غزته سی
ادعا و حتی اولسایده دول ثلثهٔ مشار الیه م یکنده عقد اولسان
عهد نامه نک صورتی دخی اعلان ایلمشیدی دول مشار الیه م طرفندن

بو کیفیت صورت رسمیده ده انکار ارنیش ایسه ده انگلیز غزته لری
 حالا صدق مدعایرنده اصرار ایدرک اوروپا نك سربستی واسایشنی
 اخلال ایده جك بو مثالو اتفاق بالطبع اقرار اولسه عز و وقتیه
 لهستانك مقاسمه سی سالف الذکر اوچ دولت یینده نصل اتحاد و اتلاف
 حصولنی موجب اولش ایسه بو دفعه دانیمارقه نك تقسیمی
 دخی یینلرینی اوپله جه تألیف ایتشدردیمشلردر.

روسیه دولتی دول سائر نزدنده مقیم سفرا سنه خطاباً بر قطعه
 اعلانه نشریه عزویات مذکورہ پی بالکلیه انکار ایتشدردر.
 فاس اهلایسی طرفندن اوراده بولنان یهودیلر حقنده مؤخرأ بعض
 معاملات غیر ناهر ضیه وقوع عیولدیغندن نتیجه ده مقیم انگلیز
 قونسلوسی اورا ده بولنان دول سائر قونسلوسلریله متفقاً فاس
 دولته تبلیغات شدیده اجرا ایتشدردر.

کچن حزیران اواسطنده امریقا جها هیر شمالیه و جنوبیسی یینده
 درت دفعه محاربه عظیمه وقوع عیولدیغی طرفیندن دخی کلی تلفات
 ارنیش ایسه ده بر نتیجه می کوریه مامشدر. ممالک مجتمعه امریقا ده
 بولنان اسرای زنجیه نك عهد قریبده اعتاقی خصوصنه بو دفعه
 ملت مجلسنده قرار ویرلشدردر. معلوم اولدیغنی اوزره اشبو امریقا
 زنجیلری شمیدییه قدر حال اسارتده بولنه رقی ممالک حاره ده زراعت
 و امشالی امور شاقه ده استخدا م اولدقدن بشقه بیاض اهلینک
 حائز اولدقلری حقوق و امتیازانک پک چوق چوغندن محروم اولوب
 ازجه بوزلرک کرک اسارت و کرک عتیق حالنده بیاضلرله برابر
 بر سفرده طعام ایتسی و بر عربیه سوار ارنسی و حتی بیاضلرله
 مخصوص کلبسارده عبادت ایلسی قانوناً ممنوع اولدیغندن برمنوال

لهستان اهل پسندن رومایه التجا ایدن بر طاقم رهبان و سائر حقنده
 پاپا حضرتاری طرفندن هر اسم مهمان نوازی به رعایت قلنش
 اولسندن طولانی ایفای تسکینه برابر انفس مقدسه سی بر کاتیه
 مملکتلری ینه نازل استقلال اوله جغی امیدنده بولند قلرینی بیان
 ایلشرو و مشار الیه دخی یازدیغی جواب نامده ده ملتک شو حال
 پریاس و ملالارنده کندوسی حقنده بو وجهله ابراز ایتدکلی
 مآثر مودت و انجذاب موجب تسلیتی اولدیغی و بالجمله اهالی مملکت
 و بالخصوص تسکیر نامه مذکور ی تحریر ایدن رهبان طاقی مملکتک
 شواثاده دوچار اولدیغی فلاکتک انداغی ضمنده درگاه الهی به
 عرض مناجات ایللری اقتضا ایده جکنی و جناب حق ارحم الراحمین
 اولوب عون و عنایت الهیه سیله مصائب حاضره نک هر تفع
 اوله جغی بیان و عموماً اهالی لهستان تقدیس ایله ختم کلام ایلشدر
 فرانسز غزله رینک روایت کوره جزائره هنوز سلاح بدست عصیان
 اولان قبائل دخی بود فعه عفو و امان استدعاسنده بولند یغندن مملکت
 مذکوره ده امر اختلال بالکلیه مندفع اولمشدر

تونسده رئیس عصات طرفندن ۱۲۸۰ سنه سی ماه رجبک سلطی
 تاریخیله مؤرخاً دولتلو والی پاشا حضرتلرینه ارسال اولسان ورقه نک
 ترجمه سیدر

دولتلو والی پاشا حضرتلرندن ویرکومزک تنزیانی و بالجمله قائدارمزک
 (قائمقام و مدیر) تبدیلی طلب ایدرز. اشبو مطالبیمز اسعاف اولندیغی
 حالده کندوسنک کماکان صدق تابعیتی قبول ایله هر وجهله لوازم
 اطاعت و عبودیتک ایفاسنه سعی ایدرز. فقط مقاصد مز بوره مز
 حقنده مساعدده کوسترلز و سیدی فرهادک قتلندن طولانی عزو

اولسان مسئولیت بر طرف ایدلز و بعضی تکلیفات واقعیه دن صرف
نظر اولمز و بالخصوص هر تکب مأمور لر من عزل و تبدیل قلمز
ایسه اهلینک بر وجهه اقناع و اسکاکی ممکن اولیوب بالعکس فتنه
حاضره کندجکه کسب جسامت ایدرک خالق و مخلوق نظرنده
نا مقبول بر طاقم اولغونسلر لقلر ظهورندن خوف اولنور.

تونسده مقیم فرانسه قونسلوسی موسیو بووال طرفندن اوراده بولنان
دول سائر قونسلوسلرینه یازیلان اعلانیامه نیک ترجمه سیدر.

مقدمه کی اعلانیامه ده بیان ایلدیکم نیاتک اجراسته سعی و اهتمامده
تجویز قصور ایلدم. سوس و صفاقس شهرلری اهلایسی حقارنده
عفو عمومی اعلان اولدیغی تقدیرده بوزلرک عرض اطاعت ایده جملرینی
یلدیکدن کیفیت والی پاشا حضر تلرینه بیان ایلدم. مشار الیه
حضر تلرندن الدیغم جوابه نظراً اهالی مذکوره طرفته تأمینات
ملتمسه نیک ارسال اولنه جغنی مأمول ایدرم. حصول ترقی و معیورتی
اوتهدنبرو فرانسه دولتی نزدنده ملتزم اولان اشبو مملکتک محاربات
داخلیه مصائبندن وقایه سی مجرد تدابیر مصالحانه و بیغرضانه
اتخاذینه متوقف اولدیغی بیانی احترامات فائده نیک تجدیدینه وسیله
اتخاذ قلندی.

کچن دفعه یازلدیغی وجهله دانیمارقه مسئله سنک صورت مصالحانه ده
حلی ضمیمه دول معظمه هر خصارندن هر کب لوندرده منعقد
قونفراس بر ایش کوره میدرک منفسخ اولمش و بو وجهله دانیمارقه
دولتی دول سائر نیک توسطندن بر فائده مادیه حاصل اوله میدجغنی
واوستریا و روسیا دولتلری ایسه مؤخرأ السن وسایل اطهارینی دخی
ضبط ایندکلی وجهله ارتق بوزلره عفاومته امکان اولدیغنی تبیین

ایلمش اولمغله ویانه و برلینه تحریرات مخصوصه ارسالیله مشارکه اولمغنی واساس مصالحه تذکره یچون بر مجلس مکالمه عقد قلمغنی تکلیف ایلمشدر. دولتین مشارالیهما بو بایده بالممنونیه اظهار موافقتله تموزک یکر می ایکبسنه قدر ترک محاربه اولمغرق بو اثناده مشارکه و بعده مصالحه عقد یچون ویانه ده مکالمه یه ابتدار اولمغسنه قرار ویرلمشدر.

ایتالیا دولتی ممالکنده ۱۸۴۴ سنه میلادیه سنده تولد ایتمش یعنی الیوم یکر می یاشنده بولمغش اولان اشخاصدن الی طقوز بیک ادمک عسکره المنسبه بو دفعه ملت مجلسنده قرار ویرلمشدر. ایتالیا عسکری مؤخرأ ۲۲۵۰۰۰ نفره تنزیل اولمغش اولمغله یکی یازیله جق مقدار مذکور ابله ۲۸۴۰۰۰ نفره بالغ اوله جقدر فقط ارباب تحقیق افاده سنه نظرا ایتالیا دولتک قریم و ایتالیا محاربه لرنده بولمغش ایشه پرار عسکری یالکز ۱۰۱۳۰۰ نفر دن عبارت اولوب قصوری کافه بحمیدر.

اوستریا دولتی یونان قرال لاحقنی شمیدی یه قدر تصدیق دن استکاف ایلمش اولدیغندن بر از وقتد نبرو اولبایده اجرا اولنان مختبرات عهد قریبده نتیجه پذیر اولمغرق اوستریا دولتی طرفندن اتندیه بر سفیر تعیین واعزام اولمغجی ملحوظ بولمشدر.



Handwritten text in a cursive script, likely a letter or a journal entry. The text is written in a dark ink on aged paper. The handwriting is fluid and somewhat slanted. The text is arranged in approximately 25 lines, with some lines being longer than others. The overall appearance is that of a personal or official document from the 18th or 19th century.

مجموعه فتون سر ماه عربی نماینده چیتا ریور

در سعادت ایچون بهاسی

غروش ۶۵ بر سندهك

۳۵ التي ايلق

۰۶ بر نسخته

بر سندهكته و یا خود التي ایلغه مشتری اولق استند کده یکی
جامع جوارنده چچك بازارنده واقع جمعیت علیه عثمانیه
مرکزینده مراجهت اولنه . ایالاتده مشتری اولق استیانیات
مذکوره اوزرینده مسافدهك قریت و بعد یتنه با قلیوب بر یلاق
ایچون التي والی ایلق ایچون اوچ غروش پوسته اجرتی ضمیمه
افندی سنی پوسته یه تودیعاً جمعیت علیه عثمانیه ریاستی طرفه
کوندردکلری حالده اوقات معینه سنده محله ایصال اولنور
ممالک اجنبیه ایچون مسافده سنده کوره لازم کلان پوسته اجرتی
ضم اولنور

متفرق صایمان محال

جمعیته مرکزى	جغال از غلنده صوبى
صحا فارکنخداسى حلبى حاجى	بك اوغلى چاده سنده صحاف
حسین افندى	کولر نومرو ۳۲۳
سلطان بایزیدده کاخده حاجى حافظ	الاجه جهامده سرکى عثمانى
اسماعیل افندى	اشیاسى صاتان یوسف افندى

مجموعه فتونه دینی مراد او لئان مواد مناسپ به جمعیت مرکزیه

ارسال یوریه

مجموعه سنون

اثر

جمعیت علمیہ عثمانیہ

اوپرچی سندھ

نومرو ۲۷

ربیع الاول

استانبول

جمعیت علمیہ عثمانیہ مطبعہ سندھ طبع اول نمشد

(مواد مندرجه)

ادھم پاشا	مدخل علم زٹولوژی
فاردیس افندی	تاریخ ملوک فارس قدیم
منیف افندی	مجموعہ معاہدات عثمانیہ
محمد شوقی افندی	اوروپا دولترینک مقایسہ قوہ عسکر یہ لری
منیف افندی	قور اطہ لری
	خلاصہ پولیتقیہ

جمعیت مہریہ ممہور اولیان مجموعہ فنون نسخہ لریہ ساختہ نظریہ
باقیہ رق طابع و بایعلری مسئول طوٹیہ جقد ر

(مدخل علم ژئولوژی) (مابعد نومبر و ۲۵)

انهار بیانده در

کره ارضیده التیوز نهر اولوب قاره لرده تگون ایدن میاه اشته بو
التیوز آغردن دریاه دو کپاور مشهور موسیو بوفونک حسابنه کوره
در ازلک بری بری ارزربنه دریاه کی ۲۶۰ متر و اعتبار اولاندیغندن
کافه میاه جاربه ۸۱۶ سنه ده دریازی اعلا ایده یلور معلوم اونه که
اورویانت بیوک نهری بحر خزره منصب اولان ولغسا نهری و بحر
سیاهه اقز طونه و نیپره و بحر از اغده اقز تن نهرلی اولوب
شمالده واقع بحر ایضه منصب اولان بیوجک نهر دخی دوینا
نهریدر اشواررو یا نهرلرندن بعضی اریزک طول مجرازی بشیوز
ساعت قدر ایدده کره ارضک قطععات سائره سنده اولان نهرلره
نسبتله قابل الامتداددرل امر بقا انهاری جهه دن زیاده جسامتلو
اولوب حتی امریقای جنوبی ممالکدن برازیل یاده خط استوا نچسندنه
دریاه منصب اولان آمازون نهری دنیاده بولان نهر لک جسمی
اولسدیغی معلوم و مشهوردر اشبو آمازون نهرینک طول مجراسی

۹۸۰ ساعت اولوب مصبندن ایچرو طوغری یلکن ایله کیارید یوز
 التي ساعتك محله قدر کیده ییلورلر و امریقای شالیده دخی مېسېسی
 نام نهر جسیم واردر که انک دخی طولی ۸۱۵ ساعت اولوب ۵۶
 ساعت قدری سیر سفاینه صالحدر. اوروپا انک بیوک نهری ولغا
 نهریدر که طولی ۶۵۰ ساعتدر و طونه نهری ۵۱۰ و سیرده واقع
 ایرتیش نهری ۵۰۰ ساعت امتدادندهدر. طونه نهرینک اوتوز
 شعبه سی اولوب ولغا نهرینک ایسه اوتوز ایکیدر.

امریقاده واقع اوره نوق نهرینک اغزی موسیو هوئبولدک حسابنه
 کوره ۲۶۷۴ قولاج یعنی درت میل بحریدن زیادهدر. اشبو عرض
 نهر نیلاک سیوط نام محله ایلان عرضنک سکر مثلیدر. انهارک
 سرعت جریانلری دخی مختلف اولوب نیلاک سرعتی وقت فیضانده
 ساعتده بدی بیک و سائر وقتده ایکی بیک یوز متره در. بعض
 انهار نیل کی معین وقتدرده فیضان ایدوب ازجهه امریقا انک بیوک
 نهرلری و هندستان نهرلری بو قیلنددر. ذکر اولان اوره نوق
 نهرینک اغزیننه قریب محالرده ایکوز الی سنه دنبرو اوروپالور
 متمکن اولوب بو مدت طرفنده وقت فیضانک تخلف ایتدیکی
 کورلماشددر. منبعلری منطقه حارده بولان کافه انهارک وقت
 معینده فیضان ایلسی اورالرده اوقات معینده نزول ایدن کلی
 یغورلردن نشأت ایلدیکی جهه عندنده معلومدر. انهار مذکوره
 اغستوس نهایتنه قدر تزايد ایدر فقط ییل طوانه و اسباب سائرده
 مېنی بو موسمه نصکره باشایوب قاهرده ایلولده حدکاله وصل اولور
 و تشرین اواسطنه قدر ارل حالده قالدقن صکره تدنی ایدرک
 نېسان و مایس ایلرنده نهایت درجهده ازالور.

کوالر بیاتنده در

کوالر درت قسمه منقسم اولوب برنجیسی درونلرندن نهر سرور
 ایدن یعنی برطرفندن نهر منصب اولوب دیگر طرفندن نهر منشعب
 اولان کوالر در. ایکنجیسی درونته هیچ برنهر منصب اولمادیغی حالده
 منشعب نهری اولان و ارچنجیسی درونته نهر جریان ایدوب فقط
 منشعب اولیان و درونجیسی دخی خارجدن درونته نهر کلایکی
 مثالو درونندن دخی نهر حقیقیان کوالر در. برنجی قسم کوالر عدد
 و جسامتجه جه دن زیاده اولوب اکثریسی اودیهدده و جبال منسلله
 جسمیه جوارنده واقع صحرالرده بوانور. اسویچره ده پک چوق
 کوالر اولوب جه سی بوقییلنددر. اوروپانک سار بحارنده دخی بویله
 کوالر چوق اولوب آسیا قطعه سنک طرف شمالیسنده بو جنسندن
 ایکی یوک کول واردر. بونارک بریسی چینه ملحق تانارستانده واقع
 نوزسان کولیدر که بت جبال ذیلده اولوب درونندن ایرتیش نام
 نهر جسم سرور ایلر و بری دخی بایقل کولیدر که سیرده واقع اولوب
 درونندن انغارانهری جریان ایدر. اشوبایقل کولی اسکی دنیاك
 الك یوک کوالرندن معدود اولوب بحر تسمیه سنه شایاندر. زیرا طولی
 یوز ساعتدن و عرضی اون سکر ساعتدن زیاده اولوب عمقی دخی
 الی یوز قدمی متجاوزدر. امریقا قطعه سنده دخی بو قسمه داخل
 کوالر اولوب ازجه قنادا منگنده سپریور و هرون و اریبه و اونتاریو
 کوالری واردر. ایکنجی قسمدن اولان کوالرک مسوری تحت الارض
 بعضی بحرالردن کلوب بونارک مقدارلینه کوره کولک برطرفندن

جریان ایدر. مثلا موس. قو شهر ندن التشر ساعت مسافت بعدنده
 واقع السیچره نام کوله ظاهرده. هیچ بر نهر منصب اولد بخی حالده
 در شدن او و با قطع سنك الحسیم نهری بولنان ولفا منشعب اولور
 و بت جیانك انکند. واقع قو قونور نام کوله دخی خار جدن بر آقر صو
 کلدیکی حالده اندن ایکی یوله نهر جریان ایدر کدماك چیندن بالور
 بحر زاپونه منصب ارلور. اشمو نهر لک اسماری حونان و قیسانغ
 ارلوب اسیا قطع سنك انهار جسمه شدن معدود درلر.
 او جنبی قسندن ارلان کواره منصب اولان صولر ظاهره خرج
 اینز ایسه ده قمر لرنده و با خود ان طرف لرنده واقع شقیق انفصالان
 خره ج ایدر و یا خود حرارت شمس ایله تبخر ایدن صویك
 مقدار ی نهر لک کتوردیکی صویك مقدارینه مساری اولوب بو
 صورتده کواك میاهی نه تراید و نه تناقس ایدر. بعض کوارده بو
 وجهه لک ایکی سی دخی اقع اولد یا او نهر لک کتوردیکی صویك ایکی طریق
 ایله صرف اولور. بویله کوار چین ممالکینه یقین نایار ستانده بولوب
 عر استانده واقع بحر اوط ایله بحر خزر دخی بو قیالندرن. امر نقا
 قلعه سنده دخی بویله کوار وارد. دردنبی قسیمه داخل اولان
 کوار پك بولك دکلدر. سیلان یعنی سرندیب جزیره سنده جبل ادم
 نام تپدنك اوزرنده درین و صویکی ثابت براق بویله بر کوا وارد.
 بو جنس کوار اراضی و قایبده بولور.
 معلوم اولد بخی اوزره بعض کوار لک صولری طاتلو و بعض سنك دخی
 طوزلور. طاتلو ارلور لک یا صولری پك براق و آجی کوار لک
 صولری دخی دکن صولرینه مشابه ارلور. فقط نظرون بختنده ذکر ی
 سبقت ایلد یکی ارزره مصر انکاسنده بولنان اچی کوار لک صولری نظرونی

دخی حا یدر . کواردن جریان ایدن نهر ل ناقل ایلد قاری
مواد اجایدی انده ترك ایلد کلرندن حماسه قریب بولسان کواره
زاده مواد منتالی اولوب بناعلیله نوزلر ارده واقع کواردن آل مواد
مد کوره الله مماو اولورلر . استد بوسببه بنی چوق کوار واردر که
نصفه قدر طولش و یا خود تماماً طواق درجه سنه کلسدر
و بعضی کالرك دخی مسوری بر طرفدن تدریجه ازالتمده در
ازجه امریقای جنوبینک ال بیوک کولی اولان نتیقاۃ وقتیه بحر
خرر قدر طولاً ۱۴۰ و عرضاً ۵۰ ساعت وسعتند ایلد بخی حالده
تناقص ایلرك الان طولی ۷۰ و عرضی ۲ ساعت قالمسدر . بونک
صوبی غایت اجی اولوب شعدری دخی یوقدر . مکسیقاده واقع
کالرك دخی کتدکجه کوچایدیکی مسلدر . لکن بومقرله حالاتک اعنام
و اغربی بحر خزرده مشهود ازلتمسدر شویله کد بحر مد کوزک سطحی
بحر محیطه نسبتله الحیق اولوب کنارلری و جوانب اربعه سی
لایقیه کشف و معاینه اولند قدده کرك اورا رده بولسان
حیوانات بحریه بقیه لرندن و کرك زمینک جنس و هیئت و احوال
سائره سندن بحر خزرک میاهی کتدکجه تناقص ایلمکده و قره دکن ایلله
بیلرند یك چوق محله دنبحال یعنی صیغ کوار و قوسا ملر موجود
اولد یغنه نظراً ازمنه سالفهده اشبو ایکی دکرک متصل اولد بخی
استنتاج قلمسدر و اصول هندسیه ایلله کشف و تحقیق اراند بخی ارزیه
الحاقه هذ بحر خزر بحر سیاهدن ۲۸۳ قدم الچتدر و بحر خزرک
جانب شرقبسنده خوقند و بخسارایه تابع تخمیناً الشمس ساعات
مسافده بحر ارال نام کول واددر . اشبو کواک وسعتی هر نقدر بحر
خزردن اقل ایلده صورینک اجیای و ترکیب کیویلری برجنس

و در جده اولوب بیلری دخی مستوی و قوم سال و ضحال مالحدن
عبارتدر و اور و یا قطععه سنك الك بیوك نهري اولان رلغا ايله
بر قاج دیگر کوچك پالمر بحر خزره د کلوور بحر اراله بحر خزر
یعنی غرب طرفندن هیچ بر نهر کلوب فقط شرق جانبنده واقع
ما راء النهر مما لکندن کلان بر قاج نهر اکا منصب ارلسند و قرائن
سائره یه نظرا ذکر اولسان ارال کولی بحر خزر دن مفرز اولسی
ایجاب ایدر . اشبو حالات علم ژئولوژیجه مثبت اولدقدن بشقه
تواریخ معتبره ايله دخی مبرهندر . شوله کده دؤرخ مشهور هر دوت بحر
خزر دن بحث ایدر ارال کولنی هیچ قاله المامشدر و ابو کوله
منصب اولان نهر لدن برینك بحر خزره واصل اولدبغنی تحیر
ایلسدر و میلاد حضرت عیسا دن ۱۳۸ سنه مسکره کلان بطلمیوس
تألیف ایلدیکی جغرافیاسنده بحر ارال ايله بحر خزر متصل ارله رق
کوسرلمشدر و ابوالفدا دخی هجرتک ۵۵۸ تاریخنده تألیف ایلدیکی
جغرافیا خریطه سنده اگر چه بحرین مذکورین منفصلا ارانه
اولمش ایسه ده فاصله لری جزئی اولوب ذکر اولسان تاریخدن
بو انه دکین اول فاصله خیل توسع ایلسدر . هر نه حال ایسه ازمنه
قدیمده ذکر اولسان دکرلک اچی دخی بحر واحد اولوب الیوم بر
چوق انهار بحر خزره و اراله د کلامکده ایسه ده نلردن تبخیر ایدن
صویک مقداری زیاده ارلایغدن صواری کتدیکه تناقص ایلدیکی
کیفیات ثابتدندر .

عربستانده واقع بحر لومک صواری دخی ازالمقدوده در . اگر چه شریعه
نام نهر صغیر اکا منصب اولور ایسه ده شمسک حرارتیله زیاده
مقدار صوتبخیر ایدر و اول جوارک اراضیسی ازمنه سالفده نیچه

انقلابات کوره‌ش اولدیغندن مذکور کول انقلابات عز بوره دن اقدام
بحر احمر ابله متصل بولمیش اولدیغی ملکو ظدر و مهند سینک
تحقیقات واقعه سنه نظرا اشبو بحر لوط اق دکزدن دریوز مترو یعنی
بشیوز ذراع الحقیق بولمیشدر.

(تاریخ ملوک فرس قدیم)

کیروس

یونان مؤرخلرینک قولنه کوره کیروس ملوک فرسک برنجیسی اولوب
پدری ایران اصلزاد کانندن و کیانیان سلاله سندن قامیپس و والدیسی
مدای (اذر ایجان و عراق عجم) شاهی اولان استیاغک کریمه سی
مانداند. کیروس تاریخ میلاددن بشیوز طقسان طقوز سنه مقدم
قدم نه سده عالم شهود اولوب صورت تربیت و تعلیمه دائر مورخین
یونان بیننده اختلافات کثیره وارد. نسبتله اصح روایات کورینسان
هرودوت قولنه نظرا سالف الدکر استیاغ حفیدی ارلان اشبو کیروس
هنوز رحم مادرده ایکن ایلرده بونک کاللا آسیا قطعه سنی ضبط
و تسخیر اید. چکنی کوردیکی بعضی روایان استدلال ایتیمیه اهلاکنی
تصمیم و ولادتنی متعاقب اعدام اولمق اوزره وکلا و اقرباسندن
معتدی بولان اریاغ نام کمسنده تسلیم ایلدی. هر قوم اریاغ رخ
اشبو طفل معصومک، النفس اراقه خون ناحقه مبایثردن
اجتناب ایلدیکندن بونی مشار الیه استیاغک صغریوبانی اولان بر

شخصه اعلا ابدت امام کاربنی اکا حواله ایلش ایسه ده چوبانک
 زوج سی مرحه پنجه هلا کدن تخلص ایدرک ارضاع و تربیه سنه
 اتمام ایلدی . طفل مرقوم این یاشنه واصل اراد قده اشبوسر مکتوم
 هر نصابه میدانه چتمغه استیاع بوندن طولای فوق الغایه
 منفعل اولوب اولیاده ارپاغه محازات ایتک مقصدیله مرقومک
 اوغلانی بر تقریب خفیا قتل و طبع ایتدیروب پرده قاریله باشندن ماعدا
 یزنی خبری اولیه ق پدرینه اکل ایتدیردی بو طریق ایله سالف
 اندکر رؤا احکامک ساقا اولدیغی کهنه مجوس طرفندن افاده
 اولندیغدن ارتق اولیاده کسب اطمینان ایدرک صبی مرقومی
 ایرانده بولسان والده سی یانه کوندردی . بر قایچ سنه مرورنده
 مرقوم ارپاغ شو کیفیته مطلع ارله رق اولیاده اخذ انتقام قصدیله
 اصحاب نفوذ اولان وکلای دوات و رؤای ملت ایله بالافاق استیاع
 علیه قیام و کیفیت خفیا کیروسه نیریر و اعلام ایتدی . کیروس
 دخی شو فرصتی غنیمت بیله رک جمع ایلدیکی کل عسکرایله کلوب
 مدای ممالکنی ضبط و استیاعی اخذ و گرفت ایله سراینده حبس
 ایلدی .

اقس نوغون نام مورخک روایتنه کوره کیروس استیاعک
 سراینده کمال دقت و اعتنا ایله تربیه و تعلیم اوانوب استیاعک
 ارغلی کیخسر بنانیک محاربات واقع سنه سر عسکر بولنش و مدت
 مدیده دزبرو مدای حکمدارینک تحت تصرفنده بولسان ایران ممالکی
 بالاستقلال میلاددن بشیوز التمش سنه مقدم کیروس عهدۀ اداره سنه
 احاله تلمش و منار الیه توسیع دائره حکومت قیام ایله میلاد دن
 بشیوز قرق سکر سنه مقدم ایدیا (صاروخان) ایالتی حکمداری کیروسه

غالبه ایدرک زیر حکمنده بولسان ممالکی و بوندن اون سنه صکره
 بابل شهر بنی ضبط و استیلا ایلیدیکی مثلاً و مصر حکمدار بنی دخی
 ویرکویه ربط ایلمدر. میلاددن بشیوز اوتوزالتی سنه اول سالف
 البیان استیاغک اوغلی کیخسرو ثانی بلا ولد وفات ایلد یکندن
 مدای ممالکی دخی ارنا کندوسنه انتقال ایتش و بوجهمله بابل
 و اسوریا (عراق عرب و بلاد جزیره) مدای و ایران و اناطولی
 قطعدر بنی شامل بر ممالکت جسیهیه متصرف ارلمشدر. مشارالیه
 کیروس میلاددن بشیوز اوتوز سنه مقدم وفات ایتش ایسهده نرده
 و نوجهمله وفات ایلدیکی دخی عند المؤرخین مختلف فیه اولوب
 هرودوتک قولنجده بحر خزrk جهت غریبه و شمالیه سنده حکومت
 ایدن برعلیکه ایله بیلرند و وقوع بولان محاربهده و اقسنوفوک
 روایتنه نظرا سن شیخوختننده اولاد و انسابی میاننده وفات
 ایلمشدر. مدت حکومتی اوتوز و حساب آخر ایله یدی سکن سنه دن
 عبارت بولمشدر.

قامبیس (کیقباد)

قامبیس مشارالیه کیروسک اوغلی ارلوب میلاددن بشیوز اوتوز سنه
 مقدم جالس مقام پدر اولد قده مصر حکمداری بولسان اما سپس
 اولوقنه قدر کیروسه اعطا اید کلدیکی ویرکونک تأدیه سندن
 استکاف ایدوب دیگر بعض اسباب دخی بوکا منضم ارلد یغنه مبنی
 کیقباد جلوسنک دردنجی سنه سنده کلی عسکر ایله مصر اوزرینه
 عزیمت و اورایه حین تقربنده مشارالیه اما سپس وفات ایدوب

یرینه اوغلی پسانیتک قعود ایلدیکنی و بو دخی اسباب مدافعه پی
 تهیه و ترتیب ایدرک کندوسنک ورودینه منتظر بولدیغنی استخبار
 ایتدیکندن اضاعه وقت ایتدیرک طوغریجه کیدوب مصرک برالشام
 جانبندن کلیدی مشابه سنده بولانان پلوس (تینه) نام شهری محاصره
 ایلدی. شهر مذکورک مستحفظینی عموماً مصر اهل بسی کی کلب
 و کدی و دیشی قیون و دیگر بعض حیواناته پرستش ایلدیکندن
 قامپس مصر لولرک اشبو اعتقادات باطله سندن استفاده ایتک
 استیدرک شهره حین هجومنده حیوانات مذکوردهن بر خیل بسی سپر
 مشابه سنده عسکرینک اوکنه سورمش و مستحفظین مذکوره حسب
 الدیانه اشبو حیوانات علیهنه اعمال اسلحه یه جرأت ایده میدرک جهه
 فرار ایدوب بو وجهله شهر مذکور بالسهوله ایرانلویدینه دوشمشدر.
 بعده وقوع بولان بر محاربه ده دخی مصر لولر زیاده منهزم و پریسان
 ارلشدر. قامپس منف شهرینه هجوم ایله اوراسنی دخی ضبط
 واسیلا و مصر حکمداری پسانیتی اخذ و کرفت ایلدی
 و خطه مصریه نی کاملاً اورده دست تسخیر ایتدیکن صکره
 لبوبانی ضبط و ژوپتر آمون نام صمنه مخصوص اولان عبادتخانه پی
 تخریب ایتک ارزره اولجانه الی بیک عسکر سوق ایتش ايسده
 بولار و اصل سر منزل مقصود اولقسزین کافه ریک روانه مستغرقاً
 هلاک اولوب بریسی بيله عودت ایتماشدر. قامپس موجود معیتی
 اولان عساکر ايله حبش طرفه دخی عزیمت ایلش ايسده سودان
 چوالمیرینه راصل اولدقده ماکولات و مشروباتک فقدانندن ناشی
 عسکرینک اکثری تلف اولوب قالانلر دخی دوابلرینی و یکدیگرینی
 اکل ایتکه باشلار قلرندن عزیمت مذکوردهن صرف نظر ایدرک

مایوسا عودتہ مجبور ایشدر قاسیس زیادہ ظالم و غدار اولوب قتل
 عباد و تخریب بلاد کبی انواع مظالم ارتکاب ایندیگی مثلاً و مملکتک
 قوانین موجوده سنی بائمال و اھالیئک عادات و اعتقادات دینہ لرینی
 تزییف و استخفاف ایدوب بالخصوص مصریونک معبود اتخاذا
 ایٹش اولدقلری آیدس نام اوکوزی قتل ایلدی و کندو قرنداشی
 اولان اسمردبسی ایرانہ اعزام و عقبندن مأمور مخصوص ارسالہ
 بغیر حق بیچارہ بی اعدام ایلدی و ہمیشہ سی بولنان زوجی
 مجرد برادرینک وفاتندن ناشی اظہار حزن و اسف ایلدی کیچون
 درحال ایدخی دائرہ ہستیدن معدوم ایلدی . مشارالیه
 مصری استیلا ایتدکدن ایککی ایککی بچق و جلو سندن یدی بچق
 سندہ مروریہ قدر اھالی ایران برادری اسمردیسک وفاتندن خبردار
 اولدقلری جہتلہ شکل و سیما جہ مقتول مومی الیہ زیادہ مشابہتی
 بولنان اسمردبس اسمندہ برمجوسی کویا کیروسک مخدومی
 وقامیسک برادری اولدیغنی ادعا و بعض ہوادارانک معاونتیلہ
 قامبسی خلع ایدرک تخت سلطنتہ جلوس ایتدی و مصردہ کیفیت
 اعلان و ارادہ بولنان عسکری دخی کندوسنہ بیعتہ دعوت ایتک
 اوزرہ اراطرغہ مأمورلر کوئدردی . قامبس صورت حالہ راقف
 اولدقدہ مدعی مر قومک حقندن کلک ایچون علی العجلہ ایرانہ
 عودت ایتک اوزرہ عسکرینی ترتیب ایدوب اسبند راكب اولورایکن
 حال اولدیغنی قلیچک اوجی بجاغہ صاپلنہ رق بعض مرتبہ
 مجروح اولدیغندن برقاج کون طرفندہ ہوندن متأثراً وفات ایلش
 و مدت سلطنتی یدی سنہ بش ماہ ممتد اولشدر .

اسمردیس مجوس

بر وجه بالا اسمردیس مجوس سنهٔ میلادیه دن بش یوز یگر می ایگی
 سنهٔ مقدم مسند نشین حکومت اولد قده مجرد اهلانک کند و حقه
 میل و مودت لر نی استیلاب مقصد به اوچ سنهٔ متمادیا ویرکو و عسکر لکدن
 معافیت لر نی اعلان ایلدی . مع مافیه دسپسهٔ واقع سنک مکتوم
 قاله جغه بکرده اعتمادی اولیوب بالخصوص کپروسک زمان سلطنتنده
 ظهوره کلان بعض قباحنه منی قولاقاری قطع اولمش اولدیغندن
 شاید شو علامت دخی مدار تشخیص و اولد بالده جالس اولدیغی
 تخت شاهی مبدل بلاس روسباهی ا لور خوفیه سرایندن طیشارو
 چیه مدیغندن شو کیفیت و کلاسنک اشتباهنی دعوت ایتسیله رؤسای
 ملتدن برینک قری اولان زیدجی بدرینک تنبیهی اوزرینه مدعی
 مرقومک قولاقسز اولدیغنی او بخوده ایکن تحقیق ایدرک پدینه
 خبر ویرمسی و کپروسک اوغلی اسمردیسی قتل ایدن شخص معبران
 اهلیدن بولندرق قاسبسک امری اوزرینه کندو الیه بونی اجرا
 ایتمش اولدیغنی افشا ایلسی اوزرینه کیفیت مرتبهٔ ثبوت و اصل
 اولمغله رؤسای ملتدن بدی کشی خفیا بالاتفاق مرقومک
 سراینده عزیمتله جبراً او طه سنه کبره رک کندوسنی اعدام و سر
 مقطوعنی بالمشیر کیفیت جلهیه اعلان ایلدیلر . اهالی صورت حاله
 مدایع اولد قده مجوس مرقومک بودرجه کندولر نی اغنا له جسارت
 ایتسندن فوق الغایه منفعل ارله رق ال کون اخسامه قدر یوللرده
 راست کدکلی مجوسیلری اعدام ایله اخذ انتقام ایلدیلر .

(فاردیس)

(بقیه سی صکره)

از خلفای اوطه ترجمهٔ باب عالی

(مجموعه معاهدات عثمانیه)

در سعادتده بره سیاسفارتی باش ترجائی بارن تستانک ترتیبکرده سی
اوله رق الیوم یارسده دردست طبع تمثیل اولان مجموعه معاهدات
عثمانیه ک برنجی جلدی بود دفعه ختام بولش و بر نسخه سی
مطالعده کذار عاجزانهم اولمشدر. اشبو کتاب فوائد نصاب جنتمکان
سلطان سلیمان قانونی حضرتلرینک فرانسه قرالی برنجی فرانسوا
ایله هجرتک ۹۲۱ سنه سی ماه شعبانک یکر می بشی تاریخینده عقد
ایلدیکی عهدنامه دن بدأ ایله شمدی یه قدر سلطنت سنیه و دول
اجنیه بینده منعقد کافه معاهداتی شاملدر. برنجی جلدی درات
علیه نک یالکز فرانسه ایله مناسباتنه مخصوص اولوب بتون کتاب الی
جلد اوله جقدر.

مؤلف مومی الیه کتاب مذکورک صورت جمع و ترتیبی حقینده شو
وجهله دیباچه طرازیان اولمشدر که اشبو مجموعه یکر می سنه مدت
تبیع و تحریات متوالیه مک ثمره سی اولوب کتب نادره و جسیه ده
متفرق و یریشان و یاخود محفوظ بیشتخته کتشان اولان بونجه
معاهدات و سندانک جمع و تدارکی نه درجه امر عظیم و عسیر
ایده کی غیرستیردر. هم تاریخچه و همده مصلحتجه برنجی اعتدال
فوائد کایه استحصال اولتی اوزره یالکز الیوم موجود اولان اروپا
دولتلیله منعقد معاهداتی درج ایلدم بونلرک ال قدیمی فرانسه قرالی
برنجی فرانسوا ایله سلطان سلیمان قانونی حضرتلری بینده ۱۵۳۶ سنه
میلادیه سنده عقد اولمشدر. دول شرقیه بحسنه کلنجه یالکز ایران
دولتیه عقد اولان معاهداتی ادخال ایلدم.

اشبو مجموعه شو حالده فن تاريخچه اولان فائده سندن قطع نظر
 عموماً مطالعه سندن استفاده اولنده جغى دركار ايسه ده بالخاصه دولت
 عليه اولياى امورى و سفارتلى مأمورينى ايچون ترتيب اولمشدر
 حاوى اولدبغى معاهدات و سائرتهك ميلاد تار تخلصى اوزرينه هجرت
 تاريخنك دخى علاوه سى و ارباب مطالعه ده كوره و هله اوليده
 لزومسن كورينان بعض مكاتيبك و سلطنت سنيه ده دائر ديكر
 دولترك كند و يذللرنده عقدايتمش اولدقلى معاهداتك درج الحاقى
 دخى بوسيله مبنيدره.

اشبو اوراقى پك چوق محللردن جمع و استحصال ايلديكم جهته
 مأخذلك بوراده ذكر و تعدادى قال اوله سيوب فقه تحريات واقعه
 و مناسبات زانیه عاجزانهم ثمره سى اوله رق شدي به قدر مكتوم
 و مجهول پك چوق اثاره دسترس اولديغنى بيان ايدرم. بو
 بابده واقع اولان مساعى عاجزانهم فن جليل المنافع تاريخه بر
 كوچك خدمت ديمك اولديغندن شو مدعا انظار عامده عجب
 استكباره حل اولميه رق مجموعه عاجزانهم مك مظهر حسن قبول
 ارله جغنى مأمول ايدرم.

هر تقدیر بو بابده مؤلف مومى اليه دأب دبرين ارباب كمال ارزره
 هضماً لنفسه اظهار عجز و قصور ايلش ايسه ده اشو اثر معتبرى
 چشم امعان و دقتله مطالعه ايدنار عئنده زياده رهين تحسين و تقدير
 اولمشدر. اگرچه معاهدات مجموعدرى سائر كتب علمه و ادبيه
 مقبس اولمىوب بالكر دول اجنيه اليه معاملاتى اولان و كلا مأمورينك
 و برده تاريخ تأليفه اشتغال ايدن ذراتك لدى الحاجه مراجعت
 ايلارينه مخصوص ايسه ده اشبو مجموعه بو قبيلدن اولمىوب چونكه

مقدمه سنده دخی بیان اولدیغی وجهله کتب نادره و جسیده
متفرق بولان معاهداتدن بشقه هنوز اعلان اولمیب معظمت
وقوائک حقیقینی ظاهره اخراجه مدار اوله جق بر چوق مکاتب
و سنداتی شامل بولدیغندن مطالعه سی هر حالده موجب فوائد
اوله جخی درکاردر مومی الیه مساعدۀ موقع و ما موریت مناسبیه
در سعادتده هر وجهله مظهر تسمیلات اولدیغی مثالوویانه و برلین و پارس
و لوندره دفترخانه لرنده دخی رخصتیاب تحری اوله رق خبر ویرلدیکنه
کوره یک چوق اوراق مهمه جمع و استحصال ایلشدر.

بنأ علیه اشبو مجموعه معاهدات رقوعات سالقه نک نه مقوله افکار
و اغراض اوزرینه منی اولدیغنی کوستر بر تاریخ صحیح دیمک اولور.
۹۴۱ سنه سندن مقدم و ندیکلوره بعض امتیاز اعطاسنی متضمن
دولت علیه ابله و ندیک جمهوریه و ردوس قوالیه لری بیلشده بعض
مقاولات عقد اولمش ایسده بر اوروپا دولتی ایله صلح و مسالته
دائر الک اول عقد ایلدیگیز مذکور ۹۴۱ سنه سی معاهده سیدر.

مجموعه مذکور استانبول فتحندن سکسان اوچ سنه صکره جنتمکان
سلطان سلیمان قانونی حضر تلیزیک حیاس سریر سلطنت عثمانیه
اولدیغی زمان سعد اقراندن بدأ ایدوب اول اثناده سلطنت سنیه
واصل اقصى الغایات سطوت و اقتدار اولدیغندن شو حالک نه مقوله
اسبابه منی اولدیغنی اکلامق ابچون بزجه عصر مذکور تاریخی
مطالعه و تدقیق اهم امور دندر. ارلوقت صورت ترکیبیه و بالخصوص
اصول عسکریه جه طوائف سائرمیه فائق اولدیغیز جهته بو قدر
فتوحاته مظهر اوله رق غلغله شان و شوکتز ولوله انداز چار اقطار
جهان اولشیدی. فقط صکره لری بر مقتضای تقدیر عالی و اسباب

مختلفه به منی قضیه بر عکس اوله رق دلال سائره بزه تفوق ایلدی .
 نزد ارباب بصائر د روشن ظاهر اولدیغی و حمیه شو انقلابی داعی
 اولان اسبابدن بریسی اکثر یا تنجسه عز و اقبال اولدیغی ارزره
 بزر تنپوری و استراحتیه اعتیاد ایله تکلفات سفریه بی تنعمات
 حضریه به تبدیل ایتکلکیز ماده سی ایسه ده اصل سبب ملل
 سائره نك فنون و صنایعه کسب ترقی و کمال ایلیدر . یعنی ذکر
 اولنان تحول حال بزم کیروله مزدن زیاده انارک ایلرولاریله حاصل
 اولسندر . فی الحقیقه شو زمانه من اعصار سالفه ایله قیاس قبول
 ایتوب تحصیل مایه سطوت و اقتدار مطلقا معارف و آدابک بین
 الاهالی اندسارینه متوقفدر . مقصد مهم مذکور شو اساسه مستند
 اولسدرق هزار کلفت و زحمتله صورتپذیر حصول اولسه بیله
 عمومی و دائمی ارله من . هر نه ایسه اشبو مباحث پک طویل الذیل
 اولدیغندن همان صده رجوع ایده لم .

کتاب مذکورده مندرج موادک باشلیجده سی معاهدات ایسه ده مشتمل
 اولدیغی مکاتیب و سندات دخی حقیقه دقت و اعتنایه شایاندر .
 بونلر سلاطین عثمانیه طرفندن فرانسه قرالرینه یازلمش نامه
 همایونلر ایله صدر اعظملره اسد ار یوزلمش اوامر عالیله و تعلیمات
 و فرانسه قرالری طرفندن سلاطین عظام عثمانیه به تقدیم اولمش
 نامه لر و سفرالرینه کوندولمش تعلیمات و بونلرک دخی مسائل مهمه به
 دائر متبوعاری اولان حکمداران و وکلارینه تقدیم ایتمش اولدقلری
 لواجم و معروضات و بوقیلدن سائر اوراق مهمدر . اشبو
 اوراقک اکثریسی معاهداتک نه مقصد اوزرینه عقد اولسدیغنی
 شرح و توضیح ایلدیگندن مطالبه دندن چوق شی استفاده

اوائے جنی منالو برنجی ناپولیون بوناپارطہ نک مصر اوزریند عزیزمشتہ
 دائر مکاتیب و سندات زیادہ شایان اطلاع مواد دندرہ المانیا مشاہیر
 حکما سندن لایینج طرفندن فرانسه قرالی اون دردنجی لوئی یہ مصری
 ضبط ایلمکے تسویق ضمنندہ یازلمش اولان لایمکے دخی صورتی وارد
 مجموعہ مذکورہ بالخاصہ سلطنت سنیہ یہ متعلق اولدیغی جمہتله
 بالطبع جہلہ دن زیادہ بزرجه فائده سی اولوب بومقوله انارک اوروپا جہ
 دخی شهرت و اعتبار بولہ جنی درکار و بونی اورادہ مظاہرہ
 ایدنلر سلطنت سنیہ نک ال زیادہ صاحب شوکت و اقتدار اولدیغی
 زمانلر دہ بیلہ دائماً مسلوک قدم اختیاری اولان طریق مستقیم عدل
 و حقانیتدن عدول و انحراف ایتماش اولدیغی کورہرک بعض
 بدخواهانک حقمرزدہ نشر ایلمکلی اکاذیب و اراجیفک نہ درجه
 بی اساس اولدیغی فہم و ایدہ جکلی اشکاردرہ بنأعلیہ مؤلف موعی
 الہک شوہمتدن طولانی ایفای تشکرہ ابتدار و دیگر مجلداتک
 وبالخصوص روسیہ دولتیہ اولان مناسباتمزدہ دائر جلدینک دخی
 ظہورینہ انتظار ایدرز.

اشبو مجموعہ معاهداتک فائده سی یالکز فرانسنر لسانہ اشنا اولنلرہ
 منحصر اولسی جای تأسفدرہ فقط شامل اولدیغی معاهداتک همان
 کافہ ترجمہ صورتلری موجود اولہ جفندن بونلرک جمع و تدارکی
 و اولیسا نلرک بالترجمہ علاوہ سی ایلہ طبع و نشری خصوصنہ دخی
 بر صاحب اہلیت طرفندن ہمت بیورلسہ بالجملہ ابنای وطن استفادہ
 وبالخصوص اجانب ایلہ مناسبات رسمیہ سی اولانہ ا مورین سلطنت
 سنیہ مصلحتجہ فوائد عظیمہ بی استحصال ایدہ جکندن از دل
 و جان بوتک حسن حصولی تمنی ایلرز:

(اوروپا دولترينك مقايسه عسكريه سي) (مابعد)

بر دولتك حربا درجه اقتدارينك اكلاشلسي اول دولتك تجاوزي
 وتدافعي حاللرنده بشقه بشقه اولان قوه عسكريه سني بسلكه متوققدر.
 دولتلرك حال تجاوزيده اولان قوه عسكريه لري اكثريا وقت
 حضره مخصوص اولان مقدارن زياده اوليوب واقعا اوقات سائريه
 نسبتله زياده عسكر جمع و تحري ر ايدرلر ايسه ده بونلرك فضله سي
 احتياط مر كزلرنده و قلاع و خسته خانه لده اقامه اولنورلر. فقط
 حال تحفظيده وقت سفره مخصوص اولان مقدار استخدا م اوليوب
 بونلر دخي عساكر منتظمه و احتياطيده دن عبارتدر. الما يياده بونك
 اوزرينه لاندور تعبير اولنان عسكر ك بر فرقه سي دخي علاوه قلنور.
 ملت عسكري تعبير اولنان عسكر دشمن اوزرينه سوق اولنميوب يالكر
 مواقع عسكريه و سائره نك محافظه سنه تعيين و مواقع مذكوره ده
 بولنان نظام عسكري سائر لازم كلان يرله سوق اولنور.
 سالف الذكر احتياط عسكرينك هر مملكتده اهميتي اولديغندن بو
 يابده بعض ايضاحات اعطاسنه ابتدار قلنور شويله كه فرانسه ده
 بهر سنه يكرمي ياشنه رسيده اولان اوچبوزاون بش بيك كشينك
 نصفي مقداري مقدا بر تقريب خدمت عسكريه دن معاف اوله رق
 يالكر سكسان بيكي عسكركه النور ايكن شمد ي وقت حضره
 يوز بيك كشي تحري ر اولنور فقط بونلرك بر مقداري الايله الحاق
 و باقبسي لدي الحاجه جلب ايدلك اوزره محللارنده ابقا قلنور ايدى.
 بونلر بيك سكر يوز التمش تاريخنه قدر تعليم ايندكلري حالده
 تاريخ مذكوردن بر و بر نصفي عساكر نظاميده الحاق اولنوب نصف

ديكرينك برنجي سنه اوج ماه و ايكنجى سنه بر ماه تعليم ايله اوقات
سائرده كار و كسبليله مشغول اولملرى اصول اتخاذا قلمش و بو
صورت بالتجربه فائده لو كورنديكندن ابقاسى مقرر بولمىشدر.
بنا عليه فرانسه دولتك ايلروده دائما سلاح التنده دريوز التمش
يدى بيك عسكرى اولدقدن بشقه يوز اوتوز اوج بيك دخى
احتياط عسكرى بولنه جغى و سنوى يوز بيك نفر النور ايكن وقت
حربده يوز اللى بيك كشي اخذ ايله قوه مذ كورهك موجودى تزويد
اولنه بيله جكى و بونلره بر مقدار كوكللو و ملت عسكرى دخى ضم
اولنه جغى و كوكللو عسكردن بشقه بونلرك كافه سنك مدت
عسكريه لرى معين و محدود اولديغى جهتلره دولت مشار اليهانك
وقت حربده قوه عسكريه سي يدى سكرز يوز بيكه بالغ اوله بيله جكى
آشكاردر.

انكلترده موجب تشويق اولق اوزره سلك عسكرى يه كيرنلره اكر اما
اول امر ده بش ايره استرلين و خدمتده بولندقلرى مدتجه دخى
مستوفى معاش اعطا اولنور. بيك سكرز يوز التمش بر و التمش
ايكى سنه لرنده نفس انكلترده استخدام اولمق اوزره يوز قرق التى
بيك و هندستانده قولالتمق اوزره يتمش اوج بيك كشي سلك عسكرى يه
دخول ايتمش و اشبو مقدار دن ماعدا هندستانده يرلودن اولمق
اوزره يوز التمش بيك سپاهى عسكريه ملت عسكرى وارددر. اشبو
ملت عسكرى قرعه ايله اخذ اولنوب بونلر المانياساده وقت حربده
جلب اولسان لاندور يعنى مستحفظين مملكت عسكرينك بر نوعى
اوله رق سنده بر كره تجمع ايله بر قاچ هفته تعليم ايدرلر و وقت
حربده پارلمنتونك راي اولديغى حالده انكلتره ممالكنك خارجده سوق

واغزام اولنه ييلورلر . كوكللو عسكرى ايسه ملبوسا تاريخى كندولرى
تدارك ايدوب استدكارى وقت تعليم ايتك اوزره تجمع ايدرلر
و مقدارلرى يوز يكرمى بيك كشيدن عبارت اولوب كيتدجكه ترايد
ايتديكندن بونلر ك تسويه مصارفى ايچون پاراستو طرفندن يوز
اوتوز اوچ بيك ايكيوز يتش التى ليره استرلين تخصيصى قلمشدر .
ملت و كوكللو عسكرى قوه احتياطيده دن معدود اولوب انكلتره
ممالكنه خارجدن تجاوز وقوعى تقديرجه بروجده تخمين مقدارلرى
شمديكنك درت قاتنه بالغ اوله ييلور .

سائر ممالكده اهاايدن سنا بر درجه محدوديه واصل اولنلر كافه
خدمت عسكريده بولمغه بورجلو اولوب اشبو بورجى ايفسا
ايدجك اولنلر ايله بوندن معافيتى لازم كلنلر قرعه ايله تفريق
وتعيين اولنديغى حالده روسيده بونك عكسيدر . مملكت مذكوره ايالات
شرقيه و غريبه اعتباريله ايكيه منقسم اولوب بونلردن بالمشا و به
يتشريك نفر اخذاولنديغدن وقت حضرده هر بر ايالتدن ايكي
سندده بر كره اولمقدار عسكر النور ديمك اولور . بيكده قاچ كشي
النمسي راي ايمپراطوريه محول اولوب فقط اكثر يا بيكده بش كشي
النور و بونلردن اون سكردن اوتوز بش ياشنه قدر اولنلردن
انتخاب اولنور . هنكام محاربه ده شوقاعدهيه رعايت اولنمده رق
لزو منه كوره حركت قلنور . اصلزادكان و ارباب تجارت خدمت
عسكريده دن مستثنا اولدقارى مثالو قائمه اولدق بيك روبله اعطاسيله
دخى تحصيل معافيت مجاز ايسده نادرالوقوعدر . روسيه دولتنك
متاهل و زراعتله مشغول اولدقلىرى حالده سرحدات محافظه سنه
مأمور اولان عسكرى تقريبا يوز بيك نفر در .

اوسىزىيادە ئىموم اھالى خىدمەت ئىسكرىيەدە بولمىغەن مەجبۇر اولوب فقط دولت خىدمەتتە ئىستىخدىم و دىئوى و كىلى و طبىب و پاپاس اولنار و ئىتىش ياشىنى وارمىش بىر پىدر و ياخود والدىنىڭ ياللىز اوغلى خىدمەت بولغانلار مەككوردىن مەئافىدەرلەر . تىرول ايلاندىدە اون سەككىزدىن يىكرمى التى و دوات مشار الىهانك ايتالىيا قىطعە سىندە كائن ايلاندىدە يىكرمىدىن يىكرمى بىش و ايلات سائىرە سىندە اون سەككىزدىن يىكرمى التى ياشىنى قىدر اولنار عىكرە النور . سىر خىدات ئىسكرىيە دە ايسە قوى البنىيە اولان كافە ذكور يىكرمى ياشىنىدىن اوتوز بىر ياشىنىنى قىدر خىدمەت ئىسكرىيە ايفاسىنى مەجبۇر دەر . اچە ايله كوكلو اوله رق عىكر تىخىرى اصولى جارى اولدىغى مىثالو ۱۸۵۶ سىنى سىندە موضوع نظام اقتضاسىنىچە بىل اعطاسى دىخى جائىز دەر . وقت حىضرىدە خىدمەت ئىسكرىيە سەككىز سىنى اولوب ھىنكام محسارىبەدە غىر محسود دەر . اشىبو سەككىز سىنىنىڭ انقىضا سىندىن صىكرە نىفرائك اسملىرى ايكى سىنى دىخى احتىياط دىفترىندە عىقىد بولنور . بولنار محسارىبە مىناسىبىلە تىكرار جىلب اولنوب لازم كەلدىكى حالىدە مەدت مەككوردە ئىمىدىد قىلنور . تىرول ايلاندىدە بىر ئوع ملت ئىسكرى و بعض بىوك شىرلار دە لاندور ئىسكرى و اردەر .

پروسىيادە شىمدىيە قىدر جارى اولان لاندور ئىسكرى اصولى جەلەك معلومى اولدىغى جەھەتلە تىففىسىلە حاجت يوق دەر ، فقط پارلىنتو قىرارى اوزىرە ۱۸۶۱ سىنى سىندە اولبايدە خىلى تەدىلات اجرا قىلىنىش دەر . اصول جەدىدەيە كوردە لاندور ئىسكرىنىڭ بىرىنجى فرقىسى عىساكر منتظىمەيە الحاق و بو صورتلە الايلار كەددى قىرق ايكىن سەكسانە ابلاغ اولنوب مەدت ئىسكرىيەلرى دىخى بىر اھىر اعتبارى اولىق اوزىرە اوتوز ياشىنىنى قىدر ئىمىدىد قىلىنىش ايسەدە عىساكر مەككوردە ياللىز اوچ سىنى سىلاح

التندة بولنوزلر . اشبو لاندور فرقه عسكريه سنك مركب اولديغي
 قرق الايك مقدماتي صورتله ضابطاني اوليوب سنوي اجرا
 قلنان تعليلده موقتاً ضابطان تعيين اولنور ايكن شمدي دائمي
 ضابطاني واردر وصف ضابطاني لا اقل اون ايكي سنه خدمت
 عسكريه ده بولنمش اولان نغراتدن اولوب بو صورت اهالينك امور
 حريه ده كسب ملكه ومهارت ايتلرينه زياده مدار اولور ايسه ده شو
 فوائدك استحصالي مالا كلى فداكارلىق اختيارينه متوقفدر . بوندن
 بويله لاندور عسكرى طابورلره منقسم اوله رق پياده عسكرينه الحاق
 اولنجه جق ومحاربه حالنده عساكر منتظمه ضابطاني قوماندده سنده
 بولنه جقلدر .

ايتاليا شمدي برحال انقلابده بولنديغندن عساكر موجوده سنه دائر
 معلومات صحيحه انسه ميوب فقط هر حالده اشبو دولت جديده نك
 عساكر موجوده سي درتيوزيك نفر تخمين اولنه ييلور .

المانيا برطاقم دولت و حكومتلردن عبارت اولوب بونلك مقدار
 اراضى و اهالىسى بر وجه اتى كوستلشد

اسامى حكومات	يك سكر يوزالى	بهر ميل	ميل مربع
المانيا	سكر تارنخنده	مربع اوزرنده	حسابيله
	مجموع	بولنان مقدار	مقدار
	اهالى	اهالى	اراضى
باويره قراليتى	۷۴۸,۶۱۵,۴	۳,۳۳۳	۱,۳۸۵
ساقسونيا قراليتى	۱۴۸,۱۲۲,۲	۷,۸۱۲	۲۷۲

۱۰۳ اوروپا دولترينك مقايسه عسكرية مى

۶۹۹	۲,۶۳۹	۱,۸۴۳,۹۷۶	هانوره قرالىتى
۳۳۴	۴,۷۷۳	۱,۶۹۰,۸۹۸	ورتمبرغ قرالىتى
۲۷۸	۴,۸۰۴	۱,۳۳۵,۹۵۲	بادن غران دوقه لغى
۱۷۴	۴,۱۸۴	۷۲۶,۶۸۶	هس الكتورلكى
۱۵۳	۵,۵۲۶	۸۴۵,۵۷۱	هس غران دوقه لغى
۳۴۱	۲,۸۴۱	۹۶۸,۸۶۳	هولشتاين ولونبورغ دوقه لغى
۸۷	۴,۷۷۰	۴۱۰,۲۷۹	لوقسنبورغ غران دوقه لغى
۶۷	۴,۰۷۱	۲۷۴,۰۶۹	برونسويك دوقه لغى
۲۴۴	۲,۲۱۹	۵۴۱,۳۹۵	مكلنبورغ شوهرين غران دوقه لغى
۴۹	۲,۰۱۳	۹۹,۶۲۸	مكلنبورغ استرليچ غران دوقه لغى
۸۵	۵,۱۸۹	۴۴۳,۶۴۸	ناسودوقه لغى
۶۶	۴,۰۴۷	۲۶۷,۱۱۲	ساقس وایمار غران دوقه لغى
۴۳	۳ ۹۲۶	۱۶۸ ۸۱۶	ساقس ماينېغن دوقه لغى
۲۴	۵ ۶۴۹	۱۳۵ ۵۷۴	ساقس التنبورغ دوقه لغى
۳۶	۴ ۵۵۷	۱۵۳ ۸۷۹	ساقس قوبورغ دوقه لغى
۱۱۴	۲ ۵۸۱	۲۹۴ ۳۶۹	اولدنبورغ غران دوقه لغى
۴۰	۲ ۹۸۸	۱۱۹ ۵۱۵	انهالت دسوغوتن دوقه لغى
۱۵	۳ ۷۲۷	۵۶ ۰۳۱	انهالت برنبورغ دوقه لغى
۱۵	۴۰۷۹	۶۲ ۹۷۴	شوارتس سوندرهاوزين پرنسلكى
۱۷	۴۰۰۹	۷۰ ۰۳۰	شوارتس رودولشتات پرنسلكى
۳	۲۴۶۵	۷ ۱۵۰	ليختين شتاين پرنسلكى
۲۲	۲۶۵۱	۵۷ ۵۵۰	والدك پرنسلكى
۷	۵۷۹۴	۳۹ ۳۹۷	روس غرايتس پرنسلكى

۱۵	۵۴۵۴	۸۱۸۰۶	روس شلاتس پرنسلیکی
۸	۳۷۴۵	۳۰۱۴۴	لیپ شاونبورغ پرنسلیکی
۲۱	۵۱۴۹	۱۰۶۰۸۶	لیپ دتمولد پرنسلیکی
۵	۵۱۴۹	۲۵۷۴۶	هس هومبورغ غرافلیگی
۶	۹۴۳۵	۵۵۴۲۳	لوبک شهری
۲	۴۳۲۵۰	۷۹۲۷۸	فرانقفورت شهری
۳	۲۵۳۸۷	۸۸۸۵۶	برم شهری
۶	۳۴۸۰۱	۲۲۲ ۳۷۹	هامبورغ شهری
<hr/>		<hr/>	
۴۶۵۶		۱۸۰۴۰۹۷۶	یکون
			پروسیا دولتک المانیا دا خنده
۳۳۸۹		۱۳۱۷۳ ۲۳۵	کائن ایالاتی
			اوستریا دولتک المانیا دا خنده
۳۵۴۵		۱۲۹۰۹۹۱۹	بولان ایالاتی
<hr/>		<hr/>	
۱۱۵۹۰		۴۴۱۲۴۱۳۰	یکون عمومی

(قور اطهاری)

بحر محیط هندیده واقع قور اطهاری سلطانک برادر و برادرزاده سی
اولوب مقدمه حسب المصلحه لوندیره یه عزیمت ایتیش اولان محمد
وعبداه بککریو کونلرده سلطان منار الیه طرفندن مأمور آدر سعاده
دخی کیش اولملرینه و جزائر مذکوره ممالک مستقله اسلامیه دن
اولوب تفصیل احوال و کیفیات برزجه بالوجه شایان اطلاع

مواددن بولندیغنه مبنی کرک مومی الیهماک صورت حالرینه و کرک
مملکتلرینک جغرافیا و تاریخنه دائر کندولردن و محال سائرهدن اخذ
ایلدیکمز معلومات مفیده‌ک عرض و بیاننه مبادرت قلنور.

مومی الیهما حبش اهل‌بسی رنگنده و اجداد لری اولان عرب شکل
و سیاسنده اورته بویلو و نحیف الوجود ادملردر. ناصیه‌حالرنده
اثار فطانت و اوضاع و حرکاتلرنده اماره نجابت هویدادر. محمد بک
تخمینا اوتوز بش و عبده بک یکر می بش اوتوز یاشنده در. البسه‌لری
دخی پانطلون ایله صرمه قیطانلو بر نوع طار جبه‌دن عبارت اولوب
مملکتلرنده باشلرینه صارق صاررلر ایسه‌ده بوراده فس کیمشلردر.
بونلر کندو لسانلردن بشقه عربجه و انگلیزجه تکلم ایدوب بالخصوص
عبده بک انگلیز لسانی کرکی کبی اوقیوب یازدیغی مثللو فرانسرجه‌یه
دخی اشنادر. هنر و انده اصول جدیده اوزره مؤسس اوله‌رق خاندان
سلطانی‌یه مخصوص بولنان بر مکتبه تحصیل علم و ادب ایلشلردر.
و یزیده کاغذ لری اوزرنده کورلدیکی وجهله محمد بک مجلس مملکت
اعضاسندن اولوب میرلوا و دیگری میرالای رتبه‌سنده در.

قوراطه‌لی ماداغشقار جزیره سیله افریقا سواحل شرقیه سی
۴۱ و ۴۶ طول شرقی ایله ۱۱ و ۱۴ عرض جنوبی میانه‌سنده واقع اولوب
هنر و ان و قور و موالی و میوت اسملریله درت اطه‌دن هر کبدر.
مذکور هنر و ان اطه‌سی مثلث الشكل اولوب اگرچه جسامتجه دیگر لرینه
نسبتله ایکنجی درجه‌ده ایسه‌ده متعدد امنیتلو لیسانلری اولدیغی
جهتله سائرلردن زیاده اهمیتی واردر. مقر حکومت اولان موسامودو
شهری دخی جزیره مذکوره‌ک ساحل شرقی‌سنده واقع اولوب
امید برونی طریقیله هندستانه امددشد ایدن اوروپا سفائی شهر

مذکور لیسانه از غرایه رق صو و ما کولات الورلر . اشبو موسامودو
 شهری متین و مرتفع بر سور ایله محاط اولوب بونک اوزرنده دخی
 جابجا مربع الشكل قله لر وارد در . ساحلده انتظام اوزره دیکلمش
 بر نوع غایت ظریف خرما اغاجلری و جوامع شریفه مناره لری
 مناسبتیه خارجدن منظره سی زیاده نفیس اولدیخی نقل و روایت
 اولنور . هنر و انده وقتیه ی نارطاغلر اولوب ایوم هر طرفنده اتش اتاری
 مشاهده اولنور . مع مافیه ساحلا و داخلا رونق و لطافتی بر کمال اوله رق
 طاع و تپدلی سراپا اشجار ایله مستور و دره و اووه لری انهار ایله
 معمور در . اراضی سی دخی غایت مثبت و محصولدار اولوب هر طرفی
 مزروع و صبیق صیق قرا و قلوبه لر ایله معمور در . باشلیجده محصولاتی
 شکر قامشی و قهوه و برنج و قرنفل و زنجفیل و هندستان جوزی
 و چوید و تمر هندی و موز و هاراروت و وانیلیا و اناناس و پتاس
 اولوب بونلردن اوروپا و قطعات سائره ینکلی شی اخراج اولنور
 و سواحلنده پک چوق باغه صید اولوب بو دخی امتعه تجاریه دن
 معدود در . باشلیجه حیوانات اهلیه سی کچی و حمار و سودانده
 بونور بر اور بکلی صغردن عبارتدر . طيور دن دخی بیج طاوخی و بادیرجین
 و عادیلرندن بشقه بر نوع غایت کوزل کوکرجین بونور و اورمانلرده
 اجناس مختلفه دن میونلر و ترلارده کوچک فاره لر پک چوق و سیوری
 سککدن بشقه حشرات مؤذیه یوقدر .

اصل قور اطه سنه بیوک قور تسمیه اولنوب اشبو جزیره هنر و اتک
 شمال غریبسنده و اندن یکرهی بش ساعت بعدنده واقعدر . جزیره
 مذکوره بر طاقم طاغلردن عبارت اولوب بعضلرینک اتکلری دریا ایله
 محاطدر . هیت مجموعه لری بر طاع تشکیل ایدوب بونک دخی تپه سی

سطح دریادن ایکی بیک بشیوز متوقدر هر تقعدر
 موالی اطهری دخی هنزوآنك جنوب شرقبسنده واندن بش ساعت
 بعدنده واقع اولوب هر طرفی ریختم کی قیا ایله محاطدر
 قور اطهریك دردنجیسی اولان میوت بمحشنه کلنججه اشبو جزیره
 الك کوچکی اولوب هنزوآنك جنوب غرببسنده واندن یدی ساعت
 بعدنده در اشبو اوج اطهرنك اراضی و محصولات دخی هنزوآن
 اطهری کبیدر

جزایر مذکوره نك مواقع جغرافیة سی جهتیله اب و هوای غایت لطیف
 و موافق صحت اولوب فقط اوروپا لور شدت حرارتندن شکایت ایدرلر
 اهالیسی اوج جنسندن مرکب اولوب بریسی اصل یرلوردر که غایت
 ایری وقوی البیه و متناسب الاعضادرلر و صاچاری سپاه و کوزلری
 زیاده فرایدر و رنگلری زیتونی به مائل سیاهدر و طوداقلری زنجیلر
 کی ایری و یناقلری یومریدر ایکنجیسی عربلوردر که الیوم زمام
 حکومت بوزلریندن در طائفه مذکوره نك اکثریسی اهالی سائر
 ایله نسلاً اختلاط و امتزاج ایلدیکی جهته یرلور به بکره مشلرایسده
 اصلزادگان گروهی در سعادتده بولنن سالف الذکر بکدر کی سیای
 اصلیدرینی غائب ایتمامشلردر اوجنجیسی زنجیلردر که همجوار
 بولنن افریقا قطعہ سندن اسارتله جلب اولورلر مداغشتمار
 سواحلنده متمکن اولوب سکلای اسمیله مستی بر طائفه وحشیه دن
 دخی خیلی اسرا اولدیغی مثلوزراعت و تجارتله مشغول برخیلی اوروپالو
 و حتی چند نفر عثمانلو دخی وارددر موعی الیها کرک جزائر مذکوره نك
 جسامتلری و کرک اهالیسنك مقدارینی بیله مدکلری مثل و جغرافیة
 کابلرنده دخی اولیابده شایان اعتماد معلومات بولنه مامشدر فقط

جسامتجه ایکنجی مرتبه ده بولنان هنزوان جزیره سیینه اول حوالیده
 واقع اولوب ایوم انکلتزیه تابع بولنان موریس اطه سی اتساعنده
 اولدیغی جبرویریلوب بوتقدیرجه اون بش ساعت امتدادنده دیمک اولور
 قور اها لسی علی العموم ملایمت واستقامت و مهمان نواز لقه متصف
 اولوب همجوارلری بولنان افریقا و ماداغشقر سواحلی اها لسنه
 نسبتله پک متدندرلر . استعداد و فطانتلری برکمال اولدیغی مثالو
 اوضاع و حرکاتلرنده زیاده نزاکت وارد و تعبیراتلرنده بعض
 مضامین شاعرانه استعمال ایلدکلی جهتله مصاحبتلری پک
 لطیفدر .

اهالینک قیافتلری پک ساده اولوب اهل قرا بر نوع قبا بزدن پشمال
 صارینور و باشلرینه دخی طاقیه کیرل و شهرلور غایت ککش قوللو
 بر نوع کوملک و ایچ طونی و یلاک تلبس ایدرلر . یالکز اصلزادکان
 و سائر معتبران اهالی صارق صارینورلر و بلارنده اکثرا کومش
 و عقیق صابلی بچاق و خنجر طاشورلر و سائر ممالک حاره سکندسی
 کبی پک چوق حوم اکل ایتمیوب باشلیجه مأکولا تلری سود
 و سبرواتدر .

نسای دخی یلاک و بر نوع فستان تلبس ایدوب صوقاغه چیققدقلرنده
 تسترده اعتنا ایدرلر و حلیاته فوق العاده میل و رغبتلری اولوب اغنیاسی
 التون و کموش و مرجاندن و فقراسی باقر و تیمور و جامدن معمول
 بلازکلر و کوپه لر و یوزکلر و کردانلقلر استعمال ایتدکدن بشقه
 عرب اصولی اوزره ایاقلرینه خلخاللر و برونلرینه خزمه تعبیر اولنور
 حلقه لر طاقرلر .

شهرلرک ابنیه سی نهایت ایکی قات اولق اوزره محکم کارکیر اولوب

فقط اهل قرا مساکنی قامشدن یا پلمش و اوزرلری هندستان جوزی
 پیراغیله اورتولوش قلوبه‌لردن عبارتدر و اهالیدن مقتدار اولنلرک
 اکثریا متعدد زوجهلرندن بشقه مستفرشه‌لری دخی واردر. خانه‌لری
 درونی اسباب زینت و احتشامدن عاری اولوب وجوه و اعیان
 قوناقلرنده مسک و امشالی رواج طیبیه استعمالی پک شایعدر.
 مملکتک باشلیجه مصنوعاتی دخی برنوع قبا بز و صابون و دری و دیگر
 بعض شیلردن عبارتدر. قیومجیلق صنعتی دخی خلیجه ایلروده
 اولوب الات و ادواتلرینک عدم کفایه سیله برابر یاپدقلری حلیات
 و سائرهنک شایان تحسین اولدیغی روایت اولنور.
 بین‌الاهالی کلی املاک و اراضی صاحبی زنکین ادملر اولوب بروجه
 بالا افریقا و ماداغشقاردن محبوب زنکی اسرا پک چوق و اوجوز
 اولدیغندن اکثریا زراعت و امشالی امور شاقه ده بونلری
 استخددام ایدرلر. اسرای مذکورهنک بهر رأسی نهایت اون اون
 ایکی ریاله یعنی ایکوزالتش غروشه اشتر اولنور و بعض کره کثرتی مناسبتله
 اوج ریاله قدر تنزل ایدر چونکه اقوام زنجیه یکدیگریله محاربه
 ایدرک غالب کلان طرف دشمندن اخذ ایده بیلدیکی اسرایی بازاره
 کتوروب فروخت ایدر و مشتری بوله مدیغی حالده بینلرنده اولان
 بغض و خصومت مانع اطلاق اولدیغی مثللو حفظ و اطعاملری
 دخی بادی کلفت اوله جغندن اول حالده زبونکشلق فعل ذمینی
 ارتکاب ایله صاتیلیان اسرآنک همان بازار یرنده اعداملرینه مباشرت
 و محل منجوسلرینه عودت ایدرلر. اشته بعض کره قیمتلرینک زیاده
 ندنی ایتمسی شو معاملة غدارانه دن نشأت ایدوب بعض کره دخی
 اسبو قوراطه‌لری اهالیسی و سائره کبی شمه انسانیتدن بهره‌دار

اولنار معرض تلفه کلمش اولان بیچارکان اسرانی مجرد بیچیه
هلاکدن تخلیص مقصدیه اشترا ایدرلر.

قور اهلانک امور بحر به ده زیاده توغل و مهارتلی اولوب ممالک
اجنبیه امد شد ایدر خلی کیلری واردلر. بونلرک اکثریسی بر دیرکلی
اولوب یلکنلری دخی هندستان جوزی اناجی پیراغنندن معمولدر
و ایچنه صو کیرما مک ایچون قامش و یا خود اناج
دالرندن ایکی طرفنه سدر یارلر و اشبو تهلهکلی کیمیلره بحر
محیط جزائرینه و افریقا و جزیره العرب سواحله و حتی بومیای
و سورتیه قدر مملکتلی محصولاتی نقل ایدوب اورالردن دخی منسوجات
و اسلحه و تیمور و مسکوکات جلب ایدرلر.

ایادی ناسده تد اول ایدن التون و مکوش مسکوکات اجنبی دولتلرک
اولوب هنزوان سلطانک یالکز باقر مسکوکاتی واردلر.

قور اطهاری اهلایسی عموماً اهل اسلام اولوب شافعی المذهبدرلر.
بعض خدمات عسکریه ده مستخدم هندیلردن بشقه حنفی مذهبنده
ادم یوقدر. شهرلرده جسیم و منارهلی کارگیر جوامع شریفه و مدارس
اولوب علما دخی چوقدر.

حامی دین مبین اولان ذات حضرت پادشاهینک حائز مقام
خلافت کبری اولدیغنی تصدیق ایله کافه طوائف مسلمته نک امر
دینده رئیس و یشواسی نظریله باقدقلری جهته اوته دنبرو خطبه بی
نام نامی جناب خلافتیناهییه قرائت ایدرلر.

هر درلو دعاوی محاکمه شرع شریف احکامنه تطبیقارؤیت
و فصل اولنور. بوندن سرمواخراف اولنمیوب حتی سارقک یدی
قطع اولنور. فقط سرقت پک نادر وقوعبولدیغندن اشبو جزای شدید

ترتیبه مجبوریست حاصل اولیوب اون بش یگرمی سنه دنبرو یا لکر
ایکی دفعه اجرا اولمش و بونک بریسنده سسارق قونسو ساردن
برینک نهایت اون اون بش غروش قیمتده بعضی اشیاسنی سرقت
ایتمش اولمغله ائک اصراری اوزرینه حکم اولمشدر.

قرآن شریف و عقاید و حساب تعلیم چون مملکتک هر طرفنده اوتته دنبرو
بر چوق مکاتب و ارایسده اصول جدیده اوزره السنه اجنبیه
و فنون متنوعه تحصیلده مخصوص اویچ مکتب موجود اولوب بر منوال
محرر بونارک بریسی خاندان سلطانی به منحصر در و صنوف اهالی بیننده
اوقور یازر ادمار خیل بونور و یادی ناسده علوم عقلیه و نقلیه دایر
جده و بصره و محال سائرهدن جلب اولمش کتب عربیه بولندیغی
مثلا و حروف و لیتو غرافیا دستکاهلرینی شامل بر طبعخانه لری دخی
اولوب بونده بعضی کتابلر طبع اولنور.

قور اطهرنده عموم اهالی عربی و فارسی ایله افریقاسوا حلقه
مخصوص بر لغاتدن مرکب بر لسان تکلم ایدوب فقط امور تحریری به
عربی استعمال اولنور.

جزائر مذکوره حکمداری صورت مطلقه ده اجرای حکومت ایدر.
رسماعنوانی هنزان سلطانی اولوب فقط اهالی لسان بلده اوزره
کندوسنه موآن اطلاق ایدرلر. مناصب عالیه خاندان سلطانی به
منحصر در. وزیر عنوانیه درت و کلاسی اولوب وزیر الاول عموماً
مصلح مملکته و وزیر الثانی امور داخلیه و وزیر الثالث امور بحریه به
نظارت ایدر.

مملکتک ایکی مجلسی اولوب بریسنه (دیوان) تعبیر اولنور که قاضی الاسلام
عنوانیه معاون اولان رئیس علما ایله قاضی مملکتدن بشقه اعضاسی

منحصراً سلطان خاندانیدن اولوب بونلر دخی الحاله هذه يكرمي
ايكيدرو ديكرينه (الجماعه) تعبير اولنوب بودخی مملكتك اعلم علما
وبكار اعيانندن اولق اوزره يوز قدر اعضادن مر كيدر. مجلس
مذكور اعضاسی حكومت معرفتيله انتخاب اولنور.

مهم مصالح مملكت سلطان دخی حاضر اولديغی حالده مذکور
ديوان مجلسنده تذكر و رؤيت اولنوب فقط بونده بين الاعضا
اختلاف آرا وقوعنده سالف الذكر الجماعه مجلسنه مر اجعت اولنور.
اشبو مجلس كندو طرفندن ديكر بر رأي بيانه مأذون اوليوب انجق
ديوانده كوستريلان شقلردن بريسي تنسيب وترجيح ايدرو اولوجهله
اقتضاسی اجرا قلنور.

هنزوان درت وقور اون التي و موالی دخی ايكي اولق اوزره مملكت
يكرمي ايكي سنجاعه منقسم اولوب بونك هر بريسي والی عنوانيله
بر مأمورك تحت اداره سنده در. حكومتك منتظم وانكليز اصولی
اوزره معلم اوله رق طقوز بيك عسكری واردر. بالاده بيان اولنديغی
وجهله اسرای زنجيه تداركنده پك سهولت اولديغی مثلاً بونلر ايشه
دخی يرادقلری و بنأعليه عسكرلك كلفتك اهالی اوزرينه تحمليه
حاجت قالمديغی جهته عساكر مذكوره كافه اسرای مذكوره دن مر كيدر.
بونلرك اكثر ضابطانی يرلودن ايسده ايجلرنده بر خيلي امر يقالو
و الما يالو اولديغی مثلاً تبعه دولت عليه دن حاجی خليل بك اسمنده
پر ذات دخی اولوب مومي اليه في الاصل عثمانلو اوله رق بو
طرفلردن كتش اولديغی و اون بش سند دنيرو اوراده توطن ايدرك
بين الاهالی معزز بولنديغی خبر و يرلشدر.

قور اطدارنده بار كيرواسر اولديغندن عسكرايچون اقتضا ايدن

حيوانات بصره دن جلب اولنور.

اهالیدن هیچ بر نام ایله ویرکو اخدی معتاد اولوب یالکز کزک رسمی النور. بودخی آخر اجات اوزرینه یراردن یوزده ایکی بچق واجنیدن یوزده بشدر. بوندن بشقه اجانبک زراعت ایلدیکی اراضیدن بر هکتار یعنی یوز متر مربع باشنه بر بچق شلین اخد اولنور. اشته بوناردن سنوی درت یوز بیک ریال یعنی تقریباً اون یدی بیک بشیوز کپسه حاصل اولوب حکومتک ایرادی بوندن عبارتدر. برده عموم اهالی شرعاً لازم کلان فطره لرنی عیناً و یا خود نقداً طرف حکومته تسلیم ایدوب بودخی فقرا ایله محتاجیندن اولان غربایه تقسیم اولنور. امور مالیه ایچون مخصوص ناظر اولوبوب بوکامتعلق مصالح وزیر الاول و ظائفی داخلنده در.

فخائر و مأكولات سائره زیاده مبدول و اوجوز اولوب قرق قیه پنج بر اریاله و اون بش قیه لحم بر اریاله و بر صغر نهایت بش اریاله فروخت اولنور.

حکومتک قوه بحریه سی دخی اون التي قطعه کوچک حرب سفینه سندن عبارت اولوب بونلرک بهرنده نهایت اون ایکی قطعه طوپ و التمش یخش قدر طائفه وارددر. اشبو سفائن مملکتک اصول قدیمه سی اوزره تجهیز و اداره اولنور.

سفائن حریده مخصوص سنجاشک اوچ طرفی یشل و اورته سی قرمزی اولوب وسطنده شروط اسلامه و یا خود صلاة خسه یه علامت اولق اوزره بر پنجه رسمی و بزم بیراقلرده اولدیخی مثلاًو بر آی و یلدر وارددر و تجار سفائی سنجاشی دخی ینه اولیه اولوب فقط بونده پنجه رسمی بو قدر. ذات سلطانی یه مخصوص اولان بیراق

دخی سیاه و بیاض و صاری و قرمزی اوله رقی شطرنج واری درت
رنکدن عبارت اولوب بالاسنده کی برخانه ده دیگر دولت بیراخی کی
پنجه ایله آی یلدیز واردر.

سلطانك ازخوالیده واقع ممالکدن مسقط امامی و زنکبار سلطان
و ماداغشقار قرالی ایله صلح و مسالمته دائر معاهده لری اولدیغی
مثالو انکلتره و امریقا و فرانسه و فلنک و پورتیکز دولتلریله دخی
اولیابده عهدنامه لری اولوب موساهودوده دول مذکوره ایله مسقط
امامی طرفندن برر قونسولوس اقامت ایدر مذکور دولتلرک جله سیله
مناسبات دوستانه سی برکال اولوب فقط بر منوال محرر هندستانه
امد شد ایدن انکلیر سفائنک اورایه اوغرامسی و بحر محیط هندیده
بولنان انکلیر سفائن حریده سندن دائمی بر قاچ قطعده سی اوراده
بولنسی جهتیه دوات مشارالیهانک سائرندن زیاده نفوذی چاریدر.
سلطانک جسیم و منتظم بر سرایی اولوب مفروشات و تزیناتی اورویا
اصولی اوزره درر احرارندن بولنان درت زوجده سندن بشقه بو
طرفلردن جلب اولنش متعدد چرکس و حبشی اوطه لقلری دخی
اولدیغی منقولدر.

همنروانده قطعاً عربیه اولدیغندن سلطان سوقاغه چیققدقه اته
سوار اولور ایسه ده رسمی کونارده درت ادم اوهورنده مجبول تختروانه
سوار اولوب نوبتله دکشدیرمک اوزره ارقه سندن اون بش حال
دخی یدک کیدر.

اوراده بولنان تجار اجنیه سربستانه اخذ و اعطای ایدرلر
ایسه ده علناً فروخت ایتمک اوزره درون مملکتده مسکرات اعمالی
ویا خود خارجدن ادخالی نظاماً ممنوع اولوب یولو و اجنبی طرفندن

یوکا متابعت و خلافتده حرکت ایدنلر زجر و تأدیب قانور.
 مملکتک تاریخنه دائر شمیدیاک بر معلومات اله میوب فقط بعض
 دؤرخلرک یسانه کوره هجرتک التجی قرئنده عربلر جزائر مذکوره‌یی
 فتح ایدرک ذاتاً بتیرست بولنان اهاالبسند دین و لسانلرینی تلتین و تعالیم
 ایتشلردر. اولری اوروپالو عندنده مجهول اولدیغی حالده ۱۵۹۷
 سنه سنده هولانده‌لو قورنل هوتمان نام قپودان کشف ایلشدر.
 مجموعه عاجزانه من مطالعه سنه رغبت ایدنلرک معلومی اولدیغی اوزره
 بکر افندی طرفدن اوله‌رق امید برونندن بالورود ۱۲۸۹ سنه سی
 سوالی تاریخی و اون نوهر ولی مجموعه ده مندرج بولنان بر قطعه مکتوبده
 امید برونندن و ایلور سفینه سیله اوچ کونلک مسافه ده هندوان اسمنده
 بر جزیره اولوب عموم اهاالبسی و استقلال اوزره بولنان حکمدارلی
 اهل اسلام اولدیغی بیان قلمش و اولوقت جزیره مذکوره‌ک موقع
 و احوالی تحقیق اولسه مدیغندن بونک جغرافیون عندنده نام
 دیگرله معروف اوله‌جغی یازلش ایدی. اشته بکر افندی‌ک دال ابجد
 ایله هندوان تسمیه ایلدیکی جزیره‌ک اشبو هنزوان اولدیغنده
 اشتباه اولیوب بو مناسبله شو مشکلرک دخی انحلالپذیر اولدیغی
 بالمنویه بیان ایدرز. فرانسزلر جزیره مذکوره‌یه (Anjouan)
 آنروان و انکلیرلر ده‌ا زاده تحریف ایله (Jouhana) جو‌هانا
 تسمیه ایدوب خریطه‌لرنده دخی بو وجهله کوسترمشلردر.
 جزایر اربعه مذکورده‌دن میوت (Mayotte) اطه‌سی دخی
 عقد ملی هنزوان سلطانی ممالکندن ایکن بوندن یکر می سنه مقدم
 بر تقریب فرانسه دولتی طرفندن ضبط اولمشدر. شویله که موریس
 اطه‌سی انکلرله لویه انتقال ایتد کدن صکره فرانسه دولتی کندو

بكلك و تجار سفائی التجا ايتك و اقتضا ايدن مأكولات و مشروباتی
تدارك ايتك همچون امید برونك اوته طرفنده بر لیمانی قائمیدیندن
اوراده بر مناسب محل تدارکی آرزوسنده اولدیغی حالدده سفائن
حربیه سی قبودانلرنندن بریسی ۱۸۴۱ سنه میلادیه سنده جزیره مذکوریه
اوغرایه رق كرك موقعه و كرك اب و هوا جه تمام مطلوبلرینه موافق
اولدیغی کشف و تحقیق و صورت حالی اقتضا ایدن محله اشعار
و تنبیق ایتسی ارزرینه فرانسه ریاله سی موسیو دوهل (de Hell)
طرفندن یوزباشی موسیو پاسو (Passot) عاً موراً مذکور میوت
جزیره سنك متغلباً حاکمی بولنان (اندریان سولی) نزدینه کوندراش
و اول ائنده جزیره اهالیسی ارا لقه ده متغلب هر قوم عالیینه قیام
ایلدکلی مثلاً و هتروان سلطانی استرداد داعیه سندن و همجوار
بولنان دیگر بعض حکمداران دخی حق حکومت دعواسندن خالی
اولیه رق نهایت الندن چقد جغنی تیقن ایتش اولسیله ۱۸۴۳ سنه سی
شیاطنده ضابط مومی الیه کنده ویننده منعقد بر مقارله نامه
اقتضا سنجه جزیره مذکوریه فرانسیه ترك و تملیک ایتش و سنه
مذکورده حزرانك اذن اوچنده ینه مومی الیه موسیو پاسو معرفتیه
فرانسه نامه ضبط اولمش و بر مقدار کافی پیاده و طوبجی عسکری
مستحفظ تعیین قلمشدر.

اشبو فراغك شرائطی مواد ایتهدن عبارتدر اوله فرانسه دولتی
طرفندن اندریان سولی به قید حیات شرطیه سنوی بیک اریال یعنی
تقریباً یکرمی ایکی بیک غروش ویریه جك ثانیاً ایکی نفر اوغلنك
فرانسیه تابع بوربون جزیره سنده مصرفی حکومت طرفندن
ویریه رله تربیه و تعلیم اولنه جتی ثالثاً جزیره نك امنیت و محافظه سیچون

اقتضا ایدہجک اراضی و املاک مستثنا اولیق اوزره اہالی یہ عائد
اولان کافہ اراضی و املاک کماکان اصحابی یدندہ قالہ جق رابعاً
براولر ایلہ فرانسدولر بیندہ تگون ایدہجک دعایینک فصل و تسویہ سی
حکومت معرفتیلہ صنفیندن انتخاب اولنہ جق حاکمہ حوالہ
قلنہ جقدرد. معاہدہ مذکورہ تاریخندن جزیرہک اولوجہلہ ضبط
اولمنسہ قدر مرور ایدن مدت انناسندہ جزیرہ بر قطعہ فرانسہ
بکلاک سفینہ سی تحت محافظہ سندہ بولندیرلمشدر.

میوت جزیرہ سی مستطیل الشکل اولوب طولاً امتدادی یکرمی بر
میل و عرضاً دخی ایکی ایلہ سکز میل بیندہ در. ینار طماغدن تگون
ایتمش اولدیغی انار دلالتیلہ معلومدر. طولاً الی یوز متر ارتفاعندہ
بر سلسلہ جبل ممند اولدیغی مثالوج جزیرہک ہر طرفی غایت طاعلق
اولوب قابل زراعت اولان محالری درہ ایلہ بعض اولردن عبارتدر.
دروندہ ایرمق اطلاقنہ شایان صویوق ایسدہ کوچک چای و کوزلر پک
چوق اولوب بونلرک ایچندہ بر ایکی دکرمان اداره ایدہجک قدر
مبہہ جاریہ واردرد. خیالیچہ اورمانلری دخی اولوب بونلردہ کرک
سفائن و کرک سائر شیلر انناسندہ الویرشلی کراستہ حصولہ کلور.

۱۸۴۳ دە جزیرہ مذکورہ دە ایکی قصبہ اولوب بونلرک ابنیہ سی دخی
احسابدر. ازمنہ سابقدہ کارگیر بر شہر موجود اولدیغی حالده ہر
تصلہ خراب اولہ رق الیوم جوامع شریفہ و دیگر بعض ابنیہ سی
اناری قالمشدر.

جزیرہک ہر طرفندہ یک چوق لیمانلر و قویلر وار ایسدہ الک امین
واعلاسی لونقونی لیمانیدر کہ بردونما اسلیعاب ایدرد. خرما و ہندستان
جوزی و موز و پورتقال و لیون و تمر ہندی و بلاد حارہ یہ مخصوص

سائر اشجار مثمره یبائی اوله رق نشو و نما بولد یغی مثلاً و شکر قاشی
و پاموق و قهوه و توتون دخی خدای ثابت اوله رق حصوله کلور.
برنج و طابلی پتاس و مصر بغدادی زراعت اولنوب بال ایله برنوع
صیغ دخی حاصل اولور.

جزیره مذکوره نك فرانسه لویه اتقاندی اسارت اصولنك لغویله
اهالی یدنده بولان اوج بیك اسیر دولت طرفندن اصحابنه بدلی
ویریلرک ازاد اولمشدر دولتک تشویقی اوزرینه البوم اوراده خیلی
فرانسزلر تمکن ایدوب تجارت و زراعتله مشغولدرلر.

(منیف)

(خلاصه پولیتقیه)

کچر دفعه یازلد یغی وجهله تونسده رئیس عصات طرفندن شرط
اطاعت اولاق اوزره دولتلو والی پاشا حضر تدرینه تکلیف اولان
مواد معلومه دن برایی خزینه دارک مملکتدن طرد و اخراجی شرطی
اولد یغی حالده بوندن صرف نظره دائره اطاعتد دخول ایلشدر
و بونک مقابلنده والی مشار الیه طرفندن رئیس مومی ایله الی بیك
غروش قیمتده املاک ویریلوب بوندن بشقه اوله رق هم کندوسی
و همدی برادری بعض صورته تلطف قلمشدر. فقط ینه مشایخ
عرباندن منصور بن طاهر الی بیك سواری ایله هنوز حال عصیانه
بولنده رق خزیندار مومی الیهک دفعی طلبنده اصرار ایتکیده
اولد یغی مثلاً سوس و صفاقس اهالیسی دخی هنوز دائره اطاعت

گیر ماشاردر: امر اختلاک مندفع اولدیغی خصوصی بودفعه والی
پاشا طرفندن رسماً قونسالوسلره اشعار اولمش و بوندن بویله ینه
عصیان ظهور ایتدیکی حالده اندفاعنه چالشیق اوزره مجدداً بر
اردو تهیئه و ترتیبه مباشرت قلمشدر: اوروپا دولتاری سفائی
حالا تونسده بولنده رق کرکی کبی امن و اسایشک تقریرینه منتظر
اولدقلری مثلاً هنوز حال عصیانده بولانلردخی سفائن مذکورہک
عودتلرینی بکلمکده درلر.

امریقاده شماللور براز وقتدنبرو حصرو تضییق ایتدکلری پترسبورغ
شهرینک اخذینہ ظفریاب اوله میه رق مایوسا و اشنطونه عودت
ایتمشلر و جنوبلر کلیتلو عسکرله کلوب ماریلاند مملکتی استرداد
ایتمشلردر.

مکسیقاده اصل یرو اولوب امریقانک سائر اهاالیسی کبی حال وحشته
بولان طوائف ایمپراطور جدید ماقسیمین حضر تالرینک مسند نشین
حکومب اولسنی اورالرجه سبب صلح و اسایش عد ایتدکلری جهته
ایمپراطور مشار الیه طرفنه کندو محصول تلرندن هدیہ لر تقدیمله
جلوسنی تبریک ایتملردر: معلوم اولدیغی اوزره مکسیقا امریقانک
سائر ممالکنه مقبوس اولیوب اهاالیسنک جزؤ اعظمی اشبو وحشیلردن
عبارت اولدیغندن بونلرک جلب و تأمین حکومتجه مهام اموردن
بولمش و بودفعه اولوجهله طرف حکومت ابراز ایش اولدقلری
مآربل و مودت ایمپراطور مشار الیهجه اعظم اسباب موفقیتدن
عد اولمشدر.

اوستریا دولتشک یونان قرال جدیدنی تصدیق ایلمسی اساساً قبول
اوانوب عهد قریبده رسماً اعلانی مصمم بولمشدر.

ناپولی قرالی سابق ایکنجی ژوزف حالا روماده اقامت ایدرک ممالک
مغصوبه سنک استرداد ایسبانک استحصانه حسب الامکان سعی
ایتمکده اولدیغندن غالباً ایستالیا دولتک وقوعبولان رجاسی اوزرینه
بو دفعه دخی فرانسه دولتی طرفندن قرال مشار الیهک رومادن
اخراج و تبعیدی خصوصی پاپا حضر تلرینه تکلیف اولمش ایسده
ملتجی قبولی اصولک هر حالده خللدن وقایه سی لازم و لابد
اولدیغی جهتله تکلیف مذکورک اسعافی ممکن اوله میه جغی جوابی
ویرلشدر.

ویانه ده تجمع ایتمش اولان اوستریا و پروسیا و دانیمارقه هر خصلمری
مقدمات صلحیه قرار ویرلشدر. اشبوصلح اقتضاسنجه دانیمارقه
دولتی هولشتاین و شلمزوبق و لاونبورغ دوقه لقلرینی اوستریا
و پروسیایه ترک ایده جک و بو صورتده دانیمارقه تحت حکومتمندن
چیقه جق نفوسک مقداری طقوز یوز یتمش بیک نفوس اولوب دولت
مشار الیهک بره لیون یدی یوز بیک نفوسی قاله جقدر. فقط اوروپاک
خارجنده بولنان سکسان بیک نفوسی بو حسابده داخل دکلدن.

Dear Mr. [Name],

I have the pleasure to acknowledge the receipt of your letter of the 10th inst. in relation to the [Subject].

I am sorry to hear that you are not satisfied with the [Subject]. I will endeavor to [Action] as soon as possible.

I am, Sir, very respectfully,
Your obedient servant,
[Signature]

مجموعه فنون سر ماه عربی نهائیه چیتا ریور

در سعادت ایچون بهاسی

غروش ۶۵ بر سنده لك

۳۵' التي ايلق

۰۶ بر نسخه

بر سنده لكه و یا خود التي ايلغه مشتری اولق اسنلد كده يكي
جامع جوارنده چيچك بازارنده واقع جمعيت عليه عثمانیه
مرکزینه مراجهت اولنه . ایلالتده مشتری اولق استیانیلر فیثات
مذکوره اوزرینه مسافه نك قریت و بعد یتنه باقلمیوب بر ییلاق
ایچون التي والتي ايلق ایچون اوچ غروش پوسته اجرتی ضمیمه
الچه سنی پوسته یه تودیعاً جمعیت عليه عثمانیه ریاستی طرفه
کوندردکاری حالده اوقات معینه سنده محله ایصال اولنور
ممالك اجنبیه ایچون مسافه سنده کوره لازم کلان پوسته اجرتی
ضم اولنور

متفرق صايمان نماز

جغال از غلده صوجی	جمعیت مرکزى
بك ارغلی جاده سنده صحاف	صحا فلر كخدا سی حلیلی حاجی
کولر نوهره ۳۲۳	حسین افندی
الاجه حمامده سرکی عثمانی	سلطان بایزیده کاغدی حافظ
اشیاسی صاان یوسف افندی	اسماعیل افندی

مجموعه فنون درجی مراد او لمان مواد سما پیه جمعیت مرکزینه

ارسال یوریه

مجموعه بنون

از

جمعیته علمیہ عثمانیہ

اوچنجی سنیہ

نومرو ۲۸

ربع الآخر

استانبول

جمیته علمیہ عثمانیہ مطبعہ سنیہ اولیٰ نشر

(مواد مندرجه)

مدخل علم ژئولوژی	ادهم پاشا
تاریخ ملوک فارس قدیم	فریدیس افندی
اوروپا دولترینک مقایسه قوه عسکریه لری	محمد شوق افندی
حربق استانبول	منیف افندی
تاریخ دولت علیه درسی	
خلاصه پولیتیکه	

جمعیت مهریه مهور اولیان مجموعه فنون نسخہ لرینه ساختہ نظاریه
باقیله رق طابع و بایعلری مسئول طوبیله جقدر

(مدخل علم ژئولوژی)

بحار بیانده دَر

قعر دریانك شكلی پك معلوم دكل ایسده قاره لك سطحنه شبیه
اوله رق اینشلی و یوقشلی اولدیغی قیاسا اکلا شیلور. دریاده
مرتفع طاغلر و واسع صحرار اولوب بعض جبالنك ذروه لری سطح
دریادن خارجه چیقه رق بوندن اطهار تشکل ایلمشدر. مع مافیه
قعر دریا قاره لردن بعض مرتبه فرقلی اولیق لازم کلور. چونکه بونجه
انهار علی الدوام بحاره منصب اولوب ناقل اولدقلری موادی
ایصال و اقتدیله دخی مواد مزبوریه قعر دریانك دریجه محملارینه
کوتوروب انده ترك ایلیه رك ذکر اولنان اوله لری املا و تسویه ایدرلر.
بنابرین دکرده بولنان اوله لك و بوغازلك دریله کلری قاره لرده کائن
جبالك ارتفاعلرندن اقل اولیق لازم کلور. بحر محیط جنوبیده
طقوز ییک مترو یعنی اون بریک ذراعدن زیاده درینلک
بولنش ایدوکی بالاده بیان قلنش اولوب انجق بحر محیط غریبنك

عمقی بر ساعت یعنی یدى بىك بشيوز ذراع و بحر محیط شرقىك دخى
 بر ساعت و بر ثلث مقدار بولمشدرد. بخاردن عمقى الاز اولان اوروپا
 دكزلى اولوب دالماتيا ايله ايتاليا اراسنده واقع وندىك كورفزينىك
 درينلىكى يوزاوتوزايكى قدم و جبل طارق ايله سبتده بىننده دريانىك درينلىكى
 ۵۷۰۰ و مارسليا شهرى ايله جنوه شهرى اراسنده اولان نيسه شهرى
 پيسكاهنده صولرك عمقى ۲۰۰۰ و جبل طارق بوغازى ۹۰۰ دن ۳۰۰۰
 قدمدر. مشهور قبودان موسيو اسقورسپى بحر محیط غربىك جهت
 شماليه سنده بر موقعهده ۷۶۰۰ قدم طولنده بر اسقاندیل ايند ير مش ايسهده
 دريانىك قعرينى بوله ماش ايدو كندن شو كيفيت قطب دكزلىك
 صولرى غايت درين اولديغنه و قطب بوزلىك دخى اطهار اوزرنده
 واقع اولمديغنه بر دليلدر. غور دريانىك درجه حرارتى اكلا شلى
 ايچون تجارب عديده اجرا اولمشدرد شويله كه دكز صولرىك حر كاتى
 سطحده اولوب درينده تلاطم اولماغله اسقاندىك اوجنه ميزان
 الحراره ربط اولنه رق قعر دريانىك درجه حرارتى وزن اولمىدقه
 بحر محیطك حرارتى نصف نه ارده هوانىك كولكده اولان حرارتدن
 دون و نصف ليله بالعكس دائما زياده اولوب صباح ايله اخشاملين
 هوانىك درجه حرارتيله موازنده اولديغى تبين ايلمشدرد و دريانىك
 مختلف درينلىكلرنده درجه حرارت دخى اختلاف اوزره اولوب
 مثلا دريانىك سطحى ۲۲ درجه حرارتده بولمديغى حالده يكرمى بش
 قولاج درينده صولرك حرارتى ۱۴ درجهيه قريپ ويوز قولاجده
 ۱۱ و اوچيوز قولاجده التى بچق درجه حرارت بولمشدرد و دريانىك
 مواقع مختلفه سنده اشوقاعده تخلف ايدرايسهده الشيوز قولاجدن
 زياده درينلىكده صولرك حرارتى برى برى اوسته درت درجه دن

ایش درجه‌یه قدر در و حرارت مذکوره سطح دریایه طوغری
 چیقلدجه تزايد ایدوب سطح صولرینک حرارتی دخی موسمنه کوره در
 پیانه حاجت اولمدیغی اوزره دکز صولری مواد اجنبیه دن خالی
 اولیوب ثقلت اضافیه سی ماء مقطر دن زیاده واکا نسبتله ۱۰۲۸۶ در
 و میاه بحر یه ده محلول مواد ی تعیین و تقدیر ایلاک ایچون ماهر
 کیمیا کران معرفتیه میاه مزبوره تحلیل اولنده رق برکیلو غرامده زیرده
 محرر مقدار مواد اجنبیه بولمشاردر

سائر کیمیا کرانک تجربه لرینه کوزه		برغمانک تجربه سی	دکز صوینده
مانش دکز ی و بحر	بحر متوسط یعنی	بحر محیط غربی	بولان موادک
محیط غربی	اق دکز		اسامبشی
۰۲۳ غرام	۰۱۱ غرام	بورده بولنما مشدر	حاض قاربون
۲۶,۶۴۶ غرام	۲۶,۶۴۶ غرام	۳۲,۱۵۵ غرام	عادی طوز
۰۵,۸۵۳	۰۷,۲۰۳	۰۸,۷۷۱	ملح قاپور مولد
			المائی ماغیریا
۰۶,۴۶۵	۰۶,۹۹۱	ملح کبریت
			ماغیریا
۰,۱۵۰	۰,۱۵۰	۰,۱۰۳۹	ملح کبریت کلس
			ملح قاربون کلس
۰,۲۰۰	۰,۱۵۰	وماغیریا
۳۹,۳۱۴ غرام	۴۱,۱۴۰ غرام	۴۱,۹۶۵ غرام	یکون

مدخل علم ژئولوژی

دوقتور مارسته بحر محیط شمالینک صویندن بر کیلوگرام اخذ ایله
تحلیل ایدوب اتی البیان مواد اجنبیه یی بولمشد.

ملح قلوور سودیوم یعنی عادی طوز	گرام	۲۶,۶۰۰
ملح قلوور ماغنیریا		۰۵,۱۳۴
ملح قلوور کلس		۰۱,۲۳۲
ملح کبریت سودیوم		۰۴,۶۶۰
گرام		<u>۳۷,۶۲۶</u>

آجی کوللرک صولری دخی تحلیل اولنوب بعضیلرنده وخصوصاً بحر
لوطده میاه بحر به دن زیاده طوزلر بولنش و اشبو محله ده بحر لوط
صولرینک یوز قسم اعتباریله ترکیب کیویسیله مواد مختلفه اجنبیه سنک
بیان و ترقیمی مناسب کورلمشد.

	یوز قسمده
ملح قلوور کالسیوم	۰۳,۲۱۴۱
ملح قلوور ماغنیریا	۱۱,۷۷۳۴
ملح بروم ماغنیریا	۰۰,۴۸۹۳
عادی طوز	۰۷,۰۷۷۷
ملح قلوور پوتاسیوم	۰۱,۶۷۳۸
ملح قلوور آلومنیوم	۰۰,۰۸۹۶
ملح قلوور مانغانز	۰۰,۰۲۱۷
نشادر طوزی	۰۰,۰۰۷۵
ملح کبریت کلس	۰۰,۰۵۲۷
	<u>۲۴,۳۹۹۸</u>
صو	۷۵,۶۰۱۲
یکون یوز قسم	<u>۱۰۰,۰۰۱۰</u>

اشبو جدولدن اكلاشيله جغى وجهه ذكر اولنان كولك صولرى يوزده
يكرمى بشه يقين مقدارى مواد ملحيه يى شاملدر. دريانك هر طرفنده
اولان صولر بر تركيبده اولمديغندن ثقلت اضافيه لرى مختلفدر يعنى هر
نقدر صوده زياده مواد محلوله بولنسه اولقدر آغراولمى لازم كلور. زيرا
هر دكزك و مشهور اولان آجى كوللارك كافتلرى كوسترلش اولمغله
برى برلرينه نسبتله زياده و نقصان طوزلى اولد قلى دخی
پروجه اتى بيان اولنور.

كافتلرى

بحر محيط قطب شمالى	۱,۰۲۶۶۴
بحر شمالى	۱,۰۲۸۲۹
خط استوا بحرى	۱,۰۲۸۲۹
بحر جنوبى	۱,۰۲۸۸۲
چينك غرب طرفنده واقع بحر اصغر	۱,۰۲۲۹۱
اق دكز	۱,۰۲۹۳۰
مرمره دكزى	۱,۰۱۹۱۵
بحر سياه	۱,۰۱۴۱۸
روسيله نك شمالنده واقع بحر ابيض	۱,۰۱۹۰۱
بحر بالطق	۱,۰۱۵۲۸
بحر منجمد	۱,۰۰۰,۵۸
ايرانده واقع رومبه كولى	۱,۱۶۵.۷
عربستانده واقع بحر لوط	۱,۲۱۲۲۳

اشبو جدولدن يك نظردده اكلاشيله جغى اوزره بحر محيط جنوبى بحر
محيط شماليدن زياده املاحى حاوى اولوب بومقدارلك بيننده واقع

نسبت دخی ۱۲۹۱۹ و ۱ : ۲۷۵۷، و نسبتی کبیدرو کوچک دکرلر بیوک دکرلردن طوزلو ایسه ده بالعکس آق دکر بیوک دکرلردن زیاده طوزلودر و صولری اخف یعنی طوزلری اقل اولان دکر بحر منجمد اولوب جله دن اقل اولان دخی بحر اوطدر. دکر درینلشدیجه و ساحلدن اوزاقلشدیجه طوزلری زیاده لشوب صیغ و ساحله قریب یرلده و قطب بوزلری بولنان محللرده بالعکس تناقص ایدر. بونلرک سبیلری دخی معلوم اولوب شویله که انهارک طاتلو صولری ساحلده دریایه منصب اولدیغندن صولر اولحوالیده وسط دریا صولری قدر طوزلی اولر.

میاه بحریه و سائرهنک طوزلی اولسنک اسباب ظاهره سی علم ژئولوژینک ایکنجی بابنده ذکر اولنه جق میاه معدینه منابعی اولوب اشبو منابع کثرت اوزره قعر دریاده نبعان و ولقانلرک اکثریسی دخی جزیره لده واقع اوله رق خلی میاه حاره معدینه ظهورینه باعث اولدیغندن میاه بحریه یه ایراث ملوحت ایدر. باشلوجه سبیلری دخی علم مذکورده بیان اولنه جقدر.

بالاده بیان قلندیغی اوزره میاه بحریه نک حاوی اولدقلری طوزلر مختلف المقدار اولوب بر طرفدن طوزلی ینابع تفجر و بر طرفدن دخی سطح دریادن صولرک تبخر ایلسندن ناشی بحارک الملحه سی تزیاید ایدر و بو صورتده بعض اسباب و عوارضدن صرف نظر اولندیغی تقدیرده هرور ازمنه ایله دریانک ملوحتی زیاده لسه جکی امر بعید دکلدر یعنی انهار واسطه سیاه دریایه دوکلان میاه عذبه نک مقداری میاه بحریه نک بخاره منقلب اوله رق هوایه صعودایدن مقدارندن دون ایسه مثلاً کیفیت هنر بوره نک الان بحر سویشده و بحر

سفیدده وقوغ بولدیغی مشاهده قلوب بتون بحاره تعمیم قلندیغی
تقدیرده میاه بحر به نك ملحیتی تزايد ایده جکی درکاردر. بتون دکرلک
حاوی اولدیغی املاحك مقداری حساب اولنهرق سطح کره ارض
کاملاً ستر ایده بیله جکندن بشقه اون مترو ارتفاعا عنده بر حلقه
حاصل ایده جکی اکلا شلشدور.

بالتجربه ثابت اولدیغی اوزره شمسك ضیاسی دریاك انجیق اوچیوز
مترو درینلکنه قدر واصل اوله بیلوب اوتیه سی بالکلیه ظلمتده و قرق
ضیاسی دخی قرق قدم درینلکی تجاوز ایده مدیکندن و حیوانات
و نباتات ایسه ظلمتده یعنی بلا ضیا نشو و نما ایده مدکلرندن ذکر
اولنان اوچیوز متروندن درین محالرده حیاتدن اثر اوله میه جغی ظاهر
اولندور. بوندن قطع نظر دریاك اوست طبقه لری الت طبقه لری نی
تضییق ایتدیکندن او یله درین یرلرده حیوانات و نباتات بو تضییقه
تحمل ایده میوب هلاک و تلف اوله جقلری بی اشتباهدر.

دکرلرده و جسم صولرده بررنگ مخصوص اولوب حالبوکه بونک بر
مقداری برقاب دروننه وضع اولندقدقه قابده بولنان صوا اولکی رنگده
قالن. بودخی سایان دقتدرکه اکثریا قویو رنگده اولان صولر صاف
اولور و بیکار صولری کثیر المقدار اولدقلرندن رنگلری پک معین
اولیوب فقط میاه حاره معدنیده اکثریا بررنگ مشاهده اولنور.
ازجمله اسوجده اولان پورلا صوی صاری و مشهور ویشی صولری
یشیل و اوورن مملکتده اولان میاه معدنیه نك رنگلری دخی بیاضه
ماندور. معلوم اوله که الوان مذکوره صوده بولنان مواد اجنبیه
عضویه دن نشأت ایدر و کوچك صوطملری دخی مختلف الوان
کورینوب طالعاده میاه و اولرده بوز و یشیله قریب اولور و انهارك

صوری دخی كذلك درلودلو اولوب مثلاً اسویچر ده غایت براق
اوله رق بوز ویشیل رنگده صور واردر. روایت اولندیغنه کوره
مملکت مذکورده قارلرک ذوبانندن حاصل اولان صور ابتدا رمودی
یشیل و محللرندن اوزادجقه چمن رنگنده اولور و رون نهری جنوره
کولندن چیقدیغی محله قویو چویدرنگنده در. کیفیات مذکوریه
مشهور موسیوهونبولد امریقا انهارنده دخی مشاهده ایلشدر. مومی
الیهک روایتنه کوره خط استویه قریب مملکتلرک صوری سیاه
کورندیککی حالده غایت صاف و براقدرلر شویله که یکر می یا اوتور
قدم درینده اولان بالقلر و چایک دیی دخی رؤیت اولنور و اشبو
رنگ قعر نهرک خاصه سی اولیوب چونکه قعر مذکور اکثریا غایت
بیاض غرانت قومندن و چاقق طاشندن عبارتدر. ذکر اولنان سیاه
رنگ صورده مولد الماء ایله قاربون جسملرک ترکیبی بولمسنندن نشأت
ایلشدر و بعض چایلرک هر نقدر ساحلی بیاض مواددن عبارت اولور
ایسده صوری سیاه و بعضیلرنده دخی بالعکس ساحل سیاه و صوری
بیاضدر و کوللرک صوری دخی محللرینه کوره مختلف رنگده اولورلر.
دریانک صوری بعض محللرده تخلف ایدر ایسده اصل لونیشلدر
و حتی هیچ دگری کورماملش اولان کمسنلر بعید محللندن ابتدا
کوردکلرنده و هله اولیده دریایی اکلش بریوک اوه ظن ایدرلر و بو
یشل رنگ ساحله قریب محللرده اولوب ساحلندن اوزادجقه قویو
لاجورد اولور. ساحلده صویک رنگی آچق مائییه ویشیله تحولی
شمسک ضیاسی قعره واصل اولمسننددر. بناء علیه الک درین اولان
محللرده بجرک رنگی قعرینک جنسنده کوره تخلف ایدر یعنی دکرک
ذیی اسمرجه و اینجه رمالدن عبارت اولدیغی حالده صور المایشلی

کورینور و صاری قوم ایسه قویویشل و صویک ذبی غایت اینجه
قوم و یا چاءوردن عبارت ایسه قیررنکنده کورینور.

(ادهم)

ناظر معارف و نافعده

(تاریخ ملوک قدمای فرس) (مابعد)

دارا بن کشتاسب (دارای اول)

سالف الذکر مجوسینک اعدا منه قیام ایدن یدی کشی فرداسی کون
حین طلوع شمسده بر محل معهودده اجتماع ایله راکب اولدقلری
حیوانلرک قنغیسی اول صیحه زن اولور ایسه انک صاحبی اولان
ذات مقبالک مسندنشین شاهی اولسنه ینلرنده قرار و یروب عهد
و یمین ایله یکدیگری تأمین ایلدیلر. مومی الیمدن دارا بن
کشتاسب که سلاله کیانیاندن در خانه سنه عوده تنده سایینی جلب ایله
صورت حالی تفهیم و کندوسنک زمام سلطنت مسلم کف کفایتی
اولسی فرداسی کون صباحلین راکب اوله جغی حیوانک دیکر رفقایسی
اسبارندن اول کشمسه متوقف اولدیغنی تفهیم ایلدکده ساییس
مرقوم بر وفق مرام شو ایشک اتمامی در عهده ایدرک دارانک
بنه جکی انک پابند میل و انجذابی اولدیغنی بر قسراغی اتوجه محل
معهودده کتوروب بر طرفه باغلاسی رؤسای مومی الیم محل معهودده
مواصلتلرنده دارانک اسبی مذکور قسراغی کورنجه بالطبع صیحه زن
شوق و سرور اولسی جهتیه در حال رفقایسی انلرندن اینوب بروجه

مقاوله كندوسنه اجرای رسم بیعت ایستادند. اخته یو وجهه دارا
 میلاد دن بشیوز یکر می بر سنه مقدم جالس مسند حکومت اولد قدده
 ممالك فارسی یکر می ایالته تقسیم و هر برینه بر والی نصب و تعیین
 ایدرک هر ملتدن تحصیل اولد جق ویرکویی ایروجه توزیع ایلدی.
 جلوسندن بش سنه صکره بابل شهرنده اختلال ظهور ایتمکله بالذات
 کیدوب تحت اطاعته ادخال و بونی متعاقب اسکینیایی (۱) ضبط
 ایتک مقصدیله اول طرفه التي یوز قطعده سفینه دن مرکب برجسیم
 دوتما ایله برأ دخی یدی یوز بیک عسکر سوق و ارسال ایلدی.
 یونلر اسکدار جوارنده قاضی کورینه وصولارنده علامت مرور اولق
 اوزره اورایه بیاض هر مر دن ایکی دیرک رکز و برینک اوزرینه
 سریانی و دیگرینه یونانی خط ایله عسا کرک منسوب اولد قلری
 طوائفک اسماری حک اولندی و در سعادت یونغازی اوزرینه بر
 کوپری انسا ایدرک قارشو یاقه یه عبور ایتش و تراکیدنی (۲) دخی
 ضبط ایله اسکینیایه وصول بولش ایسده ذخایرک فقداندن ناشی
 عسکرینک اکثریسی تلف اولدیغندن کتدیکی طریقندن رجعتده
 مجبور اولدی. عوده تنده هندستان طرفنه دخی بر اردو سوقیله
 پک چوقی یرینی تسخیر ایلدی. اناطولی قطعده سنده یونان یونانیان
 آنه لولرک تحریکله رفع لوای عصیان ایتش اولد قلرندن شو کیفیت
 زیاده موجب انفعالی اولد رق یونلری دائره انقیاده ادخال ایتد کدن
 صکره یونانستانک کاملاً قتح و تسخیرنی تصمیم ایدوب تاریخ میلاد دن

(۱) طونهک یوقاریسی ایله قره د کرک جهت شمالیه سنی و تاتارستانی
 شامل بر مملکت ایدی.

(۲) روم ایلی ایالتک قطعده شرقیه سی

در تیوز طقسان درت سنه مقدم یونانستان اوزرینه جسم بر اردو
 سوق ایتمش ایسه ده محاربات واقعده بونک ایکی یوز بیک قدری تلف
 اولدقدن صکره بقیده سی نهزده عودت ایلمشدر. دارا شو انهر املک
 اوزرینه بر قاندها منفعل اوله رق سرایا یونانستان ضبط و تنکیل
 ایتک مقصد یله ممالک واسعه سنک هر طرفدن کلیتو عسکر جمع
 و ترتینه قیام و اوج سنه طرفنده بالغاماباغ هر درلو لوازمات حربیه یی
 تهیه و اتمام ایلدی و اول ائشاده مصر اهالیسی رفع لوای عشیان
 ایلدیکندن عساکر مذکورہ نک بر مقدارینی مصره سوق ایتک
 و کندوسی دخی قوه جسمید ایله یونانستانه عزیمت ایتک اوزره
 یونانسیغی حالده میلاددن در تیوز سکسان بش سنه مقدم وفات
 ایدوب ترک دغدغه دنیا ایلمش و مدت حکومتی اوتوزالتی سنه
 ممتد اولمشدر.

کسرکس (شخصار)

کسرکس سالف الذکر برنجی دارانک اوغلی و ولی عهدی اولوب
 میلاددن در تیوز سکسان بش سنه مقدم جالس مقام یدر اولمشدر.
 بر سنه هر ورنده مصری تکرار دائره اطاعته ادخال و تکالیف
 سابقه لرینی تضعیف ایله امر ادا رسی برادرینه احاله ایلدی. بعده
 یونانستان ضبط و تسخیر ایتک اوزره تدارکات کلیه حربیه یه
 تشبث ایله درت سنه طرفنده امشالی ناسبوق بر جسم اردو ایله
 بر دوغما تهیه و ترتیب ایتدکدن صکره جلو سنک بشنجی سنه سنده
 یونانستان اوزرینه حرکت و قلعه سلطانیه ده بر کویری انشاسیله

قارشو یقده یعنی اوروپا قطعه سنده عبور ایدوب یونانستانه وارنجه یه
 قدر هرور ایلدیکی ممالکدن رخنی قوه بریه و بحریه سنی تکثیر ایلدی
 هرورد نام مؤرخك روایتنه نظرأ مشار الیهك محل مقصوده
 وصولنده عساکر بریه سی مع خدمه درت ملیون یدی یوز قرق بریک الی
 یوزاون و عساکر بحریه سی مع طائفه بشیوز قرق بریک الی یوزاون
 که جمعاً بش ملیون ایک یوز سکسان اوچ بیک ایک یوز یکرمی کشیدن
 و سفائن حربیه سی رخنی بیک ایک یوز یدی قطعه قادرغه ایل
 اوچ بیک سفینه صغیردن عبارت ایدی یونانستانک کلیدی مثابه سنده
 اولان زیتون ناحیه سنده ترموپیل نام صعب المرور بوغازک پیشگاهنده
 وقوعبولان محارباتده منهزم اولسیکن بعده کشف ایتدیکی بر طریق
 واسطه سیله دشمنک پیش و پسندن هجوم و یکرمی بیک قدر
 تلفاتی اولدیغی حالده محل مذکوردن هرور ایدرک گذرگاهنده
 یونسان بعضی مواقعی ضبط و تسخیر و اتنه شهرینی احراق بالنار
 ایلش ایسه ده بحرأ واقع اولان محارباتنده بالکلیه مغلوب اولدیغندن
 بروجده بالا چناق قلعه سنده انشا ایتش اولدیغی کوپری پی شاید
 یونانیلر هدم ایدر خوفیه ماردون نام جنزالی اوچ یوز بیک عساکر
 ایل یونانستانده براقوب کندوسی بقیه عساکر ایل علی العجله رجعت
 و جسر مذکور بر فورطنه دن ناشی خراب اولدیغندن سفائنه راکا
 قارشو یقده هرور ایلدی یونانستانده براقش اولدیغی جنزال
 ایک دفعه وقوعبولان محاربه بریه ده منهزم و پریشان و کندوسی
 رخنی میدان محاربه ده سمت عدمه پویان اولدیغندن اردبان نام
 جنزال ثانی بقیه السیرف ایل آسیایه رجعت ایلدی بونک اوزرینه
 یونانیلر بر عظیم رونتاس و قبیله ایرانلی یندنه یونان قبریس جزیره سنی

و بعده ویرانیون (استانبولک اسم قدیمدر) شهرینی ضبط و تسخیر
ایلساردر. مستحفظ عساکرینک سرکرده سی بولسان اردبان نام
کسنه میلاردن درت یوزیتمش اویچ سنه مقدم مشار الیه کسر کسی
قتل ایدوب انجق بو جنایت مقتول مشار الیهک برنجی اوغلی دارایه
اسناد و اوچنجی اوغلی اردشیری اولبایدن اخذ انتقامه تشویق ایله
ایکی برادر یینی فساد ایلدیکندن اردشیر برادری دارایی اعدام
ایله کندوسی تخت سلطنته جلوس ایلدی.

(اردشیر بهمن)

بالاده بیان اولندیغی وجهله مشار الیه اردشیر ملوک فرسک التنجیسی
وسالف الذکر شخصسارک اوچنجی مخدومی اولوب صول الی صاغ
الندن اوزونجه اولدیغندن بهمن و دراز دست لقبیله شهرت شعار
اولمایدی. مشار الیه بر وجه مشروح پدرینی قتل ایتمش و علی
روایتیدی ای قدر زمام حکومتی دست تغلبنه المش اولان هر قوم
اردبانک حرکات واقعه غدارانه سنه مجازات اولق اوزره هر قومی
کندو ایله اعدام ایدوب میلاردن درت یوزیتمش اویچ سنه مقدم
سریر سلطنته قعود ایلدی و هر قوم اردبانک طرفدارانی حقنده
کمال شدت اظهار ایله اکثریسی اهلک ایتدیردی. مشار الیهک جلوسی
خبری بیوک برادری اولوب ترکستانده واقع بلخ. ایالتی والیسی بولسان
کشتاسب طرفه واصل اولدقدن کندوسی اردشیردن اکبر اولق
حسبیه حق سلطنت دعواسنه قیام و میلاردن درت یوزیتمش
اویچ سنه مقدم اردشیر بهمن برادری کشتاسب اوزرینه کلی عسکر

سوقیه غلبه ایلمشدر، بعده امورمالیه وعسکریه سنک تحت رابطه یه
ادخالی واندفاع مظالم اسبابنک استحصالی خصوصاً رینه سعی و اقدام
ایتدی و یونانیانک تسویق و تحریکله مصر اهلایسی رفع لوای
عصیان ایلمکارندن اوزر لرینه قوه وافیله سوق و ارسالیله دائره
اطاعته ادخال و اناطولیده زیر تصرفنده یونانین بلاد یونانیله
استقلال اعطایا اتمک شرطیه یونانیلرله عقد مصالحه ایلمدی.
مشار الیه تاریخ میلاددن درت یوز یکره می بش سنه مقدم وفات
ایدوب مدت سلطنتی قرق و دیگر روایتله کوره قرق ایکی سنه
ممتد اولمشدر.

ایکنجی کسرکس (شخصار ثانی)

اشبو شخصار ثانی اردشیر بهمنک اوغلی و ولی عهدی اولوب میلاددن
درت یوز یکره می بش سنه مقدم پدرینک وفاتنده مسند نشین حکومت
اولمش ایسده جلوسنک قرق بشنجی کونی سوغدیان نام برادری
مشار الیهی اعدام ایله زمام حکومتی الیه المشد.

(سوغدیان)

مشار الیه شاه اردشیر بهمنک ایکنجی اوغلی اولوب بالاده بیان اولندیغی
وجهله تاریخ میلاددن درت یوز یکره می درت سنه مقدم برادری
اولان شخصار ثانی بی قتل ایله مسند سلطنته قعود ایلمش و بوندن
الهی ماه هرورنده اوخوس نام برادری دخی مشار الیهی قتل ایدرک
مقامنه قائم اولمشدر.

دارای نو توس (دارای ثانی)

دارای نو توس شخصار ثانیك اوغلی اولوب اصل اسمی او خوردر.
 میلاددن درت یوز یگر می اوج سنه مقدم بروجیه بالا برادری
 سوغدیانی اعدام ایله سریر سلطنته جلوس ایتدکده اسمنی تبدیل
 ایله دارا تخلص ایلشدر. یونان مؤرخلری دارا اسمیه بنام اولان
 ملوک سائر دن تمیز ضمننده مشار الیه نو توس یعنی حرا مزاده
 لقبی ویرمشلردر. مشار الیهك لا بوین برادری اولان آرسیتس
 کندوسند عصیان ایتش اولسیله اوزرینه اردشیر نام سرکرده
 میننده مقدار وافی عسکر سوقیه مومی الیهی اعدام ایلشدر. اناطولیده
 واقع لیدیا (ساروخان) ایالتنده ظهور ایدن اختلالی تسکین
 ایلدکن صکره میلاددن درت یوز اون درت سنه مقدم مصر لول
 اعلان عصیان ایله اوراده اولان عساکر فرسی طرد و ابعاد و خلی
 وقتدنبرو مصرک بر طرفنده مختفی بولان آمیرتس نام ملک سابقلرینی
 مسند حکومت اقعاد ایتدیله. مشار الیه کیفیتی استخبار ایتدکده در حال
 مصر اوزرینه جسیم بر اردو سوقیه محارب اولدیخی ائشاده مدای
 ممالکی اها لسی دخی عصیان ایلدی فقط از وقت طرفنده بونلری
 اطاعت اذخال ایلدیکی مثلاًو مصرده دخی مظهر فوز و غلبه
 اوله رق سالف الذکر امیرتسی خلع ویرینه اوغلی یوزیرسی اجلاس
 ایلدی و میلاددن درت یوز یدی سنه مقدم بتون اناطولی قطع سنی
 کوچك اوغلی کبروسك تحت اداره سنه وضع ایدوب برنجی مخدومی
 آرساسی دخی دلی عهد اتخان ایلدی. مشار الیه اون طقوز سنه اجرای
 حکومت ایتدکن صکره میلاددن درت یوز درت سنه مقدم بابل
 شهرنده وفات ایلشدر.

اردشیر منیمون (اردشیر ثانی)

اردشیر منیمون سالف الذکر دارای نوئوسک برنجی مخدومی ارساس
اولوب پدرینک وفاتیده وارث تخت و تاج اوله رق اردشیر تخلص
ایلمشدر. مشار الیه کوه حافظه سی غالب اولدیغندن مؤرخین
یونانیه کندوسنی بو معنایی متضمن اولان منیمون لفظیه تلقیب
ایلمشدر. میلاددن درت یوز بر سنه مقدم برادری کیروس یوز بیک
قدر فرس و اون اوچ بیک یونان عسکری جمع ایدرک مشار الیه
اردشیر منیمون اوزرینه حرکت و فرات نهری قربنده و بابل شهری
جوارنده واقع قونقسه نام محله مواصلت ایلا کده اردشیر درت یوز بیک
ودیکر روایت کوره بر ملیون ایک یوز بیک عسکر ایله مقابله ایدوب
وقوعبولان محاربه شیدیده کیروسک مقتول اولمسی اوزرینه معینده
بولان فرس عسکری کافه اردشیره دخالت و یونان عسکری
دخی ارمنستان و طربزون و قره دگز سواحلی طریقیه ویزانتیونه
(استانبول) و اورادن سفائنده را کجا کندو مملکتارینه رجعت ایلدیلر.
اسپارطه (موره جزیره سنده واقع چاقونیا و مانیا مملکتلری) اهانسیله
اتندولر بینه سنین و فیره دنبرو ممتد اولان محارباتده نهایت الامر
اسپارطه لولر غالب کلاکله اناطولیده کائن یونان شهرلرینک تحصیل
استقلاللری ضمننده اولجانیه اردو و دوتخا ارسال و فرس عسکر یله
وقوعبولان محاربه لرنده غلبه ایتمسک ایدیده اردشیر اتندولرله اتحاد
و بوزاره ایقه و دوتخا اعطاسیله امداد ایلدیکندن اسپارطه لولر اول
وجهله اناطولییه سوق ایتمش اولدقلری قوه عسکر یه لرینی ارجاع
ایدرک اتندولرله واقع اولان محاربات بخریده منهزم و مقهور و بنا

علیه انطاوایده واقع ممالک یونانیه ایله یونانیه ملکی جزایر اردشیره
 ترك اولانق شرطیه مصالحهیه مجبور اولدیلار. مصالحه مذکورده دن
 صکره اردشیر قبریس جزیره سنی دخی ضبط و تسخیر ایدوب
 مصر اولرك اوتوز اتی سنه دن برورابطه تابعیتلرینه رخاوت
 عارض اولدیغی جهتله یونلری زجر و تأدیپ ایتمک مقصدیه
 اوزرلرینه برأ و محراً عساکر کلیه ارسال ایتمش ایسده نائل آمال
 اولاماش و مدت سلطنتی قرق اویچ و سنی طقسان درت سنه
 اولدیغی حالده میلاددن اوچوز ایتمش بر سنه مقدم وفات ایلشدر.

اوخوس (اردشیر ثالث)

اوخوس هنوز پدری بر حیات اولدیغی حالده داعیه حرص سلطنتله
 بیوک برادرینی اعدام و وارث ملک پدر اولق اوزره هر در او تشبثاته
 قیام ایدوب میلاددن اوچوز ایتمش سنه مقدم پدرینک وفاتنده
 نائل مرام اوله رقی اردشیر تخلص ایلشدر. مشارالیه غایت ظالم
 و غدار اولدیغدن خصما و متعلقاتندن بشقه بر منوال محروم برادرینی
 و همسیره سنی اتلاف و یونک کریمه سنی تزوج ایلشدر. فنیکه (سور
 و صیدا و طرابلس شام) و قبریس و مصر اهالیسی بالاتفاق
 اعلان عصیان ایتمش اولالریله مشارالیه یونلرك تأدیپ و تنکیلی
 ضمیمه قوه کافیه ایله بالذات اوزرلرینه کیدوب فنیکه لولرك مداین
 مشهوره لرندن سیدون (صیدا) شهرینی تخریب و بعده مصری
 استرداد ایدوب اهالیسک اعتقادات دینه لرینی تزیفا معبود اتخا
 ابتدکاری اوکوزی ذبح و طبخ ایله سرایی خلقنه ضیافت ترتیب

و عبادتخانه لرنده بولدابخي سيم و زري غصب ايلدي . مشار اليه
يكرمي اوچ سنه اجراي حكومت و ميلاددن اوچيوز اوتوز سكر سنه
مقدم في الاصل مصر خادم اعالارندن اولوب اعظم و كلاسندن بولنان
باغواس يديله مسموماً وفات ايلشدر .

ارشيس

هر قوم باغواس مشار اليه تسميم ايتد كدن صكره الك كوچك اوغلي
اولان ارشيسي تخت سلطنته اجلاس ايله ديكر ارغلاريني اعدام
ايدوب فقط ايكي سنه هر ورنده يعني ميلاددن اوچيوز اوتوزالتى
سنه مقدم ارشيسي دخي اهلاك و يرينه داراي ثاني خاندانندن
قورمان نام ذاتي مسند حكمداري اصعار ايلدي .
(بقيه سي صكره) (فارديس)

از خلفاي او طه ترجمه باب عالي

(اوروپا دولترلرينك مقايسه عسكريه سي) (مابعد)

ممالك متفقہ جرمانيانك قوه عسكريه سي

اسامي ممالك	وقت سفر	وقت حضر	احتياط	مقدار اهالي
اوستريا	۱۱۰۶۲۶	۲۷۴۱۱	۰	۰
پروسيا	۹۳۳۱۶	۳۹۹۹۳	۰	۰
باويره	۴۱۵۳۳	۱۷۸۰۰	۱۶۰۷۰۳	۲۶۲۱۲۷

اورپادولتلىرىنىڭ مقايىسىدە ئىسكىرىيەلىرى

۱۳۹

۱۶۲۸۱	۶۹۷۷	۱۳۶۵۴	۲۷۷۵۰	ورتىمىرغ
۱۱۶۶۷	۵۰۰۰	۸۰۰۳	۱۶۵۸۴	بادىن دوققەلىغى
۷۲۲۷	۳۰۹۸	۱۰۶۱۸	۱۰۶۱۸	ھىس غراندوققەلىغى
۱۴۰۰۰	۶۰۰۰	۲۵۳۹۶	۲۵۳۹۶	ساقسۇنىيا قىراللىغى
۶۶۲۶	۲۸۳۹	۱۲۸۵۶	۱۵۲۰۹	ھىس ئىكتورلىكى
۴۷۱۲	۲۰۱۹	۵۴۹۸	۶۰۱۹	ناسودوققەلىغى
۵۸۰	۳۸۷	{ ۲۷۰۶	۲۷۶	لېمبورغ دوققەلىغى
۲۹۵۹	۱۲۷۸			لوقسنبورغ دوققەلىغى
۱۵۲۳۰	۶۵۲۷	۲۶۹۳۸	۲۶۹۳۸	ھانورە قىراللىغى
۲۴۴۵	۱۰۴۸	۲۷۲۰	۵۳۵۹	برونسويك دوققەلىغى
۴۲۰۰	۱۸۰۰	۶۰۰۰	۶۰۰۰	ھولشتاين ولايتى
۴۱۷۷	۱۷۹۰	۴۶۸۵	۴۶۸۵	مىكلنبورغ شىۋەرىن
۳۸۸	۳۵۹	۱۱۹۷	۱۱۹۷	مىكلنبورغ استىراج
۳۳۰۰	۱۴۰۰	۳۷۳۸	۳۷۳۸	ارلەنبورغ
۱۵۱۴	۶۴۹	۲۱۶۳	۲۱۶۳	ھامبورغ شىھىرى
۵۶۶	۲۴۳	۷۶۰	۷۶۰	برم شىھىرى
۴۷۵	۲۰۳	۶۷۹	۶۷۹	لۇبىك شىھىرى
۰۰	۰	۱۰	۰۰	ساقسۇنىيا قىراللىغى
۲۳۴۵	۱۰۰۵	۳۳۵۰	۳۳۵۰	ساقسۇنىيا قىراللىغى
۱۱۴۶	۴۹۱	۱۴۷۳	۱۴۷۳	ساقسۇنىيا قىراللىغى
۱۳۰۲	۵۸۳	۱۳۰۲	۱۸۶۰	ساقسۇنىيا قىراللىغى
۱۳۴۲	۵۷۵	۱۷۲۶	۱۷۲۶	ساقسۇنىيا قىراللىغى
۹۹۹	۴۴۸	۱۴۲۲	۱۴۲۲	اتىھالىت دىسو

۴۳۲	۱۸۵	۶۱۶	۶۱۶	انهالت برنبورغ
۲۳۳	۱۰۰	۳۳۳	۳۳۳	هس هومبورغ
۶۰۶	۲۵۹	۸۶۶	۸۶۶	والدک پرنسلیکی
۲۸۰	۱۲۰	۵۵۵	۵۵۵	شاومبایپ
۸۴۱	۳۴۵	۸۴۰	۱۲۰۰	لیپ پرنسلیکی
۵۲۶	۲۲۶	۷۴۴	۷۴۴	شوارتس سوندرهاوزن
۶۲۹	۲۶۹	۸۹۹	۸۹۹	شوارتس ردولشتاد
۶۴	۲۸	۷۰	۷۰	لیخت شتاین پرنسلیکی
۲۰۶	۱۱۲	۲۶۰	۳۴۷	روس غرایتس پرنسلیکی
۶۰۹	۲۶۱	۶۰۹	۸۱۲	روس شلایتس پرنسلیکی
۸۰۰	۳۴۶	۷۸۳	۱۱۱۹	فرانقفورت شهری
۳۵۴۶۳۷	۱۵۲۱۵۴	۳۰۴۱۶۲	۴۳۵۳۲۰	یکون

اشبوجدول ناطق ارلداغی وجهله اوستریا دولتی المانیایه حین حاجتده یوزالی سکزیك و پروسیا دولتی یوزاوتوزادچ یک عسکراعطاسنه مجبور اولوب مثلاً پروسیا ممالکی ارززینه روسیه دولتی طرفندن هجوم وقوعنده اوستریا دولتی بر وجهه محرر یوزالی سکزیك عسکر اعطا ایدرک المانیاجه اولان وظائف مترتبه سنی ایفا ایتدیکی تقدیرده مشارالیه اوستریا دولتی بو صورتله روسیه دولتنه اعلان حرب ایتش اوله جغندن اول حالده روسیه مجارستان اوززینه هجوم ایده جکی جهتله بویه بر محاربه وقوعنده اوستریا دولتی بالجمله قوه عسکریه سنی تهیئه ایتسی و بنا علیه المانیایا دولتلرندن برینه خارجدن بر سو قصد وقوعنده دولتن مشارالیه ممالک بالجمله قوه موجوده عسکریه لایله مقاومت ایتلری اقتضا ایدر . یک سکزیك یوزالی اوج

سندسی شهر مارتنک اونی تاریخنده ویریلان قرار اقتضاسنججه المانیانک داخل دائرهٔ اتحادی بولسان درات و حکومتار اهالی موجوده لردن یوزده بر و سدس نسبتله حصهٔ اصلیه و یوزده ثلث نسبتله عساکر احتیاطیه اعطیا ایتدکاری مثلاً و بدلات عسکریه دخی لا اقل یوزده سدس و الکی زیاده یوزده یارمه بالغ اوله جقدره

ایسته شو اصول اقتضاسنججه المانیانک قوهٔ عسکریه سی بشیوز الی بیک یدیوز طفسان بش کشیدن عبارت اولوب بونک اوچوز الی درت بیک التیوز یدیسی حصهٔ اصلیه و یوز بیک سکن یوز اوتوز طقوری احتیاطیه و الی بر بیک اوچوز اون بش نفری بدل عسکریدر

احتیاط حصهٔ اصلیه

۳۶۸۰۰۰

۷۴۱۰۰

پیاده عسکری

۱۸۵۰۰

۵۳۰۰

معلم ارجی و نشانچی

۴۴۶۰۰

۱۳۹۰۰

سواری

۳۶۴۰۰

۷۶۰۰

طوبجی

۳۵۰۰

۱۰۰۰

استحکام عسکری

طوبلرک مقداری ۱۱۳۴ اولوب بونلرک سکن یوز سکسانی عساکر اصلیه یه متعلقدره بیک درتیوز یتش نفر طبیب ایله عربهلرک خدمتمنده بولسان اون الی بیک سکن یوز اوتوز سکن کشی حساب مذکوره داخلدره ممالک مذکوره ده خدمت عسکریه الی سنه ارمق اوزره محدود ایدده عساکرک صنفلرینه کوره وقت حاضرده یالکن ایکی اوج سنه سلاح النده بولورلر المانیان نظامات عسکریه سنک بر تفصیل بیانه مجموعهٔ نک وسعت و تحملی اولیه جغندن بو قدرله اکفا قلندی

اسوچ دولتک هنکام صلحه قوه عسکریه سی وارفاد تعبیر اولنور
 کوکلو عسکرندن عبارت اولوب بودخی یدی بیک یدی یوز
 کشیدن عبارتدر . وقت حربده اندلنا عسکری جمع اولنوب یوزلر
 دخی اوتوزاوجیبک اوله رق قضا و سجاقلرده فرقه فرقه اقامه
 اولنورلر و خانه و اراضیلری اولوب زراعت و حراثتله مشغول اولورلر
 و بهر سنه بر ماه قدر تعلیم ایدرک اومدت اشناسنده معاش الورلر .
 دولت مشارالیهانک عساکر احتیاطیه سی دخی شو وجهله درک کافه
 اهالی بش سنه خدمت ایتکه مجبور اولوب انجیق هنکام صلح
 و مسالتمده یا لکن بر قاق هفته تعلیم ایدرلر و مثلاً عساکر احتیاطیه
 دفاترنده اسامیسی مقید بولن ان طقسان بش طقسان الی بیک کشی
 اکلنک اوزره تعلیم وقتلری تجمع ایدرلر . غوتلاندا جزیره سنده یدی
 بیک الیوز کشیدن مرکب بر فرقه ملت عسکری و نوروجیاده دخی
 اون درت بیک نظامیه و طقوز بیک لاندور عسکری واردر

فلنک دولتک هنکام صلحه موجود اولان قوه عسکریه سی یتش
 سکن بیک بشیوز کوکلو عسکرندن عبارتدر . حاله و که عساکر
 احتیاطیه سی اسوجده اولدیغی مثلاً قوی البنیه اولانلر دن اخذ
 اولنوب بر قاق آی تعلیم اولندقدن صکره محارینه اعاده اولورلر
 و بعده دخی بهر سنه بر قاق هفته تعلیم ایتک اوزره تجمع ایدرلر آوجی
 نایله بر نوع لاندور یعنی مستحفظین مملکت عسکری موجود اولوب
 بوکا بکرمی بشدن اوتوز یاشنه قدر کافه اهالی داخلدر .

اسویچره جمهورینک دائماً سلاح التده عسکری اولوب فقط کافه
 اهالی خدمت عسکریده بولمقد مجبوردرلر . جمهور مشارالیهک
 اوسچوغ تعبیر اولور بر فرقه عسکریه سی اولوب بوکا هر بر قانتون

يعني اسويجيره ممالككنك منقسم الديوخي نواحينك كافه سي اياك
 دفعه ده اهالي موجوده سنه كوره يوزده اوچ كشي اعطاسنه
 مجبور اولوب اشبو فرقه نك موجودى يتمش بيك كشيدين عبارتدر
 عساكر احتياطيه دخى اوتوز بسدن قرق ياشنه قدر اولان افراد
 اهاليدن يعني اهالينك يوزده بر بچغندن عبارتدر و صوك دفعه اولوق
 اوزره قرقدن قرق درت ياشنه قدر اولانر لاندور فرقه عسكريه سنه
 داخلدر . جمهور مسار ايله مجرد محافظه مملكت مقصديله تنظيم
 قلغش اولان نظامات مشروحه سايه سنه بر دولت معظمه ايله
 اتفاق ايدرك ايش كوره بيلور ايسده يالكر ياشنه بر دولت ايله
 محارب اولديوخي تقديرده فوه عسكريه سي سلاح التنده بولانه جق
 عسكرينك عددينه قياس اولندهز چونكه شمدى هر كس خدمت
 عسكريه دن اعراض ايدوب اويله بر قاچ كون ظرفنده بر اردو
 تشكيلى ممكن اوله مر .

بلجيقاده اون طقوزدن بكرمى التى ياشنه قدر كافه اهالى ملت
 عسكرينه داخل اولوب بوندن موقتا معاف اولانلر ايله برابر حساب
 اولندقدده دفترلرده در تيوز اللى بيك كشي مقيد بولنور و خدمت
 عسكريه دن معاف اولان ايكي يوز اللى بيك كشي مقدار
 مذكوردن افراز اولندقدده ايكيوز بيك كشي باقى قالور . بونك اون بيكي
 بهر سنه سلاح التنه جمع اولوب يوزده اللى كشي رخصت غير محدود
 و يا خود بر مدت موقته ايله ممالكترى جاننده اعاده قلنورلر . محاربه
 وقتنده عساكر نظاميه سكران درت بيك كشيدين عبارت اولوب
 ملت عسكرى اوله رق يوز بكرمى بيك احتياط عسكرى دخى
 تدارك اولانه بيلور .

اسپانیاده احتیاط عسکرینه ایالت عسکری اطلاق اولور. بونلر
یدی سکر سنه پیساده عسکرلکی ایتش اشخاصدن مرکب اولوب
مقدارلری لاقل الشمس بیک کشتی به بالغ اولور و حتی بیک سکر بوز
الی الی والی یدی تاریخلرنده صنف مذکور ایچون مخصوصاً
عسکر اخذ اولمشدر. اسپانیا دولتی خارجدن تجاوز و قوعی تقدیرجه
موجود اولان یوز الی بیک نظامیه عسکرینه بر یوز بیک قدر ملت
عسکری و سائره ضم ایده یلور.

پورتیکر ایله یونان دولترینه کوه عسکریه لرینه دائر شایان تحریر
بر شیء اولدیغندن اندن صرف قلمشدر.

دائیمارقه ده یکر می ایکی یاشنده بولنالر عسکره اخذ و تحریر قلوب
درت سنه نظامیه و درت سنه دخی احتیاطیه صورتیه خدمت
ایدرلر. مملکت مذکوره ده لاندور اصولی دخی جاریدر. خفی ارلدیغی
وجهله دولت مشارالیه المانیا ایله بو دفعه وقوعبولان محاربانده
شلز بیک وهوانستاین ولونبورغ دو قلدقاری غایب ایدرک انقلاب حائده
بولندیغندن شمیدیک قوه عسکریه می لایقیاه تعیین و تعریف اولده من.
اوروپا دولترینه عسکر تحریری حقنده جاری اولان اسوالرینه
قنقیسی شایان ترجیح بولندیغنه دائر بیان افکاردن اجتناب و فقط
دولتلر کوکلاو عسکری استخدا ام ایدرک حین حاجتده مملکتک بالجه
ایشه یرار اهالی بی عسکره الدقلری حالده اوچ صورته یعنی اولاً
هر کس ایسیله مسغول اراده جغی و ثانیاً دولته مصارف وقوع
بولامه جغی و ثالثاً دولتلر میانه سنده بردن بره محاربه وقوعنه حائل
اوله جغی جهتلر له خیرلو اولوب اولخالده کوچک دولتلر مصارف
عسکر به زینی تخفیف ایتش اولدقلری مثلاً دول معظمه حقنده

دخی بونك بر كونه محذوری داعی اریله جنی دركار بولندیغندن
ایلروده شواصول محاسن شمولك تعمیمی منی اولنور.

اوروپا دولتری بری برلری حقنده اولان عسم امنیتلرینه مبنی مقدار
کلی عسکر استخدام ایتکده اولوب بویسه اوروپاچه بر هر ض
مهاك مثابه سنده بولندیغندن كافة اوروپا دولترينك بالاتفاق قوه
عسكریه لری تنقیص اینلری جله حقنده خیرلو اولدیغندن اسلافك
پیرامنكر دخاطر لری اولماش نیجه امور غریبه نك عصر هنر ده ساحه زیب
ظهور اولسنه نظراً اسبواحر خیرك دخی وقت هر هوننده تیسر
حصولی پکده استبعاد اولنه هنر.

انكلتره پارلمنتوسنده اعضادن بر ذات طرفندن تقلیل قوه عسكریه یه
دائریك سكریزالتش بر سنه میلادیه سنده وقوعبولان تکلیفه
جواباً دولت مشار الیهانك باش وکیل بولنان لورد پالمستون طرفندن
زیرده مسطور ماآکده بر نطق ایراد اولمشدر شویله که فرانسه و یا خود
دیگر بر دولت تداركات حربیه نك تقلیلی ضمننده مذاکراته
کیرشك اسنسه بوی مسئله نك حل و تسویه سی پك مشکل اولور. بو
خصوصده دولتر میانه سنده اتحاد و اتفاق حاصل اولسی فائده لو
اسنده انكلتره دولتی قوه بریه و بحریه سنك تنقیص و تحدیدی
حقنده دیگر بر دولته عقد معاهده یه قیام ایلسی دخی پك چوق
مطالعه یه محتاجدر. چونکه یالکز حال حاضر ی ملاحظه ایتمالیر.
بر دولت اجنبیه ایله بویله بر عهدنامه عقدی بر طاق منازعات
و مناقشات متوالیه یی مؤدی اولسی ملحوظدر. بر دولت ایله بویله بر
عهدنامه عقد ایلدیکمز حالده بونك دول سائر یه تعمیمی لازمه دن
بوانه جفنی نظر دن غایب ایتمالیر. زیرا فرانسه دولتن بشفه بوما

فیوما کسب شوکت و اقتدار ایتمکده اولان ممالک مجتمعه امر یقائیه
اسپانیا دولتی و قوه بحریه صاحبی سائر دولتلر وارد ر. بو حالده دول
سائره نك حرکات واقعه سنه نظارت ایتمک اوزره هر دولت نزدینه
ما مورلر تعیین ایتمک کمز لازم کله چکی مثلاً و بزه دخی نظارت ایتمک
اوزره دولتلرک نزدینه ما مورلر ارسال ایتلری اقتضا ایدر. بنأ علیه صیق
صیق بر طاقم شبهات و امنیت سزلک ظهور ایده چکندن بو صورت
دولتلر میان نه سنده صلح و مسالمت و حسن و فاقی موجب اولمقدن
بشقه بالعکس شقاق و نفاق مؤدی اولمسندن خوف اولنور.

انکلتزه نك قوه بریه و بحریه سی مصارفندن افراد اهالی یه سنوی
یکرمی یدی فرانق و روسیه نك مصارف عسکریه سیچون افراد
اهالی یه یالکز سکز فرانق اصابت ایدر. مصارف عسکریه نك
تسویه سیچون فلنکده اهالی مقدار متوسط اولقی اوزره اون اوچر
فرانق و دانیمارقه اهالیسی اون ایکبشر فرانق و ممالک دولت علیه
اهالیسی یالکز اوچر فرانق تأدیه ایدرلر. اسویچره ده مصارف
عسکریه ایچون اهالی بر پاره اعطا ایتن. عسکرک عددیله بهر
نفره وقوعبولان مصارفک مقداری ضرب اولندرق من حیث المجموع
مصارف واقعه نك مقداری ظاهر چیقار ایسه ده هر دولته عسکره
ما کولات و ملبوسات و معاشجه سیاق و احد اوزره مصارف
وقوعبولدیغی و بنأ علیه دولتلرک مصارف عسکریه لرینی مقایسه برله
حقیقتی اکلامق امور مشکله دن اولدیغی جهتهله بو خصوصده مجرد
بر علم اجمالی حاصل اولقی اوزره جدول اتی تنظیم قلمشدر.

بهر نترك فرائق حسابيله سنوى مصارفى

۵۵۱ دولت عليه	۷۵ ۳۰۰ نوروچ
۴۶۵ المانيا	۲۰ ۶ اسويچره
۲۵ ۸۶۰ فرانسه	۷۰۱ پورتگيز
۲۶ ۲۳۴۴ انكلتره	۷۱۶ اسپانيا
۵۲ ۳۶۶ روسيه	۷۵۰ ايتاليا
۳۹۰ فلنك	۳۱۵ دانمارقه
۱۰۲۴ بلجيقا	۶۲۶ پاپا حكومتى
۳۵۲ اسوج	۴۴۲ يونانستان

دولتلك ديون موجوده لريچون ويردكلرى فائض و محسوب اچمىسى
مصارف عموميه لرينه داخل اولديغى حالده قوه بريه و بحريه لرى
مصارفك اشبو مصارف عموميه نك نه مقدارينه معادل بولنديغى
بروجه اتى كوستلشدن.

يوزده ۵ ۴۲ دولت عليه	يوزده ۹ ۲۵ فلنك
۷ ۴۴ انكلتره	۷ ۲۵ اسپانيا
۲ ۴۰ روسيه	۶ ۲۴ پروسيا
۱ ۳۹ يونان	۵ ۲۳ دانمارقه
۶ ۳۸ اوستريا	۹ ۲۲ بلجيقا
۹ ۳۷ اسوج	۹ ۲۱ باويه ره
۱ ۳۶ نوروچ	۳ ۲۱ ورتمبرغ
۷ ۳۱ پورتگيز	۲ ۲۱ ساقسونيا
۷ ۲۷ فرانسه	۲ ۱۳ هانوره

دولتلك ديون موجوده سيمچون ويردكلى فائض و محسوب اچىسى
داخل اولدىغى حالده مصارف عموميه لرينك نه مقدارى قوه بريه
و بحريه ارينه مخصص اولدىغى بروجده اتى بيان اولنور.

يوزده ۱	۴۸	دولت عليه	يوزده	۳۸	فرانسه
۸	۷۳	انكلتره	۶	۳۱	باريه ره
۳	۶۶	اسوج	۹	۳۱	دانمارقه
۵	۵۰	اوستريا	۴	۳۰	اسپانيا
۰	۴۹	روسيه	۹	۲۸	بلجىقا
۹	۴۸	يونان	۲	۲۸	ويرتمبرغ
۴	۴۷	فلنك	۸	۲۷	پروسيا
۷	۴۵	پورتگيز	۳	۱۵	هانوره

(محمد شوقى)

از خلفاى اوطه ترجمه باب عالى

(حريق استانبول)

در سعادت بالوجوده مسلم اولان محسنات موقعيه و طبيعيه سيله برابر
اوته دنبرو عندا اسلاف ايكي عيب ايله معيوب اولوب بونلك بريسي
حريق و ديكرى طاعوندر. رنجبسي شهرك صورت انشائيه سندن
يعنى انسانه عائد بعض تقصيراتدن نشأت ايدوب ايكنجهسي ايسه
ممنوع الاندفاع آفات سماويه دن معدود اولدىغى حالده اتخاذا
اولنان بعض تدابير صحيحه تاثيريله يازنه تعالى بالكليله مندفع اولوب منع

وقوعی داخل دائره اقتدار من کورینان حریتک الی یومنا هذا
دوام پذیر اولسی حقیقه غرائب احوال دندر.

خالق تعالیٰ حضرت تری آتشه یاقق و قابل التهاب اولان اشیایه یاقق
کبی کافه مخلوقات برر خاصه و یرمش اولوب بونک خلافتده ارتکاب
اولنان حرکات مطلقا مستتبع مجازات اولدیغندن اشبو حریق مناسبتیه
آن بآن دوچار اولدیغمن انواع مضرات کند و سوء صنیعمن اثری
اولدیغنده اشتباه یوقدر.

مصائب سائره کبی حریتک دخی مضرتی فعلا خسار دیده اولنره
منحصراً اولوب عموم اهل الجده سوء تأثیراتی کوریلور. چونکه افراد
اهالی یکدیگرینک فقر و غناسندن بالطبع حصه دار اولوب سنوی بر
چوق املاک و اشیای رماد و دخانه منقلب اولان بر شهرک رهین
انتظام و معیوریت و اهل بسنک حائز نصاب رفاه و ثروت اولسی
امور مشکله دندر.

اجرا اولنان تحقیقات رسمیه نظراً ۱۲۷۵ سنه سی ابتدا سندن
اشبو ۱۲۸۱ سنه سی ربیع الآخر نهایته قدار بش سنه درت آی
ظرفنده در سعادتده یوز التمش دفعه حریق و قوعبولوب ایکی بیک سکن
یوز قرق درت باب خانه و بیک ایکی یوز قرق التی دکان و مغازه
و یکر می اوج خان و حمام و مسجد و امشالی ایشیه و بر سرای
همایون که جمعاً درت بیک یوز اون درت محل محترق اولمشدر.
شو حسابیه نظراً در سعادتده بری بری اوزرینه تقریباً هر اون بر
کونده بریانغین ظهور ایدوب هر دفعه سنده یکر می درت خانه
و سائر محترق اولمشدر. محروقات مذکوره تقسیم اولندیغی حالده
تقریباً سنوی یدی یوز التمش بر و شهری التمش درت و یومی ایکی

حریق اصابت ایدر، خانه‌لر بری بری اوزرینه اللبشر و مغازه و دکانلرک
مستقل اولق اوزره تخمین اولان نصفی قرق و خان و حمام
و سائره ایکبشر یوز کبسه قیمتده اعتبار اولندیغی حالده محروقات
مذکوره بدلری ایکی یوز اون اوچ بیک طقوز یوز یکر می کبسه
و بونلرک دروننده محترق و ضایع اولان اشیای منقوله دخی بری بری
اوزرینه اون بش کبسه دن التمش بر بیک اوچ یوز طقسان بش کبسه
که منقول و غیر منقول اوله رق مدت مذکوره ظرفنده حریق
مناسبیله در سعادتده وقوعبولان خساراتک مقداری جمعاً ایک یوز
یتمش بش بیک ایک یوز یکر می کبسه یه بالغ اولور و بو مدت اثنا سنده
محترق اولان طویقیو سرای همایوننک محترق اولان ابنیه و اشیای
دخی یوز او توز بیک کبسه تخمین اولنده رق مبلغ مذکوره علاوه
قلندیغی حالده کافه ضایعات درت یوز بش بیک ایک یوز اون
کبسه یه بالغ اولوب اشبو خسارات تقسیم اولندیغی حالده سنوی
یتمش بش بیک و شهری یدی بیک ایک یوز الی و یومی ایک یوز
قرق کبسه اصابت ایدر.

یتمش بش سنه سندن مقدم وقوعبولان حریقلرک مقدار و خساراتی
هنوز تحقیق اولنده ماش ایسه ده اوللری اخشاب ابنیه‌نک دها زیاده
کثرتی و صیقلی جهته حریقلر دها زیاده مضرت ایراث ایدوب
خیلیجه وقتدنبرو جاری اولان ابنیه نظامات سنیه سی ثمره سی اولق
اوزره مؤخر اخیلی اخشاب ابنیه کار کیره منقلب اولدیغی مثالو بعض
سوقاقلر دخی توسع ایلش اولدیغندن بونک واقع اولان تاثرات
حسنه سنده اشتباه اولنده من . فقط نه درجه فرق ایلدیکنک اکلا شلسی یتمش
بش سنه سندن مقدم وقوعبولان یاغینلرک و خسارات واقعه لرینک

واقعہ لرینک مقداری بلمسنہ متوقفدر.

بیانہ حاجت اولدیغی وجهله در سعادته جریق وقوعنک و کثرت
مضراتنک باشلیجه اسبابی ابنیه نک هم اخشاب و همدہ صیق اولسی
اولوب برده امر اطفاده استعمال اولنان طلومبه و وسائط سائرہ نک
کرکی کی منتظم و مؤثر اولماسی ماده لر یدر. قبل الفتح در سعادت
ابنیه سی کافه کار کیر اولدیغی حالده صکره لری بعض مرتبه سهولت
واھونیتہ عینی هر کس اخشاب بنایه هوس ایدوب ازمنه سابقہ ذہ
دخی ابنیه اموری شمذیکی کی نظامات مؤسسہ تحتندہ اولدیغی
جهتہ حال حاضر وجودہ کلشدر.

کرك متانتی و كرك حریقدن محفوظیتی جهتیه رجحانیتی در کار اولان
کار کیر اصولنک ترکیله اخشاب بنایه رغبت اولنسی حقندہ ظاهرا
ایکی سبب بیان اولنوب بونلردخی اخشاب ابنیه نک سهولت و اھونیت
ایله حصواہ کلیسی و برده کار کیر ابنیه نک صحتجه بعض سو تأثیراتی توهم
اولنسی قضید لر یدر. بو مسئله کرکی کی مطالعه و تعمیق اولندقدہ
برنجی سبب موافق مصلحت اولدیغی مثالو ایکنجیسی دخی صحتدن
عاری اولدیغی اکلاشیاور. اگرچه کار کیر ابنیه نک امر انشا
و محافظہ سندہ شرائط لازمه یه رعایت اولنددیغی حالده دروننده
حاصل اوله جق رطوبت صحتجه سکائی حقندہ محذوردن سالم
اوله من ایسه ده اربابی معرفتیه یاپدیرلدیغی صورتده ادعا اولنان
مضرتدن اثر کورلایوب هر طرفنده دخی در سعادته موجود شوقدر
کار کیر ابنیه سکائنک صحت و عافیتجه بزم مادونمزده اولمدقلری صدق
مدعا یه شاهد عادلدر.

سهولت و اھونیت بحثہ کلنجہ فی الواقع اخشاب ابنیه از وقت

ظرفنده وجوده کلور ایسه ده مصارف جهتیله ایکبسی بیننده اولان
 فرق کلی اولیوب اخشابك کار کیره نسبتله چوق طیانما سنه وصیق
 صیق تعمیره محتاج اولمسنه نظراً بو فرقك دخی سبب ترجیح
 اوله میده جغی ارباب تجربه و تحقیق عندنده مسلمدره ظن عاجزانه ده
 کوره کار کیر بنسلك صحتجه سوؤ تأثیراتی حقنده سکنه استانبولك
 ذاهب اولدقلری افکار اصلی فرعه قیاس یعنی فنیایا پایش کار کیر
 ابنیهك فنانغنی تعمیر ایتلرندن نشأت ایدوب اخشابك ترجیحی حقنده
 او مقوله افکار واهیةك دخی مدخلی وار ایسه ده اصل سبب
 اوته دنبرو اخشاب ابنیه ايله مألوف اوله رق بشقه بر صورت تجربه سنه
 جسارت ایتك استمد کلریدر، ترکیه سی کورهك بلا سیدر، اهل
 شرق ايله غرب بیننده اولان امور معکوسه دن بریسی دخی بو
 ماده در، اوروپا لور مساکن و هلابس و اشیای سائر جه متخذلری
 اولان اصولی اکثراً سبب صحیح ترجیح دخی اولدیغنی حالده مجرد
 (لکل جدیدلده) ذوقندن بهره یاب اولق ایچون صیق صیق تبدیل
 ایدوب اهل شرق ایسه متصف اولدقلری صفت ممدوحه سکونت
 و وقار اقتضا سنجه هر نه شی حقنده اولور ایسه اولسون ترک معتادی
 عدم ثباته اسناد ايله اشبو ابنیه ماده سنده اولدیغنی کبی بعض کره
 محسنات کلیه سی درکار اولان اصولی اتخاذ ده تردد ایلرلر، بونك
 بری افراط و دیگرى تفریط قیلندن اولدیغندن هر حالده طریق
 اعتدال مسلوک قدم اختیار قلمق لازم کلور.

در سعادتده بروجده بالا یا نغینلرک داعی اولدیغنی تلفات صره سنده
 یادکار اسلاف اولان بر چوق اشیای نفیسه و نسخ نادره دخی
 محو و مضحک اولور که بونلر ضایعات سائر یه مقبس اوله میوب تعمیرى

ناقابل بر خرايت ايدوكى اشكاردرد.

اخشاب اينده دائماً تهلكه ده بولنديغندن سكاني قطعاً امنيت اوزره اولدومز. شو حال هر كسك ساكن اولديغى خانه يى درجه اقتدارى قدر تنظيم و تزئين ايتمنه مانع اولوب يك چوق ذوات دخی كتب تفهيمه و سائر ذقيقت اشيا لايى خان و جوامع شريفه ده حفظه مجبور و بوجهاه تمتعات ممكنه و مشروعده دن محروم اولورلر. بعضى اهل مراق محافظه سي ملترمى اولان اشيا و اوراقى دائماً بالسهيوله بليه احتراقدن تخليصى ممكن اوله بيله جك بر حالده طوتوب حتى بعضارى قاعده تيقظ و احتياطه رعائتده مبالغه ايدرك ليلاً يتاقدده حضور واستراحتك متوقف اولديغى درجه ده تبديل جاده دن اجتناب ايدرلر اشته حريقك اشبو نتايج مضره سي الزياده شايان دقت حالاتدن دره هله ليلاً حريق وقوعنده نوبتجي و بكيچلرك (يانغين وار) صداسى نه درجه دهشت انداز قلوب و بومناسبتله قريب و بعيد و قائم و نائم كافه اهلينك نوجهله خواب و راحتى مسلوب اولديغى در سعادت اهلينك هزار بار مجربى اولان حالاتدن در.

نيچه اصحاب ثروت و اقتدارى بر انده فلس اجره محتاج ايدن بو مثالو بر بليه نا كه عظمتورك دوامى نزد سلطنت سنيه ده نظريه قيدي ايله كوريله محبوب بونك استحصا ل اسباب اندفاعى اوتهدنبرو مظلوم و ملترم عالى اولديغندن مجدداً انشا اولنه جق اينده نك كار كير اولمنه و يا خود هيچ اولز ايسه بر كار كير ديوار ايله تفريق قلمننه سعى و اقدام قلمش ايسده بعضى حجزه اهلينك وقوعه بولان تصديعات متواليسه لر ينه مبنى اولسا بده اصراردن صرف نظره بر منوال محروم تخفيف مضر اتمه دار اوله جق بعضى تدابير اخذ ايله اكتفا بيورلشدرد.

مجدد بنیان سلطنت و مشید ارکان ملک و ملت پادشاه من افتد من
 حضرتلری دخی جلوس مسعدت مانوس جناب ملوکانه لرندن برو
 تأسیس و اکماله موفق اولوب الیوم دار الخلافه سنیدلرینک مایه
 زینت و احتشامی اولان بونجه ابنیه میریه نک کافه سی کار کیر اولدیغی
 مثالو بودفعه طوبخانه و ترسانه عامر ده و باب سر عسکریده ذاتاً
 اخشاب بولنان دوائر سنیه نک بر طرز بهین اوزره کار کیره تحویلی
 حقنده اراده اصابه تعاده ملکداریلری شایان بیورلمشدره شو حال
 دوائر مذکور دک بر حسن قالبه افر اغیله برابر سکنه استانبوله بر حسن
 مثال اراندسی مقصد عالیه سی متضمن اولدیغندن اهالی هم کند و منافع
 حقیقه لرینی وقایه و همده متبوع مخملری اولان ذات معالی
 صفات پادشاهینک بو بایده دخی اثر جلیلارینه اقتضاً من بعد
 یایله جق ابنیه نک ممکن مرتبه کار کیر اولسنه بذل و سع و قدرت
 ایلسه لر موافق حال و مصلحت اوله جفی درکاردره.

اوروپاده کافه ابنیه کار کیر اولدیغندن حریق مضراتندن بوراسی
 قدر خوف اولمادیغی حالده و سائط اطفائیه سی یک منتظم اولوب
 بزمکبلردن زیاده جسیم وقوی طلومبه لر دن بشقه یانغیندن آدم
 و اشیا تخلیصنه مخصوص متنوع آلات و ادوات اولدیغی مثالو بو
 ایشده مستخدم نفرات مهارت و خفت حرکتلرینی موجب اوله جق کونا
 کون زور باز اقلر تعلم ایدرلر برده شهرک هر طرفنده واقع ضبطیه
 مرکزلی تلغراف ایله یکدیگره مر بوط اولدیغندن حریق وقوعی
 انده کیفیت اقتضا ایدن محلا ره اخبار ایله دائماً منتظر بولنان طلومبه جی
 و سائر طلومبه و آلات و ادوات لازمه لر یله مخصوص عربه لرینه
 سوار اوله رق یانغین محله مسارعت ایدرلر و بو عربه لر دن قنغاسی

اولجه وارر ايسه بر مقدار معين مكافات الجھسى اخذ ايدر.
 حريق محله مقدار وافي ضبطيه نفراى دخی جلب اولنه رق بونلر
 سیرجیلری تقریدن منع و برکونه اویغونسزلق وقوعنده دفع ایتک
 اوزره حریقک اطرافنی احاطه ایدرلر، نفرات اتشک دفع تأثیراتنه
 مدار اوله جق کونا کون باشلق و البسه لایس اولدقلری حالده
 ضابطلرینک نظام اصولی اوزره واقع اولان قومانده لری وجهله
 سربستانه حرکت ایدرلر، اوروپا شهرلرنده اهالینک هر درلو
 احتیاجاتنه وفا ایتک و اسئلدیکی حالده خانه لک بشنجی و التنجی
 قانلرینه قدر طبیعتیه حقیقمق اوزره جسیم تیمور بوریلر واسطه سیله
 هر طرفده طاتلو صو جریان ایلدیکندن حریق ظهورنده اکثریا
 بو صوره اکتفا اولنوب اقتضا ایتدیکی حالده دخی جسیم تیمور
 حوضلری حامل عربهلره جلب اولنور.

اشته بر طرفدن ابنیه نك کارگیر اولسی و دیگر طرفدن صویک بول
 ووسائط سائر اطفائیه نك مکمل بولنمسی حسیله اوروپا ممالکنده
 یانغینلر چوق مضرت ایده مز و بر محله حریق ظهورنده بوراسی
 کبی همجوار اولان بیوت و بلکه کاملاً اول سمت اهالسنه موجب
 خوف و اندیشه اولمز و حتی بر خانه نك بر قاتنده حریق اولدیغی
 حالده دیگر قاتلرنده ساکن اولنلر تلاش ایتوب تخلیه سنه دخی سعی
 ایتدکلری بر کره مع الاستغراب مشهود عاجزانهم اولمشدر.

پارنده بش بلوکدن مرکب اولمق اوزره بر طابور طلومبه جی اولوب
 بونلر عساکر نظامیدن معدود ايسه لرده اقتضا ایدن معاش
 و تعینا تلی شهر اهالسی طرفندن تسویه اولنوب ضبطیه نظارتی
 تحت اداره سنده بولنورلر.

اوروپاده اکثر ابدیه و بعض کره دخی مشتملاتی غایت جزئی بر بدل
مقابلنده مخصوص قومپانیه لره سیغورطه ایتدیرلدیکندن حریقندن
ناشی وقوع عیوله حق خسارات بالتمام مذکور قومپانیه طرفندن تسویه
و تضمین اولنور. بنا علیه بر محله حریق ظهورنده صاحبی قطعاً
قید ایتدیرک صاوشور و سیغورطه قومپانیه سی طرفندن مأمورلر
کلوب اطفا سنه سعی ایدرلر. بالاده دخی بیان اولندیغی اوزره اشبو
حریق غایت زنکین و مالدار بر آدمی آن وحدده بالکلیه تهی دست
و بیایه براغه بیله جکندن هر کس مصارف سائر سی صره سنده
سیغورطه جی یه سنوی بر مقدار جزئی اچقه اعطاسیله شو فلا کتدن
امین اوله جغی جهته اصول مذکورک محسناتی انکار اولنده من.
شوفائده کار کیر ابدیه حقننده اولوب چونکه اخشابک بولندیغی
تهلکه یه نظر آس سیغورطه بدلینک زیاده اولسی اقتضا ایده جکی و بودخی
اصحابنه بر بار کران اوله جغی جهته ذکر اولنان سیغورطه اصولی
فوائدینک اخشاب ابدیه شمولی اوله من ظن ایدرز.

فرانسه ده ابدیه میریه یه و یا خود مسکون اولان بر محاک احراقنه
و نفوس تلفنی داعی اولان بر یانغینک ایقاعنه اجنسالر ایدنلر قتل ایله
مجازات اولندیغی مثللو غیر مسکون اولان محله و اورمان و مزرعاته
اتش القا ایدنلر قید حیات ایله کورکه وضع اولنور. کندوسنه عائد
املاک و اشیایی احراق ایدنلر حبس و بو وجهله بشقه لرینه مضرت
ترتب ایتدیکی حالده کورکه قونیاور. غفلت و عدم دقتدن نشأت
ایدن حریقک مضراتی سبب اولانلره تضمین ایتدیرلد کندن بشقه
بولنلر دن جزای نقدی دخی النور و حریق ایله تهدید ایدنلر التی آیدن
یش سنه یه قدر حبس اولنور.

(تاریخ دولت عثمانیه درسی)

مقدمه بعضی محلی غزته رنده دخی اعلان اولندیغی وجهله مجلس
والای احکام عدلیه اعضای کرامندن سعادتلو خیرالله افندی
حضرتلری جمعیت عاجزانه مز هرگزنده دولت علیه عثمانیه تاریخی
تدریسنه مبادرت ایلمشدر. خفی اولدیغی وجهله افندی مشارالیه
حضرتلری منبع علم و عرفان اولان بر خاندانه منسوب اولوب
کندواثر خاضه سی اوله رق مقدمه طبع ونشرینه ابتدار اولمش اولان
دولت عثمانیه تاریخ مفصلی دخی جمله نك مشهود نظر استحضاری
اولغله اولبابده اهلیت و اقتدارینی تسلیم و تصدیق معروضنده
سرد مقال حاصلی استحصالی قییلندن اولدیغی مثلاًو مجرد ابنای
وطنه خدمت ایتک نیت خیریه سیله شوزحتی اختیار بیورمسی دخی
نه درجه شایان تشکر مواددن بولندیغی محتاج ایضاح دکلدرد.

هر ملت منسوب اولدیغی دولتک صورت تشکل و توسعه و مطهر
اولدیغی تحول احواله کسب اطلاع ایتک فائده دن خالی اولیوب
بالخصوص سلطنت سنیه کی ذروه شوکت و اقتداره واصل اولمش
بر دولت سایه سنده آباو اجدادمزك حائز اولدقلری شرف و شانه
تحصیل وقوف هر حالده بزجه مایه مباهات و مفخرت و انلرك
ترینه اتبا عده بادی شوق و غیرت اوله جغی جهته دولت علیه
تاریخنك تعلم و تحصیل اهم امور دندر. افندی مشارالیه حضرتلری
حین تدریسده وقوعات تاریخیذك کاهی تقریر و بیانیله اکتفا
ایتمیوب امور مهمه نك مقدمات و نتایجنی دخی شرح و ایضاح
ایلدیکی جهته استماعندن فوائد عظمی استحصالی اولنه جغی درکاردر.

ممالك شرقیه ده اولوجهله علم تاریخ تدریسی معتبار اولدیغندن
اسیرعادت اولنلر عندنده درس مذکور نظر تعجب ایله منظور ایلده ده
حقیقته اصل شو ذهاب شایان استغراب اولوب چونکه تاریخ دخی
علوم معتبره دن معدود اولدیغی حالده دیکرلری کی تدریس اولنق
شرفندن محرومیتی ندن لازم کلسون فن تاریخ مجرد اکلنجه اولق
اوزره مطالعه اولنور امثال و حکایات قیلندن عد اولنور ایسه
فی الحقیقه اولخالده علم وجهلی مساوی اولوب تدریسنه حاجت قالمز
فقط بزی اسلافه معاصر و هر یرده حاضر و ناظر ایده جک بویله
بر علم جلیل المنافع اکا مقبس اوله میوب خاصه تعلمنه اعتنا اولنق
لازم کله جکی مسلم ارباب نهادر

(منیف)

(خلاصهٔ پولیتیکه)

دانیمارقه ایله اوستریا و پروسیا دولتلری بیننده کچنلرده عقد اولنان
مقدمات صلحیه سندینک ترجمه سیدر
اوستریا دولتک مر خصلری قونت دو رخبرغ و بارون دوبره نر
دانیمارقه ذواتی طرفندن مر خص تعیین قلنان موسیو غواد وقولونل
دوقاوفان و پروسیا دولتک مر خصلری موسیو دوبیسمارق بارون
دو ورترا مور اجنبیه نظارتی دائره سنده قونفرانس صورتنده
اجتماع ایدرک یولنده بولنان رخصنامه لرینی یکدیگرینه بالارائه
زیرده بیان قلنان مقدمات صلحیه به قرار ویرمشاردر

برنجی ماده حشمتلو دانیمارقه قرالی حضرتلری شارویغ وهولشتان
ولاونبورغ دوقه لقلری اوزرنده اولان كافه حقوقنی حشمتلو اوستریا
ایمپراطوری و پروسیا قرالی حضراتنه ترك ايله برابر مشار الیهما
ظرفلرندن مذکور دوقه لقلر حقنده اتخاند اولنسه جق صورتلرك
تصدیقنی تعهد ایدر.

ایکنجی ماده شارویغ دوقه لغنك تركی مذکور دوقه لقلر ملحقساتندن
اولان اطه لراه قاره ده بولسان اراضینك كافه سنی شاملدر. تحدید
حدود ماده سنك تسهیل و شارویغ اراضیسی ایچنه کیرمش اولان
یوتلاند اراضیسنك وضع جغرافیسندن نشأت ایده جك محاذیرك
رفعی ایچون حشمتلو دانیمارقه قرالی حضرتلری جغرافیایا خریطه لرنده
كروستریلان ریب ناحیه سی حدود جنوبیه سی خطنك جانب
جنوبیسنده واقع یوتلاند اراضیسنی و یوتلاند ملحقساتندن اولان
موکلنوندن اراضیسیله امر و جزیره سنی و فوهر و سیلت و روئو
و دیگر بعض جزیره لك دخی یوتلاند ملحق اولان قطعه لرینی حشمتلو
اوستریا ایمپراطوری و پروسیا قرالی حضراتنه ترك ایدر. مشار الیهما
حضراتنی دخی شارویغك ذكر اولنان اراضی متروکیه مقابل اوله جق
اولان واروئه جزیره سی مستثنا اولقی اوزره مذکور ریب ناحیه سنك
شارویغك قطعات سائر سنه التصاقنه و یوتلاند و شارویغك قولدنبغ
طرفنده بولنان حدودینك تصحیحنه مدار بولنان قطعه سنك شارویغ
دوقه لغندن افرازیله دانیمارقه ممالکنه الحاقنه موافقت ایلر ارونه
جزیره سی بو مبادله یه یالکز جغرافیایا اولان وسعتی نسبندده داخل
اوله جقدر تحدید حدود مسئله سنك تفصیلاتی مصالحه سند قطعیسنده
تعین اولنسه جقدر.

او چنانچه ماده كرك دانمارقه ممالكك و كرك شلزويع و هولشتاين و لاونبورخ
دوقه لقلرندن هر برينك كند و حسابند اوله رق عقد اولنان استقر اضارك
تأديه سي بوملكتره عائد اوله جق و دانمارقه دولتي ناعنه عقد اولنان
استقر اضار دانمارقه ممالكنه متروك دوقه لقلر بيننده طرفينك مقدار
نفوسنه نسبتله تقسيم اولنه جقدر. يك سكر يوز التمش اوچ سنه سي
شهر كانون اولنده دانمارقه دولتي طرفندن انكلتره ده عقد اولنوب
كند و سنه عائد اوله جق اولان استقر اضايله دول متفقه نك وقوع عيولوب
درقه لقلر جانندن تسويه قلنه جق اولان مصارف جزويه لري اشبو
تقسيمدن مستثاد.

در دنجي ماده طرفين معاهدتين اشبو معاهده يه ذيل اولنان پريتوقولده
مندرج شرائط ايله اغستوسك ايگېسندن اعتباراً طرفين عسكرينك
ضبطنده بولنان محاررالارنده قالمق اوزره برمتار كه عقدينى تعهد ايدرلر
بشنجي ماده اشبو مقدمات صلحيه سندی امضا اولنديغنى متعاقب
طرفين معاهدتين هر خصارى صلح قطعى مذاكره سيچون ويانه ده
اجتماع ايده جكلردر.

اشبو مقدمات صلحيه نك اساس اتخا ذيله صورت قطعده عقد مصالحه
ايتك اوزره ويانه ده تجمع ايتمش اولان هر خصار بيننده امور ماليديه
متعلق بعض اختلاف وقوعنه مبنى شمدي يه قدر معاهده مظلوبه نك
عقدى ممكن اوله مامش و بونك ايچون تعيين اولمش اولان متار كه مهلتى
دخى كچن ايلولك اون بشنده منقضى اولمش اولغله متار كه مذكوره عقد
مصالحه اولنجيه قدر بلا مدت تمديد قلمشدر.



مجموعه فون سر ماه عربی نهایتند چیتا ریور

در معاوت ایچون بهاسی

غروش ۶۵ بر سنده لك

۳۵ التي ایلق

۰۶ بر نسخته

بر سنده لکنه و یا خود التي ایلغه مشتری اولق استنلد کده یکی
جامع جوارنده چیچک بازارنده واقع جمعیت علیه عثمانیه
مرکزینه مراجهت اولنه . ایالاتده مشتری اولق استیانلر فیئات
مذکوره اوزرینه مسافه نك قریت و بعد یتنه با قلیوب بر ییلاق
ایچون التي والی ایلق ایچون اوچ غروش پوسته اجر تی ضمیمه
الچه سنی پوسته یه تودیعاً جمعیت علیه عثمانیه ریاستی طرفنه
کوندردکلری حالده اوقات معینه سنده محلنه ایصال اولنور
ممالک اجنبیه ایچون مسافه سنده کوره لازم کلان پوسته اجر تی
ضم اولنور

متفرق صاایمان محال

جغفال اوغانده صوچی	جمعیت مرکزی
بك اوغلی جاده سنده صحافی	صحافار کیمخدا سی حلیلی حاجی
کولر نومرو ۳۲۳	حسین افندی
الاجه حمامده سرکی عثمانی	سلطان بایزیدده کاغذچی حافظ
اشیاسی صاایمان یوسف افندی	اسماعیل افندی

مجموعه فون و بی مراد او لمان مو او مناس به جمعیت مرکزی

ارسال یوریه

مجموعہ سنون

اثر

جمعیت عالیہ عثمانیہ

اوپننجی سہ

نومبر ۲۹

جماد الاول

استانبول

جمعیت عالیہ عثمانیہ مطبعہ سندھ طبع اول نمشد

(مواد مندرجه)

ادهم پاشا	مدخل علم زئولوژی
منیف	احراق بیوه زنان در هندستان
فردیس افندی	تاریخ ملوک فارس قدیم
منیف افندی	تاریخ حکمای یونان
محمد شوقی افندی	اوروپا دولترینک احوال حاضرہ سی
	خلاصہ پولیتیکہ

جمعیت مہریہ مہرور اولیان مجموعہ فنون نسخہ لرینہ ساختہ نظاریہ
باقیہ رق طابع و باباعلری مسئول طوئیلہ جقد ر



(مدخل علم ژئولوژی)

میاہ بحر یہ نك یقموس ایلمسی بیانندہ ذرہ

د كرك سطحی سراپاروشن و منور كورنسی شایان تعجب
آثار غریبه دن اولوب اگرچه هر منطقه ده و قطب طرفلرنده دخی
دكر صولرنده کیفیت فوسفوریه مشهود ایسه ده منطقه حاره ده
حادثه مذكوره ظهور کلی ایله ظاهر و منجلی اولور و خصوصاً
بحر هنده مالبار سواحلنده و مالدیو و جزایر سائرہ اطرافلرنده شدت
اوزره ظهور ایدوب حتی بعض دفعه دریانك كاملاً منور کورندیکی
روایت اولور. اشبو حادثه بالجله سیاحلری مستغرق دریای تعجب ایلوب
سیاحتنامہ لرنده تفصیلاً تعریف و بیان ایلشلردر. روایتلرینه کوره
بو بر جنس یقموس اولوب فقط کندی کندینه پیدا اولور و هر
اخشام تجدد ایدر و دریاده تلاطم آز و هواده دخی اعتدال اولدیغی
وقتلرده دهها زیاده ظهور ایلر. پاترین نام ذات فرانسه دن بحراً
پترسبورغه کیدر ایکز بو کیفیتي پك چوق مشاهده ایدوب شو
وجهله تعریف ایلندر که همان اوج هفته علی الدوام هر کیچه دگری

پارلاق كوررايدم و روزگار ك شد تيله كينك پرواسي سطح ذرياه پك
 قريب كلديكندن يقموسي دهايقيندن رؤيت ايتك ايچون اورايه كيدوب
 استديكم وجهله تماشا ايله ايدم . برياغلي جسم اوزرنده صوقطره لري
 نصل حركت ايدر ايسه طالعذر ك كوپوكنده نخود ودها بيوجك
 برطاقم پارلاق و مدور اجسامك متحرك اولديغني مشاهده ايلدم وحتي
 بريوجك قاب ايله ذكر اولسان كره لردن اخذ و بر خرده بين ايله
 معاينه ايلديكمده بر ماده دهنينه دن عبارت بولدم . ماده مزبوره
 ظلمته ال ايله اوغشدرلدقده كيفيت فوسفوريه ظهور ايدرايدى “
 موسيو هومبولد دخي سياحتنامه سنده ديمشدر كه طبقه حاره ده
 وخصوصيله بحر محيطده كيفيت مذكوره كورلدكجه لايقيه تصور
 اولنده مز و امواجك برى برينه تلاصق و تصادمنده شمشك كبي ظهور
 ايدن ضيانك وحدوث ايدن زبد درخشانك وصف و تعريفى قابل
 دكلدر . امر يقاده واقع قورياچوليماننده اخشام اوزرى صوده يوزر
 ايكن وجودم كويا فوسفور ايله دلك اولمش كبي هر جانم آتش
 كسيلوب ضيادار اولورايدى “

ذكر ك بو كيفيتى امواجك سطحنده برطاقم حيوانات صغيره نك حركاتنه
 اسناد اولنور . بوندن قطع نظر دكرده بولسان مواد عضويه نك بر
 مقدارى تغير ايدوب اول حالده صويك يوزنده يوزرك حادثه مذكوره يي
 احداث ايده بيلسي دخي استبعاد اولنده مز . چونكه دكرده موجود
 حيوانات بعد الهلاك فوسفوره منقلب اولوب حتى بالقلردخى حيواندن
 منقطع اولدقده بقيه لرنده خاصه فوسفوريه ظهوريله ايمان ايلدكلري
 دركار و اشبو ماده فوسفوريه صوده منحل اولدقده ذكر اولسان
 خاصه يي دخي صويه نقل ايله چكي اشكاردر . سياحتلرك بعضيلري

میاہ بحر بہدہ زوئیت تعبیر اولنور غایت صغیر حیوانات بولوب اشبو حیواناتدہ ایسہ ذاتاً فوسفوردن عبارت اولان مواد رقیقہ مضیئہ موجود اولدیغندن بولنلرک مرور ایلدیکی محللردہ یقموس ظہور ایلمسی و ساکن ہوادہ سفینہک یانندہ بیاض و پارلاق اوزون خطلر کورنمسی اندن نشأت ایلدیکنہ حکم ایلشلدردہ حیوانات مذکورہ دن ایکی عدد النوب بر بوقال درونہ وضع اولندقدہ صویک ہر طرفی ضیادار اولمش اولمغلہ بودخی ذہاب مذکور ی تأیید ایلشدرہ بوندن ماعدہ حیوانات صغیرہ مر قومہک ضیادار اولدقلرینک سیلارندن بری دخی حرارت ایدوکی بالتجربہ تحقیق ایتشدرہ

اقطار قطبیدہ واقع بوزلر بیانندہ درہ

ارضک ایکی قطبی سنہدہ الی ماہ مدت شمسک قوتسز شعاعاتہ متایلا متوجہ اولوب دیگر الی ماہ مدت دخی ظلمتدہ قالور فقط اولجانبہ مخصوص صبح قطبی تسمیہ اولنان اثار علویہک ضیاسیلہ بعضاً مستضیء اولور اولوجہلہ کونشک حرارتی کرکی کبی اراضیء مذکورہیہ واصل اولسامغلہ اورالردہ برودت شدت اوزرہ اولوب بولندیغمن اقلیمک خصوبت وزینتہ مدار اولان صولریرینہ بوزلر قائم اولور اشبو قطبلر جبال شاہقہدہ دائماً بوزایلہ مستور اولان محللرہ مشاہدردہ بعض جسور قیودانلر قطبلرک احوالی کشف و تحقیق ایتک اوزرہ اولطر فلرہ کیمتشلر ایسہدہ اصل قطب اطلاق اولنان موقع کاملاً بوزایلہ مستور اولدیغندن اورایہ قدر وصول مبسر اولہ مامشدرہ اگرچہ مطلب مذکور حاصل اولہ مامش ایسہدہ ذکر

اولنان سیاحتلرده جغرافیا وسائرجه پك چوق معلومات استحصال اولندیخی محتاج بیان دکلدر. ازجمله قطب بوزلرینه دائر تحقیقات واقعه شایان اطلاع مواد دن اولغله بعضیلرینك بروجده آتی بیانی مناسب کورلدی.

اقطار قطبیه ده ایکی جنس بوز اولوب بری طاتلو صوبوزی و دیگرى طوزلو صوبوزیدر که برنجبسی دکرده اولدیخی حالده اسمر و دکردن اخراج اولندقدده \llcorner کوزل یشیل و شفاف کورینور. قپودان موسیو اسقورسی اشبو بوزدن عادتاً اعلا بلوردن یاپیش اولان جامله مشابه خرده بیلر اعمال ایدرک بونکله قاوو کچیبارک چوقلرینی یاقش و بو کیفیت سفینه خلقنی حیرته دوشمر مشدر. طاتلو صوبوزلری غایت شفاف وسرت اولوب صفر درجه حرارتده بولسان میاه بحر یه دن برعشر مقدار زیاده خفیفدر و صفر درجه حرارتده بولسان صویه غطس اولنسه صویك خارجنده بولسان قسم ایله ایچنده بولسان مقدارینك نسبتی ۱۵ و ۱ یعنی برک اون بشه نسبتی کبیدر. اشبو بوزك ثقلت اضافیه سی دخی ۹۳۷ و ۰ یعنی ماء مقطردن خفیفدر. ایکنجی جنس بوز یعنی طوزلو صوبوزی بیاض و کثیف و سونکرکی ذومسامات اولوب درونندن هرور ایدن شعاعات ضیائییه یشله مائلدر و طاتلی صوبوزلری قدر سرت اولیوب فقط اندن زیاده ذومسامات اولمسیله دهها خفیف اوله رق اندن زیاده صوده یوزر و هواده بر مدت ترك اولندقدده سرتلشوب ذوبان ایلدکده دخی طاتلی اولور. فقط همان دکر دن النان قطعده لری اریدلسه حاصل اولان صوبالکس آجی اولور بو دخی مساماتنده بر مقدار دکر صویبی قاله جغندن حین ذوبانده بوزك صویبی ایله قاریشدیغندن

نسات ایدر، اشبو طوزلو صوبوزلرینک ثقلت اضافیه سی ۷۸۳ و ۰ در
هر نقدر قطب جنوبیده زیاده بوز بولندیغی معلوم ایسه ده قطب
شمالی طرفلرنده اربابی معرفتیه پک چوق تحقیقات اجرا اولندیغندن
اولظرفک بوزلری حقنده دهها زیاده معلومات استحصال اولمشدر.
قطب شمالیه طوغری ممتد اولان اراضینک سواحلی اکثر حالده
بوز ایله مستور اولوب اشبو بوزلر دخی انده حاصل اولور ایسه ده
بعضاً دخی انکیندن کلوب سنه لجه سواحل مذکوره ده قالدیغی واردر
و دکرک اچیلرنده دخی پک چوق یرلر بوز ایله مستور اولوب شویله که
بر یوک سفینه نک دیرکنه چیقله رق اطرافه نظر اولنسه هر طرف
بوزدن عبارت کورینوب حدودی ظاهر اولمز. اشته بوزلرک بویله
استیعاب ایلمش اولدقلری مسافات جسمیه بوز اوه سی تعبیر اولنور.
بحر منجمده بویله بوز اوه لری چوقدر فقط بونلردا نما اولدقلری محملده
ثابت اولوب دریا یوزنده سیرو حرکت ایدرلر و سطح دریادن ارتفاعلری
بالکز الی قدم ایسه ده عمقلری یعنی صوایچنده اولان قسملرینک
طولی یکر می قدمدن متجاوزدر و سطحلرینک طولی اوتوز و عرضی
دخی اون بش ساعت قدر اولدیغی و بعضاً برقایی برلشدرک یوز
ساعتدن زیاده طول پیدا ایلدکلری واردر و بعضاً دخی پاره لنوب
حاصل اولان قطعده لری بعده ینه برلشدرک یکیدن بشقه اوه تشکیل
ایدرلر ایسه ده هیئت اصلیه لری کبی منظم اوله میوب غریب شکلار
حاصل ایدرلر شویله که دکر سطحمنده اوتوز قرق قدم مرتفع بوز
قله لری اولوب هوالر کسب اعتدال و اشتداد ایتدجکه ذکر اولنان
قله لر درلو شکلره کیررلر.

بوز اوه لرندن بشقه بعض کره بوز طاعلرینه دخی تصادف اولنوب

بونلرک وسعتلری هر نقدر بوز اودلری قدر دکل ایسه ده ارتفاع
 وجسامتلری پک زیاده در و قارلرده دخی بوز طاغلری اولوب (اشپز برك)
 جزیره سنده واقع یدی طاغلر تسمیه اولنور بر محله ده بتون اودلر
 و وادیلر او یله طاغلر ایله مستوردر. جزیره مزبوره ساحلنده اوج
 یوز قدم ارتفاعنده بوز صرتی بولمیشدر و بعض قیودانلرک روایتنه
 کوره اشبو بوز طاغلری قاره لردن منفک اولوب دریایه نزول و انده
 سیر و حرکت ایدر و بش یوز قدم ارتفاعنده بو مثالو جبل متحرک
 کورلمشدر. سالف الذکر بوزلرک دریاده بولنان ارتفاعی مقدارینک
 اون مثلی قدری دخی تحت البحر بولندیغندن جسامت کامله لرینک
 مقدار اولسی اقتضا ایده چکی تعریف و بیانیه محتاج دکلدر و قاره لردن
 قو پوب بویله دریایه واصل اولان بوز جزیره لری قیالری و کویله
 چیقیش بیوک اغاجلری الوب برابر سورودکلری واردر. حتی بو
 اغاجلردن بعضیلرینک اوزرلرنده قوش یوهلری مشاهده اولمیشدر.
 مذکور بوزلرک اوزرنده اکثریا طالتی صوکوللری بولندیغندن
 تصادف اولندقدن کیچیلراندن صواله رق استفاده ایدرلر.

على العموم بوزلرغایت سهل الانکسار اولمغله مذکور بوز اودلری تلاطم
 دریادن ناشی شکست اولوب بوندن مدهش صدار حصوله کلور.
 بالخصوص بوز طاغلرینک اوزری هوانک اعتدالی مناسبیله براز ذوبان
 ایلدکده قابلیت انکساری بر مرتبه واصل اولور که بر بالطه ایله ضرب
 اولندقدن زجاج مثالو بویینه منشق اولوب قطعاتی دکره دوشرو بو
 خاصه دن غفلت اوزره بولندرق کیچیلر اول طاغله خلاط باغلامق و قازق
 رکز ایلک ایچون ضرب ایلدکلرنده تلف اولدقلری دفعاتله وقوع بولمیشدر
 قطبینک بوزلری بر حدود ایله محدود اولوب فقط قطب شمالیده

بوزرك حدودى قطب جنوبى دن قليدرد. نصف كره شمالیده بوزرك
 الان حدودى بر وجه اتى ذكر اولنور. غرونلندا مملكتك جانب
 جنوبیسنده واقع بروندن بوزرك سنورى شمال شرقی به طوغری متوجه
 واسلاند جزیره سنی احاطه ایلد کد نصکره لوندره نصف نهار
 دائره سنك جانب غریبسنده بش بچق درجه طولنده و خط استوادن
 اعتباراً یتش بر درجه عرضنده واقع ژان مایر نام جزیره به واصل
 اولور و بعده خط حدود مذکور بر مقدار شرقه طوغری متوجه
 اولوب ذکر اولان نصف نهار دائره سنی یتش بر ایله یتش ایکی درجه
 بیننده قطع ایدوب التی ویدی و اون درجه طوله و اصل اولدقدن
 صکره بردن بره خط حدود مذکور شماله توجه ایدوب سکسان
 درجه عرضنده منتهی اولور و بعضاً ایکی اوچ درجه چیققدن
 صکره جنوب شرقیه و جزیره دبه و اندن شرق جنوب شرقه
 و زامبله جدید نام جزیره به و یاخود سیر مملکتی جانبنه توجه ایدرد
 (ادهم)

ناظر معارف و نافعده

(احراق بیوه زنان در هندوستان)

هندستانده آتش پرستار موتالری نی ملل سائره کبی پره دفن ایتوب
 احراق بالنار ایتدکلری مثلاً و متاهل براد مک و فاتنده زوجیه سی دخی
 استدیکی حالده نفسنی آتش القا ایدوب زوجیه برابر محترق اولمق
 مستحبات مذهبه دندرد. انکلهزه دواتی اولطر فلره استیلا سندنبورو

اشبو عادت مستقیمتک الغاسنه سعی ایش ايسده او مقوله فدای
جانه عزیمت ایش اولانلرک نظرند هر درلو مجازات شدیده آسان
کورینه جکی جهته شمیدی به قدر منعی ممکن اوله مامشدر. بر دفعه
اشبو اصول مذمومهك حین اجرا سنده حاضر بولنان بر سیاحك
روایتی بوجه اتی درج و بیان قلنور.

تاجور حاکمی ۱۸۰۲ سنه میلادی سی نیسانك اون طقوزنجی کونی
قبل الظهر وفات ایدوب مومی الیهك تسلیم روح ایشنی متعاقب
زوجه لرندن ایکسی جنازهك بولندیخی اوطه یه دخول ایله اوچ دفعه
سرنهاده زمین تعظیم اولدقدنصکره جنازهك یانی باشنده اوتوروب
انکله برابر یانغی تصیم ایش اولدقلرینی اوراده تجمع ایش اولان
سرای خلقنه اعلان ایلدیلر.

هر قومهلردن بریسی تقریبایکرمی باشنده اولوب متوفانك پک سو کلموسی
ایدی و چوجغی یوق ایدی. دیکری یکرمی الی باشنده اوله رق بر
قری وار ایدی. ایکسنگ دخی پدر و برادرلری اوراده موجود اولوب
شونیتدن صرف نظر ایتلریچون کندولرینه زیاده ابرام و الحاح
ایشلرایسده قطعاً تأثیری اولیوب عزیمتلرنده اصرار ایلدیلر.
شهر مذکورده بولنان انکلیر ما موری کیفیتی استخبار ایتدکده بالذات
کندوسی کله مدیکندن طرفندن مخصوص ادم کوندره رك شو
رسم فجیعك منع وقوعنه سعی اولمسنی امر ایلدی. اقربا و متعلقاتلرینك
نصایح واقعلری بر فائده بی نتیج اولدیخی کورلدکده انکلیر ما موری
طرفندن کلان ادم هر قومهلرک یانه کیدوب شو حرکتلرینك
حکومت نظرند غایت مستهجن اولدیغندن بحثله هر وجهله اخافه
وتهدید ایش ايسده بودخی بر فائده بی نتیج اوله مدی.

بوتك اوزرينه وجوه مملكت انگلير مأموری طرفندن كلان ادمه
خطاب ايله انگلير حكومتی شمدی یه قدر امور دینه مزه قطعاً
مداخله ایتوب بو مقوله قربان رسمینك اجراسی دخی نامسبوق شی
اولدیغنی و هر قومدهاری شونیتدن فراغت ایتدیرمك اوزره هر درلو
نصایح اجراسی مناسب اولور ایسه ده اصرار ایتدکلی حالده جبراً
منع اولملری اقتضا ایتیه جکنی بیان ایلدیلر.

انگلير مأموری هر قومدهاره خطاباً اگر بو بابده اصرار ایدرایسه کز
پدر و برادرلری کز انگلير حكومتی نزدنده مسئول و معاتب اولورلر دیمکله
یونلردن بریسی کولکه باشلا یه رق بر شخصك ارتکاب ایتدیکی حرکت
ایچون دیگرینی مجازات ایتك انگلير حكومتك عادتق دکلر دیدی
و کمال حزن و مأیوسیت حالنده بولان پدرینه اشارت ایدرك پدرمك
بو درجه محزونیتی قطعاً تأثیر ایتدیکی حالده بنی شو سودادن واز
کورمك ایچون بشقه نه چاره دوشنه بیلورسکز دیدی.

هر قومدهاردن یاشلوجده سنك کوچك برادری حرم دائره سنه کیدرك
همشیره سنك چوجغنی کتوردی. اشبو طفل معصوم والده سنك
ایغنه دوشهرك فریاد و فغانه باشلادی ایسه ده شو حال رقت
انگیرده دخی ناصیه حالرنده ادنا مرتبه اماره تأثر نمودار اولدی.
سالف الذکر انگلير مأموری ینه معرض نصیحتده متوفی زوجلری
اگر شونیتلرینه مطلع اولمش اولسیدی مضائقه اجراسنه رخصت
و یرمز ایدی دیمکله هر قومدهار بر سنه مقدم بونی تصمیم ایدوب
متوفایه خبر و یرمش اولدقلرینی و اولدخی کندولرینی شو افکاردن
فراغت ایتدیرمکه چالشمش ایسه ده ظفریاب اوله مدیغندن بالضروره
موافقت کوسترمش اولدیغنی افاده ایلدیلر.

مأمر مومی الیه تشبثات واقعہ سنک نتیجہ پذیر اولہ میہ جغنی اکلامش
ایسہدہ انکلیر بیوک مأمرینک ورودینہ قدر جنازہ الاینی تأخیر
ایتدیکندن مر قومہ لر اولکون اخشامہ قدر انتظار ایدوب بو اثنادہ
بتلدن (۱) بشقہ برشی اکل ایتدیلر. اخشام اوزری انکلیر مأمرینہ ادم
کوند رہ رک شو تأخیر کندولر نجد شہہ یی دعوت ایتدیکنی و رسم
احراق در حال اجرا اولمادیغی تقدیرجہ گوزی اوکنده اتلاف نفس
ایده جکلرینی اخبار ایلدیلر.

حاضر بولنان اقربا و متعلقاتلری ارتق ابرامک فائده سی اولمید جغنی
تیقن ایدوب وجوہ مملکت اولوقته قدر سکوت ایتش اولدقلری
حالدہ انلردخی سوزہ قاریشہ رق طول قادینلرک کندولرینی قربان
ایتمک حقلری اولوب بوندن منعلری جائز اولہ من دیوامی
احراقک اجرا سنی تعجیل ایللریلہ انکلیر مأمری اورادن صاوشوب
رسم مذکورک اجرا سنہ مباشرت اولندی. کیم قادین جنازہ نک
موضوع اولدیغی اوطون یغنی اوزرینہ چیقدی و در عقب اشبو یغنه
اتش ویریلوب از وقت ظرفندہ جملہ یانوب کل اولدیلر.

دیگر قادین او برندن صکرہ متوفانک داخل خلوتخانہ ازدواجی
اولدیغی جہتلہ زوجیلہ برابر یانمق شرفندہ مظہر اولہ میوب جوارندہ
انک ایچون مخصوص بر مزار ترتیب و قابل التہاب شیلرلہ تعبیه
اولندرق اتش ویرلدی کرکی کبی اشتعال باشلادقدہ مر قومہ اشبو
من ارک اطرافنی یالکزجہ اوچ کرہ دور ایتدکدن و رفیقہ سنک یانمقدہ
اولدیغی یغنه قارشوبعضی مراسم تعظیمیہ اجرا ایلدیکدن صکرہ
بہا بانفسنی اتشہ القا ایدرک رھین محووفنا اولدی.

(۱) بتل بر نوع نباتدو کہ ہندیلر بر طاقم بہارات ایلہ برابر چیمیلر.

بر دفعه دخی رسم مذکورک حین اجرا سنده حاضر بولنان بر دیگر
موتوق الکلام سیاحک روایتی دخی علاوه بیان قلنور.

نهایت یکرمی یاشنده بر خاتون زوجنک وقوع و غاتنه مبنی متوفانک
جنازه سبله آتشد یا تمق استدیکنی اقربا و احباب سنده اخبار ایدوب بونک اجرا سی
ایچون برکون تعیین ولوازماتی تهیئه قلندی. هر قومه محل احراقه
بر درجه بی پروا و بلکه پرنشئه اوله رق کلدی که بن شو حالنی بعض
مکیفات تأثیرینه حل ایلدم. اشبو الایک ایلروسنده بر طاقم سازنده لر اولوب
هر قومه نک اوکنده دخی بر چوق زنان رقص ایدرلر ایدی. کندوسی
دخی الک نفیس البسه سبله ملبس و الک قیملو حلیاتیله مزین اولوب
بالخصوص یارمق و قول و ایاقلری بر چوق یوزک و بلازک و خالالر
ایله برزیب و زیور ایدی و ارقه سنده خیلی ذکور و نسا و صبیان دن
هر کب بر جمعیت عظیمه وار ایدی.

بونک حرقنه مخصوص اوطون یغنی ایچنده پک چوق رایحه طیبه لی
اغاچلر وار ایدی. هر قومه بی پروا یغنه تقرب ایدرک اوزرینه
جیمقمق سزین حاضر بولنان اقربا و احباب سنده مراسم و داعی اجرا
و اوزرنده بولنان حلیاتی انلره تقسیم و اعطا ایلدی. بن دخی ایکی
نفر رفیقم ایله برلکده اوله رق هر قومه یه پک یقین بر یرده بولند یغمدن
غالبا ناصیه حاملدن کمال تأثرمی اکلا دیغنی جهته بلازکلرینک برتکنی
بکا آندی. بونی حالا یادکار اولق اوزره صاقلرم. بعده هر قومه
یغنک اوزرینه صعود و اورتیه سنده قعود ایلدی و باشنه برتاب طولوسی
رایحه لو دهن دوکدی. الک یقین اقربا سندن بریسی یغنه آتش
و یروب شدتله اشتعال ایلتک ایچون اوزرینه بر چوق دخی یاغ دوکدی
یغین کمال شدتله اشتعال و اشبو عنصر مخرب در عقب زواللوی

اسدیعاب ایلدی و اول اثناده جماعت اجی باغی شغله باشلا دیغندن
مرقومه نك صداسی ایشیدیله مدی

(منیف)

(تاریخ ملوک فرس قدیم) (مابعد)

قودومان (دارای اخیر)

بالاده بیان اولندیخی اوزره مشار الیه قودومان شاه ارشپسك وفاتنی
متعاقب مرقوم باغواسك معاونتیه میلاددن اوچ یوزاوتوزالتی سنه
مقدم مسند حکمداری یه جلوس ودارا لقبیه تلقب ایلشدر، مرقوم
باغواسك مشار الیه قودومانی مقام حکومتیه اقعادندن مرادی
ظاهرا مشار الیه حکمدار اولوب حقیقتده کندوسی زمام امور
مملکتی اله المقدن عبارت ایدیسده بوکا دسترس اوله مدیغندن
اسلافی کی مشار الیهک دخی تسمینی تصمیم ایلدی . فقط مرقومک
اشبوسؤنیتی هر فصلسه میدانه چیقادیغندن تهیئه ایتش اولدیخی
زهر کندوسنه ایچوریه رك اهلاک اولمشدر، دارا جلوسنك
ایکنجی سنه سنده و تاریخ میلاددن اوچ یوزاوتوزدرت سنه مقدم
اسکندر رومی بن فیلیپوس مشاق سفریه و مخاطرات حربیه ایه
مألف اوتوز بیک پیاده و بشیک سواری عسکر یله قلعه سلطانیه دن
اسیا قطعه سنه مورو و موره دکرینه منصب اولان غرانیقوس
(قوجه صو) نهری کنارینه مواصلته قارشویقه یه عبور ایدوب

اوراده دارا نك يکرمی یکی ایرانلو سوارى و یکرمی یکی یونانلو
پیاده اوله رق موجود بولسان قرق بيک عسکريله محاربه يه ابتدار
واسکندر بر قاج يزندين مجروح و بنديکى اسب تلف اولديغى حالده
غلبه ايدرك دارا اردوسى بالکليه منهرزم و پريشان اولدى . بونک
اوزرينه اسکندر دهها ايلرو کيدرك مدت قليله ظرفنده اناطولى
قطعه سنک بر چوق محلى قبضه تصرفه الوب ميلاددن اوچ يوز
اوتوز اوچ سنه مقدم اسکندرون بلده سى قربنده واقع اولوب اليوم
بعض انارى قالمش اولان ايسوس نام شهر مشهور جوارينه واصل
اولدى . دارا اوتوز بيک یونانلو و يوز بيکدن متجاوز فرس و آريانوس
نام مؤرخک روايتنه نظراً التيوز بيک پیاده و مقدارکلى سوارى
عسا کردن هر کب جسيم بر اردو ايله محل مذکوره بالورود تقابل
صفين واقع اولدقده اگرچه بو محاربه ده دارا عسکرى ابراز مآثر
دليرى و بسالت ايلش ايسه ده اسکندرک عسکرينه تاب آور مقاومت
اوله ميدرق مؤرخ مومى اليهک قولنه نظراً دارا ميدان محاربه ده يوز
بيک قدر مقتول براقديغى حالده بقيه السيوف ايله فراره مجبور
اولدى . اسکندر اشبو محاربه ده فوق مايتصور منصور و مظفر
اولوب دارانک والده سيله زوجه سنى و همشيره سنى و صغير بر محمدومى
ايله ايکى کريمه سنى و ديگر بعض معتبران فرس حرملرينى اسير ايلدى .
فقط اشبو اسرا حقنده برکونه سؤ معامله روا کورميه رک على مقاديرهم
اعزاز و احتراملرينه اعتنا ايلدى . مشار اليه مظفر يت مذکوره دن
صکره دمشق شهرينه بر مقدار عسکر سوقيله شهرى مذکورى استيلا
و فرس دولته متعلق اوله رق دروننده موجود بولسان خزائن
و سائره يى ضبط ايلدى . بعده فنيکه ايالتى (سور و صيدا و طرابلس)

طرفه توجیه لوای عزیمت ایدوب ایالت مذکوره اهراسی بلاحرب
و قتال کند و سینه عرض اطاعت ایتمش ایسه ده اولجوارده واقع
تیروس (سور) جزیره سی اهاالسی انقیاد ایتد کلرندن اسکندر جزیره
مذکوره ایله ارض فنیکه بینی فاصل اولان خلیجی طپراق ایله املا
ایتدیره رک برأ و تدارک ایتدیگی دوتما واسطه سیله دخی بحرأ جزیره
مذکوره پییدی ای متوالیا حصر و تضییق ایتد کدن صکره ضبط
و تسخیر ایلدی . بو ائساده دارا اسکندره تحریر ایلدیگی برقطعه
مکتوبده اون بیک تالانتون (درت میلیون التون) و یرمک و کریمه سنی
کندوسنه تزویج ایتک و فرات نهینه قدر الدیغی ممالکی ترک ایلمک
شرطلریله عقد مصالحه اولمسنی و ناملیاسنک استرداد قلمسنی تکلیف
ایتمش ایسه ده اسکندر قبول ایتیوب جنوب طرفه متوجهأ حرکت
و ارض فلسطینی و غزه قلعه سنی دخی فتح و تسخیر ایتد کدن صکره
مصره عزیمت ایلدی . اورایه وصولنده اهای کمال ممنونیت و شادمانی ایله
کندوسنی استقبال ایدرک زمام حکومتی یدینه تسلیم ایلدیلر . اسکندر
بو وجهله مصری دخی حوزه تصرفه الد قدن صکره میلاددن اوج
یوز اوتوز ایکسی سنه مقدم عراق عرب طرفه عزیمت و فرات
و دجله نهرلرندن مرور ایله دارایی تعقیب ایلدی . دارا ایسه
مصالحه دن قطع امید ایتدیکندن کافه کزیده اولق اوزره مقدار کلی
و مؤرخ مومی الیهک روایتنه نظرأ بر میلیون پیاده و قرق بیک
سواری عسکردن و ایک یوز قلیچلو عرب و اون بش قدر فیلدن
مرکب برعظیم اردو ترتیب و بومادیس نهری قربنده کائن اربیل
شهری جوارنده غوغا میلا نام صحرائی اردوگاه اتخاذ ایدرک اسکندرک
ورودینه مترقب اولدیغی حالده مشار ایله قرق بیک پیاده و بش بیک

سوارى عسكريله محل مذكوره بالوصول فرداسى يعنى ميلاددن
اوج يوز اوتوز برسنه مقدم تشرين اولك ابتداسى كوني بينلرنده
وقوعبولان محاربده دخی لشكر داراكال هزيمته دوجار و كندوسى
دخی كوجله تخليص كريبان جان ايدرك رهرو سمت فرار اولدى .
اولكون اسكندرا خنامه قدردارايي تعقيب و يك چوق مهمات وادوات
حريه اغتنام ايلشدر . بو محاربده فرس عسكرندن يوز بيك
و مؤرخ مومى اليهك قولنه نظراً اوج يوز بيك ادم مقتول و اوج
يوز بيك قدرى دخی اسير اولوب يونان عسكرينك تلغاتي ايسه بش يوز
كشيدن عبارت بولمشدرد . دارا بو محاربده دن صكره بقيه السيوف
اولان اوج بيك پياده و بش بيك سوارى عسكريله مداى ممالكك
پايتختى اولان اقواتانه (همدان) شهرينه تحصى ايلدى . اسكندردخی
بال شهرينه عزيمت و وصولنده امر او اهابسى كافه كندوسنه عرض
اطاعت ايتكله شهر مذكورى بلا حرب و جدال ضبط و تسخير و بر
ماه قدر اوراده ارام ايتد كدن صكره ملوك فرسك موسم شتاده
اقامتگاهلى اولان سوسه (سستر) نام بلده مشهوره يه عزيمت
و بورانك اهابسى دخی مطاوعت ايلدى . بو ائشاده يونانستاندن
اون بش بيك عسكر دخی ورود ايدرك موجود معيتى الى اوچبيك
پياده و طقوز بيك سوارى كه جمعاً الشمس بيكه بالغ اولغله اولافارس
اقليني كاملاً ضبط و تسخير ايتك و بعده دارايي اخذ و گرفت ايتك
اوزره اقليم فارس جاذبه عزيمت و مملكت مذكوره صعب المرور
طاعلق و طاشلق محلاردن عبارت اولوب اهابسى دخی كال شدتله
مقاومت ايتك اولدقلى حالده بالسهواه ضبط و تسخير و اصطخر
شهرى قرينده واقع برسه پوليس (چهل مناره) نام مدينه يى دخی

اله رقی دروینده بولنان خزائن و اموال کلیه یی اغتنام ایلدی و برنجی
 شخصسارک یونانستانه ورودنده اتنه شهرنده بولنان معابد و ابنیه
 میریه یی احراق و تخریب ایلدی کی جهته بوندن طولایي اخذ انتقام
 ایتک اوزره مذکور پرسه پولیس شهرنده کائن پادشاه سراینی احراق
 ایلدی . موسم شتایی اوراده امرار و فصل بهارده مدای ممالکی
 اوزرینه کتمک اوزره لوازم سفریه سنی تهیئه و ترتیب ایلدی . بالاده
 بیان اولندیغی اوزره دارا غوغا میلا محاربه سندن صکره مدای
 ممالکندن اقواتانه نام شهرده تحصن ایتش ایسه ده شاید اسکندر
 فتوحات واقعه سنه قناعت ایتیه رک مدای ممالکنه دخی هجومه
 قالدشور ایسه ابراز مقاومت ایده بیلک اوزره عساکر کلیه تدارک
 ایدوب اوله مدیغی تقدیرده دخی واقتریانیه (ترکستان داخلنده بلخ)
 مملکتنه التجا ایتک مقصدیله حرم و ذیقیت اموال و اشیاسنی طهرانک
 جنوب شرقیسنده کائن اولوب الیوم بعضی اثناری مشهود اولان رایه
 شهرینه ارسال ایلدی و اول اراق اسکندرک مذکور اقواتانه اوزرینه
 متوجه حرکتی استماع ایتش و بو خبر کندوسنه زیاده موجب خوف
 و دهشت اولمش اولغله تبدیل نیت ایدرک در عقب بلخ جانبیه عزیمت
 و اسکندر دخی شهردن شهره کندوسنی تعقیبه مبادرت ایتدیکنندن
 دارا ینه تحویل افکار ایدرک اسکندر ایله بر کره دهها اداره اقداح
 کارزار ایلکی تصمیم و بونی و کلا و امرای عسکریه سنه بیان
 ایلد کده و کلا سندن ایکی ذات بد نهاد خفیا عقد انجمن فساد ایدوب
 اسکندر ارقه لرندن یثمدیکی حالده دارایی کندوسنه تسلیم ایله
 تخلیص کریسان ایتک و اسکندرک تعقیبی غائله سی بر طرف اوله رقی
 برجای سلامته وضع قدم ایده یلکاری تقدیرده دارایی اعدام و زمام

حکومتی اله الهرق اسکندرک حقندن کلاک اوزره بینلرنده قرار ویردیلر
 و در عقب دارایی در زنجیر اوله رق بر عرب به دروونه وضع و اخفا
 ایله یت منزل مقصودلری اولان بلخ جانبدنه روان ایلدیلر. بو کیفیت
 هر نصله اسکندرک واصل سمع تحقیقی اولدقده برقات دهها عجله
 ایدرک نهایت ارقه لرندن یتشدیکندن وکلای موئی ایله دارایی
 قتل و عربده دن اشاغی انداخت ایدرک فرار ایلدیلر. اسکندر اول
 وجهله دارایی لباس حیات مستعاردن عاری اوله رق کوردکده
 نعشی خفتانیه ستر ایدوب شان ملوک چسبان تعظیم و احترام
 ایله مذکور پرسه پولیس شهرینه کوندروب اجداد عظامنده مخصوص
 تربیه دفن ایتدیردی و قاتلاری اولان وکلای بالتحریری بریسنی اله
 کچوره رک اعدام ایلدی. دارانک مدت سلطنتی الی سنه اولوب
 میلاددن اوچ یوز اوتوز سنه مقدم وفات ایتشدی. کیروسدن اشبو
 دارای اخیره کلنجه ایکوز الی سنه و طقوز ماه هرور واون اوچ
 پادشاه مسند حکمرانی یه قعود ایلش اولوب بونلرک اسملری و مدت
 سلطنتلری بروجه آنی بیان قلنور.

اسامی ملوک فرس	مدت سلطنت	ماه
کیروس	۷	
قامبیس (کیقباد)	۷	۵
اسمردیس مجوس		۷
دارا بن کشتاسب (دارای اول)	۳۶	
برنجی کسرکس (شخصار اول)	۲۱	
اردشیر ۱ ^م (اردشیر اول)	۴۰	
ایکنجی کسرکس (شخصار ثانی)		۳

سوغدیان

۷

۱۹

دارای نوئوس (دارای ثانی)

۴۶

اردشیر منیمون (اردشیر ثانی)

۲۱

اوخوس (اردشیر ثالث)

۲

ارشیس

۶

دارای قودمان (دارای اخیر)

۹

۲۰۶

(فاردیس)

از خلفای او طه ترجمه باب عالی

(تاریخ حکمای یونان) (ما بعد)

خیلون

مومی الید الی ایکنجی اولی پیاده یعنی میلاددن بشیوزیتش سنه مقدم خیلی
 مسن اولوب شو حاله نظراً پیتاقوس قدر یاشلو اولسی ظن اولنور
 تاریخ مذکور خلالنده لقدمون (۱) شهرنده شهرت بولاشیدی
 زیاده متین الرأی وصاحب غزیمت برآدم اولوب دائماً اختیار سکونت
 و حال ادبار و اقبالده یکرنگانه حرکت ایدرایدی مال و جاهه
 رغبتی اولمدیغندن خانه سنده اختیار عزلت ایدوب سرمایة عمر
 عزیزک اک باد هوا کیدنی اسفسار بعیده ده کچوریلان زماندر

(۱) یونانستان قدیمده بر شهر اولوب مؤخرأ خراب اولمشدر

دیر ایدی . اوضاع و حرکاتی قواعد فضائل و آدابیه موافق و افعالی
 تمامیه اقوالیه مطابق ایدی . سکوت و کمال ملایمتیه هر کس حیران
 اولوب جمع افعال و اطوارنده کند و سنک اشبو (هر شیده آهسته
 قوسلیدن) قوی اس الحركاتی ایدی . الی بشنچی اولیمیاده ده (افور)
 مسندینی حائر اولوب بو دخی لقدمونده حکمدارلرک نفوذینه مقابل
 اوله جق بر ما موریت ایدی . برادری مسند مذکور طلبنده اولدیغندن
 اولیابده حسد ایدرک حاصل اولان تأثر و انفعالی کند و سنه اظهار
 ایتدکده خیلون جوابنده مصالح عبادکبی بر غائله هائله یه
 صوفیق ایچون کوشه عزلت و استراحتدن اخراج اولنق مغدوریتنه
 سرزدن زیاده متحمل اولورم مطالعده سیله بنی انتخاب ایتش لر در
 دیدی .

فن کهنات بالکلیه انکار اولنه میوب انسان قوه عقلیه سیاه بعض
 امور مستقبله پی کشف ایده ییلور اعتقادنده ایدی .
 بر کون بقراط اولیمیاد او یونی انناسنده قربان کسوب بونک اتی صغوق
 صو طولو بر قزغان ایچنه قونلد قدده قزغانک التنده آتش اولمدیغی
 حالده صو بردن بره اسپنوب بر درجه قینامغه باشلا دیکه اطرافندن
 طاشر ایدی . خیلون اوراده حاضر بولنوب شوامر عجیبه نظر دقت
 ایله باقدقدن صکره بقراطه خطاب ایله سز اصلا تأهل ایتمه لیسکروا کر
 دلالت سو طالع ایله اولجه تأهل ایتمش ابد کز بلا تأخیر زوجه کزی
 تطایق و اندن اولان اولادیکزی اعدام ایدیکز دیدی . بقراط بونی
 مزاحه حمل ایلدی و مؤخرات تأهل ایدوب صلبندن پیرسترات نام
 متغلب مشهور ظهور و وطنی اولان آنه حکومتی ضبط ایله اهالیسنی
 داکبر ایلدی .

خیلون بر دفعه دخی قیتر (۱) جزیره سنک موقعی و طبیعت
اراضیسی ایوجه مفسالعه و تدقیق ایتد کدن صکره کاشکی بو
اطه هیچ وجوده کلیه ایدی و یاخود پازده امواج محووفنا اولیدی
زیرا برکون لقدمون اهاالسنک سبب انحلال و خرابیتی اوله جقدر
نداسیله کوش هوش حضاره القای معنای ماسیاتی ایدی . فی الحقیقه
براز وقت صکره اتنه لولر جزیره مذکوره یی ضبط ایدرک مملکتک
تخرینه آلت اتخاذا ایلدیلر .

خیلونک مقالاتی غایت بلیغ و جامع انکلم اولوب بو بابده ضرب مثل
اولشیدی . کلمات ایه موئی ایه منسوبدر . دنیاده اصعب امور
اوچدر بریسی اسراری کتم و دیگری تعدیاته تحمل ایتک و اوچنجیسی
دخی اوقات عمر عزیری یولیه صرف ایلکدر . کیسه یی اخافه
و تهدید ایتاملیدر زیرا شو حال نسایه مخصوص ضعف و ناتوانی
آثارنددر .

اعظم علامات عقل و حکمت هر حالده و بالخصوص مجالس و محافلده
حفظ لسانه مقتدر اولمقددر . هیچ بر فردک غیبت و مذمتیه تلویث
لسان ایتاملیدر . خلا فی تقدیرجه انسان دایم دشمن قازا نور
و خوشنه کتمه جک سوزلر ایشیدر . انسان احباسبی حال اقباللرندن
زیاده زمان ادا بارلرنده زیارت ایتلیدر . فائده نامشروعدن ضرر اولادر .
جسور اولان ادمه حلم و دلایمت لازم اولوب قلوب ناسه القای خوف
و خشیتدن ایسه حرمت و محبتلرینی جلب ایتک خیرلوردر . بر دولت
ایچون اسلم طرق اهالی یه کندو اولاد و عیاللرینی حسن صورتله ضبط
و اداره ایتلرینی تعلیم ایلکدر . انسان کندو حالنه مناسب بر خاتون

(۱) اليوم سیر بغوا سیمیه معروف و جزاء سبعة دن معدود اولان اطه در .

ایله تزوج ایدوب ولیمه تکلفاتیه مالنی اتلاف ایتمایدر. التون وکوش
محک ایله تجربه اولوب قلوب انسانیه ایسه التون وکوش ایله امتحان
اولور. محرومیت حالنده تأثر کلی ایله متأثر اولورز خوفیه هر شیئک
استعمالنده قاعده اعتداله رعایت ایتملیز: محبت و عداوت دائمی بر
حالت اولدیغندن کویا برکون عداوت ایده جکز کی سوملی و برکون
محبت ایده جکز کی عداوت ایتملیدر.

خیلون کلمات اتیدی دلف شهرنده واقع آپولون نام معبوده منسوب
عبادتخانهیه التون حروف ایله نقش ایتمیرمشیدی، درجه استعداده زک
ما فوقنده اولان شیری تمی ایتمایلیز. بشقه لرینه کفالت ایدنلر مطلقاً
ضرر چکر.

مشاهیر جباردهن سالف الترجه پریاندرس خیلونک نصایحندن
استفاده ایتمک و بو طریق ایله متغلباً حائز اولدیغی مسند حکومتده
پایدار اوله بتمک مقصدیله خیلونی نزدینه دعوت و اولبایده خیلی ابرام
ایتمش ایسه ده خیلون موافقت ایتمه رک بروجه اتی کندوسنه جواب اعطا
ایلدی. "کویا سزک موجب امن و سلامتکز اوله جق کی بی اختلالات
حریه درونه القا و مملکتدن تبعید و اجلا ایتمک اسنیورسکز معلومکز
اولسونکه دنیاده حکمدارلرک شوکت و اقبالی قدر ناپایدار برشی یوقدر
و حکمدارانک ال بختیاری یتاغنده وفات ایتمک سعادتنه مظهر اولنلردر"
خیلون اجلک تقریبی حس ایتمکده عیادتنه کلمش اولان دوستلرینه
خطاب ایله دیدیکه ای دوستان عزیزیلورسکز که دنیاده بولندیغم بونجه
مدتدنبه بوزک چوق شی سویلدم و یاپدم. بونلری جمله بروقت خالیده
ذهندن کچوردم ایچنده موجب ندامت اوله جق هیچ برشی بوله مدم
فقط بر ماده ده شههم وارد در بونی بقیه یم سرزه عرض ایده یم ایومی

فنامی دیرسکزی، بر کره اعراضا بمیدن قانونا قتلی لازم کلوز بر ادمک محاکمه سینه
 دیگر ایکی ذات ایله برابر ما مور اولمشیدم. شو حالدن پک مضطرب
 اولدم، مطلقایا قانونی انحلال ایتک و یا خود دوستی اعدام ایتدیرمک
 لازم کلور ایدی. بو بایده خیلجه تفکر و ملاحظه دن صکره شو
 چاره یی بولدم. متهمک له سنده بر صورتده دلایل مسکته سرد
 و ایراد ایتدمکه رفیقارم بلا اعتراض برئت ذمتنه حکم ایتدیله
 حالبوکه بنم رأیجه قتلنه حکم اولنق اقتضا ایدر ایدی. بو صورتله
 هم حاکمک و هم ده دوستلق وظائفنی ایفا ایتش اولبورایسه مده افادات
 واقعه مده اثر جنایت اولوب اولمادیغی حالا بکا عقده درون اولمشدر.
 خیالون کمال ضعف بیریه دوچار اولمش اولمادیغی حالده اوغلی
 اولیمبیاد او یوننده تفرق ایدرک بروجه معتاد باشنه تاج کیدیرلدیکنی
 کورد کده بیوننه صاریلوب فرط سرورندن وفات ایتشدر. وفاتندن
 صکره مقدمون اهالیسی اعلا ی شان و ابقای نامیچون بر قطعه تصویر
 مجسمنی اعمال و مجمع ناس اولان بر محله نصب ایلدیله.

قائوبول

قائوبول سولونک معاصری و تقریبا همسنی اولوب یعنی اوتوز بشنجی
 واللی بشنجی اولیمبیاد بیننده ظهور ایتشدر. مومی الیه صفار
 حکمدان معدود ایتسه ده اقبال و سعادت حال جهتیله بونلرک بکارندن
 اولوب هرقل (۱) نسلندن اوغور اسک اوغلیدر.

(۱) یونان پهلوانلرندن مشهور بر ذاتدر.

زدوس جزیره سنده واقع اند شهرنده تولد ایدوب سن طفد لیندنبرو
 ماکر عقل و حکمت اظهار و قریزوس زمانده اوراده کسب اشتہار
 ایلنددر . زیاده یاقسقلو و اوزون بویلو و قوتلو ایدی . ایام صباوتنده
 اول وقتک عادت اوزره مصره کیدرک اوراده علم حکمت تحصیل
 ایلدی . عودتنده ادب و عفتله متصف برخاتون تزوج ایدرک
 اولاد و عیالیه کمال رفاه و اسایش اوزره عمر سوردی .

اشبو تزوج عمره سی اوله رق قلئوبولان اسمندده بر قزی دنیایه کلوب
 کندوسنک حسن تربیه و تعلیمی سایه سنده شهرت بوله رق علوم
 و فنونده و بالخصوص فن لغزده اولوقتک فلاسفہ سنی دوچار عجز
 و فتور ایلنددر . بوندن قطع نظر مومی الیہا محاسن اخلاق ایله
 متخلق اولوب حتی پدرینک زیارتنه کلان احبا و غربانک عادت بلده
 اوزره ایاقارینک غسلنه بالذات کندوسی مباشرت ایدر ایدی .

قلئوبول مسقط رأسی اولان مذکور لند شهری حکمدار لغنه انتخاب
 اولند یغندن برخانه خلقنی اداره ایدر کی کمال سهولتله و وظیفه
 مذکورہ بی ایفا ایلدی و حرب و قتالی داعی اوله بیلہ جک هر درلو
 اسبابدن احتراز ایدوب کرک اہالی و کرک اجانب بیندہ مناسبات
 حسنه بی محافظہ ایلدی . مومی الیہک ادبیاتده الک بیوک ہنری لغز
 حل و ترکیب ایتمک اولوب بونی مصر اولردن تعلم ایتمش و فن
 مذکورک یونانستانده انتشار و اشتہارینہ دخی کندوسی سبب اولنددر .
 اتی الذکر لغز مومی الیہکدر .

بنم اون ایکی اوغلم و هر اوغلمک اوتوز قزی واردر کہ کوزالکده
 یکدیگرندن فرقلیدرلر . بعضلرینک یوزی بیاض و بعضلرینک کی پک
 سیاهددر بوقزلرک جہلہ سی یاقیدرلر و هر کون تلف اولورلر . (بولغزک

مدلولی سنه در .)

میداسك (۱) سنك من ارنده محرر مدحیه یی قلموبول نظم ایلشدر
شعر مذکوری بعضلری عن خطاً او میروسه اسناد ایدوب حالبوکه
او میروس میداسدن چوق مقدمدر .

کلمات ایه قلموبوله منسوبدر . فضلیت مظالم و قبایح سائرهدن
اجتناب ایتکدن عبارتدر . هر شیده نظام و زمان و درجه یه
رعایت اولمایددر . کافه ممالکده موجود جنك دفع و ازالهی ضمننده
افراد اهالی یی کندو حالرینه کوره تعیشه اجبار ایتلیددر . دیساده
جهلا و لافرناندن چوق برشی یوقدر . دائماً همتکز عالی اولغه
سعی ایدیکز کفران نعمت وعدم صداقتدن احتراز ایدیکز . دوستلرکزه
ودو شمنلرکزه اولك ایدیکز چونکه بو صورتله دوستلرکزی محافظه
وبلکه دو شمنلرکزی جلب ایدرسکز . خانه کردن حیثیتقسزین نه
یپاجغکزی ملاحظه ایدیکز و عودتکرده نه یپدیغکزی مطالعه
ایدیکز . از سویلرکز و چوق دکلیکز . کسه حقنده فنا سویلرکز .
عقل و ادراکده اعتمادیکز اولان ادملرله دائماً استشاره ایدیکز .
هوا وهوسه قناعاتبعیت ایلرکز . دو شمنلرکز وار ایسه انلرله مدارا
ایدیکز . معامله جبریه دن اجتناب ایدیکز . اولادیکزك حسن تربیه سنه
اهتمام ایدیکز . مغدورینی استهزا ایتیکز . طالع مساعد اولدیخی
حالده مغرور اولیوب فقط حالده ادبارده دخی مأیوس ومکدر اولمیکز .
انسان کندو حالنه مناسب زوجه انتخاب ایتلیدر زیرا کندوسنك
مافوقنده برخانون ایله تأهل ایلدیکی حالده انك نقدر اقرباسی واریسه
او قدر متبوعی اولق لازم کلور . قزلرک تربیه سنه بالخاصه اعتنا
اولمایدرو مجرد سنلری کاله ایردی دیهرك تزویج اولمیوب افکار

و افعالہ کسب کمال ایتلرینہ انتظار اولمایدرد ادم زوجه سنی نہ ثنا
ایتملی ونه ده اجانب حضورنده انکله منازعه ایللیدر زیرا بونک
برایسی ضعف علامتی و دیگری جنت امارتیدر.

قلئوبول مشاہیر فلاسفہ دن سالف الترجہ سولونک بالکلیہ ترک وطن
ایللیدیکنی خبر الدقده نزدینہ دعوت ضمنندہ کندوسنه زپردہ مندرج
مکتوبی تحریر ایلدی.

و و پک چوق دوستلریکن وارد رک خانہ لری کندو خانہ کن کبیدر. فقط
هیچ بریرده بوراسی قدر راحت ایدہ مز سکز ظن ایدرم. بزم شهر مز
ساحل دریاده واقع اولوب بالکلیہ سربستدر. بنا علیہ پیرستراتدن
خوف و اندیشه اوزره اولمز سکز و دوستلر کن امن و اطمینان ایلہ
زیارتکزه کله بیاورلر.

صاحب ترجمہ متوسط حالده و غوائل دنیویہ دن آزاده اوله رق هر درلو
تمتعانہ نائل اولمشدر. هر حالده طالعی یاور و بووجهله الی آخر العمر
جمله عندندہ معزز و معتبر اولدیغی حالده یتیمش یاشنده وفات ایلمشدر.
لند شهری اهلایسی اولبایدہ کمال درجه حزن و اسف اظهار ایدوب
کندوسیمچون غایت مکلف بر مزار انشا و اوزرینہ شناسنی متضمن
بعض کلمات حک ایتدیردیلم.

(منیف)

(اوروپا دولتاریک احوال حاضر دسی)

مقدمه

اوروپا قطعہ سی سکسان سکزیک میریامترو (۱) مربع وسعت مندہ
اولوب شرقا اورال طاغیری و بحر خزر و شمالا بحر منجمد و غربا بحر
محیط غربی و جنوبا بحر سفید ایله محدود در و آسیا قطعہ جسمیہ سنک
برنیم جزیرہ سی مشابہ سندہ در۔ جنوب غربی سندہ واقع سن و نسان
برونندن شمال شرقی سندہ برنسان قرہ نہری اغزینہ قدر اولان
امتدادی بشیوز الی و شمال برونندن مائہ بان بروننہ قدر امتدادی
اوچیوز سکسان بش میریامترو اولوب آسیا قطعہ سیندن خلیج
قسطنطنینہ و قلعة سلطانیہ و افریقا قطعہ سیندن دخی یا لکن سبتہ
بوغازی ایله منفصل در۔ همان کاملاً منطقہ معتدلہ تھکنده بولوب
ازمنہ قدیمہ دہ اورمانلق و اراضی غیر محروثہ دن عبارت اولدیغی
حالہ مجرد اہالیسنک ثمرہ اقدام و غیرتیہ درت یک سنہ ظرفندہ
غایت منبت و معمور اولش و مقدماری حیوانات و حبشیہ نک مسکن
و مأوا سی ایکن الیوم اوزرنده نیچہ ممالک و سیعہ و دول جسمیہ
تشکل ایلشدر۔

اوروپا اہالیسی امر یقایی اعمارایتدکاری مثلاً و قطععات سائرہ دخی
منشأ اولش لدر۔ ملل سائرہ کند و ممالک تری سوا حلندن مفارقت
ایدہ مدکاری حالہ اوروپا لول رہبری علوم و صنایع ایله کرہ ارضک
برقطنندن دیگر قطبنہ سیر و سفر ایتکدہ درلر۔

(۱) بر میریامترو اون یک مترو یعنی تقریباً یکی بحقی ساعتک مسافت در۔

ميلادك يك سكر يوز اللى ايكى تاريخنده وقوعبولان تعداده نظراً
اوروپاده ايكوزالتش یدى ميلون اهالى اولوب قطعۀ مذکوره کره
ارضك اون ايكیده بر جزئی اولدیغی حالده نفوس موجوده سی
بتون عالمده بولنان نفوسك برثلثی دیمك اولدیغندن مقدار اراضیه
نسبتله قطعات سائر دن زیاده مسکوندر. بعضی اسباب طبیعیه
و سیاسیه مبنی اوروپاده دخی نفوسك انقسام و انتشاری مساوات
اوزره اولوب روسیه ممالکنک جهت شمالیه سنده واسوج و نوروجده
و عموماً شرق و شمال طرفارنده اهالی موجوده اراضیه نسبتله
قلیل اولوب حالبی که غرب و جنوب و وسط طرفارنده کلیتاً دور.

اهالی مذکوره اقوام مختلفه دن عبارت اولوب السنه متنوعه تکلم
ایدر. شویله که اولاً رومن ملتلی که بونار روم و افلاقلو و رومان
و ایتالیان و فرانسر و اسپانیول و پورتگزلردن عبارتدر. ثانیاً سلت
طائفه سیدر که بونلردن الآن انکلترده موجود اولدیغی مثلاً ایتالیانک
شمال طرفارنده دخی بعضی اقوام واریسه ده اورالک اهالی اصلیه سیله
امتراج و اتحاد ایتملردر. ثالثاً جرمن طائفه سیدر که المانیا و دانیمارقه
و اسوج و نوروج و فلانک و انکلتره اهالیه سندن عبارتدر. رابعاً
سلاو زدر که شرق طرفندن ورود و اوروپانک وسطنه قدر دخول
ایله اشبو قطعۀ ملل متمدنه سیله آسیا اقوام و حشیه سی بلنده ممکن
ایتملردر. بونارک الیوم ریغا کورفری سواحلنه طرد و تبعید قلمش
اولان لت قومیه مناسب و مجانبستلی واردر. خامساً ازبودلردر که
الیوم منرض اولمش اولان ایلاریالورک بقیه سنندن اولهرف و ندیك
کورفری سواحلنده ممکن بولمشلردر. سابعاً اقوام ترکیه دن اولان
همانلوردر که اسپادن اوروپایه هجرت ایتمش اولان اقوامک الک

صكرە كېسى اولوب اورادە پك چوق ممالك و بلدان قتح و تسخير
ايلشلىردىر.

اقوام مذكورەدن بشقە فينوا و چود طائفەلىرى اوروپانىڭ شىمال و شىمال
شرقى طرفلىرىنە منشىر اولمشلىرايسەدە يىك سىنە دنبرو كىد كجە مقدارلىرى
ازالوب اليوم بعضىلىرى طونە اطرافندە مجارلىر ايله مخلوطاً متمكن
بولمشلىدر. اوروپادە بر مقدار ارمنى دخى موجود اولوب بونلر ممالك
محروسە شاهانەدە و روسىيەنىڭ جنوب طرفندە واقع ازاق دكزىنە
منصب اولان دون نهرى سواحلىندە و اوستريا ملحقا تندن ترانسىلوانىيادە
متمكندىرلر. مالطەدە عربلر و نوروج و اسلانە اطەسى مستثنا
اولق اوزرە اوروپانىڭ هر طرفندە يهودىلر و دىكر بعض اقوام وار
ايسەدە قلت عددلىرى جەھتيلە اهمىيىتىلىرى يوقدۇر.

اوروپا قطعە سىندە الى اوچ لسان سويلر التمش قوم متمكن اولوب
بونلر حال حاضرە نظراً حسب الجنس رومن و جرمن و سلاو
اوله رق اوچ قسمة منقسم اولدىغى مثلاً رومنلر قتولاك و جرمنلر
پروتستان و سلاو لروم آيىندە بولند قلرندىن مذهبىچە دخى اوچ قسمة
منقسمدىرلر. قطار و كورقزندن بدأ ايله صاوه و طورلە نهرلىرى وسطندىن
و دونە نهرىنىڭ اشاغى طرفلىرىدن و پيوس و سايماكولارندن تاجى
سفیدە قدر بر خط فرض اولنسه اشبو خطك شرقى طرفى اهاپسى
كاملا روم آيىندە اولوب فقط جنوبى طرفى اهاپسى مسلماندىرلر
و خط مزبورك غربى طرفى اهاپسى قتولاك و پروتستان مذهبىندە
بولند قلرندىن اشبو مذهب اربابىنىڭ دخى تفريقى ضامنەدە سالف الذكر
دون نهرىنىڭ جەھت سفلانسندن بدأ ايله يىنە مان نهرىنىڭ طرف
سفلانسندن و پردچل و پىخ نهرلىرىنىڭ اغزندن و اودر نهرىنىڭ جەھت

علیاسندن و من تهرینک یوقاروسندن و رین نهرینک اشاغوسندن
 و اسقو نهرینک اغزندن و یادقاله بوغازندن و سن جورج بوغازندن
 و اسلانده اطه سنک غرب طرفندن بر خط مستقیم کشیده اولنسه
 اشبو خطک شمال طرفی یعنی اسقاندیتاویه ایله المانیانک شمال طرفلری
 اهابسی پروتستان اولوب جنوب طرفلری اهابسی قتلک مذهبده درلر
 اوروپا قطعه سنده سائر ملل مختلفه دن دخی اهالی وار ایسده
 عددلری قلیلدر. اوروپا سکائنک بش میلیون اهل اسلام و یوز
 اوتوز میلیون قتلک و التمش بش میلیون شرق کلباسی آیینده
 و التمش میلیون پروتستان مذهبده اولوب اوچ میلیون دخی یهودی
 و بر میلیون بتپرستدر.

اوروپانک هیئت حاضره سی بر طاقم انقلاباتک نتیجه سی اولمغله
 صده قبل الشروع بو بایده بعض مقدماتک بسط و بیانی مناسب
 کورلمشدر.

قدمای یونان علوم و فنونده تحصیل مهارت و اول تاریخلرده اسفار
 بعیده بحریه ایله مألوف بولنان فنیكدلولر ایله رقابت ایدرک بحر سفید
 سواحلتک هر طرفنه انتشار و تاریخ میلاددن درتیوز سنه مقدم کسب
 کمال سطوت و اقتدار ایلشله ایسده اسکندر رومینک ظهورنده
 استقلاللری غایب ایتدیلر. صاحب خروج مشار ایله میلاددن اوچ
 یوز اوتوز الی سنه مقدم ماکدونیه صندالی حکومتنه قعود ایدوب
 مدت حکومتی اولان اون اوچ سنه ظرفنده اوروپا قطعه سنک جنوب
 شرقی طرفلرینی و هندستانه قدر کیدرک پک چوق ممالک و بلدانی
 و خطه مصریه بی ضبط و استیلا ایدرک بر دولت جسمه تشکیل
 و اسکندریه شهرینی تأسیس ایلدی وفاتندنصکرمه ممالکی امرای

عسكرىيەسى بىلەندە تەقسىم اولنەرق مۇستەملىك اولدى.

بىر تەرەپتىن دىخى رومالور ايتالىيەدە كىتىگە كىسب شۇكت و اقتدار وقار طاجە اولرە غلبە ايتدىلر و اوروپا نىك جنوب طرفلر نى و افريقا نىك بعض محللر نى ضبط و تسخير و ميلاد عېسا دن اوتوز سەنە مەقدم روما ايمپراطورلغى نىك دائرە حەكومتى و ندىك كورفرزىدن فرات نەرىنە ورىن و طونە نەرىلر دن افريقا چوللر نىك قدر توسيع ايلدىلر . بو خىلالدە جرمانىا اھالىسى روما ممالىكەتە تسلط و تارىخ مىلادىك اوچىوز ىتمىش تارىخىندە ھون طائفەسى دىخى اسىيادن ھجوم ايدرك اوروپادە بىر طاقم شورش و انقلاباتى داعى اولساردر . بونلر طونە نەرىنە قدر اوكلر نىك كلان ممالىكى استىلا ايدوب رەيسلرى اولان آيىلا توسيع دائرە حەكومت ايتىك اوزرە درتيوز الى ايكى تارىخىندە اقوام سائىرە ايلە متفقاً فرانسەيە دخول ايلش ايسەدە رومالور بونلرى اورادن طرد ايتىپلە ايتالىيا اوزر نىك كلدرىك غەصب و غارتە ايتدار ايلدىلر . ايتالىيا اھالىسى نىك چوق كسان بونلر مظلوم و تعديا نىك اجنابا و ندىك كورفرزىندە واقع اطەرە ھىجرت و درتيوز الى ايكى تارىخىندە و ندىك شەرىنى بىنا ايلە اورادە بىر دولت تەشكىل ايلدىلر . موھى ايلە آيىلا نىك وفاتىدن سىكرە اولادى ميانە سەندە اختلاف ظەھورىنە و رومالور ك و قوطلر ك ھونلر غلبەسى وقوعنە مەنى ھون حەكومتى منقرض اولدق قوم مذكور تەكرار اسىيا ىر جەت ايتدى . روما دولتى بىك ايكىوز يكرمى سىكرە سەندە مدت پايدار اولدق سىكرە اقوام و حىيە شىمالىيە نىك ظەھورىلە منقرض اولدى . مىلادىك درتيوز ىتمىش التى تارىخىندە ھىرول و روجىن طائفە لرى نىك رەيسلرى بولسان (اودواقر) غرب ايمپراطورلغى مەيداندىن قالدىروب حالىبو كە مقرر

حکومتی استانبول بولسان شرقی امپراطور لخی یک سنه دها پایدار
اولدی . غرب امپراطور لخی برینه جرمانیا حکومتی تأسس ایدوب
التنجی قرنده زیاده سیاه کسب جسامت ایلدی . تاریخ مذکور د نصکره
ایتالیایا قطعه سنده دخی بردوات تشکل ایدرک طونه نهرینه قدر
ممتد اولدی . بوانناده ویسقوطلر دخی اسپانیاده بردوات تشکیل
ایدوب بتون اسپانیا ممالکنی دائره اتحاد ادخال ایتدیلر .

بعده قطعه مذکور هک شمال طرفنده سوئو قرالخی و بعضی محالرنده
دخی فرانق و بورغینون و افریقا قطعه سنده و اندال حکومتلری
تشکل ایلدی . بوخلالده اوروپا نیک غرب طرفلرنده متمکن اقوام
بیننده واقع اولان شورش و اختلال مندفع اولوب اوروپا ده امن
واسایش تقرر ایتکه یوز طوتدی . مع مافیه شرق طرفنده اقوام
وحشیه نیک تسلطی دوام ایدوب اولطرفدن سلاور المانیانک وسطنه
قدر دخول و فینو اطائفه سی دخی شمال طرفندن ظهور ایلدی .

عربلر افریقا قطعه سنک خطه مصریه دن بحر محیط غربییه قدر
ممتد اولان ممالکنی ضبط و تسخیر ایتدکدن صکره اوروپا ساحلنده
واقع اسپانیا ممالکنه دخی کوز دیکدرک اول اثناده قطعه مذکور ده
سرزده ظهور اولان اختلالدن و بعضی تاریخلرک روایتنه کوره
سبته شهری محافظی بولسان قونت جولیانوسک معاونتندن استفاده
ایدرک عربلر اسپانیایه پای اندار تبحر اولوب بش سنه ظرفنده
قطعه مذکور هی همان کاهلا فتح و تسخیر ایله سکن یوز سنه اوراده
تمکن ایلدیلر

اقوام وحشیه شمالیه روما ممالکنه ایصال خساردن خالی اولوب
بالخصوص بریطانیا اطهرلرینک مرکز حکومتی بعدیتی جهتیله

اقوام مذکورہ تسلطندن محافظہ سی امر دشوار اولغہ جزایر مذکورہ ده بولنان روما عسکری نہایت مقاومتدن قطع امید ایدرک چکلش اوللریله بریطانیانک اہالی قدیہ سی اولان بریطونلر دفع صائل ضمنده انکل و ساقسون قوملرندن استمداد ایلدیلر۔ اشبوایکی قوم هولشتایندن خروج و الب و رین نہرلرندن عبور ایلہ انکلترہ یہ کلہرک متغلبین اجانبی طرد و ابعاد ایدوب فقط اشبو خدمتلرینہ مکافاة مملکتی کندولری قبضہ تصیر فلرینہ الہرق یدی کوچک حکومتہ تقسیم ایتدیلر و اشبو حکومت سبعة متحد اولوب امور مہمدلری بر مجلس عمومیدہ تذکر و رؤیت اولنور ایدی۔ بوزلردن سکس قرای اغبرت سکن یوزیکرمی یدی تاریخندہ حکومت مذکورہ یی برلشدیرہرک بر قراللق ہیئنہ افراغ ایتدی۔ ایشته اولوقتدنبرو انکل قومہ منسوباً انکل طیراغی معناسنہ اولہرق انکلترہ اطلاق اولندی۔

شازار خانلخی و ولغہ نہرندن طورلہ نہرینہ قدر ممتد اولوب بوزلرک حکمدارلری روما ایمپراطورلری ایلہ حسن وفاق اوزرہ بولنورل ایدی و مقر حکومتی وواغہ نہری ساحلندہ کائن ہشترخان شہری ایدی۔ حکومت مذکورہ نک ممالکی طقوزنجی قرنہ بابق نہرندن طورلہ نہریلہ بوغریہ و بحر خزر و بحر سیاہدن و چرکستانک جنوب طرفلرندن وواغہ نہرینہ و دونج نہرینک اغزلرینہ و اورادن کیف و اوفویہ قدر ممتد ایدی و چرکستانک جہت جنوبیہ سندن ممالک اسلامیہ ایلہ همحدود ایدی۔ روسیہ ممالکک جنوب طرفلرندہ ولہستانک بعض طرفلرندہ الیوم موجود بولنان قنایم نام قبیلہ لر ذکر اولنان قومک دین موسویہ تبعیت ایتش اولنلرنددر۔

محصار بلغارلری ممکن اولدقاری طونه سواحلندن طرد و تبعید
 ایتدیلر و اوار و سلاورک و قوچ و لایان تجاوزانی ملابسده سیله برقاچ
 دفعه شرق ایمپراطورلغینک حدودی تغیر و تاریخ میلادک بیک
 سنه سنده اوروپاچه دهها بر طاقم انقلابات ظهوره کلوب بعض
 دولتلرک هیئت و حالری بالکلیه تبدل ایتدی. اسپانیا قطعده سنده
 حکومت اسلامیه باقی اولدیغی حالده لئون و قستل قرالقلری کسب
 اقتدار ایتدی و اوروپانک شمال طرفنده نوروج قراللغی تشکیل ایدوب
 حکومتی بحر ایضه قدر ممتد اولدی و شازار خانلغی منقرض اولوب
 یرینه لادوغه کولندن قوقاسیایه قدر ممتد اولق اوزره روسیه دولتی
 تشکیل ایتدی شوبله که میلادک سکرز یوز التمش ایکی تاریخنده
 نورمانلر بحر بالطق سواحلنی ضبط ایدرک کفه شهری مقر حکومت
 اولق اوزره وارغ نامیه روسیه دولتی تأسیس ایتدیلر. بونلرک رئیسلری
 بولنان رور بق و اخلافی دائره حکومتلرینی بحر ایضدن بحر سیاهه
 قدر توسیع ایدرک شرق ایمپراطورلرینه دهشت انداز اولدیلر.
 اول اثناده پایا بولنان یدنجی غریغوار حکومت جسمانیه سنه تقویت
 و یروب مشار الیهک اخلافی ممالک شرقیه ده کون بکون کسب سطوت
 و اقتدار ایدن دولت اسلامیهک مطمح نظرلری اولان استانبولی
 فتح و تسخیر ایتد کدنصکره اوروپا قطعده سنی ضمیمه ممالک اسلامیه
 ایتلرندن خوف ایدرک قدس شریفک تخلیصی بهانه سیله اوروپا
 حکمداراننی چند دفعه محاربات دینییه تشویق ایتدیلر و بمحاربات
 دینییهک برنجیسی میلادک بیک طقسان بش نارینخنده وقوعبولدی.
 یدی دفعه بویولده آتش حرب و قتل اشتعال و اماکن مقدسه
 چند دفعه ابادی خرسسیانه انتقال ایتد کدن صکره بیک ایکوز

طقسان برتاريمننده خريستانلرك زير تصرفنده بولسان طرابلس
وعكاسلاطين مصريه حكومتنه التحاق ايلدى. برنجي وارنجي
محاربه لرده محال مقدسه نك محافظه سيچون ترتيب قلنش اولان
رهبان عسكري اولاقبريس جزيره سنه التجا وبعده جزيره
مذكوره نك دولت عليه انتفالنده المانيايه هجرت ايتديلر.
محاربات المذكوره اثناسنده بعض دولتر عنقرض اولوب بشقه لري
تأسس ايلشدر. ميلادك يك يوز اوتوز طقوز تاريمننده (سوئو)
طائفه سي (لوسيتانيه) تسميه اولان اسپانيا ايلتي رومالوردن اخذ
ايدوب قوطلردخي بوني قوم المذكور يندن نزع ايدرك اوچيوز سنه
مقداري زير تصرفلرنده قالدقون صكره عربلر فتح و تسخير ايتديلر.
لئون و قستل قرالي بولسان التجي الفونس عربلرك دفع صالاري
ايچون فرانسه قرالي برنجي فليپدن استمداد ايتكله فرانسه قرالي
خاندانندن برنجي روبرك حفيدي هنري ورعيون اسپانيا قرانه
معارنت ايدوب اولدخي مومي اليهمانك هر برينه بر كرمه سني تزويج
وهزينك پورتو شهرندن غرناطديه قدر استخلاص ايدمچكي ممالك
كندوسنه تملك ايلدى. مومي اليدهنري عربلر ايله التي دفعه وقوع بولان
محارباتده غلبه ايدرك قبضه تصرفنه كچورمش اولديغي ممالك
پورتكيز يعني كوچك ليان تسميه ايلشدر. مشار اليهك اوغلي الفونس
بو بابه كندوسندن زياده كسب شهرت ايلديكندن على العموم پورتكيز
دولتنك برنجي قرالغى الفونسه عز و اولور. بو ائنده اراغون ايله
قستل حكومتلري عربلرك اسپانيادن اخراجيله اشتغال ايدوب
سيچايا حكومتى بر اطله دن عبارت ايكن ايتاليا قطعه سند قدر ممتد

اولدی . فرانسه ایسه مدت مدیده انکلتزه نك خراجگذاری دثابه سنده
بولندی . قدیم بورغونیا قرالغی المانیا دولت ایمپراطوریه سنده التحاق
ودولت مشارالیه هوهشتافن خاندانك هنگام حکومتده ذروه اقتداره
ارتقا ایلدی . اسوج دولتك حکومتی فینلانده ایالتنه و مجار قرالغی
دخی وندیک کورفرزی ساحلنه قدر متمد اولدی . وندیک و جنوه
جمهوری بحر سفیده زیاده کسب اقتدار ایدوب لهستان دخی
تحصیل استقلال ایلدی . بالقان ایله طونه نهری بیننده بر ایمپراطورلق
تسکل ایلدی . روسیه دولتی بر قاج حکومتده منقسم اوله رق مغوللرك
وقوعبولان تجاوزاتلرینه ممانعت ایده مدی .

المانیا ایمپراطوری شارلمانیا ممالکنی آسیادن هجوم ایدن اقوام وحشیه نك
تسلطارندن لاجل المحافظه میلادك سکن یوز تاریخنده طونه نهرینه
منصب اولان انس نهری نك اشاغی طرفلرنده سرحد شرقی معناسنه
اولان اوستریا استمه بر ایالت تسکل ایدوب اورایه باویه رادن اهالی
نقل و اسکان ایله اداره سنی مارغراف عنوانیه بر ذاته حواله ایلدی .
بعده اشبو ایالت بعضی یلر دهها ضم و الحاق اولندقدن صکره بیک
ایکیوز سکسان ایکی تاریخنده امر اداره سی اوستریا ایمپراطورینك
منسوب بولندیغی هابسبورغ خاندانه انتقال ایتدکله خاندان مشار
ایله حکومت منظمیه دهها بر طاق ممالك ضم و علاوه ایتدکدن
بشفه بیک درتوز اوتوز سکن تاریخنده المانیا تخت ایمپراطور یسنه
قعود و بیک بشیوز یکر می الی و یکر می یدی تاریخنده بوهمیا و مجارستان
قرالیتلرینی دخی ضمیمه ممالکی ایدرك دول معطیه صره سنده
داخل ایلدی .

بو خلایده پاپارك انکسا و نفوذی و فرانسه ایله انکلتزه بیننده

محاربات عظیمہ وقوعی و دانیہ ارقہ و اسوج و نوروج دولتہرینک
اتحادی و لہستانک کسب نفوذ و اقتدار ایتیمی کی بر طاقم وقوعات
تکون ایتشد ر.

پورتکیر لرایلہ اسپانیوالا بالاتفاق عرباری اسپانیسا الکاسندن طرد
واخراج ایدرک بو وجهلہ افتاب دین محمدی افق مغرب زمیندہ
مشرف غروب اولمش ایسہدہ بیک در تیوز الی اوچ تاریخنسدہ
عثمانلور شرق ایمپراطور اغنی خریطہ عالمدن امحا ایتلریلہ مطلع
شرقدن شعشعہ باش بروز اولمشدر.

(محمد شوقی)

(بقیہ سی صکرہ)

از خلفای او طہ ترجمہ باب عالی

(خلاصہ پولیتقیہ)

دانیہ ارقہ محاربہ سنہ بر نہایت ویرمک اوزرہ دول محاربہ مرخصلرندن
مرکب اولہرق ایکی اوچ ماہدنبرو ویانہدہ کشاد اولنان مجلس مکالمہ
مذاکراتی دانیہ ارقہ ل طرفندن کوستریلان بعض مشکلاتہ مبنی غزہ لک
روایتہ کورہ ختامی تقرب ایلمش وعہد قریبہدہ مصالحہ قطعہ عقد
اولنہ جغنی مجزوم بولمشدر.

کچن شہر ایالواک اون بشندہ فرانسدہ و ایتالیا دولتہرینک بینندہ عقد اولنان
بر عہد نامہدہ فرانسدہ دولتی مدت مدیدہ دنبرو رو مادہ بولنان عسکر بنی
ایکی سندہ قدر اورادن قالدیرق و اوستریا دولتی طرفندن ایتالیا
دولتی ممالکنہ بر کونہ تسلط و تجاوز و قوعبولور ایسہ دولت مشارالہا

ایله بالاتفاق مذافعه ایتک خصوصاً برین تعهد ایتدیگی مثلاً وایتالیا
دولتی دخی رومایی اخذ و استیلا ایتک اوزره پایا ممالکنه تجاوز و سو
قصد ایتیه جگنی درعهده ایشدر، اشبو معاهده پایا حضر تهرینه
بعض مرتبه امنیت بخش اولورایسه ده کندوسی خارجه بر اغلدیغی
جهتله انفعالی موجب و اوستراجه زیاده سو تأثیری موجب اولمشدر.
بوندن قطع نظر اشبو معاهده اوزرینه ارتق رومایی پایادن اخذ
ایله ایتالیا مملکت جسیه سیچون پایتخت اتخاذهدن قطع امید اولنق
لازم کلوب بووجهله ایتالیا لور دخی معاهده مذکوره دن پک خشنود
اولما مشلدر.

اولوجهله رومایی پایتخت اتخاذهدن امیدندن صرف نظر اولندیغنه
و فلورانس شهری کک جسامت و کک موقع جهتله الیوم مقر
حکومت بولنان تورین شهرینه مرجع بولندیغنه مبنی اورانک پایتخت
انتخاب اولنه جغی کچنلرده تورینده بین الاهالی شایع اولوب اولخالده
ایسه اصحاب املاک و سائر اهالی بووجهله شهرلرینک اعتباردن
سقوطی بالطبع حقلرنده مضر اوله جغی ملاحظه سیله تصور
مذکور دن زیاده منفعل اولش و برقاج دفعه اهالی مذکوره دن بر
جم غفیر تجمع ایدرک بعض حرکات نامر ضیه دخی اقتحام ایتش
اولمیریه پولیس معرفتیه مقابله بالمثل اولنه رق طرفیندن وسیرجیلردن
برقاج یوز ادم مقتول و مجروح اولمشدر، بونک اوزرینه فساد مذکور
بالکله مندفع اولوب پایتختک تبدیلی تصوری دخی شمیدیاک مسکوت
عنه قالمشدر.

برقاج سنه دنیرو اوستریا دولتی اسباب مختلفه یه و بالخصوص ایتالیا
دولتی طرفیندن ونیدیک ابالتنه سو قصد وقوعی احتماله مبنی درجه

اقتدارند زباده عسکر بسایہ رنگلی دیونہ دوچار ایش و دولت مشار
الیهانک شو حالی ایتالیا دولتنہ دخی اندیشہ و تکلفی موجب ارلوب
حتی بو دفعہ بالادہ بیان اولدیغی وجهله فرانسه و ایتالیا درلتاری
بینندہ عقد ارلنسان اتفاق معاہدہ سی دخی بوندن نشأت ایش
اولغله اوستریا دولتی بو دفعہ ہم ایتالیا دولتنہ امنیت بخش اریق
و ہمدہ اولوجہله دوچار اولدیغی مصارف کلیہ بی بعض مرتبہ
تخفیف ایشک ایچون عساکر موجودہ سنی تقلیل ایشدر.

براز وقت دنیرو اتندہ قرال و وکلاسی و ملت مجلسی اعضا سندن
بر طاقی بینلرنده اختلاف و مہایت ظہور ایدوب حتی کچلردہ ملت
مجلسندہ بعض اویغوانسز حالات وقوع عبرلش اولغله بونک دفعیہ
تألیف قلوب ضمیمندہ مؤخر قرال مشار الیہ طرفندن ملت مجلسندہ
خطابا بر قطعہ خط کوندریلوب اورادہ قراست اولندقدہ حضاردن
برقاچ ذات خط مذکور تعبیراتندہ مر ادا اولنجان بعض معنار ویردرک حاوی
اولدیغی تکلیفاتک ردینی متضمن جواب تحریریند قرار ویرمشادر.

مقدما فرانسه ایمپراطوری تصور ایدرک بالجلہ اروپا دولترینہ تکلیف
ایلدیکی وجهله بو دفعہ ویانہ دہ عمومی برقونفرانس عقدی
تصوری ینہ تجدد ایدرک غزتہ لر بو بابدہ عرض و عمیق مباحثانہ
کیر شمشلر ایشدہ مقدما میدانہ قونیلان اسباب قویہ یہ منی
تصور مذکورک حیرت حصولہ کلیسی امور مستبعدہ دن اولدیغی بی
اشناہدر.

کچن شہر ایلولک یکر می سکرندہ روسیہ ایمپراطورینک برادری غراندوق
نیقوله ایلہ دانیمارکہ قرالینک کریمہ سی پرنسس دانیمارک نامزدلیکی
اجرا اولمشدر ولہلوردن سیرہنی اولنمشند قرار ویرلش سکسان کشی

بو مناسبته اطلاق قلمشدر.

المایا حکمدارلندن انہالت دسودوقدسی بودفعہ یتیش ایکی یاشنه رسید، اولہرقی بر وجه معتاد یوم ولادتی رسمی اجرا قلمشدر.
انکلترہ وکلاسندن لورد قلا راندون دولتی طرفندن مأمور ابو دفعہ وبانہ یہ کلوب بر قاج کون اورادہ اقامت ایتدکد نصکرہ عودت ایتددر، مشار الیہک اشبو مأموریتی حقندہ غزتہ لر کونا کون معنار ویر مشلر ایسہدہ ہنوز حقیقتی اکلاشیلہ مامشدر.

تونسہ کوندرلش اولان سفائن ہمایون پکئلردہ عودت ایتیش ایسہدہ ایالت مذکورہ اختلالی ہنوز با کلیہ مندفع اولیوب سوس و سفاقس اہالیسی ینہ بعض حرکات عصیانہ یہ اجتسار ایتشلردر.
جزائرہ دخی عصیان تجدد ایدوب تحت اطاعتہ ادخالری ضمنندہ جزائر والیستہ مؤخرأ فرانسیہ دن کلی امداد کوندرلشدر.

بعض خصوصیاتدن طولایی انکلترہ ایلہ ژاپون دولتی بینندہ اختلاف ظہور ایدرک ژاپوندہ واقع (سیمونو) نام بوغازدہ واقع استحکاماتی ضبط ایتدک اوزرہ انکلترہ دولتی اولطرفہ مقدار کافی عسکر سوق ایلش و عسکر مذکور اررایہ مواصلت ایدرک انکلترہ لونک مطالبی قبول اولند یغی حاندہ کچن اغستوسک بشندہ محاربہ یہ ابتدار اولنہ جخی ژاپون دولنہ بیان اولنمش و مہلت مذکورہ بعدہ سکز کون دہا تمدید قلمشدر.

شمیدی یہ قدر اوروپاک اکثر ممالکندہ اولدیغی وجہلہ یہودیلاہالی سائرہ نک پولیتیکہ جد مظہر اولدقلری بعض امتیازاتدن محروم اولدقلری حالہ بودفعہ المانیاسر بست شہرلرندن فرانقفورتنہ طائفہ مذکورہ نک دخی اہالی سائرہ ایلہ مساوات اوزرہ اولسی

حقننده بر قانون وضع اولمشدر.

اسپانیادولتیه امریقا ممالکندن پرو حکومتی بیننده شین شاخزیره سندن طولایی بر منازعه ظهور ایدرک حربی متبج اولق درجه سنه کیشدر.
 پرو حکومتی جزیره مذکورہ نك استرادینی واسپانیادولتی دخی کندوسنه ترضیه ویرلدجکه اولبابده مساعده کوستره میه جکئی ادعا ایدوب ایوم مسئله بو وجهله کشاکشده قالمشدر. پرو حکومتی لدی الحاجه حاضر بولمق ارزره کلیتو تدارکات حربیه تشبث ایلش و اسپانیه دولتی دخی اولطرفه بر قاج قطعہ حرب سفینه سی کوندرمشدر.

چین ممالکنده اوتہ دنبرو پورتکیتر ایچون تجار تگاه تعیین اولمش اولان ماقاؤو شهرندن طولایی پورتکیتر وچین دولتری بیننده بران وقتدنبرو اختلاف ظهور ایتمشدر. پورتکیتر دولتی شهر مذکورده حق حکومت ادعاسنده ایسه ده چین دولتی بونی بر وجهله قبول ایتدیرک زمام حکومتی یدندن بر اقامشدر.

امریقاده برازیلیا حکومتی ایله اوروغه جمهوری بیننده بعض منازعاتدن طولایی بودفعه اعلان حرب اولمشدر.

مجموعه فنون مرماه عربی نهایی شده چیتا ریاور

در سعادت ایچون بهاسی

فروش ۶۵ بر سنه لك

۳۵ التي ایلق

۰۶ بر نسخنه

بر سنه لكه و یا خود التي ایلغنه مشتری اولق استند کده یکی
جامع جوارنده چیچک بازارنده واقع جمعیت علیه عثمانیه
مرکزینه مراجعت اولنه ایالاتده مشتری اولق استیانیلرفیئات
مذکوره اوزرینه مسافه نك قریت و بعد یتنه باقلمیوب بر ییلاق
ایچون التي والتي ایچون اوج غروش پوسته اجرتی ضمیمه
اچیه سنی پوسته یه تودیعاً جمعیت علیه عثمانیه ریاستی طرفنه
کوندردکلری حالده اوقات معینه سنده محله ایصال اولنور

ممالك اجنیه ایچون مسافه سنه کوره لازم کلان پوسته اجرتی
ضم اولنور

متفرق صاایمان محالمر

جغفال اوغانده صوبچی	جمعیت مرکز
بك اوغلی جاده سنده صحاف	سحا فلر کتخداسی حلیلی حاجی
کوار نوهر و ۳۲۳	حسین افندی
الایه جامده سرکی عثمانی	ملاطمان بایزیده کاغذچی حافظ
اشیاسی صااتان یوسف افندی	اسماعیل افندی

مجموعه فنون درجی مراد اولمان و او مناسپ به جمعیت مرکزینه

ارسال یوریه

مجموعه سنون

اثر

جمعیت علمیہ عثمانیہ

اوجنچی سندھ

نومرو ۳۰

جمادی الاخر


استانبول

جمعیت علمیہ عثمانیہ مطبعہ سندھ طبع اولنمشر

۱۲۸۱

(مواد مندرجه)

مدخل علم ژئولوژی	• •	ادهم پاشا
امریقا اهالی اصلیه سی	• •	منیف افندی
اوروپا دولت لرینک احوال حاضرہ سی		محمد شوقی افندی
مزاج هوای استانبول	• •	فاردیس افندی
قرنجہ لک صنعت و مدنی	• •	منیف افندی
خلاصہ پولیتیکہ	• •	



تجعیات مہر یلہ ممہور اولیان مجموعہ فنون نسخہ لرینہ سیاختہ نظریہ
باقیہ رق طابع و بایعلری مسئول طوطیہ جقدر

(مدخل علم ژئولوژی)

فصل اول احجارك كېفیت تګون و حصولی بیانده در

اشبو مقاله هر قدر علم ژئولوژی په منسوب اولوب ایکنجی کتابه
درج و علاوه قلمق لازم کور ایسه ده مبتدیانی مسائل ژئولوژی په
بالتدریج الشدیرق و همیده ایلروده کله جك موانك تفهیم
و ایضاحه مدار سهولت اولق ایچون مقاله مخصوصه مذکوره
ترتیب و بش فاصله تقسیم قلمشدر که مطالعه سیله نیچه معلومات مفیده
تحصیل اولنه جغی بیاندن وارسته در طاعلری چوق و واسع بر
مملکتده کنت و کذار اولنسه سطح ارضك عبارت اولدیغی مواد
ججرهیهك تعداد و تنوعی و احجارك اوزرنده مبسوط طور پراغك
دخی جنس و رنگنك احجار مذکوره مثلاً تحول و تخلفی رؤیت اولنور
چونکه طور اراق دینلان شی اسباب مختلفه په مبنی احجارك تحللندن یعنی
طاشلر كچوزیمه سیله حاصل اولدیغندن اصلی اولان احجارك
رنگنده اولدیجی اشکاردر احجارك تګون و حصولی ایسه
علی الاطلاق ایکی صورتله اولوب بری آتش و بری صو واسطه سیله در

و بو اعتبار اوژره احجار ايکي صنفه بالتقسيم احجار نيتونيه و احجار
 پلوطونيه و ولقانيه تسميه اولنمشدر. برنجي صنف احجار صو
 دروننده حصوله کليشدر بو دخی ايکي صورتله اوله ييلوب شويله که
 احجار مذکوره بعض مایعاتده منحل ايکن اسباب کيمويه تأثيراتيله
 احجار هيئتته کيرمشدر و يا خود احجار هنر پوره غبار اوله رق
 صويک دروننده بولنوب هيچ بر تأثير کيموي اولقسيزين رسوب
 و تراکم ايله حاصل اولمشدر. اشته بو صنفک احجارينه يعنی
 احجار نيتونيه بو سببلره مبنی احجار متراسبه دخی تسميه اولنور.
 ايکنجي صنف يعنی احجار پلوطونيه و ولقانيه ايسه ائشک
 تأثيريله حالت ذوبانده بولنوب ينه حرارت جوفيه تأثيراتيله نـو
 و خروج و مقاومتي قليل اولان محلاری شق و خرق ايليدرك سطح
 زمينده سيلان ايليان احجاردر که آتش طاعلرندن چيقوب اقان
 ماده در. بو محلهده سؤال وارد اولور که احجار پلوطونيه ايله احجار
 ولقانيه ک بيننده فرق ندر، فرق شودر که احجار پلوطونيه ازمنه
 تاريخيه دن مقدم اولان ادوار سالفهده حاصل اولوب آلان تـکون
 ايتز و حاصلات ولقانيه ايسه زمانمرده تحدث ايدر يعنی بری حاصلات
 ناريه قديمه و بری دخی حاصلات ناريه جديده در، حاصلات
 ولقانيه ايله حاصلات پلوطونيه بيننده مناسبات کثيره بولنمش اولسنه
 نظراً ايکيسنک دخی تـکوننده نـارک دخلي اولديغي اکلاشيلور.
 مواقع کثيرهده تصادف اولان احجار دن بعضيسته مثلاً کيرج طاشی
 و قياغن طاشی و غرائيت و پورفير و غره طاشلرينه دقت اولسنه
 احجارک اجناسی منقسم اولور شويله که غرائيت ايله پورفير يعنی
 سماقی طاشلرک هيئت و شکلرينه نظراً تـکاوین ناريه دن اولديغي

و کبرج طاشی و قیاغن طاشنک دخی اینجه طبقه اولوب تشکیل
ایلمش اولدقلری طاغلرک مدورال شکل و غیر هر تفع بولملریله بونلرک
صودرونده حاصل اولدقلری اکلاشیلور. غرائیت طاغلری ایسه
طبقه طبقه اولیوب سیوری و یکپاره بولندیغنه مبنی صوده رسوب
وتکون ایلمش اولدیغنه هیچ بر دلیل یوقدر. اشته غره و قیاغن طاشی
و جبرکی طاشلرک قمرلی اولسی صوده تگونلرینه علامتدر. دیگرلرینک
تحدث و ظهورلری تحت الارض اولان حرارتک تأثیراتیه اولوب
خارجه نتو و خروجی دخی تأثیرات جوفیه مذکوره دندر. معلوم
اوله که تگولات پلوطونیه ده بقایای حیوانیه و نباتیه بولمییوب تگولیات
پتونییه پک چوق محله بقایای مذکوره ایله نباتات متحجره بی حاویدر.
قشر ارضنک مترکب اولدیغی تگولیات حجریه دن پک چوغی خلقت
ادمدن نیجه یوزیک سنه اول حاصل اولوب ازمنه تاریخییه دن
صکره حصوله کلان و الان تگون ایتمکده بولسان احجار تگولیات
سالفه مقدارینه نسبتله اقل قیلدر. مع مافیه اشبو تحدثات اخیره
اهمیتدن خالی اولیوب احوالی تتبع اولنه رق نیجه مسائل مشکله
ژئولوژییه کشف و حلنه مدار اولمشدر.

احجار ایله معدنیاتک تگون و تشکیلرنده طبیعتک صورت تأثیرینی
بر قاج مثال ایله بیان و ایضاح ضمننده حاصلات ناریه و حاصلات
مائیه ایله الان حصوله کلانلرک بر وجه آتی مختصراً ذکر بیانی
مناسب کورلمشدر.

پک چوق منبعار واردر که کلیتلی غاز حامض قاربونی حاوی اولدقلرندن
میاهی طبقه احجار حجریه دن یعنی کبرج طاشی طبقه سندن هرور
ایلد کلارنده حجر مذکوری بر مقدار حل ایدوب حالبو که میاه بدن

چینه رُق هوا ایله تماسه کلد کده غاز حامض قاربون مذکور صودن قوریلوب هوایه منقلب اولسیله کیرج طاشنک صوده منحل اولسی سبی زائل اولدیغندن جیر مذکور صودن ایریلوب رسوب وتوضع وبعده تصلب وتنجیر ایدرو بو کیفیت پک چوق دفعه مشاهده ارنور و بعض منابع صولری بعد التنجیر مواد جیره وضع ایدوب بوندن بر سمرت قبوق پیدا اولور که کیرج طاشی جنسندن عبارت اولوب کیمیا اصطلاحجه ملح قاربون کلس متراکب تسمیه اولنور .
اشته بو جنس صولرک مدت مدیده جریانی کلی کیرج طاشی تگونه باعث اولدیغندن سطح ارضده تکوین مذکور کلیتلودر .

ایتنیاده منابع مذکوردهک کثرتی اولوب اینه انشاسنده قولانیلان طاشلر اکثریا ذکر اولسان اجیاردندرو انلره تراورتن تسمیه اولنوب غایت خفیف اولان جنسده دخی توف جیری دینلور . بعض منابعه اغاج پیراقلری دوشد کده ویاخود دیگر بر جسم وضع اولندقدده اوزرلری طاشدن برقبوق باغلا دیغندن ایتالیا اهاالسی میاه مذکوره اجسامی تنجیر ایلر زعمیه میاه محجره تسمیه ایلشیر ایدی . امریقا قطعده سنک جانب شمالسینده واقع اریه نام واسع کولک کنارنده اجیار متراسبه مذکوره کلی اولوب وقت شتاده دخی اوجانیده زیاده برودت اولدیغندن جسیم بوز قطعده لری بولنوب هنر بور اجیار انلر ایله برلشوب صویک یوزنده متحرک جزیره مثالو سیرو حرکت ایدر .
ینه ایتالیا ده واقع تیوولی نام موقعه قریب بولنان نهر جنس مذکور دن بشیوز قدم قالینلغنده طاش حاصل ایدوب روما شهرینک اینه سی ایچون اوتهدنبرو اوراده پک چوق طاش اوجاقلری حفر و کشاد اولمشدر و بو مقوله احبارک دروننده بعضا انسان معیولاندن

اشیا بولندیغی وارد و امریقاك قطعہٗ جنوبیہ سنده غایت جسیم
 و اولدجہ مرتفع طاغلر جلهٗ رواسب جیریہ دن عبارت اولوب
 بونارك دخی بروجه بالا تگون ایتمش اید و کنه شبهه یو قدر
 اناطولیده دخی میاه معدنیہٗ محجره پك چوق محارده بولوب از جله
 آیدین ایالتی داخلنده دکرلی یه یقین پاموق قلعه سنده واقع پك قدیم
 ایلچیلرده بالاده ذکر اولنان تراورتن رواسبی ظهوره کلهرك اوراده کائن
 ابنیهٗ عتیقهٗ کثیره یی بتون قاپلامشدر. شویله که بر ساعت طولنده اولان
 محارری بری بری اوستنه الی ارشوندن زیاده ارتفاعنده اوله رق ستر
 ایتمش اولدقدن بشقه بعضی یرلده یوزیکرمی ارشون قدر یو کسکلکده
 مذکور تراورتن احجارندن تپهلر حاصل اولمشدر و ذکر اولنان
 ابنیهٗ قدیمه بوندن بیک سکر یوز سنه و بلکه دهها اول انشا اولنان
 ابنیهٗ نك اناری اولدیغی حالده میاه معدنیہٗ مذکورہ نك وضع ایلدیکی
 تراورتنك ثمنی الی ارشون ارتفاعی کسب ایچون سنوی بری بری
 اوستنه بر پارمق قدر شی تراکم ایتمش اولسی لازم کله چکی عند
 الحساب تبین ایلمش ایسده اوروپانك بعضی معدنی صولرندن بهر
 سنه رسوب و تراکم ایدن مواد حجریہٗ مذکورہ نك بر قدمدن زیاده
 قالیلغی بولمشدر.

اجبارك ذکر اولنان صورتلرده ظهور و حصولی کیفیتلری مسائل
 مشکله دن معدود اولدیغی درکار ایسده میاه معدنیہٗ حاره یه دائر
 مسائلک حلی مشکلدن. مثلا منابع حارهٗ مذکورہ دن بعضیلری درجهٗ
 غلیانده اولدقلری حالده نیچه زماندنبرو تبعان ایدوب اصلا درجهٗ
 حرارتلری تنزل و یاترقی ایلامش و یو ایسه امور غریبه دن ایدوکی
 درکاردر. تفصیلی علم ژئولوژیک ایکنجی بابنده تشریر اولدجغندن

یوراده اندن صرف نظر قلمش اولوب فقط خفی اولمیه که سبب مذکور جوف ارضده بولنان کمور معدنلریله کبریت و حدیدک بری برینه تأثیرندن ظهوری ملحوظ اولان حرارته عزو اولمیش ایسده اشبو قول بعید الاحتمال اولوب اعتماده شایان دکادر.

المانیاده واقع قارلسباد نام ایلیجه لر شدت ایله فشقیردیغندن اطرافنده قالین بر راسب جیریدا اولمشدر که شهرک جزو اعظمی بونک اوزرنده بنا اولمشدر. میاه مذکوره نک کیفیات واحوالی مشاهده ایتک ایچون قارلسباده پک چوق اجانب کلوب چیچک و بغدادی سنبله سی و میوه و سائر محصولات طبیعی و صناعیه دن بعض شیری صوده الی یدی کون ترک ایدوب مدت مذکوره ده انلرک تحجر ایلسی کی هر جانبی حض جدید ایله ملون طاش قابلامش اوله رق آلوب اورانک یادکاری اوله رق مملکتلرینه عودت ایدرلر و بر جسم میاه مذکوره دروننده هر نقدر چوق مدت قالور ایسه اوزرنده حاصل اولان قبوق اولقدر قالین اولوب بر آی مدته بر پارمق قدر اولور.

طبیعی و عملی مغاره لرده و طاغلرک شقوقنده و قیولرده دائمی راسب جیریه حاصل اولوب پک چوق دفعه جسامت و شکلری مختلف دیرک شکلنده اولور و بونلره فرانسزجه استلاقتیت تسمیه قیلور. بونلر دخی ملح قاربون کلسی حاوی صولرک مذکور مغاره و سائر نک بالاسندن و اطرافندن حللول و نفوذ ایله تقطر ایدرک حاصل اولور اولوجمله مغاره لرک بالاسنده بولنان بویه دیرکلره استلاقتیت تسمیه اولندیغی مثالواشاغیده بولنانلره دخی استلاقتیت دینلور. بونلر بعض کره پک جسیم و معدنلرده بولنانلر دخی رنگارنگ اولور.

قره دککز بوغازینه قریب ایرودنک اوتیه طرفنده واقع قره برونه

تقریباً اوج ساعت مسافه ده ساحلده بر واسع و مشهور مغاره واردر
که دروننده يك چوق مذکور رواسب جیریه حاصل اولمش اولدیغندن
ذکر اولنان استلاقتبت و استلاغیتدن يك کوزلاری اوراده مشاهده
اولنور.

ایرانده واقع رومیه کولی جوارنده بعض کوچك كولر واردر که
درونارنده غایت صاف و خالص و کوزل کیرچ طاشی پیدا اولور
بوندن درلو قابلو کاسه لر اعمال اولنوب شاهه و متعلقاته اهدا
اولنور.

اجبارك اليوم تحدی کبی غره تعبیر اولنان حجر رملی دخی الیوم تگون
ایلر شویله كه بعض میاهك احجار اوزرینه ترك ایتدیکی قوم
بالتدریج انده سرتلشوب بر مدت صکره کرکی کبی کسب صلابت
و یخوت ایلیرك غره تعبیر اولنان طاش حصوله کلور و بعض
محلارده بو مثللو تکویناتك هر بر درجه سی و صورتی رؤیت اولنه یلیوب
مثلاً مارسلیاده و سچیلیا جزیره سنده و اناطولینك بعض سواحلنده
و فلانك جدیدده اینجه قوملر واردر که تدریججه تصالب ایلیرک ایلیر
انشاسنه یار صورتده سرتلشور و اگر بو احجار رملیه یه ملح قاربون
کلسی حاوی صور نفوذ ایلر ایسه اجزالی نی تشبید ایلیرک دهها زیاده
کسب صلابت ایدر.

احجار ناریه دن حاصلات ولقانیه هر ولقانك اغزلندن ظهور و خروج
ایلیوب حاصلات مذکور هك اکثریسنه فورات تسمیه اولنور که چوغی
سباه و جروف کبی زجاجی ایسه ده حبوی و قرستالسی دخی واردر
و حاصلات ولقانیه دروننده بعض طوزلر و مرکبات معدنیة سائر
و کو کرد دخی پیدا اولور.

اشته خصوصیات مشروحه دن مستبان اولور که الحاله هذه ير
یوزنده بعض جنس احجار تگون و تحدث ایدر . علم اولور یدیه اشبو
تکوینات اخیره و جدیدته انواعی تفصیل و اسباب تعدیلری دخی
تعریف قلنه جقدر .

(ادهم)

ناظر معارف و نافعہ

(امریقا اهالی اصلیه سی)

امریقا نك حین كشفنده هر طرفی بر جنس مخصوص انسان ایله
مسكون اولدیغی حالده اوروپا لورك تسلط و استیلا سی جهتیله
اهالی اصلیه مذكوره اليوم اكثر جزائر و سوا حلدہ بالكلیه منقرض
ارلوب باقی قالانلری دخی ایچرو طرفاره چكیله رك اصول قدیمه لری
اوزره صید و شكار ایله تعیش و جنك و جدال ایله اشتغال ایدر لر .
یونلردن یالكز بر قاچ طائفه ملت اطلاقنه شایان صورتنده بر هیئت
اجتماعه تشكیل ایدرك اداره اولنور لر ایسده ده سائر لری بی حد
و حساب اقوام صغیره یه منقسم اولوب هر برینك كندوسنه مخصوص
لسان و آیین و عادت لری وارد ر حتی در تیوزدن متجاوز باشلیجه لسان
تكلم ایدر لر . اشبو اهالی وحشیده نك كرك شكل و شمائل لری
و كرك اخلاق و عادات و اوضاع و حر كات لری اسکی دنیا اهالیسندن
هیچ برینه بکزه میوب كندولرینه مخصوص شیلردر . یونلرك مقدار لری
مقدار لری دهها زیاده ایسده ده برهنوال محرر اکثر موطن و مواقعا رینی

مسافر لری اولان اوروپا لورہ ترک ایلہ کندولری ہواسی وخیم اولان
مخارده اقامتہ مجبور اولوب اوللری کی بی مانع و مزاحم استدکاری
وجہلہ کشت و کذار ایدہ مدکاری جہتلہ کتدجہ عددلری تناقص
ایدوب الیوم نہایت طقوز اون ملیون تخمین اولنور . بونلرک بعضیسی
اوروپا لورک تحت حکومتدہ ایسہ دہ جزو اعظمی استقلال ورزہ درلر .
امریقا لرلری اوج جنسہ منقسم اولوب بونلردن امریقای شمالی
اھالیسی اسیلہ معروف اولان جنس قطعہ مذکورہ نک نہایت
شمالیہ سندہ و ممالک مجتمعہ دہ و انکلترہ و روسیہ یہ تابع ممالکدہ
متوطن اولدقاری مثالو مکسیقادہ و امریقای جنوبینک سائر
مخارندہ دخی بونلور . امریقا اھالیسندن کمال و حشتلہ مشہور اولان
اسقیو طائفہ سی دخی بونلردن معدود در .

اشبو جنس عجیب انسانینک اصلی زہدن کلش اولدیغی مجھولدر .
بو بایدہ ارباب دقت طرفندن پک چوق تحریات اجرا اولمش ایسہ دہ
پک از معلومات استحصال اولنہ بیلشدر . امریقا لورک دخی کندو
اصلاری حقتدہ بعض روایاتلری وار ایسہ دہ بر طاقم خرافات ایلہ
مخلوط اولدیغی جہتلہ اعتماده شایان کوریلہ مز . بونلرک اجدادی
یرین بوغازی طریقہ اسیادن امریقایہ هرور ایتش اولملری محتمل
ایسہ دہ بونلرک قنغی تاریخده وقوع بولدیغی شمیدیہ قدر اکلا شیلہ مدیغی
مثالو شمیدیہ نصکرہ اکلا شلمسی دخی بعید الاحتمالدر . امریقا ازمنہ
قدیمدہ تربیہ و مدنیتجہ شمیدیکی اھالی اصلیتہ سنک مافوقندہ بعض
اقوام ایلہ مسکون اولدیغنه دلالت ایدر پک چوق اثار موجود اولوب
ازجملہ میسیسی نہری سواحلندہ وقتیلہ شهرلر بولندیغنه دال اولور بعض
خرابہلر وارددر و کوکالر تسمبہ اولنان جسیم طاغیر جوارندہ واقع

باقر معدنار دخی بر متمدن طائفه معرفتیه اینستدانش اولدیغی
کورلمشدر.

اقوام مذکوره نك رنگاری باقر رنگنه قریب اسمرو کوزلری چقور
وقره و ساچلری اوزون و سیاه و سرتدر و صقاللری سیرک و پرونلری
ککش و یناق کیکلری یوکسک و ککش و آلنلری یسی و طارد
و وجودلری پک ملحم اولیوب قامتلری معتدل و حرکتلری خفیفدر.
رؤسارلری غایت تمکین و وقار اصحابندن اولوب باخصوص جنکه
مخصوص قیافتاری پک مهیبدر. هر درلو تزینات و الواندن پک
حظ ایدوب اوزرلرینه چنغراق و بعض حیوانات ینچه و دیشلری
وقره قوش تویلری و درلودرلوشریلر طاقنورلر. بالخصوص محاربه یه
عزیمتلرنده یوزلریخی و جسدلریخی درلوقوش ایله تزین ایدرلر.
بالکلیه چبلاق دکالر ایسده البسدرلری غایت مختصر و فقیرانه در. بو
دخی بلارنده بر پشمال و اوموزلرینه اتلش بر احرامدن عبارت اولوب
بعض کره دخی صید ایتدکلری حیوانات و حشیه دریلرینی تلبس
ایدرلر. بویله طرفه قیافتلی و یوز و جسدلری منقش و ارق و یای
وتفنک و دیگر بعض ادوات حریدرله مسلح بیک قدر اشخاصدن
مرکب بر جماعت پک تحف و مهیب کورینور. ملاعب
و ملاحی و امثال چوق سوریه چک مشاغله زیاده خفت و سهارتلری
وار ایسده قوه بدنییه متوقف و چوق وقت تمتد اوله جق اعمال
و حرکاتده بیاضاردن پک اشافیدرلر. ال ایله یایله جق ایشلری همان
کاملانسیایه کوردیرلر. ملل سائره یننده معتاد اولان هر درلو
امور بیتیه دن بشقه حیوانات زرعی و اورماندن صید و شکار جلی و بر
مخلدن دیگر محله اشیا نقلی دخی انلره محولدر.

اکثرا اوزاق یولاره کیدرلر ایکن ارککلری اتلره سوار اولوب نسلاری
چو جفلرینی و یا خود او طاقلرندن بعض اشیایی حامل اولدقلری
حالده یانی باشلرنده ییان یوررلر. اشته بو جهته عملی العموم نسلاری
قوی البنیه و صحیح المزاج اولوب ایش ایشلیکه دخی مقتدرلر در
بعض قبیله لراطفالک ولادتینی متعاقب باشلرینی ایکی پارچه اغاج اراسنه
صفتشد یروب بر قاج کون براغورلر و بو صورتله باشلری یضی و سیوری
برشکلده بیویوب بو مقوله اشخاص پک غریب بر هیئت پیدا ایدر.
بوزلره باشی یضی تعبیر اولور. امریقا لولر عموما فقر و مذلت حالده درلر.
بو دخی دائما کوچه بر اولوب حق تملکه کرکی کبی رعایت ایتدکلرینه
و علی التوالی یکدیگر یله محارب اولوب امر زراعت و حرثی بالکلیه ترک
و اعمال ایتدکلرینه میندر و فن طب بدن بیخبر اولدقلری جهته
چیچک و امسالی علل و امر اضک دفع مضراتنه چاره بوله میده رق
بیکرله تلف اولورلر. سائر حالاتده دخی صید و شکار یله اشتغال
ایتدکلری حیوانات وحشیه دن پک فرقلری یوقدر. ما کولاتلری
اشبو حیوانات وحشیه و بالقی لحومی و یبانی میوه لر و جوز و مصر
بغدا یی و نادرا اینک و قیون سودندن عبارتدر. یوم جدید رزق
جدیده قاعده سه رعایت ایتدکلرندن ازمنه اینه ایچون ذخائر تدارک
واد خاربنه پکده سعی ایتزلر.

اوصافی معنویه لری بخت کمنجه زیاده جهل و نادانی حالده بولنوب
قراآت و کتابدن بالکلیه بیخبر اولدقلرندن صنایع و معارفده قطعاً
ترقی اینجوب دائما بر حالده بولنورلر. اشبو جهالت اثری اوله رق
بیلرنده کذب و حیل و سرقت و قتل نفوس ماده لری پک شایع
اولدقدن بو مقوله قبایح و جنایات ارتکابنده جسور اولنلر ارباب

اهلیت و اقتداردن عد اولور. محاربانه الارینه کچن اسرایه امان و یرمیوب استیلا ایندکلی قرا اهاپسنی ضعیفای نسوان و اطفال ایله برابر قتل عام ایدرلر. بو مقوله اسرادن بعضاری عفو اولنسه بیله الی اخرال عمر اسارت حالنده قالوب بعض کره دخی اسیر ایدن قبیله یه داخل اولورلر. بو وجهله مظهر عفو اولق پک نادر اولدیغندن اسیر دوشدکلرنده قطعاً بو امل و انتظارده بولنمیوب حقلرنده هر نه درلو اشکجه ایداسه هر دانه تحمل ایدرک اصلاً اثر اضطراب کوسرملر. دائماً یکدیگریله قان دعواسنده اولوب بو ادعا اولاد و احفاده دخی انتقال ایدر و کندولرنجه اخذ انتقام اعظم اسباب سرور و شادمانیدندر. محاربه لری بر قاعده و نظام تحتنده اولیوب کیف ما اتفق مقاتله یه طوتشورلر و بونک ایچون موقع انتخابی و استحکام انشاسی اصولرندن بالکلیه غافل اولوب اکثریا اغاج و قیا ارقه سنه تحصن ایدرلر و حین هجوملرنده زیاده غلغله و شماته ایدوب غایت مدهش نعره لر اوردرلر و میدان محاربه ده مقتول اولنلرک صاحیله برابر باشلرینک دریسنی یوزوب علامت ظفر اولق اوزره قبیله لرینه کوتوردرلر و بو وجهله کویا اثبات مدعای شجاعت ایدرلر و بعض کره دخی ذکور و نسادن الارینه دوشن اسرا هنوز حیسانده اولدقلری حالده اولوجهله باشلرینک دریسنی یوزدرلر.

امر یقالور اکثر اقوام بدویه کی مسافرینه زیاده اگرام ایدوب قلوبه لرنده بولندقلری مدتجه و سع و قدرتلی مساعد اولدیغی درجه اطعمه و اشربه تدارک و تقدیم و حقلرنده هر وجهله هر اسم مهانوازی بی اجرا و تمیم ایدرلر ایسه ده مسافر قبولرینک اوکندن صاوشدیغی کی بیلرلرنده سبقت ایدن حقوقه قطعاً رعایت ایتدیرلکائی صویرلر.

اکثر افکار و تعبیراتاری مواد طبیعیه مبنی اولوب بر دفعه مشاہیر
رؤسایردن بریسی ممالک مجتمعه جزالاردن هانیسون بر میدانده عقد
اولسان بر مجلسه دعوت ایدوب جزال مومی الیهک امریله اشبو
امریقالویہ بر صندالید تقدیم اولندقدہ قبولدن استکاف ایله کونش
بنم پدرم وارض والدہ مدر انارک قوجاغندہ اوتورہ چغم دیہ رک قوری
برہ اوتورمشدر.

کرک والدین ایله اولادک و کرک سائر اقربانک یکدیگری حقندہ اولان
میل و محبتاری پک جزئی اولوب بر قاج سنہ متادیا اشبو اقوام وحشیہ
ایچندہ قالمش اولان بر ذاتک بو خصوصہ دائر بعض تحقیقاتی بروجہ
آنی درج و بیان قنورہ رؤسایردن بر ذات ایله الفت ایتمشیدم بر کون
کند و محاربات واقعہ سنہ و اوجیاغندہ دائر بر چوق شیلر نقل و حکایہ
ایتدیکی صرہ دہ کند و والدہ سنی دخی ایله قتل ایلدیکنی سویلیدی
سببی سؤال ایلدی یکمدہ سفر ائناسندہ کمال ضعف و پیریدن ناشی
ارتق یول یوریمکہ محالی قالمیوب اوغلم بنی شوزحتدن قورتاردیو
اعدا منی بندن نیاز ایلسیلہ در عقب اورادہ قورشونلہ اوروب
اولدیردم دیدی بن دخی نرہ سندن اوردک دیو سؤال ایلدی یکمدہ بر
فنا یرندغمی اوردم ظن ایدرسکز تمام شوراسندن راست کتوردم
دیہ رک پارمغیلہ کند و باشنی کوستردی و در عقب والدہم تسلیم زوج
ایدوب اول اندہ براز متأثر اولدم فقط چوق سورمدی دیدی
بو مثالو حالات نوادر دن ایسندہ من ادمارک دائما مظہر حقارت
و خذلان اولمی امور عادیہ دندر.

امریقالولر بیئندہ تعدد ازواج جائز اولوب عقد نکاح مر اسمی دخی
پک سادہ و حتی اکثر قبائل شو تکلفدن آزادہ در زانیہ نک برونی و یا خود

دیگر بر عضوی قطع و بعضی کره دخی قتل ایله مجازات اولور.
 زواج و طلاق زوجینک رضاسنه منوط اولدیغندن پک چوق
 افتراق واقع اولور. بعضی قبائلده ارکک تزوجنه رغبت ایده جکی
 خاتونک بالجه قیر قرنداش لرینی دخی المغه و قدرتی مساعد اولدیغی
 مرتبه تکثیر ازواجه مجبوردر.

امریقالور کافه موجوداتک مبدع و خالق بر ذات و جودینه اعتقاد
 ایدوب فقط صفات الوهیتدن بالکلیه بیخبر اولدقاری مثلاً دنیا
 و آخرتده سؤال و عقاب اولسنه قائل دکلردر. شیطان و فن سحره
 و ارواحک بر قالبدن چیققدندن صکره دیگر اجسامه حلوانده
 معتقددرلر و نشئه اخرایه قائل و اوراده تنعمات دنیوییه مشابه نعم
 و لذائد و جودینه ذاهبدرلر و اکثراً اوق و یای و تفک و اشالی
 ادوات حریدینی و حتی بعضی مشهور اوجی و رئیسارک کوپکلرینی
 صاحب لرله برابر دفن ایدوب کویا عالم عقباه بولان داکشا ححرالرده
 اشبای مذکورہ نک کندولرینه شدت لزومنی توهم ایدرلر. تطیر یعنی
 قوشلرک طیرانندن احکام چیقارمق اعتقاد باطلی عندلرند معروف
 اولوب ازجهله یرتیجی قوشلرک اوچمسنندن جنک وجدال استخراج ایدرلر.
 یلانه خارق العاده بعضی خواص اسنادیلر بوجنس حیواناتدن هیچ
 بریسنک قتلنی تجویز ایتمزلر. موتا حقنده فوق الغایه حرمت و تعظیم
 ایدوب النفس مواقعی هنرستان اتخاذ و بونک حسن محافظه سنه
 اعتنا ایدرلر.

ملاعب و ملاهی یه زیاده میل و رغبتلری اولوب ذرلو صورتله رقص
 ایتمک و طوب اوینامق و آت قوشوسنه چیقماق و نشان اتمق کبی
 شایله اشتغال و اکثر وقتلرینی بونلرله امر ایدرلر. بیاضلرله

اختلاط دارند برو کاغد و سائر قمار او یونلری و مسکرات استعمالی
دخی یتارنده زیاده سیله شایع اولمشدر.

بونلرک طریق تربیه و تمدنه ادخالری حقننده پک چوق سعی
و اهتمام اولوب فقط ایکی اوچ محله بونک حسن تأثیراتی مشاهده
اولمشدر. (چوقتو) و (چروکی) اسمنده ایکی قبیله امری مدنیته
زیاده ترقی ایدوب الان حکمدار و مأمورلری کندوردن اولمق
اوزره مستقلا اداره اولور منتظم حکومتلری و نفیس خانه لری
و چققللری و مکتبلری و کتابلری و غزته لری و لوازم مدنیته دن
اولان سائر شیلری وارددر. بنأعلیه دیگر قبائلک دخی بوندقلری
حال خسونتدن تخلصلری ممکن اولسی مأمولدر. فقط شمیدیلک
اهالی مذکوره کندیجه تلف اولوب اگر بوبابده بعضی تدابیر قوییه
تشیب اولمغز ایسه چوق زمان کچمکسزین روی زمینده نام
و نشانلری قالمیجغی درکاردر.

الیوم ممالک مجتمعه حکومتی توسیع حدود ایتک استدیکجه اکثرا
محاربه ایله اراضی ضبطنه لزوم کورمیوب بر مقدار نقود و یا خود
اشیا اعطاسیله اقتضا ایدن اراضی بی اهلای و حشیه مذکوره دن
اشترا ایدر. وحشیلر بویولده اللرینه کچن مبالغدن بر فائده صحیحه
استحصال ایده میوب بونی سفاهت و عیش و عشرته خرج ایتدکلرندن
از وقت ظرفنده ینه بیاضلره انتقال ایلرلر.

اهالی مذکوره دن امریقای شمالیده بونلرک مقداری یدی ملیون
قدر اولوب بونک درت ملیونی مکسیقاده و درت بشیوز بیکی
روسیه ملحقاتندن بونان اراضیده و بر او قدری دخی ممالک
مجمعه ده در برهنوال محرز بونلرعمو اکمال وحشت و خشونت حالنده

بولنوب فقط ممالك مجتمعه داخلنده بولنابلردن الشمس التي بيكي نوعا
متمدندر. ممالك مجتمعه حكومتك اهالي مذكوره دن یتش بش قبیله
ایله مناسباتی اولوب بولاریکدیگرینه قطعاً ارتباطی اوله رقی
جهله استقلال اوزره درلر.

(منیف)

(اوروپا دولترینک احوال حاضر هسی) (مابعد)

اون بشنجی قرنه کلنجده دکن اوروپا قطعاً سنده بزم اسکی دره
بکری قیلندن بر چوق امرأ حکومت ایدوب بولار متصرف
اولدقلری اراضی اهالیسنی اسیرکی استخدام ایله حقارنده انواع
مظالم اجرا ایدرلر و انجی رهبان گروهی بو مثلاًو مظلومین اهالی
حقنده بعض مرتبه صحابیت کوسترلر ایدی. دره بکری محال
مقدسه پی ایادی اسلامیان دن نزع ایتک اوزره بالاتفاق برالشامه
عزیمتلرنده صورتاً منسوب اولدقلری حکمدارلر بولارک غیبو بشاردن
استفاده ایدرک تشویقات واقعهلری اوزرینه اهالی متحداً امرای
مذکوره حکومتدن اعراض ایدوب مذکور دره بکلک اصولی بو
وجهله بالتدریج محو و مندفع اولدی و اول ائشاده حرسنیانلر یلینه
مذهبه تفرقه دویمکه باشلا یوب اوروپا اهالیسنک افکاری بالکلیه
تبدل ایلدی و هر کس تحصیل سعادت حال املیه فنون و صنایع
و تجارتیه رغبت ایتدکلرندن دولتارک حال و هیئتارینک انتظامی
و دائره معاملات تجارتک توسعی و بورتکیرلرک دفعه اول اوله رقی

افطار ربعیدہ سیر و سفر لری و فن طباعتک کشی و عقائد خرسٹیانیہ
 عاہدہ بعض طرفلردن تعریضات وقوعی کی برطانیہ حالات ظہورہ
 کادی . بروجہ محرر اوروپا دہ اصول اداره وافکار ناسمجہ وقوعبولان
 اشبو انقلابات جسیہ مدینت حاضرہ بی وجودہ کتوردی . خلاصہ
 کلام بیک در تیور طفسان ایکی تاریخنندہ اوروپا نیک احوال پولیتقیہ سی
 ہمان بالکلیہ تقرر ایدوب دولتر قوانین و نظامات وضع ایدرک
 اولوقتہ قدر دوچار اولدقلری حال شورش اشتماللری کسب سکونت
 ایلدی و علوم و صنایع و سائر لوازم مدینت کونیکون کسب ترقی
 و توسع ایدوب بالخصوص مؤخرأ وجودہ کلان بعض اختراعات
 نافعہ سایہ سندہ اوروپا نیک حالی بر صورت اخر کسب ایتدی .

ایتالیہ قطعہ سی علوم و معارفک منبعی اولوب هر طرفی معمور
 و آبادان ابولمش ایسده حکومت عدیدہ یہ منقسم اولوب بو جہتہ
 اجنبی حکمدارلر قطعہ مذکورہ یہ اکثریای پای انداز تجاوز اولدقلرندن
 اوروپا قطعہ سنک محور پولیتقیہ سی مشابہ سندہ ایدی .

المانیہ دولت ایمپراطوریہ سی ایسہ ایتالیانک شمال طرفلرینی ضایع
 ایدوب باقبسی دخی انکئورلکہ و برطانیہ کوچک امارتہ منقسم
 اولغله اجزاسی قوی اولدیغی حالده ہیئت دولت غایت ضعیف ایدی
 و بو حکومتلردن الک زیادہ صاحب اقتدار بولسان اوستریا دولتنک
 دخی چہ و مجارستان اوزرنده اولان حکومتی بر حال تزلزلده ایدی .

فرانسدہ درہ بکلکترینک انقراضی و مظالم و تعدیاتک منعیلہ برابر
 احقاق حق قضیہ مهمہ سنک حسن اجراسی ضمنندہ محاکم منتظمہ
 تأسیس اولمش و برطانیہ ممالک علاوہ سیلہ توسیع دائرہ حکومت
 قلمشیدی .

اسپانيا قطعہ نئی قرون و فیرہ دنبرو بر طاقم حکومتلره منقسم اولندی
حالده حکومت واحده هیئتنی کسب ایدوب عربلر خطہ مذکورہ
بالکلیہ تخلیه ایتشلر ایدی .

عثمانلور متصف اولدقلری کمال دلیری و بسالت اقتضا سنجہ فرات
نهری ساحلندن صاوه نهرینه و قره دکر سواحلندن نیلک مصبینه
قدر ضبط ایدوب همجوارلری بولسان ممالک سائرہیه دخی دهشت
انداز اولشلر ایدی . وندیک جهوری موره قطعہ سنک بر مقدارینه
وکریدو قبریس اطہلرینه و دیگر بعض ممالک معمورهیه ممالک و دائرہ
تجارتی واسع قوی الشکیه بر جهور ایدی .

اسویچره جهوری دول معظمہ صرہ سنہ داخل اولدی .
انکلتزہ ده لانقاستر و یورق حاندانلری میانه سنده وقوعبولان محاربات
دولتجه ضعف کلی ایراث ایدوب اسقوجیا قطعہ سی هنوز انکلتزہیه
التحاق ایتماش و ایرلانده جزیره سی دخی حال حصیانده بولمیشیدی .
پورتگیزلر ممالک بعیدہ کشفیله اشتغال ایدوب اوروپانک بو مثالو
حالرینه احوالہ نظر اہتمام ایتزلر ایدی .

دایمارقہ و اسوج و نوروج دولتلری حکومت واحده هیئتنه کیرمش
ایسده ینہ افتراق ایتک اوزره ایدیلر .

لہلور حکومت انتخابیہ اصولی اوزره یعنی اہالینک انتخاب ایتدیکی
قرالارک تحت حکومتنده اوله رق اداره اولنوب اکثریا سلطنت سنہ
وروسیہ دولتیله محاربہیه قیام ایدرلر ایدی .

یک درتیز سکسان برتاریخندہ روسیہ لول مغوالارک پنجه اسارتلرندن
تخلیص کریبان ایله شمدیکی روسیہ دولتی تشکیل ایلدیلر .
اون بشخی قرنک واسطندہ اوروپالور بالکر بحر سفید و بحر بالظقدہ

سیر و سفر ایدوب بحر محیط شرقی يك معلوملری اولمادیغی حالده
پورتگیزلر بوانساده اسپانیولارک تضییقات واقعده سنه مبنی ممالک
بعیده ده اراضی تدارک ایتک مقصدیلہ بيک درتیوز اون طقسوز
سنه سنده افریقا سواحله عزیمت ایتش اولان برقاچ نفر پورتگیزلر
عادیرا اطلسنی کشف ایتدیله بيک درتیوز اوتوز ایکی تاریخنده
اسور اطلسلری بولندی . بيک درتیوز اوتوز اوچ تاریخنده بوجادور
برونندن هرور و بعده دخی یشل برون و اولجوارده واقع دیگر اطلسلر
کشف اولندی . بيک درتیوز سکسان درت تاریخنده پورتگیزلر
کیندی بولدیله و تاریخ مذکور دن ایکی سنه صکره بارتلی و یاز نام
ذات افریقانک منتهای جنوبیده سنه قدر واصل اولمش ایسده
امید برونندن اوتیه کیده مدی و اسقودو غامه نام ذات مذکور
بروندن کچهرک ملتید حاکی طرفندن کندوسنه ویرلش اولان
قلاغوزک دلالتی ایله بحر محیط هندی یه متوجهاً حرکت ایدرک بيک
درتیوز طقسان مرکز سنه سی شهر مایسک یکر منجی کونی مالا بار
ساحله واصل اولدی . الحاصل تاریخ مذکور دن صکره پورتگیزلر
اهالیسندن يك چوق کسان افریقا و اسیا سواحله یعنی یشل برونندن
امید بروننه و اورادندخی هندستانه و هندستاندن مالاقه و هند
چینیدن ژاپونیا یه قدر منتشر اولدیله . اشته پورتگیزلر بروجہ محرر
هندستانه برکدیرمه یول اراسقده اولدقلری حالده جنوه اهالیسندن
قریبستوف قولومبو نام ذات فطانت سمات علوم ریاضیده اولان
ید طولاسنه مبنی ارضک کرویتی و اوزرنده دور اولمشق ممکن اولوب
اولمادیغی مسئله سی تدقیق ایله بونک امکانی تیقن ایدرک برقاچ
سنه لر وقو عبولان تصدیقات متوالیده سنه مبنی اولوقت اسپانی

قرایچه شی بولسان ایزابلادن اوج قطعه سفینه الهرق امریقا
 قطعه سنک کشفه تشبث ایتدی و بوبابده موفق اولش ایسه ده بیک
 درتیوز طقسان طقوز تاریخنده فلورانسلی امریقا و سیوچی نام ذات
 قطعه مذکوره نک بعض محارینه عزیمت ایدرک اولبابده برقطعه
 سیاحتنامه تألیف و نشر ایتکله قطعه مذکوره مومی الیه قولودبونک
 اسمیه موسوم اولیوب مومی الیه امریقاویه نسبتله امریقا تسمیه
 قلندی.

مؤرخلرک روایتنه نظرأ رهبان طافی زیاده نفوذ قزائوب پاپا
 بولسان اونجی لئون دخی عثمانلورله محاربه ایتک و سن پتروس
 کلبساسنی انشا ایلک بهانه سیله اوروپاده کماه چیقارهرق هر طرفدن
 کلی اجه جمعنه قیام ایتسی و بوقیلدن دیگر بعض حالات دخی
 وقوعبولسی جهتیه بیک بشیوز اون یدی تاریخنده خرسیانلر
 بیننه تفرقه دوشه رک پروتستانلق ظهور ایلدی و شوحادثه سیله
 اوتوز سنه اتش حرب و قتال علو کیر اولدی شویله که المانیا
 فتولیک طرفی و انجیل طرفی نامیه ایکی یه منقسم اولوب اوستریا
 تجاوزی و المانیا تحفظی حالده بولنهرق محاربه یه قیام ایتدیلر
 فرانسه دخی بیک التیوز اوتوز بش تاریخنده و اسوج بیک التیوز
 اوتوز تاریخنده محاربات مذکوره یه قاریشه رق اوستریانک تصورات
 حریصانه سنک حیرفعله خروجنه ممانعتله برابر دیگر حکومتلرک تفرد
 و استقلالیتلرینی محافظه ایتدیلر، بو اثناده فلنک ایله اسپانیا بیننده
 موجود اولان برودت قدیمه تجدد ایدرک دولتین مشارالیهما بیک
 التیوز یکرمی بر تاریخنده یکدیگری علیه اعلان حرب ایلدیلر
 و اول امرده اوستریالور غلبه ایدرک المانیایی استیلا ایتدیلر ایسه ده

بعده اسوج دولتی اوستریالولرہ غالب کلوب بونک نتیجہ سی اولہ رق المانیانک ہیئت حاضرہ اتفاقہ سی منشکل و بو وجہلہ المانیانک حکمداران مستقل اولدی . ہیئت مذکورہ نک محافظہ سی اوروپانک موازنہ دولید سی لوازمند اولدیغنی بالجلہ دولتر بوئی تصدیق ایدوب شو حال اوستریا دولتنک اوتہ دنبرو مظہر اولدیغنی کمال سطوت و اقتدارک انکسارینی مؤدی اولدی . اشبو محاربہ دہ فرانسه واسوج دولتری اتفاق ایتدیکندن بو حال دول شمالیہ نک اوروپا مسائله مداخلہ لرینہ بر مقدمہ اولوب اسوج دولتی بو وسیلہ ایلہ دول معظمہ صرہ سنہ داخل و بینلرنده موجود اولان مباہیت دینیہ زائل اولدی . ایشتہ بیک التیوز قرق سکر سنہ سنہ قدر اختلافات دینیہ اوروپا دولترينک اساس پولیتقہ لری اولوب سنہ مذکورہ کانون اولنک یکرمنچی کونی عقد اولمش اولان وستفالیہ معاہدہ سیلہ محاربات مذکورہ نہایت بولدی .

اولوجہلہ مصائب حرب و قتال مندفع اولہ رق حصولہ کلان آسایش حال و فراغ بال سایہ سنہ ہر کس تحصیل علوم معارف ایلہ اشتغال ایدرک متقدمینک اثار مدنیتی تجدد و بعض ذوات معارف سماتک ظہوریلہ علوم و فنون کسب حیات تازہ ایلدی . ازجلہ بیک بشیوز یکرمی بش خلالندہ المانیانہ قوپریتی نام ذات ظہور ایدرک اولوقته قدر کرہ ارض ثابت اولوب شمس انک اطرافندہ دوران ایدرطن اولدیغنی حالده بالعکس شمس عالمک مرکزی اولوب کرہ ارض مریخ وزھرہ کبی کواکب سیارہ دن اولدیغنی و شمسک اطرافندہ عطارد سکسان یدی وزھرہ ایکیوز یکرمی درت و کرہ ارض اوجیوز التمش کوندہ و مریخ بر سنہ اوجیوز یکرمی

بش کونده و مشتری اون بر سنده و زحل یگرمی طقوز سنده
 دوران ایتدیکنی کشف و اثبات ایتش و بونلر بعده دلائل عدیده ایله
 تحقیق ایدوب بوجمله مومی الیه هیئت جدیده ک موجدی بولمیشدره
 بیک بشیوز التمش بر تاریخنده انکلتزده باقون نام ذات ظهور و اکثر
 علوم و فنونک توسیعنه بذل مقدور ایدوب پک چوق مسائل مشکله ک
 حانه موفق ارمیشدره از جمله هوانک ثقات و الاستقانی کشف
 ایدوب بعده بونلری غایله و تور بچلی اثبات ایتدیله و اجسامک
 اجزاسی بیننده اولان قوه جاذبه پی دخی بولوب بعده انکلتز
 حکما سندن نیوتون بونی ظاهره اخراج ایلدی

بیک بشیوز التمش درت تاریخنده ایتالیاده تولد ایتش اولان مومی الیه
 غایله دخی مشتری نیک پیکری اولدیغنی تحقیق و بونلر مدت
 دورلرینی تعیین ایلدی مومی الیه علم هیئتجه سالف الذکر قوپرنیک
 مذهبنی تأیید ایتدیکندن و بوایسه دین عیسوییه مغایر کوردیکندن
 مؤلفاتی انگریسیون (۱) مجلسنه حواله اولندی و اولیاده مجلس
 مذکور طرفندن مظهر توبیخ و عتاب اوله رق بوندن نکول ایلمسی
 اکیداً کندوسنه امر و تنبیه قلندی بونک اوزرینه اون التی سنه
 اختیار سکوت ایتش ایسده ارتق صبر ایده میده رک کره ارضک
 شمس اطرافنده متحرک اولدیغنه دائر بر کتاب تألیف ایلدی اشبو

(۱) انگریسیون بر جمعیت رهبانیه در که اوروپانک بعض محالرنده
 و خصوصیه اسپانیاده جابجا تشکل ایدوب قتولایک مذهبی
 خلافنده بولسانلرک تصحیح اعتقادینه مأمور ایدی و شو مقصده
 دسترس اولق اوزره هر درلو تدابیر شدید ایتخاذه مآذون اولوب
 حتی مخالفلرینی حیا احراق بالنار ایلر ایدی

کتاب مجلس مذکورده لدی المعاینه عقائد دینیه بعض مرتبه مغایر
بولندیغندن مؤلفک نفینه حکیم اولندی . مفاسنه کیتزدن اول مجلس
مذکور حضورنده دیزچوکدیر یلہ رک وانجیل شریفہ ال باصدیر یلہ رق
اعتراف جرم و خطایہ اجبار اولندیغندن مومی الیہ بالضرورہ
بونلری اجرا ایتدکن صکرہ قیام ایدوب وومع مافیہ دورایدن کرہ
ارضدر ۶ دیدیکی مشهوردر .

بیک بشیوزیتش بر تاریخنده المانیاده تولد ایتش اولان کیله نام ذات
ضیالک تناقص قوتی ابعا دک هر بعلمیله متناسب اولدیغنی وشمسک
قوه جاذبه سنک دخی شوقانونه تابع بولندیغنی اثبات ایتش ایسه ده
شمسک کواکب سائرہ یه نسبتله قوه جاذبه سنک تأثیری بعدلرک
هر بعلمیله متکافیه متناسب اولدیغنی درک ایدہ مامش و بونی مؤخرأ
نیوتون کشف ایله کسب اشتهار ایلشدر ویکرمی سنہ متادیا
اوغراشدقن صکرہ کواکب سیاره دورانلرینک هر ربع زمانلری
مسافدرک مکعبلریله متناسب اولدیغنی تحقیق ایلشدر وکواکب
سیاره مدارلرینک داوائر صحیحہ اولدیغنه وهر یخ ایله شمس یلشده
اولان بعدک مناوبہ تراید و تناقص ایتدیکنہ نظراً مدارات مذکورہ نک
بیضی اولدیغنی فہم ایتش ایسه ده بونی کرکی کبی اثبات ایدہ میوب
فقط چوقی وقت چالشدقن صکرہ کواکب سیارہ نک مدارلری
دوائر صحیحہ اولیوب شمس دخی انلرک وسطندہ بولندیغنی و مذکور
مدارلر قطع ناقص شکلندہ ارلہ رق شمس بونک نقطہ احتراقلرندن
برندہ بولندیغنی کشف و تحقیق ایلشدر .

انکلزہ ده بیک التیوز قرق ایکی تاریخنده نیوتون ظہور ایدرک علم
ہیئت و حکمت طبعیہ دائرہ چوق تحقیقات اجرا وکتب نفیسه
تألیف ایلدی

فرانسه ده بيك التيوز قرق يدي سنه سنه ظهور ايتش اولان پاپن
نام ذات بخارك قوه الاستيعيتني كشف و بونك بالخصوص سير
سفائنده استعمالني ارائه ايتش و بو وجهله ابنای جنسنه بريوك
خدمت ايلشدر.

خلاصه كلام قرون وسطاده بين الناس شايع اولان اعتقادات باطله
كلياً مندفع اولدى . كره ارض ثابت اوليوب شمسك اطرافنده
دوران ايتديكي وسيارات سائرتهك بو وجهله متحرك اولديغي تحقيق
و بخارك قوتني كشف اولنه رق خلق استحصال رفاه و سعادت حال
امرنده قواي طبيعیه استعمالنه باشلاديلر و منافع ماديتهك زياده
توسع و تكثير ايتشي ثروت عامه حقنده بر طاقم اصول حكمت شمولي
متضمن بر علم مخصوص حدوثني داعي اولدى شويله كه اون التنجي قرننده
ماهيت ثروته دائر بر طاقم افكار باطله دوران ايلرايدى . اسپانيولر
ذی قيمت معادني عين ثروت عدايتدكلرندن بشقه صورته تحصيل منافع
صرف ذهن ايتيوب همان همتلری مكسيقا معدنلرندن كليتلو
التون و كموش استخراجنه مصروف اولديغي حالده بونلر از وقت
ظرفنده اللرندن چيقرق زراعت و حراثته اشتغال ايدن ممالك
انتقال ايلدى و اون يدنجي قرننده بر ملتك حصول ثروتني درون
مملكتده چوق نفوذ تراكم ايتسنه و ممالك اجنيديه ممكن مرتبه چوق اشيا
فروخت اولنوب انلردن از اشيا اشترا اولمسنه متوقفدر ظن اولنديغندن
بعض دولتلر امتعه اجنيديهك كند و مملكتلرينه ادخالنه مانع اولورلر
ايدى . مونثسكيو نام مؤلف مشهور دخی علم مذكوره دائر بعض
قواعد وضع ايتش ايسده غوريني ايله طيب كوستي بو بابده چوق
خدمت ايلش و حتى مومي ايله غوريني هر كس استديكي صنعتله

اشتغال ایدوب استدیکی فیئات ايله استدیکی محله فروخت ایلمی
عموم حقنده الك خیرلو صورت اولدیغنی و سربستی تجارت حفظ
وغلانک منع وقوعنه و ثروت عمومیه‌نک ازدیادینه وسیله قویه
اولدیغنی بیان و تحقیق ایلشدر و فرانسه قرالی اون بشی لویینک
طیبی بولسان مومی الیه کوسینی حرف و صنایعی منبع ثروت عد
اینبوب زراعت و حرشته اهمیت ویرمش و تکثیر نفوسدن زیاده
محصولات اراضینک توفیرینه سعی اولمسی اقتضا ایده جگنی ادعا
ایتمش ایهده بو باده خطاسی درکار اولوب چونکه امر زراعتک
اعظم وسائط ثروت اولدیغنی جای اشکال دکل ایهده زراعت
و حرانت واسطه سیله حاصل اولان خام اشیایی صنایع بر حسن قابله
افراغ ايله منفعت و قیمتی تزید ایلدیکی دخی غیر منکر در.

بیک یدی یوز طعسان تاریخننده اسقوچیاده ظهور ایدن ادام سمیتک
علم ثروته دائر وضع ایتمش اولدیغنی قواعد دها زیاده موافق حقیقت
اولوب بونک قولجه منابع ثروت اولان فلاحت و صناعت و تجارتک
مطلقا سعی و عمله متوقف اولدیغنی و هر حالده قاعده تصرفه
رسمیته سرمایه ادخار اولوب هر کسک سربستانه تجارت
و صناعتله مشغول اولمسی اقتضا ایده جگنی و بر صنعتک ممکن مرتبه
بش اون و دها زیاده اشخاصه تقسیمده فائده کلیه اولوب مثلا
اون نفر عمله بشقه بشقه ایشادکاری حالده کونده یالکز درت بش
یوز طویلوا یکنه اعمال ایده یلوب حالبوکه بونلر طویلویایقی ایچون
اقتضا ایدن ایشاری بیلرنده تقسیم ایتسه لر کونده قرق سکز بیک
ایکنه اعمال ایده یله جکلرینی بالفعل اثبات ایلشدر. تحریر و سائط
ثروت نامیه تالیف کرده سی اولان کلب حکمت نصیاب بتون

انکلیز دلمتک افکارینی تبدیل ایتندره، اشته انکلیزه نك مرتبه عالیای
ثروت و اقتداره ارتقاسی اسبو علم جلیل المنافعك انتشاری سایه سنده
اولدیغی بی اشتباهدره

(بقیده سی صکره)

(محمد شوقی)

از خلفای اوطه ترجمه باب عالی

(مزاج هوای استانبول)

استانبول نشیب و فراز اوزرنده واقع اولوب ایکی ثلثی دخی ذریایله
محاط بولندیغندن ایچنده تگون ایدن مر دارلقلر بالطبع دکره جریان
ایدوب اورادن دخی اقندیلرله محال بعیدیه مندفع اولور وحوالہ سنده
هوایی افساد ایده جک بتساقلق و امشالی محللر اولدیغی مثلاً هر
طرفی کشاده اولدیغندن دائماً هوایی تجدد ایدر و اشته شو اسپایه
مبنی هوایی غایت صاعلم و لطیفدره

هواسنك مزاجی يك متلون اولوب خصوصاً بهار و خریف موسملرنده
يك چوق تبدل ایدر. مثلاً صباحلین غایت اچیق و لطیف اولوب
هیچ تغیر مأمول اولمز ایکن یارم ساعت کچمکسزین بلوط پیدا
ویغور نازل اولور و بعض کره دخی بر کون حرارت اون بش اون
القی درجدهیه واصل اولمش ایکن بغته و یاخود بر کون ظرفنده اون
وطقوز درجدهیه تنزل ایدوب بعضاً دخی بونك عکسی وقوعه کلور،
اشته بر وجهله مظهر اولدیغی تبدلات هوایی سی بری بری اوزرینه

حساب اولنسه برسنهك كوناى بروجہ اتی تقسیم اولنه یلمور شویله که
هوا الشمس درت کون یغمورلی و بش کون قارلی و بش کون دومانلی
ویکرمی کون بلوطلی و اون بش کون فرطنهلی و اوتوز التی کون
گاه اچیق گاه قیالی اولوب باقی ایکی یوزیکرمی کون دخی اچیق
و براق اولور.

اکثیا پویراز و لدوس روزکارلی اسر. پویراز همان سنهك ایکی
ئلشنده و خصوصاً نیشان ایندن ایلول نهایتنه قدر و لدوس سائر
اوقاتدن زیاده شباط اینده هبوب ایدوب رطوبتی و بعضاً دخی بورایی
دعوت ایدر. روم ایلی قطعه سنده کائن جبال هر تفعه موسم شتاده
قارایله مستور اولدیغی ائشاده باطی و باطی لدوس و قره یل روزکارلی
اسر. قره یل پک بارد اولوب اکثیا قار نزولنه بادی اولور. کون
طوغبسی یلی پک نادر اولوب فقط ظهور ایتدکده بر قاق ساعت
منسد اولور و بعده لدوس و یاخود پویرازه تبدل ایدر. اغستوس
نهایتنده و ایلول ایتدالرنده اکثیا یغمور یاغوب فرطنه ظهور ایدر
و بعده هوالر کسب ملایمت ایدوب بودخی بعضاً اوتوز قرق کون قدر
متداولور. یوموسمهده هبوب ایدن لدوس بهار لدوسی کبی اولیوب
لطیف و صاعلم ایسمده اول ائشاده بعضاً دخی هوا دومانلی و بلوطلی
اولور و تشرین ثانی و کانون اولده دومان و بورالر ظهور ایدوب
طولی دخی یاغر.

قبش کانون اولك دردندن و اکثیا یکرمی یکرمی دردندن بدأ ایدر.
یوموسمهده ایکی اوج کره قار نزول ایدوب بعض کره بر ایکی قاریش
ارتفاعده تراکم ایدر و بش اون کون یرده قالور. موسم شتاده
درجه حرارت بشدن اونه قدر و پرودت اوج درت و نادراسکز

واونه واصل اولور. از جمله بوندن یدی سنه مقدم فوق العاده شدت شتا وقوعبولوب ایکی ای قدر متمادیا هوا بوزق قالمش و بر بچق ارشون قدر قاریاغمشدر و برودت هوا اون درجهیه قدر رسیده اولوب کاغذ خانه و ایوب و ایوانسرای طرفی صوری انجماد ایلش و پاك چوق کسان صویك بر طرفندن دیگر طرفنه پایان اوله رق عبور ایلشدر. از مننه سابقه ده ذخی بو درجه شدت لو قبش لریك چوق وقوعبولش و کتب توارینخده مسطور اولدیغی اوزره میلادك ۴۰۱ و ۷۵۴ و ۷۶۳ و ۹۳۲ و ۱۲۳۲ و ۱۶۲۱ سنه لرنده خلیج در سعادت جمعد ایدوب بالخصوص ۷۵۵ تاریخنده غلطه ایله اسکدار بیننده بوز اوزرندن انسان و اغر یوکللی عربه و حیوانلر مرور و عبور ایلشدر.

موسم شتاك برودتی مایس آینه قدر متمد اولوب بوایک ایچنده کلیا زائل اولور و اخا جلر نیسان اینده یاپراقلنور. در سعادتك الك ثقیل هواسی شباط اینده قار ایدیکی و مارت اینده یاغور یاغدیغی وقت اولوب بو ایلرده رطوبت زیاده اولور و بونك خسته و ضعیف المزاج و مسن ادملره سؤ تأثیری کوریلور. بهار و کوز موسملرنده صباحلین و بعضا کوز موسمنده اخشامدن صکره شدید پوس اولور. موسم صیف مایس ایندن و شدت حرارت حزیرانك اون اون بشندن بدأ ایدوب تموزك نه پاینده و بعضا اغستوسك بشنه و یاخود اوننه قدر متمد اولور. اشبو ایام حاره ده هر صباح ساعت ایکی یاخود اوچ راده لرندن بدأ ایله ملتم تعبیر اولور باد شمالی و شرقی هبوب ایدرك هوای تصفیه و حرارتی تعدیل ایدر. موسم صیفده حرارت یکریمی ایکی و یکریمی اوچ و نادراً یکریمی سکز درجهیه رسیده اولور.

بالطفه تعالی خیلی وقتدنبه و در سعادتده شدتلهو حرکت ارض وقوع
بولماش ايسدهده ازمنه سالغهده يك شديد زلزله لر اولوب الك مشهورلری
ميلادك ۴۴۶ سنه سی ایلولك یکر می دردنده و ۴۷۷ سنه سی ایلولك
یکرمی بشنده و ۵۵۸ سنه سی کانون اولك اون دردنده و ۷۴۱ سنه سی
تشرین اولك یکر می بشنده و ۸۶۱ سنه سی کانون ثانینك اوننده
و ۱۰۱۱ سنه سی کانون ثانینك اون برنده و ۱۲۸۶ سنه سی حریرانك
ابتدا سنده و ۱۳۴۴ سنه سی موسم خریفنده وقوعبولش و بونلردن
۴۴۶ سنه سنده کی اوچ ای و ۷۴۱ سنه سنده کی اون برای و ۱۰۱۱
سنه سنده کی قرق کون ممتداولمشدن. اشبو زلزله لر دن شهر ك صوری يك
چوق کلیسا و ابنیه سائر منهدم و سلطان احمد میداننده کائن دیکیلی
طاش کبی وقتیه مواقع مختلفهده مرکوز بولسان ا حجار و تصاویر
مجسمه و سائر اثار عتیقه سرنکون و تلف اولش و يك چوق ادم
دخی زیر خاك هلاکده قالمشدر ۱۵۰۹ سنه سی شهر ایلولنك اون
دردنده دخی غایت شدید بر حرکت ارض وقوعبولوب قرق بش کون
دوام ایتمش و بونده دخی یوز طقوز جامع و مسجد ایله شهر و طوپ قپو
سرای همایونی سورلرینك چوق یرلری و ییک یتش باب خانه و ابنیه
سائر منهدم و خراب و اون اوچ بیکدن متجاوز نفوس تلف اولش
و دکرجه دخی تأثیری اوله رق صور فوق العاده قبارمشدر وینه
بیک سکر یوز ایکی سنه سی تشرین اولنك یکر می دردنده شدتلهوجه
بر زلزله وقوعبولش و يك چوق ابنیه منهدم اولمشدر.

علل و امراض بحثه کلنجه بالاده بیان اولندیغی اوزره هوای
غایت موافق صحت اولدیغدن دائمی صورتهده بولنور بر خسته لغی
یوقدر فقط اوایلده تدابیر صحیه به عدم دقت و اعتنا دن ناشی طاعون

علتی صیق صیق ظهور ایدوب یک چوق مضراتی کوریلور ایدی
 از جمله میلادک یک سکز یوز اون ایکی سنه سنده وقوعبولان و باده
 درت بش ای ظرفنده یوز الی یک کشی وفات ایتش و یک یدی یوز
 الی برتار یخنده ظهور ایدن علت مذکوره ده دخی درت یوزیک ادم
 تلف اولش و نیجه یک خانه لر صاحبسز قالمشدر بونی متعاقب عظیم
 بر حریق وقوعبولوب شهر استانبولک جزؤ اعظمی محترق اولشدر
 (فاردیس)

از خلفای او طه ترجمه باب عالی

(قرنجه لرک صنعت و مدنی)

بر قرنجه یالکزجه اولدیغی حالده حشرات سائر قبیله دن غایت
 حقیر و ناتوان و نظر اعتباره النغه ناچسبان بر حیوان ایسه ده یوه سنده
 بر طاقم ابنای جنسیله مجتمع اولدیغی زمان (مور درخانه خو حکم
 سلیمان دارد) معنای احتشام انتماسی ناصیه حالده ظهور کلی ایله متحقق
 و منجلی اوله رق عقل و حکمت و سعی و غیرتله متصف بر هیئت افرادندن
 عادتاً بر شخص متمدن حکمنده در، کافه اطوار و حرکتلری لازمه
 یکجهتی و اتفاقی داعی قواعد حکمیه و بین الافراد فضائل اخلاق حسن
 محافظه سنی مؤدی اصول ادبیه مبنی در بونلر غایت مقدم و غبور بر
 طائفه در که صنعت و حجت و حب وطن و حکومتلری اولوب یشلرنده
 فساد و اختلال و جنگ و جدال و امثالی رابطه اتحاد ادنامر تبه خلل
 و یره جک بر کونه حال و حرکتلری وقوعبولمز، اشو مساعی و اقداملری

اوج مقصدك حصوله مصروف بونلر دخی مسكن و غذا تداركى
 و ابقای نوعدن عبارتدر. اشبو مقاصد ثلثه نك حصوله مدار اوله جق
 اسبابه تشبده فوق مای تصور ابراز مآثر عقل و اذعان ایدرلر.
 قرنجه لرا اوج صنف اولوب بونلردن ایکبسی ذکور ایله انا ثدر که ذکور
 يك قليل العدد و نسبتله جسم الجئه در و اناث کلیتوجه اولوب
 قطعدری کوچکدر و اشبو ایکی صنفك دخی قنادرلی واردر.
 اوجنهی صنف ارککلک و دیشیلکدن مجرد اولوب اصل چالیشان
 و بو طائفه نك جزو اعظمی تشکیل ایدن بونلردر. صنف مذکورک
 قنادرلی اولوب جسمتجه دخی دیگر ایکی صنفدن اصغردر.
 قرنجه لرك بر طاقی تجمع ایدرک یری قازرلر و طوپراغنی طیشارو
 چیقاررلر که اکثراً کورلدیکی وجهله بوندن تپه جکر حاصل اولور.
 بعده اطرافه طاغیله رق هر درلو حبوب و صمان و اوت جمع ایدوب
 هزار زحمت و تکلف ایله کتوررلر و اشبو نقل ایتدکلری شیر اکثراً
 کندو جسملرندن چوق بیوکدر. اشبو یوهلری یکدیگرینه کچیلور
 قغوشلردن عبارتدر. سهواً و یا خود قصداً انسان و یا خود
 حیوان ایاغی اشبو مسکنی هدم و تخریب ایتدکده در عقب تعمیرینه
 مباشرت و طوائف بشریه ده امشالی کورلماش درجه متحملانه
 و مقدمانه حرکت ایدرلر.

قرنجه لر ابتدای نشاءتلرنده دیگر بعض هوام کی بر قایچ کره تبدیل
 شکل و هیئت ایلد کلرندن انقلاب اخیردن صکره هواده جولان
 ایدن قنادرلی دیشیلریمور طاق ایچون یوهله کیررلر. بو بابده انلر
 طرفندن بعض مرتبه تردد و یا خود تأخر ظهور ایتدکده در حال
 عماله گروهی بونلری بالتخری جبراً کتوررلر و یورطلله وقتی کلدکده

وضع جمله انلره معاونت ایدرلر و بو یورطه لرذن حاصل اولان قوردلر چوق وقت حرکت ایده میوب اول مدته عمله طاقی بونلری بسلرلر. اشبو قوردلر تمام نشو و نما بولدقن صکره بر نوع قوزه ایچنه صارینوب بونک دروننده صوک دفعه اولق اوزره تبدیل شکل ایدرلر. اشته بین العدام قرنبجه یورطه سی دینلان شی اشبو قوزه لردر عمله طاقی کرک بو قوزه لک و کرک صحیح یورطه لک حسن محافظه سنه زیاده اهتمام ایدوب حسب الایجاب اوتیه برویه نقل دخی ایتدکلری دائماً مشاهده اولنور.

قرنبجه یاوریلری قوزه ایچنده اولدقلری وقت بونی کندولری یاره رق طیشارو چقیوب بو خدمت دخی عمله مذکوره یه محول اولدیغندن تمام وقتی حلولنده وظیفه مذکوره یی حسن ایفا ایدرلر. اشبو وقت کلنجیه قدر مذکور قوزه لری گاه هوایه و کونشه کوسترمک ایچون یونک خارجنه چیقارلر و گاه هوانک سوؤ تأثیرندن محافظه ایچون یوانک ایچنه نقل ایدرلر. و یاوریلر چیققدقه بونلری کندولرینک اکل وهضم ایتمش اولدقلری غدادن اطعام ایدرلر. قرنبجه لر قورد و بوجک وسائر هر درلو حیوان اتیه تغدی ایدرلر هله لاشه لری نوجهله صویوب کیکلری اوزرنده ذره قدرات براقدقلری معلومدر. فقط بونلریالکز لحوم ایله تغدی ایدر حیواناتدن اولیوب هر درلو حیوب و میوه و حلویاتی دخی زیاده سورلر. باغچه و خانه لر مزده ایراث ایتدکلری مضرات بو بایده شایان تأسف بر دلیلدن.

جناب حق پر یوزنده خاق ایتدیکی کافه مخلوقات ایچون حصوله کنورب بزم کندومزه حصر ایتک ادعا سنده بولندیغمن محصولاتدن اشبو مور ضعیف دخی حصه دار اولق استدکده عفو و صفح ایله

معامله ایلک بعض مرتبه حکیم اولغه متوقف و سفدی مرحومک
(میا زار موری که دانه کش است که جان دارد و جان شیرین خوش است)
قول حکیمانه سیله عمل ایتک شیئه انسانیته اوفقدرد، قرنجه لک
طلو شیلره اولان میل و انهماسکی فوق الغایه اولوب حتی بونک
تحصیلنده سائر حیوانات درجه اذعانک مافوقنده بعض وسائط
غریبه استعمال ایدرلر شویله که باله مشابه بر نوع طلو ماده حصوله
کتورر بر جنس کوچک حیوانک صیدینه کیدرلر و انلری طوتوب
یوهلرینه کتوره رک حبس ایدرلر و بزم سودلر یچون اینک و یکیلری
بسلدیکمز کی انلری بسلرلر.

متأخریندن علم حیوانات ایله اشتغال ایدنلر قرنجه لک اخلاق و مدنیتی
حقنده عند المتقدمین مجهول چوق شیلر کشف و تحقیق ایلشلردر.
قرنجه لک هر برهیت اجتماعیلری افرادی بیننده کمال اتحاد اولوب قبایل
مختلفه سی یکدیگری حقنده هر اسم مهمان نوازی یه دخی رعایت ایتلرینه
نظر اصف ممدوحه حب و وطنله متصف اولدقلری درکاردر. بونلر بعض
کره بری برینه اعلان حرب ایدوب بینلرنده صورت منتظمه ده محاربات
شدیده وقوع عباور شویله که محارب اولان طرفینک یوهلری وسطنده
بر محل کویا میدان محاربه اولق اوزره قرار ویریلوب اوراده الیوم
ملل متمدنه بیننده مرعی اولان اصول عسکریه وجهله مربع الشکل
اوله رق تجمع ایتدکن صکره کمال شدت و تهور ایله یکدیگری
اوزرینه هجوم ایدرلر. اخشام اولدقده طرفینینه صورت منتظمه ده
چکیلوب مجروحلرینی اردوگاهلرینه نقل ایدرلر و فرداسی کونینه
محاربه یه ابتدار ایلرلر. قرنجه لک غایت غریب و قواعد عسکریه یه
مطابق اولان شو حاللری طوائف بشریه نک حرکات خونریزانه

و معاملات غذا را نه لرینه تمامیه مشابه در . یکدیگر ندن اخذ ایتد کوری
اسرایی یوه لرینه کتوروب حبس و توقیف و اوراده بونلری یهور طه لرك
حسن محافظه سی و یاوریلرك تربیه سی کی بعض ایشلرده استخدا م
ایدرلر و مجروحینه صور عیدیه ایله مداوات ایدوب و مقتوللرك
اطرافنه طویلنوب کویا اظهار حزن و ماتم ایدر و یا خود اعاده
حیاتنه چالیشلور کی اوخشا یوب یالارلر .

بر منوال محرر قرنجیه لرك بو درجه فطانت و استعدادلری هیئت
اجتماعیه لرینه مخصوص اولوب بونلر حال انفرادده خصملری اولان
دیگر بعض حیواناته مقابله دن عاجزدرلر . از جمله قرنجیه ارسلانی
تعبیر اولنور بر نوع حیوان صغیر انلره غلبه ایدر ، اشبو حیوان
حشراتدن قنادلو و ظریف بر نوع حیوانک یاورسی اولوب قان ایله
تغدی ایدر و اکثرا شکاری قرنجیه در . قرنجیه ارسلانی دوه جک تسمیه
اولنور معهود حیوانه مشابه اولوب فقط بونک باشنده بر طاقم اوزون
بوی نوزلری واردر که آلات مشابه سنده استعمال ایدوب بونلر دخی
هیئت مخصوصه سنه تحول ایدنجیه قدر اجرا ایده جکی حرکاته
تمام موافقدن .

حشرات سائرهنک کند و شکارلرینی تعقیب ایتک ایچون قنادو یا خود
ایاقلری اولوب حیوان مذکور ایسه بو مقوله اعضادن بالکلیه محروم
اولدیغندن قطعاً یرندن حرکت ایتدیکی حالده شکارینی نزدینه
جلب ایدر شویله که شکارک کذرکاهی اوزرنده بر چقور قازه رق
ایچنده بوصویه یاتر و مترصد اولدیغی حیوانات مطابقاً ایچنده دوشر
اشبو حفره بی قوری قوم و یا خود طو پراق اوزرنده حفر ایدوب
کندوسی دخی ایچنده بالتصادف اورادن هرور ایده جک قرنجیه لرك

ورودينه کمال صبر و سکونت ايله منتظر اولور. اول امر ده چقورک وسعتنه کوره بر دائره چيز و چقورک عمقيه اشبو دائرنک قطري ياشنده بر نسبت معينه اولديغندن بر خيلي مقدار طپراغک حفر و اخراجي لازم کلوب اشبو عمليات مشکله يي حسب الشکل قازمه منابه سنده استعماله صالح اولان باشيله اجرا ايدرشويله که بر اياغيله قومي باشنه طولدير و ب خيلجه قوتله دائره دن طپشار و اتر. شو خاله نظرا جسامتنه نسبتله اعصابنده خيلي قوت اولسي لازم کلور. مقصدي حاصل اولنجيد يعني برق اچ سانتر مکعب طوپراق چيقارنجيه قدر عمليات مذکوره يي کمال مهارت و سرعتله تکرار ايدر. حفر اناسنده ايريجه قوم دانه زينه تصادف ايلديکي حالده انلري دخي باشيله قالدیرر اتر ايسه ده قوم دانه لري بو صورتله رفعي ممکن اوليه جق درجه ده جسيم اولور ايسه اول حالده ارقه سنه يوکليوب خارجه نقل ايدر. حيوان مذکوره اکثريا اشبو تشبثاتنده موانع قويه يه تصادف ايدرك مقصدينه دسترس اوله من ايسه ده قطعاً دوچار يأس و فتور اوليوب مطلبي حاصل اولنجيه قدر عزيمتنده ثبات و اصرار ايدر.

نهایت چقور قازيلوب تمام اولدقدن صکره بروجه محرر حيوان دروننده شکاره مترصد اوله رق اوتورر. برقرنجيه اشبو ورطه نك کارندن کچدکده قوم و يا خود توزدن عبارت اولان کاري منهدم اوله رق ايچينه دوشردر حال قرنجه ارسلاني بوينوزلريله اني طوتوب سرسم ايتک ايچون شدتله صالار. قرنجه برنقريب يقه يي قورتارهرق فرار ايلديکي حالده دخي اوزرينه بر چوق قوم صاچه رق دهشت ويروب توقيف ايدر. هر نه حال ايسه قرنجه دوشوب ارتق حرکت

مجالى قالدقده قانى امدرك اتلاف ايدوب لاشه سنى دخى چقوردن طېشارو
 آترو بعده مقاتله واقعه مناسبيله چقورجه حصوله كلان خرابيتى
 تعمير ايتدكدن صكره كلكان كينكاھنده شكاره منتظر اولور.
 حيوان مذكورك اشبو عيالاتى كندوسنه نسبتله حقيقه امور معظمه دن
 ايسده اصل شايان دقت بونك متضمن اولديغى صنعت و حساب
 وبصيرتدر. بونك فن معماری و اصول جنكاوریده اولان مهارت
 كامله سی صید و شکاريله اشتغال ایلدیكى قرنجیه قومنك صنایع
 غریبه لرینه مساویدر دینه یلور. فقط نزد ارباب رشد و نهاده
 توضیح و بیانه حاجت اولدیغى اوزره بونلرك صنعت و مهارتلى
 برجنس عمل و حرکتیه مخصوص اولوب عقل و ادراكدن محروم
 بولسان حیوانات سائره كى بشقه شایره مقتدر دكلردر، قرنجیه
 خصمنك كندوسی ایچون تهیئه ایلدیكى حفره هلاكى قطعاً تصور
 ایده مدیكى مثلاً قرنجیه ارسلانى دخى الك كوچك برصمان پارچه سنى
 نقلدن عاجزدر. سبحان من تحیر فی صنعہ سواه.

(منیف)

(خلاصه پوليٲيقه)

اوستريا و پروسيا ايله دانيمارقه دولتلى بېشنده براز وقتدنبرو ويانه ده
 در دست تنظيم اولان مصالحه عهد نامه سى تشرین نائينك اوتوزنده
 امضا اولمش و متعاقباً دخى دانيمارقه دولتى طرفندن تصدیق
 قلمشدر. معاهده مذكوره نك حاوى اولدیغى شرائط مهمه مواد

آيه دن عبارتدر: دانيمارقه قرالی شلزويق و هولشتاين ولاونبورغ
دوقه لقلري اوزرنده اولان كافه حقوقني اوستريا ايمپراطوري و پروسيا
قرالی حضراتنه ترك و تبرع ايدر. دانيمارقه نك مذكور دوقه لقلره
ترك ايتمش اولديغي بعض محلا ره مقابل اولق اوزره شلزويغك جانب
جنوبيلسنده واقع بعض يرلر دانيمارقه يه براغلمشدر. اوستريا و پروسيا
و دانيمارقه مأمورلرندن مركب بر قوميسيون معاهده واقعه وجهله
محلده تحديد حدود ايدجكدرد. دانيمارقه دولتنك ديون
موجوده سندن مذكور دوقه لر حصه سنه اصابت ايدن مبالغ سكسان
ايكي ميليون فرانك اولوب بونك دانيمارقه يه نوجهله تأديه اولمسي
اقتضا ايدجكي تعيين قلمشدر. اثنای محاربه ده دانيمارقه لونك
ضبط ايتمش اولديغي المانيا تجار سفائي و حوله سي هنوز صا تلامش
اولديغي حالده عينا اصحابنه اعاده سني و صا تلمش اولديغي تقدیرجه
لازم كلان بدلنك تضميني دانيمارقه تعهد ايتمشدر.

مذكور دوقه لقلرك اولوجهله المانيايه الحاقنه مبنی بونلرده خدمتدن
اخراج و يا خود تقاعد اولنه جق مأمورينه اقتضا ايدن معاشلر
مذكور دوقه لقلر طرفندن تسويه اولنوب بودخی سنوی اوچيوزيك
طالره يعنی تقریبا اون بيك كېسديه بالغ اوله جقدرد.

حشمتلو فرانسه و روسيه ايمپراطورلری كچن شهر تشرین ثاني
اواخرنده ايتالياده واقع نيسا شهرنده ملاقات ايدوب عزته لر بوكاپك
چوق معنار ویرمشلردر. فقط اصح رواياته كوره مشار اليهما يالكن
بر دفعه برايكي ساعت قدر تنه ساجه مصاحبت ايدرك بونده دخي
بعض مسائل حاضر هيه دائر صورت مطلقه ده مباحث جريان ايتمش
و بنأ عليه ملاقات مذكوره نك زمان حال پوليټيقي سنجه بر كونه تأثيری

اولیه جغی مجزوم بولمیشدر. بعد الملاقات ناپولئون حضرتاری سن قلوبه و الکساندر حضرتلری دخی برلینه عودت ایلمشدر.

مؤخر افرانسه وایتالیادولتلی بیئنده عقد اولنان معاهده معلومه دن عوما ایتالیا اهالیسی ممنون اولدقلری مثلاًو غاریبالدی دخی دولت متبوعه سنک شو حرکتی تقبیح ایتش و طرفداری اولان بعض ایتالیا عزته لری موعی الیه نامنه اوله رق خصوص مذکوره دائر نشر ایتش اولدقلری بر مکتوب فرانسه ایمراطوری ناپولئون علیه ندّه تحقیری متضمن بعض تعبیراتی مشتمل بولمیشیدی. ایتالیا دولتی اشبو ماده بی اصولی وجهله محاکمه سی اجرا اولنق اوزره لازم کلان محکمه یه حواله ایتش ایسه ده تورینده بولنان فرانسه سفارتی بو دعوا دن صرف نظر ایلمشدر.

اوستریا دولتک کله جک ۱۸۶۶ سنه سنه محسوب بو دفعه تنظیم اولنان موازنه دفترنده بشیوز قرق طقوز ملیون سکز یوز قرق ایکی بیک سکز یوز اوتوز بر فلورین مصارفات و بشیوز اون سکز ملیون درتیوز التمش بر بیک فلورین واردات کوستریلوب بنا علیه اوتوز بر ملیون اوچیوز سکسان بیک طقوز یوز سکسان فلورین اچیق کورنمش و اشبو اچیق تضمینات حریبه اوله رق دانمارقه دولتندن بر قاچ سنه ظرفنده ویریه جک اچقه الیه قیادلمشدر.

ماقائوشهرندن طولایی براز وقتدنبرو چین و پورتگیز دولتاری بیئنده تگون ایدن منازعه بی کندو بینارنده فصل و تسویه ایده مدکلرندن بو دفعه طرفین بالاتفاق خصوص مذکور حقنده فرانسه دولتی حکم اتخاذ ایتلمشدر.

معلوم اولدبغی اوزره مکسبککسانک حمدار سابق بولنان یواریس

مملکت مذکوره خلیجه وقتدنبرو ایمپراطور لغه منقلب اولمشیکن الیوم
حق حکومت دعوا سندن فراغت ایتیموب حکومت حاضره ایله
محارب بولندیغندن مومی الیه بر از وقتدنبرو پیدراس نغراس نام
مخلده تدارکات عسکریه یه تثبیت ایتمش اولدیغی حالده محل مذکور
اهالیسی عایینه قیام ایتلریله اورادن فرارایله اولجوارده واقع بعض
طاغله التجا ایتمش و الیوم رفاقتنده یالکز ایکی جنرال ایله بیک سکر
یوز قدر عسکر قالمشدر. شو حاله نظراً مومی الیهک ارتق بیهوده
اوغراشمقدن صرف نظر ایده جکی مأمولدر.

المانیا ممالکننده اوزان و اکیال پک مختلف اولوب بو ایسه معاملات
تجاریده مشکلات کلیه پی داعی اولدیغندن بودفعه ممالک مذکورهنک
کافه سنده اوزان و اکیالک برلشدیرلسی خصوصی بودفعه پروسیا
دولتی طرفندن دیت مجلسنه تکلیف اولمشدر. هر درلو طارتی و اوپلی
حقننده فرانسه ده جاری اولان اصول اعشاریهنک درکار اولان
فوائد عظیمه سنه مبنی بودفعه انکلتزده دخی اتخاذه پارلمنتوده قران
ویرلشددر.

پروسیا امور خارجییه ناظری موسیو بیسمارک بودفعه بر مأموریت
مخصوصه ایله پارسه کیدرک اوراده ایمپراطورو وکلاسیله ملاقی اولمش
و حقننده زیاده سیله مراسم مهماننوازی و احترامکاری ایفا قلمیشدر.
شو حاله نظراً مومی الیه فوق العاده بر مصلحت مهمه یه مأمور
اولدیغی اکلاشیلور ایسده بونک ندن عبارت اولدیغی غزته لرجه
هنوز مجهولدر.

روسیه دولتنک شمعی یه قدر تداوله وضع ایلدیکی اوراق نقدیهنک
مقداری طقوز یوز اون ایکی ملیون روبله یه بالغ اولوب بوکا قارشواق

اولق] ارزره موجود اولان مسکوکاتی دخی یالکز یتش اوچ ملیون روبله در. بو تقدیرجه قوائم نقدیه مسکوکاتدن ارن ایکی بچق قات زیاده دیمک اولور. روایت اولندیغنه کوره دولت مشار الیه امور مالیه سنک اصلا حیچون بالجله املاک میریه یی اجنبی صرافانه رهن ایتک نیتنده ایتش. املاک مذکوره دخی اوتوز بش بیک میل مربع امتدادنده اولوب طقوز ملیون اهالی یی شاملدر.

وندیک ایالتی داخلنده واقع فریول ناحیه سی ملحقانندن برمحله کچن تشرین ثانینک یکر می برنده غاریبالدی طاقی قیافتنده برچوق اشقیاء هجوم ایدرک محلی مال صندغنده موجود بولنان اجه یی غصب ایتشلر ویرینه برقطعه مقبوض سندی براقشلردر. اشقیای مرقومه نک یرلودن اولدیغی مؤخر اکلشلدیغی جهته حکومت طرفندن لدی التحریری اکثریسی اخذ وکرفت اولمشدر.

ژاپونیا اوزرینه سوق اولمش اولان انکلتزه و فرانسه دونماری بو دفعه اوراده خیلی غلبه یه مظهر اولمشلر ايسه ده اولحوالیده ظهور ایدن فرطنده دن ناشی کلی خساره دوچار اولوب بودخی درت بش ملیون کبسه تخمین اولمشدر.

امریقاده جنوبلور بو دفعه جس نهرینک جانب شمالیسنده شماللور اوزرینه هجوم ایدوب انلرک اوراده ضبط ایتش اولدقلری موقعدن دفعارینه هر نقدر بذل مجهود ایلشلر ايسه ده نهایت منهزما رجعت ایدوب بووقعه ده التی بیک قدر ادم تلف اولش و بونلرک ایچنده ایکی جنرال و برچوق ضابطان بولمشدر.



مجموعہ فنون سرماہ عربی نہایتندہ چیتا ریور

در سعادت ایچون ہاماسی

غروش ۶۵ برسندک

۳۵ الی ایلق

۰۶ برنسخه

برسنه لکنه و یا خود الی ایلغنہ مشتری اولق اسئلد کده یکی
جامع جوارندہ چیچک بازارندہ واقع جمعیت علیہ عثمانیہ
مرکزینہ مراجعت اولنہ . ایالاتدہ مشتری اولق استیانتلرفیئات
مذکورہ اوزرینہ مسافہ نک قریت و بعدینہ باقلمیوب بریلاق
ایچون الی والی ایلق ایچون اوچ غروش پوستہ اجرتی ضمیلہ
اچہ سنی پوستہ یہ تودیعاً جمعیت علیہ عثمانیہ ریاستی طرفنہ
کوندردکلری حالده اوقات معینہ سندہ محلنہ ایصال اولنور

ممالک اجنبیہ ایچون مسافہ سنہ کورہ لازم کلان پوستہ اجرتی
ضم اولنور

تفرق صایمان محالہ

جغفال اوغلندہ صوجی	جمعیت مرکزی
بک اوغلی جادہ سندہ صحاف	صوافلر کتخداسی حلبلی حاجی
کولر نوهر و ۳۲۳	حسین افندی
الاجہ جامدہ سرکی عثمانی	سلطان بایزیددہ کاغذچی حافظ
اشیاسی صاتان یوسف افندی	اسماعیل افندی

مجموعہ فنونہ دربی مراد او تمان مواد مناسبت بہ جمعیت مرکزیہ

ارسال بیوریہ

(تاریخ قدمای ملوک مصریه)

بطلمیوس فیسکون

بروجد مسطور بطلمیوس فیلمتور وفات ایلد کده زوجہ سی قلیوپا تر
اوغانی مسند حکومتہ اجلاس ایتک استیوب اہالی دخی بو بابدہ
مساعد بولنش ایسہدہ متوفانک برادری اولوب صورت حالی بالادہ
محرر بطلمیوس فیسکون حق سلطنتی ادعا و بودخی برچوق طرفدار
پیدا ایتدیکندن روما جہوری سفیرینک توسطیلہ و فیسکون ہمشیرہ سی
و برادرینک زوجہ سی اولان موی الہم قلیوپا تری تزویج ایتک
ویکنی تربیہ ایلہ ولی عہد اتخاذا ایلک شرطیلہ منازعہ مذکورہ مندفع
اولش ایسہدہ فیسکون اشبو عہدینہ وفا ایتہ رک ہمان ولیمہ کونی
مذکور چو جخی قتل ایتدیردی . مشار الیہ ہر نقدر فسق و فجور
ایلہ مشغول ایسہدہ امور مملکتی اصحاب اہلیت واستقامتدن ہیراقس
نام وزیرینہ تفویض ایلدیکندن ابتدای حکومتندن یدی سنہ
ہرورینہ قدر مملکتک اسایشنہ خلال کلیدی . فقط بوندن صکرہ برقات
دہا عبش وعشرتہ انہماک ایتدکدن بشقہ متوفی برادرینک
بالجملہ طرفدارلرینی اعدام وسفاہت واقعہ سنک مستلزم اولدیغی

مصارف کلیده مقابل اولی اوزره اموال رعایایه دست تعدی بی
 درازایدوب بو بیده نظم حال ایدنلری دخی قتل ایتدیرایدی . بنابرین
 اصحاب ثروت و سامان و ارباب فنون و صنایعدن و سائر اهالیدن
 يك چوق کسان ترك دیار ایله آسیا و یونان و ایتالیا طرفلرینه هجرت
 ایلدیلر . اول اثناده روم اطرفندن مصره بر سفیر کلوب بوتک اوراده
 بولندیخی مدتیجه ملک مشار الیه بعضی مرتبه اصلاح حال ایش
 ايسده سفیر مومی الیه عودت ایلدکده ینه حرکات سابقه سنه ایتدار
 و حتی زوجه سی قلیو پاتری تطبیق ایله کندی برادر و همشیردزاده سی
 اولان مومی الیهاتک قزینی تزوج ایلدی . اهالی ارتق مشار الیهک
 مظالم واقع سنه طاقت کتوره میهرک رفع لوای عصیان ایشلرایسده
 خدمتنده اولان عساکر اجنبیه اعانه سیله تسکین فساد ایتدکدن
 صکره اسکندریه ده نقدر کنج و دیج ادم وار ایسه آت میدانی نام
 محله جمع ایله کافه سنی قتل ایتدیردی . بوتک اوزرینه اهالی تکرار
 عصیان ایدرک ظالم مشار الیهی احراق بالنار ایتک اوزره مشعله لره
 سراینه هجوم ایتدیلر . فقط هر نصل ایسه تخلص کریبان ایدرک
 مطلقه سندن اولان منفیس نام اوغلنی و زوجه جدیده سنی بالاستحصاب
 قبریس جزیره سنه فرار ایلدیکندن اهالی زمام حکومتی مشار الیهک
 مطلقه سی اولان سالف الذکر قلیو پاتریدینه تسلیم ایلدیلر .
 مشار الیه فیسکون دوچار اولدیغی اشبو فلاکتی مطلقه سنک تحریک
 و افسادینه جل ایلدیکندن بوئدن طولانی اخذ انتقام مقصدا
 مشار الیهادن اولوب رفاقتنده بولسان اوغلنی قتل و جسدینی پاره
 پاره قطع ایله بر صندوق درونه موضوعاً اسکندریهیه ارسال ایدوب
 بر ضیافت اثناسنده مشار الیهیه تقدیم ایتدیردی . شو حرکت بر

قائدها حقنده اهالىك بغض و نفرتنى دعوت ايلدى . بونى
 متعاقب مشار ايد اجانبدن عبارت بر اردو ايله مصر اوزرينه كلى
 واهالى هر تقدیر عموماً بالاتفاق مقاومتہ ابتدار ايلش ايسهده
 عنوة حكومت مصر يه يى تكرار ضبط ايلشدر . زوجہ سى مشار
 اليهانك ينه قليوپا تر نامنده اولان قزى بالاده بيان اولنديغى وجهله
 برالشام حكمدارى ديمتريوسك زوجہ سى بولنديغندن حكمدار مشار
 اليه قاين والده سنہ امداد ايتك اوزره بر اردو ايله مصره كلى ايكن
 برالشام طرفنده اختلال وقوعنه مبنى مملكتنه عودته مجبور اولمش
 ايلدى . بروجہ محرر مشار اليه فيسكون حكومت مصر يه يى تكرار
 ضبط ايتد كده ملكة مشار اليها برالشام طرفنه فرار و دامادى زرينه
 التجا ايلش اولسيه بو كيفيت مصر و برالشام حكمدارلى بيننده
 خصوصتى داعى اولدى . بواننده اسكندريه لو براسكيچنك اوغلى
 اسكندر زينا نام بر شخص بالاده اعدامى بيان اولنان اسكندر بللايك
 كويا اوغلى اولديغنى ادعا و بر چوق طرفدار پيدا ايدرك برالشام
 ملكى ديمتريوس ايله محاربه قيام ايلديكندن مصر حكمدارى بو
 حاديه يى اخذ انتقامه تمام فرصت عديله مر قوم اسكندره اعانه
 ايتك اوزره برالشامه عسكر كوندردى و شخص مر قوم برالشام
 حكمدار ينى خلع ايدرك زمام حكومتى اله ايلدى . بوندنصكره مصر
 الكاسنده فيسكونك مظالم و تعديات بى نهايه سنہ علاوة برده مثلى
 نام بوق درجہ ده چكر كه ظهور ايدوب هر طرفده تلف اولديغندن
 بوندن حاصل اولان تعفتك داعى اولديغى و باعلتى مملكتى بتون بتون
 خراب ايلدى . مشار اليه فيسكون بكرمى طقوز سنہ حكومت ايدوب
 يمش اوج ياشنده اولديغى حالده وفات ايلدى .

بطلمیوس لاتیر و اسکندر

حکمدار سابق فبسکون میلاددن یوز اون الی سنه مقدم وقوع
وفاتنده اوغلاری اولان بطلمیوس لاتیر ایله اسکندر دن قنغیسنی ترجیح
ایدرایسه حکومتی اکاتسلیم ایتک اوزره امر انتخابی زوجة اخیره سی
قلیوپاتره حواله و مصرک جانب غریبسنده واقع سیرنیانک ایالتی دخی
بطلمیوس اپویه نام ولد نامشروعنه ترک ایلش ایدی . مشار الیها
دخی کوچک اوغلی اولان اسکندرک حداثت سنه مبنی مومی الیه
حکمدار اولدیغی حالده زمام حکومت نوعما کندو النده بولنه جغی
ملاحظه سیله بونی اجلاس و بیوک اوغلانی قبریس اطه سنه والی
تعیین ایلش ایسده مشار الیهانک شوحرکتی موافق حقانیت اولدیغی
جهتله کبرای ملت اتفاق و بیوک اوغلی لاتیرک ینه اسکندریه یه جلبیله
مقام پدره اجلاس و کوچک برادری اسکندرک دخی انک یرینه قبریس
جزیره سنه تعیین و اعزامی حقنده مشار الیهایی اجبار ایتدیله .
لاتیر مقدم تزوج ایلش اولدیغی قلیوپاتر نام همشیره سنی تطلیق ایله
سیلین اسمنده دیگر همشیره سنی تزوج ایلدیکندن مطلقه هر قومه
برالسام طرفه کیدوب خطه مذکوره حکمداری بولنان انطیوکوس
غریپوسک برادری دوسیریک نام ذات ایله تزوج ایلشیدی . مومی الیه
انطاکیه شهرنده برادری علیهنه برفساد چیقاردیغندن حکمدار مشار
الیه شهری مذکوری حصر و تضییق ایدوب و هر قوم قلیوپاتر دخی
زوجی شهرده بولمادیغی جهتله مقاومت مقتدر اوله میوب انطیوکوس
ایله معاهده ایدرک کندوسنی و شهر مذکوری تسلیم ایلدی . حکمدار
مشار الیهک زوجة سی تریشین مومی الیه قلیوپاتری اعدام ایتدیردیکندن .

مقتواه نك زوجى دوسيريك دخى اخذ انتقامه قيام و برادرى
 ايله محاربه و غلبه ايدرك مومى اليها تريغنى اخذ و اعدام ايلدى .
 مصر ملكى لاتيراشبو دوسيريك ايله عقد اتفاق ايتديكندن اول
 ائشاده برالسام حكومتى داخلنده بولسان يهوديلر عصيان ايتسيك
 يهوديلر ملكى بولسان يوحان هيركان شو اختلالى فرصت اتخانايله
 دوسيريكك تحت تصرفنده اولان ساماريه شهرينى محاصره ايلكله
 مصر ملكى متفقك امدادينه عسكر ارسالنه ابتدار ايدوب انجق
 وكلاسندن والده سنك معتمدى اولان ايكي يهودى ملك مشار اليه
 بو نيتدن صرف نظر ايتديرمكه سعى ايتشلر ايسه ده مشار اليه كرك
 بو خصوصده و كرك ديكر مصالحده والده سنك راي و نصيحتته
 احاله سمع اعتبار ايلديكندن مومى اليها بوندن زياده منفعل اوله رق
 اوغلى مشار اليهك خايله يرينه كندوسنه مطيع كورينان ديكر اوغلى
 اسكندر ك مسند حكومته اقعادنى تصميم و بركون كند و خدمه سندن
 برقاچ كشي بى جرح ايتديروب بونلر ايله اسكندريه سوقاقلرنده
 فرياد و فغان ايدرك كويا ملك كندوسنى قتل ايتديرمك ايچون اوزرينه
 ادملر كوندرمش و مدافعه ايدن خادملرى اولوجهله مجروح اولمش
 اولديغنى اشاعه و اعلان ايلديكندن اهالى شو صنيعه بى حقيقته حل
 ايله عصيان ايدرك حكمدارى خلع و زوجه سنى اسكندريه ده توقيف
 ايله كندوسنى قبريس اطه سنه طرد و ابعاد و يرينه برادرى اسكندرى
 مسند حكومته اقعاد ايلديلر . مشار اليه لاتير دوچار اولديغى اشبو
 فلاكتلىرى يهوديلره اسناد ايلديكندن بر مقدار عسكر جمع ايدرك
 يهوديلر ملكى بولسان اسكندر عليه نه اعلان حرب ايلدى و شاريه
 نهري ساحلنده طرفين بيننده عظيم بر محاربه وقوع بولوب بو وقعده

اسکندر مغلوب و اوتوز بیک قدر یهودی عسکری مقتول اولدی .
 ژوزف و استرایون نام مؤرخلرک روایتنه کوره بو محاربه ده لاتیر
 طوتیلان اسیرانک کافه سنی قتل و لاشه لرینی عسکرینه اکل ایتدیرمشدن
 اشبو حرکت وحشیانه صفت انسانیتده مغایر اولدیغی جهتله شایان اعتماد
 کورنمز ایسه ده اول وقتلرده ارتکاب اولنان انواع حرکات غدارانه یه
 نظر آبونک دخی وقوعی عقلا بکده استبعاد اولنه من . بوندن صکره
 مصرملکی بولنان اسکندر طائفه یهوددن بولنان و کلاسنگ والده سی
 واسطه سیله وقوعبولان تشویقی اوزرینه براردو ترتیب ایدرلک و والده سی
 دخی برابر الهرق برادر یله محاربه ایتک اوزره برالشام طرفنه عزیمت
 و اثنای راهده اسکندر نام اوغلنی استانکوی جزیره سنده ترک ایلدی .
 اول اثناده لاتیر عسکرا شهرینی محاصره ایتدیکندن مصرملکی
 کندوسیله محاربه و غلبه ایتکله لاتیر اورادن یقایی قورتاروب
 برادرینک غیبوبتی اثناسنده مصر حکومتی ضبط ایتک اوزره
 اسکندریه یه کتمش ایسه ده اهالی کندوسنی قبول ایتدیکندن تحت
 اداره سنده بولنان قبریس جزیره سنه عودت ایلدی . قلیوپا تر
 اوغلی لاتیرک شامملکی انطیوکوس غریپوس علیهنده بولنان برادری
 انطیوکوس دوسیریک ایله اتفاق ایلدیکنه مبنی دیگر اوغلی اسکندری
 شامملکنک امدادینه ارسال و حتی لاتیرک زوجه سی اولوب مقدا
 اسکندریه ده الیقونلش اولان سیلین نام خاتونی ملک مشارالیه تزویج
 ایلدی . قلیوپا تر حرص و طمعی غالب بر ادم اولوب بویولده هر
 دراو قبایحی ارتکاب ایلدیکندن امدادینه کتمش اولدیغی یهودیلر
 ملکی نزدنده مسافر اولدیغی حالده مشارالیه قتل ایله مملکنی ضبط
 ایلکی تصمیم ایدوب فقط و کلاسی اشبو نیت فاسدکنک اجرا سندن

کندوسنی منع اینستلردر . بوند نصکره مصر ملکی اسکندر والده سیله
برابر اسکندریه عودت ایلد کده والده سنک اوضاع متحکمانه سندن
دلیکیر اوله رق زمام حکومتی ترک ایله آحاد ناس منزله سنه تنزله دخی
راضی اولمش ایسده والده سنک کندو علیهنده سو قصد ایده جگنی
استخبار ایتمکله مومی الیهایی کندوسی قتل ایتدیردی . بونک اوزرینه
اهالی عصیان ایدرک ملک مشار الیهی خلع و طرد و برادری لاتیری
قبریس اطه سندن جلب ایله یرینه اجلاس ایتدیلر . بواثناده
حکمدار اسبقک سالف الذکر اوغلی بطلمیوس ایون وفات ایدوب
تحت تصرفنده اولان سیرینایک ایالتی باوصیتامه روما جمهورینه
ترک ایلدی .

مشار الیه لاتیر برمنوال محرر مسند نشین حکومت اولدقده مصرک
جانب جنوبیسنده واقع صعیده اختلال ظهور و ملک سابق اسکندر
دخی گروه عصات ایله اتحاد ایدرک ملک لاحق اوزرینه کیدوب
غلبه کلیه مظهر اولدیلر . بو وقعه ده مشهور تب شهری خراب
و انشای محاربه ده اسکندر دخی مقتول اولدی و بوندن برار وقت
صکره لاتیر دخی وفات ایلدی . بونک مدت حکومتک نصف اولی
والده سیله مشترک اولدیغی حالدده اون برو نصف ثانسی بش سنه
اولوب قبریس اطه سنده دخی اون سکر سنه اجرای حکومت
و حین وفاتنده امر حکومتی قلیو پاتر نام قزینه وصیت ایلدی . فقط
بالاده بیان اولندیغی اوزره متوفانک برادری اسکندر برالشام طرفته
کیدر ایکن کذلک اسکندر نامنده و بش یاشنده براوغلی استانکوی
جزیره سنده برامش اولدیغندن ایوم طربزون و اما سیه ایالتلرینی مشتمل
اولوب یوننوس قعیر اولان الکاکک میتریدات نام ملک مشهوری اول

انواده جزیره مذکوره پی فتح و تسخیر و طفل مصر قومی دخی اسیر
ایتمشیدی. بر مدت صکره ملک مشار الیهک ممالکنی روما اردوسی
سر عسکری سیلا ضبط و استیلا ایلدیکندن مذکور چوجخی دخی
رومایه کوندرک اوراده تربیه ایتدیرمش اولسیله مؤخرأ مصرملکی
لاتیر برمنوال محرر وقوع وفاتیه امر حکومت قزی قلیو پاتره انتقال
ایلدیکندن و اول انواده جنرال مومی الیه دخی روما جمهوری رئیس
بواند یغندن حسب الوراثة اسکندری پدری مقامنه اجلاس ایتک
استیوب بوندن ظهوره کلان منازعه قلیو پاترک اسکندره تزویجیه
برطرف ایدلمش ایسه ده ولیمه دن اون طقوز کون صکره اسکندر
زوجه سنی قتل ایدرک زمام حکومتی ید استقلالنه الدی.

(مابعدی صکره) (خلیل) (محمد جیل)
سفیر پترسبورغ سفیر کبیر پارس

(کشف منبع نیل)

تلك منبعنی کشف ایتک اوزره لوندره جغرافیا جمعیتی طرفندن مأموراً
بر قایق سنه مقدم افریقایه عزیمت ایتمش اولان ذوات ایضای مأموریتله
مؤخرأ عودت ایتمش و بونلرک اولبایدن نشر ایلدکلری سیاحتنامه
افریقای شرقی حقنده پک چوق معلومات مفیده پی شامل بولنمش
اولغله خلاصه مالتک بروجه اتی ترجمه و تخریرینه ابتدار اولنور.
کره ارضده بولنان انهار کیره دن نیل قدر شایان دقت و اهمیت
اولانی پک ازدر: نهر مذکور هر نقدر جسامتجه برنجی دکل ایسه ده

بعض احوال عجیبه سی و زراعت و حراثت حقنده اولان حسن تأثیر و فوائدی جهتیله انهار سائرتهك جمله سنه تقدیم اولنه بیلور. نیل عموماً خطه مصریهك سبب احیاسی اولوب بالخصوص دلتا (۱) تعیر اولنان اك زیاده منبت و معمور قطعده سی دخی انك سایه سنده تكون ایتمش و نیل اولسه افریقانك قابل سکن اولیان سائر چوللرندن مصركه هیچ بر فرقی اوله میه جنی درکار بولمشد. فیضانی اثناسنده نهر مذکور صوینك طبیعتیه و یا خود خاصه حفر اولنان جدوللر واسطه سیله واصل اولدیغی قودلیق و زراعتیه غیر قابل اولان یرلر فرق الغایه منبت اراضیه تهحول ایدوب چول ایکی طرفندن نهر مذکور صوینك واصل اوله مدیغی نقطه دن بدأ ایدر. انهار سائرتهك طغیانی اکثریاً هرور ایتدکلی مملکت حقنده مصائب دن معدود اولدیغی حالده نیلک فیضانی پك بیوک بر نعمت اولوب مصر اهالیسنك وجودی بوکا متوقفدر. بنأ علیه تاریخ میلاددن مقدم مصرده متمکن اولان اقوام نهر مزبوری بر خالق عمیم النوال منزله سنه اصعاد ایله اکا عبادت ایدرلر ایدی. نهر مذکور خطه مصریه داخلده ایکی بیک درتیوز الی کیلومتر (۲) یعنی مشی

(۱) نیل بحر سفیده منصب اولورکن باشلیجه ایکی قوله منقسم اولور. اشبو ایکی قول اراسنده واقع مثلث الشكل اراضی وسیعه یونان حروف هجاسندن دلتایه مشابه اولدیغی جهته اولوجهله تسمیه قلمشد. اشبو قطعدهك موقعی فی الاصل دکن اولوب هرور زمان ایله نیل طولدیرمشد. قطعه مذکوره الیوم مصرده بحریه اسمیه معروفدر.

(۲) بر کیلومتر و ذراع عثمانی ایله تقریباً بیک اوچ یوز ارشوند.

معتدل ایلہ تقریباً الی یوز ساعتک مسافہ قطع ایندیکی حالده کویا
 میاه اجنبیه یی اخذه تنزل اینیور کی درونه دیگر بر صوقار شمن
 نهر مذکورک الحاله هذه دخی هر نقدر زیاده اهمیتتی وار ایسه ده
 ایلروده فنون و تجارتک توسعیه منبعندن مصبته قدر سیر سفائنه
 قابل اوله جق بر حاله کتور یلور ایسه فوق الغایه کسب اهمیت ایده جکی
 تعریفدن مستغنیدر. زیرا اوروپا واسبا اهالی متقدمه سیله افریقاک
 مدار جدی و مدار سرطان ارازلنده متمکن اهالیسی بیننده اختلاط
 و تجارتیه مدار اولق اوزره نیلدن بشقه محال مسکونه دن مرور
 ایدر طریق یوقدر.

نهر مذکورک بر منوال مشروح اهمیت وفوائدی فوق الغایه اولدیغی
 حالده الی یومنا هذا منبعی مجهول اولوب ایکی بیک سنه دنبرو بوبابده
 صرف اولنان مساعی و اقدامات بر فائده یی منتج اوله مامشدر.
 میلادک اینکچی قرنی اوائلنده وقتنه کوره علم هیئت و جغرافیاده
 مهارتله شهر تشعار اولان بطلمیوس نهر مذکور منبعی افریقاک
 مشهور طاغلرندن جبال قر ارازلنده واقع کولار اولوب بونلر دخی
 باشلیجه جبال مذکوره دن نزول ایدن قارصولرندن حاصل اولدیغی
 علم جغرافیاده تألیف کرده سی اولان کتاب مشهورده بیان ایلش
 ایدی، اولوقتنبرو منبع مذکورک کشفی ضمننده تحریات و تشبثاتک
 ارقه سی کسلیموب بالخصوص الی سنه دنبرو بوبابده فوق الغایه سعی
 و اهتمام اولمشدر. اوروپا جمعیت علمیه لری طرفندن وقوعبولان
 تشویقات اوزرینه مصر والیسی اسبق محمد علی پاشا طرفندن
 بالدفعات مأمورلر ارسال اولمش و بونلر نهر مذکور واسطه سیله
 منبعنه قدر کتمکه چالیشوب هر نقدر نیلک باشلیجه شعبه لرندن یکی

الارض تعبير اولنان نهر ك منبعنى كشف ايلسار ايسده اثنای راهده
تصادف اولنان مشكلات و مخاطراتدن ناشى بحر الايض تسميه
اولنان نهر اصلى منبعك كشفى ممكن اوله مامش ايدى . فقط مشكلات
واقع ارباب غيرته ايرات فتور ايتد كدن بشقه معظمات امورك
شرفى صعوبت و مشكلاتى نسبندده بولنديغندن ابقای نام ارزوسى
تازيانه شوق و غيرت اولديغى جهته نهر مذكور منبعك كشفى
شرفه نائل اولق داعيه سنده بولنان اصحاب همتدن موسيو دارنود
۱۸۴۱ سنه سنده نهر مذكور دن منبعنه طوغرى ذرت درجه اون بش
دقيقه عرض شمالى يه قدر كیده بيلش (۱) و يولده پك چوق مخاطراته
دوچار اولش ايسده ينه ما يوسا عودت ايتشيدى .

مومى اليه صكره خرطومده (۲) قونسوس و كيلي بولنان ساردنيالى
موسيو برون روله نهر اصلى ظنيله بحر الميسلاب تعبير اولنان نهر
سواحلنه دائر بعض تحقيقات اجرا ايتش ايسده نهر مذكور نيل
اصلى اولدق دن بشقه باشليجه شعبه لر دن دخى اولديغى مؤخرأ
تحقق ايتشدر . ۱۸۵۴ سنه سنده قوندوقور (۳) شهرنده بولنان

(۱) نيلك مصبى اوتوز ايكي درجه عرض شماليده واقع اولديغندن
موسيو دارنود منبعنه طوغرى يكرمى سكر درجه اون بش دقيقه لك
يعنى خط مستقيم اوزره حساب اولسه مشى معتدل ايله تقريباً ذرت
يوز سكسان بش ساعتك مسافه قطع ايتش ديمك اولور .

(۲) خرطوم اون بش درجه عرض شمالى و اوتوز درجه طول
شرقيده واقع اولوب سودانك الك بيوك شهرلر ندر . قاهره ايله مابنى
مشى معتدل ايله تخميناً اوچيوز ساعتك مسافه در .

(۳) قوندوقور بعضاً دخى قوتدار تسميه اولور . اون ايكي درجه

اوستریالی پایاسلردن موسیو کنلوبلشر اویچ درجه قرق دقیقه عرض
شمالی به قدر نیل اوزرنده کیدوب اوراده نهرک ایکی طرفنده متمکن
بولسان باری قبيله سندن یوقاری طرفلرک احوالی سوال ایتدکده
برای قدردها کیدر ایسه نیل بر قاق شعبه یه منقسم اوله رق عمقی پک
ازاله جغندن ایلرویه نهر اکیدلک قابل اوله میه جغی خبرویرلدیکندن
مومی الیه عودته مجبور اولمش و مؤخر اقول مذکورک عدم صحتی
تبین ایتشدرد. محمد علی پاشا مرحوم طرفندن کوندریلان مأمورلر
مشکلات واقعہ نك دفعنه مدار اوله جق اسباب سفریهاری سائرلرندن
زیاده مکمل ایکن اویچ درجه یکرمی ایکی دقیقه عرض شمالی بی
تجاوز ایده مامشدر. محل مذکور نیانزا کولندن نیلک چقیدیغی
موقعه مشی معتدل الیه تخمیناً یتش بش ساعتک مسافه در.

اورالرده بر قاق شدید اقلدی به تصادق ایدوب نیلک صوینی دخی
دائماً بر قرارده مشاهدده ایلدکلرندن منبعه تقریدن مایوس
اوله رق مصره رجعت ایلدیله.

اولوججهله هر نقدر سر منزل مقصوده وصول مبسر اوله مامش
ایسه ده بر عنوان مشروح وقوعبولان تشبثات و تحریات بالکلیه بی ثمره
دخی قالمامشدر. چونکه تشبثات مذکوره دن منبع نیلک خط استوا
تحتنده و یا خوددها ایلرو جنوب طرفنده بولندیغی اکلاشلدیغندن
منبع مذکورک کشفی ایچون شمعی به قدر اجرا اولندیغی کی شمالدن

اوتوزدرت دقیقه عرض شمالی و اوتوز بش درجه اون دقیقه
طول شرقیده واقع بر شهر اولوب الی بیک نفوسی حاویدر. اهاپسنک
اکتریسی خرسیان اولوب افریقاده بتپرست اولنلری دین عیسوی به
دعوت ایچون اوروبادن کیدن پایاسلرک مرکزیدر.

جنوب طرفه طوغری کتمکدن ایسه افریقانک طرف شرقیسندن
حرکتله غرب طرفه طوغری عزیمت اولنسه حصول مقصد ده
سهواتله مبرر اوله جغی استدلال اولمشدر، افریقاده خرسسیان
مذهبیک نشرینه مأمور رهبان کروهندن زنکیارده بولنان المانیالو
بعض پاپاسلرک تحقیقات اخیره سیله دخی طریق مذکورک رجحانی
ظاهر اولمشدر. هر قوملرایینلرنجه خدمت مقدسه عدايتدکری
وظیفه بی ایفا صره سنده فن جغرافیايه دخی خدمت ایتک و برسر
خنی حکمنده بولنان منبع نیلی کشف ایله ابقای نام ایلک ارزوسیه
بالدفعات افریقانک ایچرولرینه طوغری عزیمت ایتش و بعض
سیاحلرنده معلومات وافیله استحصالیچون بر قایق قوله منقسم
اوله رق افریقانک خلی یلرینی کشت و کذار ایدوب اولوقته قدر
مجهول بولنان (اوکامبانی) و (اوزامبارا) مملکتلرینی کشف ایلشدر.
مملکتین مذکور تیندن برنجیسی افریقانک بحر محیط هندیده واقع
لیمانلردن مومبارک شمال شرقیسنده و ایکنجیسی جنوب طرفنده در.
بولنارک ایکسیده خط استوا ایله بش درجه عرض جنوبی یلینده
واقعدر. ۱۸۴۸ سنه میلادیه سنده سالف الذکر پاپاسلردن موسیو
ریمان ایکنجی مملکتدن هرور ایدرک تایتا طاغلرینه واصل و تاغا
تسمیه اولنان اک یوکسک محله قدر چیقوب اورادن تپه سی قارایله
مستور اولان (کیلیانجارو) طاغنی الی التمش کیلومتر و مسافه دن
مشاهده ایلشدر. بر سنه صکره هر قومک رفیق دو قنور کراپفیک
چوق مشکلات و مخاطراته دوچار اولدیغی حالده الی یدی یوز
کیلومتر و مسافه ده ایلرولوب اوکامبانی مملکتک شمال غربیسنده
برنجی درجه عرض جنوبیده و ساحلدن اوچ یوز کیلومتر و مسافه ده

تیه سی قار ایله مستور و جوارنده برینار طاع بولسان کینا اسمند
دیگر برجیل کشف ایش ایه ده خسته لقدن ناشی ایلر و کیده میه رک
عودته مجبور اولمش ویرینه دو قنور ارهاد نامنده دیگر بر ذات تعیین
ایدلشد.

دو قنور ارهاد ایچلرنده سیاحت ایده جکی قومک لسانی او کریمک
ما موریتجه پک چوق سهولتی موجب اوله جغنی یلیدیکندن اول
امر ده بحر محیط هندی ساحلنده واقع اولوب مملکتک ایچروسنه
آمد شد ایدن کاروانلرک هر کزی بولسان نونغا شهرینه عزیمت
و اوراده الی ای قدر اقامتله عرب و زنجی تجارینک اکثریسیله
اختلاط و الفت ایدرک تحقیقته ما مور اولدیغی محله ده دائر تجار هر قومه دن
پک چوق معلومات مفیده اخذ و اولدیجه لسانلرینی تعلم ایلد کدن
صکره رفیق ربمان ایله برلشدرک افریقانک ایچرولرینه طوغری بر
قاج دفعه عزیمت و تحقیقات کافیه بی بعدالاجرا بالاتفاق برخریطه
ترسیم و تنظیم ایتلشدر. خریطه مذکوره ده افریقای شرقینک
سواحلی ایله یکر می بر درجه طول شرقی اراسنده واقع ویدی درجه
عرض شمالیدن اون بش درجه عرض جنوبی یه قدر ممتد اولان
محله کوسترلشدر. خریطه مذکوره ده کندیلرینک و دو قنور کراپفک
بالذات کشف و تحقیق ایلدکاری یرلری کوسترد کدن بشقه اعتماد
ایتدکاری استخبارات اوزرینه دخی بعض مملکتلر تخریر ایش وحتی
اویناموزی مملکتک طرف غریبسنده شمالدن جنوبه طوغری اون
درت درجه امتدادنده و تخمیناً قرق بیك مربع ساعت وسعتنده
بردکن ارائه ایشلر ایدی. فقط اورالرده او یله بردکن اولدیغند دائر
اولوقته قدر اصلا مسوعات اولدیغندن خلق بوکا اعتمادده تردد

ایتمش و جغرافیوندن بعضیاری خریطه مذکوره نك صحته ذاهب
اولشلار ایسه ده اکثریسی رد ایتمشلر ایدی . مؤخرأ بونك دکر اولیوب
نیلك منبعی عد اولنه ییلان کوللر اولدیغی و هر قوم پاپاسلرک خریطه یه
اولوجهله یاکلش تحریر ایملری کندولری اورالره قدر بالذات کیتیبوب
یراولردن اخذ ایتدکلری معلومات غیر صحیحهدن نشأت ایلدیکی
تحقیق ایتمش بووجهله جبال قرارالنده متعدد کوللر بولندیغی حقنده
بطلمیوس روایتک صحتی تبین ایلمشدر .

خریطه مذکوره هر تقدیر ناقص ایسه ده پك چوق معلومات مفیده یی
شامل اولدیغندن کندولر ندنصکره اورالرده سیاحت ایدنلرک زیاده سیله
ایشلرینه یرامش و موسیوریمان و رفقاسی معرفتیه کشف اولنوب
فقط کرکی کی تحقیق اولنه میان کینا و کیلیمانجارو طاغلرینک موقعلری
زده در ووجسامت و ارتفاعلری تقدردر . عجبا بونلر دیگر جبال منسلسه یه
مر بو طمیدر و مملکتک داخلنده شعبه لری وارمیدر و نیلك منبعی عد
اولنان کوللره صوویران جبال متفرعاتند نمیدر جغرافیون بورالرینک
تحقیقنی مراق ایلمش اولدقلرندن التی سنه مقدم لوندره جغرافیا
جمعیت علمیه سی مذکور کوللرک بولندیغی محلا ره قدر کیدرک وسعت
و شکل و عمقلرینی و سطح دریادن ارتفاعلرینی تحقیق و طاغلرک
موقعلرینی و شعبه لرینی و احوال سائره سنی تعیین و تدقیق ایتمک
و باخصوص نیلك منبعی کشفه بذل مقدرت ایلك اوزره افریقای
شرقیه برقاچ ما مور ارسانه قرار و یروب چونکه بویله برما موریتک
ذاتاً بو مثلاًو بر امر مشکلك اجراسی شرفنه طبعاً مائل و قطعات
حارده و طوائف وحشه ایچنده سیاحت ایتمش و مشاق و مخاطرات
سفریه نك انواعنی کوردش اصحاب همت و معلومات عهدده سنه

احاله سی لازم کله جکی جهته کیفیت لدی الاعلان هندستان اردوسی
ضابطانندن یوز باشی بورتون و یوز باشی سبیک ظهور ایدرک بونلر
اوصاف مطلوبه ایله متصف و برنجیسی جزیره العربده و باخصوص
خطه حجازیه ده بالدفعات سیاحتی وایکنجیسی هندستانده حیوانات وحشیه
صید خطرناکنده ابراز ایتدیکی جسارتی ایله مشهور اولدقلرندن
جمعیت مذکوره مأموریت مشکله مزبوره پی مومی الیهامیه احاله
ایلشیدی، بونلر عدن کورفری اوزرنده واقع و افریقاه شهرلرندن
معدود بربرادن حرکت و صومالیس و غالیاس مملکتلرندن کچرک
کشف و تحقیق ایده جکری قطعات هرگزیه یه قدر کیدوب بعده
طریق دیگردن زنکباره عودتی تصیم ایتدیلر و بوتدیر فی الحقیقه
موافق مصلحت اولوب چونکه افریقاه طرف شرقدن عزیمت
مراد اولندیغی حالده البته محل ملاقات اولق اوزره تعیین ایتدکری
عدن شهرینه الک یقین اولان موقعدن باشلامق ایجاب ایدر.
زنکباره عزیمتاری مقرر اولدیغی حالده بحر اکتیوبده برا عزیمتدن
مرادلری دخی مأموریتلرندن مقصد اصلی اولان منبع نیله بلکه
تصادف اولنور خلیاسی ایدی و بو تصورلری سائر صورتله بجا
ایسه ده برخطاسی اولوب اودخی اثنای راهده تصادفی ایده جکری
اهالی و اقوامک عادات و اخلاقارینی اولجه پیش نظر مطالعهیه
المامش اوللیدر. اولیه طوائف جاهله ایچنده کشت و کذار ایده جک
سیاحین ایچون منزل مقصوده وصولک شرط اعظمی مرور
ایده جکی محللرده متمکن اقوامک طبایع مختلفه لرینی اولجه تحقیق
و تدقیق ایدرک اکاکوره حرکت ایتکدر.
افریقای شرقی اویچ صنف زنجی اهلای ایله مسکوندن برنجی صنف

مقیم اولوب محکم یا بلش قریه لرده متمکن و زراعتله مشغولدرلر. بونلر
زیاده سیله جنکاور اولوب بیلرلنده محاربه اکنک اولمز. فقط اجنبیلر حقنده
حسن معامله کوستروب خصومت ایتزلر. بونلر خط استوائک طرف
جنوبیسنده دکر ایله بیوک کوللرک بولندقلری قطعده اراسنده متمکندرلر.
هندیلرله اختلاط و ازدواج مناسبتیه شکل و سیمالرنده خلیجه
تغیر حاصل اولمشدر. روایت اولدیغنه کوره سائر زنجیلردن تیرترینه
مدار ارلان اوصافلری بوندن نشأت ایتشددر.

ایکنجی صنفک نصفی مقداری زراع و قصوری کوچه بردر. امر
زراعت طائفه نسایه محول اولوب ارککلری حیوانات رعیی ایله
مشغولدر. طبیعتلری صورت تعیشلری کبی متلون و متغیردر.
بونلرک ایچنه کیرمک تهلکه سنی اختیار ایدن سیاح موفقیت مأمول
اولدیخی زمانی بیلک کر کدر.

اوچنجی صنف کافه کوچه بردر. بونلر غایت غدار و خونریز بر قوم
اولوب قومشولری حقنده مضر و اجنبیلرک خصم جانیدرلر.
رؤسا سندن تأمینات المندجه قوه کافیه اولمقسزین بونلرک
مملکتده امنیتله کشت و کذار ممکن دکلدر. مومی الیه بورتون
و سیکک مرور ایده جکاری محللارده ایسه صنف ثالث طوائفک
اک وحشیلری ساکن اولدقلرندن بر قاچ هر حله کیدر کتمز صومالیلر
چادرلرینی باصوب یغما ایلشلردر. رفقا لرندن موسیو هرن حین
مدافعده مقتول و بورتون مجروح اولوب موسیو سیکک دخی
اسیر اولدی. اگر مومی الیهم بو فلاکته مملکتک دهها ایچرولرنده
دوچار اولهلر دی هیچ بریسی ایچون خلاص متصور دکل ایدی. هله
ساجلدن دهها یک چوق اوزا قلاشماش اولدقلرندن بورتون کیرویه

رجعت و بیک زحمتله عدته مواصالت ایدوب تداوی ایله مشغول
اولدیغی حالده بر مدت صکره سیک دخی بر تقریب یرلور لندن
فرار ایا تخلص کریبان ایدرک سالما عدته واصل اولدی .

(بقیده سی صکره) (قدری)

(اوروپا دولترینک احوال حاضره سی) (مابعد)

پروسیا دولتی میلادک بیک یدی یوز برتاریخنده تشکل ایلدی . شویله که
المانیا ایمپراطوری بولسان مشهور شارلمانیا و انک اخلافی زماننده
المانیانک اوتیه طرفنده کائن ایالات المانیا ایمپراطورلغی داخلنده
اولیوب سرحد معناسنه اولان مارش عنوانیه بر حکومت مستقله
اوله رق غراف تعبیر اولنور بربک زیر اداره سنده ایدی . بو صورتله
ایکی مارش موجود اولوب بری شرقی که شمیدی توراق ایالتی و دیگر
شمالی که براندبورغ ایالتی تسمیه اولنور . اشبو مارش لک المانیا
ایمپراطورلری طرفندن قید حیات شرطیه بعض غرافلره حاله سی معتاد
ایکن بعده هر نصلسه ارثا بونلرک خاندانه انتقال ایتکله نومبرغ
غرافی هوخن چولرک بکی فریدریق بیک درتیوز اون برتاریخنده
سیچسموندن براندبورغ هر سکلکنی کلی مبلغه اشترا ایلدی . اوردر
توتونیک پروسیانک بعض یرلینه مالک بولمیش ايسه ده براندبورغ
هرسکی البرت مشارالیه سیچسموندن لهستان قرالیتی تابعینده
و دوقه لقی هیئتنده اولقی اوزره پروسیایی استحصال ایتدی . حکومت
مذکوریه ده متصرف اولش اولان هر سکلرک الک مشهوری فریدریق

کیلیوم ارلوب مشار الیه بیک التیوز قرق تاریخنده مسند نشین
حکومت اوله رق حسن ادارهیه موفق اولمش و بیک التیوز التمش الی
تاریخنده بامعاهدہ پروسیا دوقه لغنی ضمیمه ممالک ایدرک بیوک هر سک
عنوانی احرار ایلشدر. بونک اوغلی و خلی اولان برنجی فریدریق
بیک یدی یوز بر تاریخنده ایمپراطور لئوپولد دن قراللق عنوانی
استحصال و بیک یدی یوزاون اوچ تاریخنده چالس مسند حکومت
اولمش اولان اوغلی فریدریق کیلیوم پروسیا ممالکنی توسیع ایدوب
انک اوغلی ایکنجی فریدریق دخی بیک یدی یوز قرق تاریخنده
صندالی حکومتہ قعود ایلہ پروسیا دولتی دول معظمہ صرہ سنہ
ادخال ایلشدر.

لهستانہ همجوار بولنان روسیه و پروسیا دولتری مملکت مذکورہ
سرزدہ ظہور اولان شورش و اختلالی دفع ایلہ قوانین اساسیہ سنی
محافظہ ایتک بہانہ سیلہ له ملتک منازعات داخلہ سنہ مداخلہ ایدرک
اولسابدہ اوستریا دولتیله متحداً بیک یدی یوز التمش ایکی سنہ سی
شہر اغستوسنک بشی تاریخنده لهستانک مقاسمہ سی حقنہ بر
عهد نامہ عقد و تنظیم و بونک احکامنی کاملاً اجرا برہ لهستانی
بینلرندہ تقسیم ایتدیلر. ممالک مذکورہ دفعہ ثانیہ اوله رق بر ذہا
مقاسمہ اولنہ رق لہلور استحصال استقلالیتدن کلیاً قطع امید
ایتدکلی حالہ بونلردن ممالک اجنبیہ التجار التمش اولان بعض
کسان قوسیوسکونام سر کردہ نک زیر قوماندہ سنہ اوله رق رفع لوای
عصیان ایتشلر ايسدہ حصول مطلبہ موفق اولہ ما مشلر در. بیک
یدی یوز طقسان ایکی تاریخنده قطعہ مذکورہ اوچنجی دفعہ
اوله رق دول مشار الیہم میانہ سنہ تقسیم اولنہ رق له ملتی بالکلیہ

محو و منقرض اولدی . خلاصه کلام اون سکزنجی قرنده اوروپا دولتری هیئت حاضره لرینه تقرب ایتدیلر .

بيك یدی یوز سکسان طقوز تاریخنده فرانسه ده بر اختلال عظیم ظهور ایلدی . شویله که مونسکیو نام مؤلفک روح قوانین عنوانیه معنون کتاب مشهورینک و بوقبیلدن دیگر برطاقم تألیفات معتبره نک فرانسه ده انتشاری افکار عامه نک تحولی داعی اولدیغندن اهالی اولوقته قدر بر فرقه یه مخصوص اولان امتیازات و معافیاتک لغو و احما سیله یینلرنده مساواته رعایت اولمقی داعیه سیله قیام ایلدیلر . فرانسه ده اولوجهله اصلزادگان کروهنگ بعض امتیازاته مظهر اولسی و ویرکونک منساویاً اخذ و تحصیل اولنمسی و حرف و صنایع و تجارت و زراعت حقنده بر طاقم موانع و مشکلاتک موجود بولنسی و طرق و معابرک فقدانی و اداره جه بر طاقم سوء استعمالات و قوعی ملامتیه سیله اهالینک فقر و اضطرابی بر درجه به رسیده اولمشیدیکه بالدفعات مجرد دفع دغدغه جوع مقصدیه رفع لوی عصیان ایدوب بر چوغی دخی اجلقدن هلاک اولدقلری حالده محط و غلاتک اندفاعنه چاره بولنه مز ایدی .

ایسته اولوقت یالکز فرانسه دکل بلکه عموماً اوروپا شو حال فلاکت اشتاله دوچار اولمشیدی . فقط فرانسه ده ارباب بصیرت و اصحاب درایتک بین الناس نشرینه سعی ایتدکلی افکار صائبه دن هیئت دولت ناخشنود اولوب سائر ممالکده ایسه شو کیفیت بالعکس دولته ملترزم اوله رق اولمابده تشویقات لازمه اجرا قلنور ایدی . ازجهله پروسیا قرالی بیوک فریدریقک سعی و همتی پروسیا دولتنک اعلائی نلانی و تبعه وزیر دستانک استحصال اسباب رفاه و سعادت حالی

امرينه معطوف اولديغي مثالو اوستريا ايمپراطوري ايكنجي روزف
دخى اداره دولتيه خيلي اصلاحات اجرا ايتشيدى . فقط اوستريا
دولتى ملل مختلفدن مركب بولنديغندن اولبايده موانع ومشكلاته
كرفتار اولور ايدى . فرانسه ده اولوقت اهالى صنوف ثلثه يه منقسم
اولوب برى فرقه رهبان وديكرى گروه اصلزادكان و اوچنجيسى
دخى آحاد ناسدن عبارت ايدى . رهبان طاقى كللى اراضى و املاكه
متصرف اولوب اصلزادكان ايسه طرف دولتدن بر چوق امتيازاته
مظهر اولدقلرندن بونلر اشبو حقوقك محافظه سنه بدل مقدور
ايتدكلرى حالده اهالى بونلرك سلبيله قانوناً مساوات كامله اجراسنى
وزعامتلك الغاسنى و قوانين موجوده نك اصلاحنى و پارلمنتونك
اوقات معينده و يا خود بر صورت دائمه ده تجمع ايتسنى و امر
طباعت و ديانت و تجارتك سربست براغلمسنى طلب و ادعا
و مناسترك لغويله بونلره متعلق اراضى و املاك ضبط اولنديغي
حالده يك چوق ادم مألوف اولدقلرى بطالانى تركه مجبور و بو
جهتله اولوقته قدر غير محروث بولنان اراضى معمور اوله رق ثروت
عموميدك تكثر ايدى چكى بيان اولنور ايدى . نهايت الامر آحاد ناس
صنرف ممتازيه غلبه ايدرك عمومك سعادت حاله مانع اولان اصول
قديمه مذكوره بالكليله الغاقلمدى . فقط اشبو نتايج اتش اختلافك
بر قاج سنه متوالياً شراره پاش بروز اولمسيه حصولپذير اولدى .
اختلال مذكور اناسنده ناپولئون بوناپارت ظهور ايدرك وقوع بولان
فتوحاتى اوروپا دولترلرنيك حال و هيئتلرينى بالكليله تغيير ايلدى .
يك سكر پوزاون تاريخنده فرانسه دولتك قلمر و حكومتى زياده
توسع ايتدى . ناپولئون مشهور اوستراج محاربه سنده روسيه و استريا

اردولر يند غلبه ايدوب پروسيا واسپانيا ممالكنى استيلا ايتدى و فرانسە نك
 حدودى غارىغليا فودن الب نهرى اغزى نە قدر ممتد اولوب يوزا وتوز
 ايائتەدن عبارت ايدى . جنوره و غان و نيس و آنورس و الاشاپل
 و فلورانس و امستردام و جنوه و هامبورغ و روما مشار اليه
 طرفەدن تعيين اولمىش مأمورلر معرفتيله اداره اولنور ايدى . ايتاليا
 و ناپولى و اسپانيا و ستفاليا قرايتلىرى و باويه را و ویرتمبرغ و ساقسونيا
 ممالكتەدن عبارت بولنان رين اتحادى دخى فرانسە نك زير تابعيتەندە
 اولوب ناپولئون اسويچرە جەهورينك حامبسى عنواننى حاز ايدى .
 پروسيا دولتنك بقاى دخى مشار اليهك رآينه منوط اولوب الحاصل
 اوروپا قطعە سنك نصفى مقدار نەدە فرانسە نك حكيم و نفوذى چارى ايدى
 فرانسە نك بو درجە توسع ايتىسى و مشار اليه ناپولئون بونا پارتنك
 كسب شان و اقتدار ايتىسى اوروپا يە كران كلديكەندن انكلترە
 و روسيە و اوستريا و پروسيا دولترى فرانسە نك هيئت سابقە سنە
 ارجاعى حقنەدە بيك سكر يوز اون درت سنە سى مارتنك ابتداسنەدە
 بر عهدنامە عقد و تنظيم ايله شهر مذكور غايتەندە دول متفقە
 مذكورە عسكرى پارسە قدر كلوب دروننە دخول ايلديلر فرداسى
 كونى اوستريا و روسيە ايمپراطورلر يە پروسيا قرالى دخى بالذات پارسە
 كلديلر و بونلر ك رآى وتنسيبي و جەملە بور بون خاندانى مسند حكومتە
 اقعاد و ناپولئون بيك سكر يوز اون درت سنە سى شهر نيساننك اون
 بزنەدە حكمدارلق صفتيله الە اطە سنە اعزام و ابعاد قلندى . مشار
 اليه اون بر آى صكرە بر تقريپ پارسە رجعتله كما كان تحت
 ايمپراطورى يە قعود ايلدى . فقط بوندن بر قاچ ماه هر ورندە
 دول مشار اليه يند اتفاق ايله اوزرينە جسيم بر اردو سوق ايدرك

و اترلوده وقوع ولان غلبه عظیمه لری اوزرینه ناپولئونی اخذ
وسنت الن اطه سنه نفی ایتدیلو بو صورتله اوروپاده بر موازنه
دولیه تأسیسه موفق اولدیلو. بعده اوروپا حکمداراننی مملکتلرینک
وقایه سی خصوصنده یکدیگرینه مظاهرت ایتک اوزره سنت الیانس
نامیه بر اتفاق عقد ایدرک بیک سکزیوز اون بش تاریخنده ویا نه ده
و بیک سکزیوز اون سکزده الاشاپلده و بیک سکزیوز یکر می بر
تاریخنده لایساخته و بیک سکزیوز یکر می ایکیده وروتده مکالمه
مجلسلری تشکیل ایتدیلو. بیک سکزیوز اوتوزاویچ سنه سنده یونانستان
کسب استقلال ایتدی و کذلک تاریخ مذکورده بلجیقا فلنکدن افتراق
ایدوب بیک سکزیوز الی تاریخنه قدر المانیاده دخی بر طاقم انقلابات
وقوعه کلدی. بو عصرده علوم و فنونک پک چوق فوائده مادیه سی
مشاهده اولنوب از جمله واپور سفائی و تیمور یولر و لیلای سفائنه ارائه
طریق ایلکه مخصوص فنارلرا احداث و زقاقلر غازایله تنویر قلندی.
واپور سفینه سنک احداثی امری قالور فولطون نام کسنه یه اسناد
ایدوب انکلتیره لولر دخی کندولرینه نسبت ایله اثبات مدعا معروضنده
جوناسن هول و پاتریق نام کسنه لک تألیفاتی در میان ایدرلر. فی الواقع
مومی الیه جوناسن هولک تألیفانده عادی کورک یرینه شمردیکی واپور
سفائی چرخنی مثللو کینک کیروسنه بر چرخ وضع اولندیغی حالده
اولوقت حرارت واسطه سیله قیودن صواخراجنده استعمال اولنوب
نوقوم تعیر اولنور ماکنه ایله مذکور چرخک تحریکی ممکن اوله جغی
کوسترلدیکی مثللو مومی الیه پاتریقک بیک یدی یوز سکسان یدی
تاریخنده ادمبورغده طبع اولمش اولان کاپنده دخی بوکا دائر
بعض تفصیلات مسطور بولمشد.

بالادە يېمان اولدىغى وجهله پايى نام ذات دخى بعض تأليفاتندە
 واپور ماكنە سنك معدن قىولرندىن مياہ اخراجندە وسير سفائندە
 استعمالى پك چوق فوائدى مستلزم اولەجغنى بيان ايتىشدۇر.
 خلاصہ كلام مومى اليه پايى سفائىك واپور ماكنەسى واسطە سىلە
 تحريكى مومى اليه جوناسن هولدن قرق ايكى سنە اول بيان ايتىش
 و اولبابدە چوق تجر بە لر وقوعبولشدر. فقط بالتجر بە محسناتى
 اكلاشادقدنصكرە كرك يولجى وكرك امتعە نقلندە الك اول استعمال
 قلنمش اولان واپور سفينەسى فواظونك امر يقادە واقع نيورق
 شەرنە بىك سكر يوزىدى سنە سنە انشا ايتىش اولدىغى سفينەدر.
 ايشتە بوندن صكرە ممالك مجتمعة امر يقادە واپور سفينەلىرى تكثر
 ايدرك جهور مشاراليهك تزايد ثروت و اقتدارىنى موجب اولدى
 وبعده اوروپادە دخى واپور سفائى انشاسنە رغبت اولندرق شەدىكى
 حالى كسب ايلدى.

تيمور يوللر جهورج اسنيقتسون نام ذاتك اثرهمنى اولقى اوزرە بىك سكر
 يوزاون درت تاريخندە اختراع اولغىشدر شويەلە كە فرانسه مهندسلرندىن
 ژوزف قوغنوت بىك يدى يوزىتمش تاريخندە واپور عربەلىرى انشا
 ايتدى. امر يقادە واپور ماكنەسى ايجاد اولغىش اولان اوليوپە اوان
 بىك يدى يوز طقسان تاريخندە واپور عربەلىرى انشا ايدرك طرق
 عادىە اوزرنە تحريك ايتىش ايسەدە حسن نتيجه يى منتج اولەمامش
 ايدى. الك اول ترەويسيك و ويويان تام كىسندلر معادنە مستعمل
 اولان تيمور يوللر اوزرنە واپور عربەلىرى ايشلەتشلردىر. اون يدىنجى
 قىرنەدە وانكلترە معادن قىولرنە اغاجدن يوللر ياپىلەرق بونلرك
 اوزرنە عادى عربەلر تحريك اولنور ايدى. بعدە كرك معادنە وكرك

فابریقه در دوزخنده اکثر یولار تیموردن اعمال اولنده رق اوزرنده بارگیر
ایله عربیه چکپور ایدی، بنأعلیه بیک سکز یوز درت تاریخننده بارگیر
یرینه واپور استعمال اولنوب بو وجهله تیمور یول حصواه کلمشدر.
فقط بوجه محرر معدن و فابریقه درده اول ایشلتدیریلان ماکنه لر
اولقدر قوتلو اولیوب بو جهته سیرلری دخی سریع اولدیغندن
ابتدالرنده تیمور یولارک شمدی مشهود اولدیغی درجه فائده سی مأمول
دکل ایدی، بیک سکز یوز اون اوچ تاریخننده انکلتزه لو مهندس
پلاکت واپور عربیه سی نقدر اغریا پلور ایسه تکرلکارینک تیمور یول
اوزرینه اولان دلك و تماشای اولقدر تناقص ایده جکنی کشف ایدی.
بیک سکز یوز اون درت تاریخننده ژورژ استیفنسون جسیم واپور
ماکنه لر ایعمال ایدرک کلینفورث معدنلری تیمور یول عربیه لرنده
استعمال اولمش ایسده بونلر درت ساعتده یالکز یدی فرسخ (۱)
مسافه قطع ایتدکلرندن عادی عربیه لردن هیچ بر فرق یوق ایدی.
فرانسه مهندس لرندن سکین تیمور یول واپور ماکنه سنک یالکز
قرغانی بعض مرتبه تعدیل یعنی مولد البخاری عادی قرغان هیئتنده
اولیه رق بر طاقم بور یاردن عبارت اولق اوزره اعمال ایلدی.
اسبی بور یارک درونی صو ایله طول دیرلقدده حرارته قارشو اولان
مطحنک و بو وجهله تسخن ایدن صو یک مقداری تزاید ایدرک و بوندن
دخی مدت قلیله ظرفنده چوق بخار حاصل اوله رق ماکنه نک قوه
محرکه سی متزاید اولور ایدی، ایسته مهندس مومی الیهک بو صورته
برنجی دفعه اوله رق اعمال ایتدیکی مولد البخار قرغانلری قرق اوچ
عدد بوریدن عبارت اولوب بعده بونلر یمش بش و یوز و حتی یوز

(۱) مشی معتدل ایله بر ساعتک مسافه در.

يکرمی بیه قدر ابلاغ اولندی . بیک سکز یوز یکرمی سکز تار یخنده
 روبرت و ژورژ استیفنسونک مومی ایله سکینک اصولانه توفیقاً اعمال
 ایتش اولدقلری قوزه اسمنده واپور عربیه سی اون ایکی بیک طقوز
 یوز قرق ایکی کیلوغرام یوکی حامل اولدیغی حالده ساعتده الی
 فرسخ و بوش اولدیغی حالده دخی یدی دقیقه ده بر فرسخ مسافه
 قطع ایلدی . بونک اوزرینه مومی الیهمه انکلتیه دولتی طرفندن
 مقدار وافی مکافات اعطا اولنوب اندن صکره اوروپانک هر طرفنده
 تیمور یوللر تکرر ایلدی .

تلغراف دخی قرن حاضر اختراعات مهمه سندن در . مقدملری بر
 وقعه نك سرعتله بر محلدن دیگر بر محله اخباری مراد اولندقدیه
 انش یاقق و بیراق چکمک کی علامتلا استعمال اولنور ایدی . بونلر
 الیوم مستعمل اولان تلغراف القریقی یه مشابه شیلر دکل ایسه ده
 بونک اختراعنه بر مقدمه اولمشدر . بیک یدی یوز التمش تار یخنده
 فی الاصل فرانسه لی اولوب جنوره ده متمکن بولنان جورج لوئی لژان
 سیالیه برقیه نك تلغرافده استعمالی تصور ایدوب شویله که حروف
 هجاء عدد نجه یکرمی درت پارچه تل الہرق بونلری غیر ناقل الکتریقی
 بر ماده ایله یکدیگرتدن تشریق ایتدکن صکره ایکی محل بیلده
 تمید و هر برینک اوجنه بر الکتریقی بوصله سی ربط ایله دیگر
 اوجلرینه الکتریقی حاوی بر آلت طوقند یرلدقده مذکور بوصله
 حرکتله مطابوب اولان حرفی ایما ایدوب بو وجهله افاده مرام
 اولنور ایدی . یدی یوز سکسان یدی تار یخنده طبیعیوندن لوموند
 سیالیه الکتریقیه بی حاوی اجسامک جذب و دفعلری خاصه سی
 اوزرینه مبنی بر کوچک اشارت ماکنده سی اعمال ایتدی . و قرن

حاضر اوانلنده وولطوستونی کشف اولندی و شوهرینغ نام کسنه
 یک سکر یوز اون بر تاریخنده صویک الکتریق واسطه سیله تحلیلی
 فاعده سنه مبنی بر تلغراف ماکنه سی اعمال و قویتهاق دارالفنونی
 عملارندن آرستد یک سکر یوز یکر می تاریخنده ابرهک سیاله الکتریقیه
 واسطه سیله خاصه مقناطسیه کسب ایدرک حرکت ایتدیکنی کشف
 ایش ایسه ده بونلردن دخی بر نتیجه حاصل اوله مامشدر. بعده
 آراغون نام ذات بریمور پارچه سی اوزرینه ایک ایله ملفوف بر باقر
 تل صاریلوبده اشبو تله سیاله الکتریقیه کچورلدیکی حالده اول تیموره
 مقناطسیت کله رک کوسریلان تیموری جذب ایتدیکنی و سیاله الکتریقیه
 منقطع اولدقده اشبو قوه جاذبه زائل اولدیغنی کشف ایش و بعده
 بواساس اوزرینه ساموئل موریس نام کسنه یک سکر یوزاوتوز
 یدی تاریخنده، ایوم مستعمل اولان تلغراف ماکنه سنی احداث
 اتمشدر. بونک تفصیلاتنه لایقیله کسب اطلاع مراد اولندیغنی حالده
 حکمت طبیعیه کابلرینه مراجعت اولمسی اقتضا ایدر.

انقلابات مشروحه نک نتیجه سی اولق اوزره اوروپا قطعه سی قرق
 سکر دولت و حکومت مستقله یه منقسم اولوب بونلر بروجه آتی
 بیان اولنور شویله که دولت علیه انکلتزه بلجیقا فلنک پروسیا دانیمارقه
 اسوج و نوروج روسیه اوسستریا المانیا که اوتوز ایکی حکومتدن
 عبارتدر اسویچره جمهوری فرانسه اسپانیا پورتیکر ایتالیا یونان
 اندور جمهوری.

بالاده بیان اولنان اختراعات سایه سنده ایوم برأ و بحرأ کره ارضک
 هر طرفنده بالسهوله سیاحت و محل بعیده پیننده آن واحده ده مخایره
 اوانوب بو صورته ممالک یینی حائل اولان مسافات زائل اولق

درجه سنه کلمش و شو کیفیت طوائف مختلفه عالم میانه سنده اختلاط
والفت حصولی مستلزم بولمشدن تیموریول عربی لری اشخاص
و اشیا نقلیه منحصراً اولوب کتاب و غزیه و سائر ادوات علمیه دخی
نقل ایتمیکندن علوم و معارفک هر طرفه تعمیم انتشارینه
و تاغراف ایسه بروقه نك در عقب چاراقطار جهانیه اعلانه بر
واسطه قویه اولدیغی درکاردر ایشته بوجمله ملل مختلفه
رفته رفته بر فاملیا حکمند کیروب قرون وسطاده بین الملل اسباب
اختلاط و الفتک فقدانیتی پک چوق خصوصیت و مخالفتی داعی
اولدیغی حالده شمدی اولوجهله حصول اختلاط و مناسبت
بالعکس و مخالفستی مستلزم ارله جغی بی اشتباهدر
(بقیه سی صکره)
(محمد شوقی)

از خلفای اوطه ترجمه باب عالی

(مابعد)

(تاریخ حکمای یونان)

ایمپیدس

ایمپیدس اون بشچی اولمییاده آندیه کلدی . حکیم مومی الیه
کویا بر مغارده الی یدی سنه متوالیا اویومش و یوزالی درت
و دیگر روایت کوره یوزالی یدی و علی قول ایکی یوز طقسان
سکز سنه یاشامش اولدیغی روایت اولمشدن
مومی الیه کرید جزیره سنده واقع غنوس (انادیه) شهرندن اولوب
سولون آندیه شهرت بولدیغی انشاده بودخی جزیره مذکورده

کسب شهرت ایتشیدی . کندوسی غایت مبارک بر ذات اولوب کمال
 زهد و تقوی ايله متصف ایدی و بالجملة طائفه یونان ایمنیدسک
 بالت نام حورینک اوغلی اولدیغنه و طرف غیبدن مهم اولوب اکثرا
 کندوسنه وحی ربانی نزول ایلدیکنه ذاهب اولورلر ایدی و اشعار
 و امور دینییه متعلق مواده حصر افکار ایتشیدی ، هر بر معبدی
 بر معبودنامه تخصیص و قرا و مداینی و حتی بیوت و منازلی بعض
 هر اسم ايله تطهیر ایتک اصولانی مومی الیه احداث ایلشدر . ابنای
 وطنی حقنده یک حسن ظن و اعتمادی اولیوب حتی بعض اشعارنده
 کرید اهل بسی کذب و بطالت ايله مألوف و حیوانات مؤذیه کی
 بد خلق و مضر درلر دیمشدر .

بر کون ایتیدسی پدری برقیون کتورمک ایچون برقریه یه کوندرمشیدی ،
 عودتنده جاده دن براز صاپه رق اويله وقتنده کونشک شدت حرارتی
 ککجه قدر استراحت ایتک اوزره بر مغاره یه دخول ایدوب اوراده
 الی یدی سده او یخوده قالدی . او یاندقده بو قدر وقت او یودیغندن
 بی خبر اولدیغنی جهته یاننده اولان قیونی اطرافنده ارایوب
 یوله مدیغندن مغاره دن طیشارو چیقدقده اولحوالی بالکلیه تبدل
 ایتش اولدیغنی کوره رک زیاده متعجب اولدی و متحیرانه قیونی الدیغنی
 محله شتاب ایلدی کوردیکه اول خانه ده بشقه ادملر اوتوره یورلر
 و مرادی نه اولدیغنی اکلا میورلر . بونک اوزرینه زیاده تلاش ایدرلک شهره
 عودت ایلدی . یولده هیچ کورمدیکی بر طاقم ادملره راست کلوب
 کتدیکه تعجبی اتر ایدی . پدرینک خانه سنه کیردکده کندوسنک کیم
 اولدیغنی ونه استدیکنی صور دیلر ، نهایت حین مفارقتنده چو جتی
 اولوب عودتنده براخیار ادم اولمش اولان کوچک برادری اوراده

حاضر اولدیغندن پک چوق قیل و قالدن صکره انک واسطه سیله
 کندوسنک کیم اولدیغنی تفهیم ایده ییلدی . بونک شو سرکذشت
 غریبی مملکتک هر طرفنده شایع اوله رق زیاده موجب تعجب اولدی .
 بونک اوزرینه یونان طائفه سی اپینیدسک تأییدات غیبیه مظهر
 اولمش اولسنی توهم ایلدیله . مومی الیهک اولقدردمدت او یخوده
 قالدیغنه اعتماد ایتیانلر اول مدت اثناسنده ممالک اجنبیده سیاحت
 ایدوب بعض تحقیقات علمیه ایله اشتغال ایتش اولدیغنه ذاهب
 اولدیله .

آته حکامندن میغاقلس مشهور سیلون فتنه سنده بونک بالجه
 طرفدارلرینی و حتی عبادتخانه لره التجا ایدنلری کافه اعدام ایتش
 اولغله بو کیفیت آته اهلایسنه فوق الغایه موجب خوف و دهشت
 اولشیدی و اوارالق ظهور ایدن وبا علتندن قطع نظر شهرک هر
 طرفندن کویا بعض ارواح خبیثه چیقه رق اهالی یه ایصال خسار
 ایلدیکنی توهم ایدرلر ایدی . بو بابده کاهنلره مراجعت اولدقدده
 اهالینک کویا ارتکاب ایتش اولدیغنی بعض معاصی سیبیه شهرک
 هر طرفی ملوث اولمش اولدیغنی خبر ویرمش اوللریله بر آدم انتخاب
 و مخصوص بر کی یه ارکاب ایله اپینیدسی کتورمک اوزره کرید
 جزیره سنه اعزام ایلدیله . مومی الیه آته یه واصل اولدقدده بر طاقم
 سیاه و بیاض قیونلر الوب ارئویاز تسمیه اولسان مشهور محکمه یه
 کوندردی و اورا دن براغوب هر بری استدیکی سمتیه کیتدی
 و بونلرک هر بریسک ارقه سنه کتمک اوزره بر آدم تعیین ایدوب
 بو قیونلر هر نروده طررلر ایسه اوراده بر معبودک نامه دبح اولمنی
 تنید ایلدی و اشبو تنیهات تمام یله اجرا اولندی . بونک اوزرینه

در عقب طاعون مندفع اولدیغی مثلار ارواح خبیثه غائله سی دخی
بر طرف اولدی .

ایمپیدس آئنده سولون حکیم ایله عقد الفت ایدرک وضع ایلدیکی
قوانینک تأسیسه خلی مداری اولدی . قادیلرک جنازه الایلرنده اجرا
ایتدکلری بعضی مراسم جاهلیسه ک عبث برشی اولدیغنی جله یه
افهام ایلدی و آتیه اها لیسنی بالتدریج عبادته و قربان ذبحنه ترغیب
ایدوب بو طریق ایله قاعده حقانیتیه رعایت ایتکه و حکاملری
علیهنه قیام ایلامکه میل ایتدیردی .

برکون موخی لیمانه نظرایتدکن صکره یاننده اولانلره خطاب ایله
انسانلر امور مستقبله حقنده پک غا فلدرلر . اگر آتیه لولر بو لیمانک
کندو مملکتلری باشنه نه فلاکتلر کتوره جکنی بیلش اولسهلر همان
تخرینه مسارعت ایدرلر ایدی دیدی . ایمپیدس آئنده برار وقت
اقامت ایتدکن صکره عودته نیت ایتدکده آتیه لولر کندو سیچون
بر سفینه تهیئه ایدوب چکدیکی زحمته مقابل اولق اوزره دخی بر
تالان (۱) تقدیم ایلدیله . مومی الیه اولبابده تشکرایدوب اچهلرینی قبول
ایلدی و بالکن کندو حقنده میل و مودتلرینک بقاسنی و مسقط رأسی
اولان آنادیه اها لیس ایله مناسبات دوستانه عقد ایملرینی رجا ایله
اکتفا ایلدی و عزیمتدن اول آئنده بر نفیس عبادتگاه انشا
ایتدیردی .

ایمپیدس کندوسی آلهه یونانیه دن بریسی اولدیغنی و چوق کره
احبای اموات ایلدیکنی ادعا ایلر ایدی . یمک یدیکی اصلا کورلیوب

(۱) بر تالان الی بیک در اخی اولوب بو دخی تقریباً بکرمی بش
بیک غروشد

گویا کندوسنی قدرت حلوا سیله حوریلر اطعام ایلدیکنی واشبو غداینی
حوریلر بر صغرك طرنا غنده حفظ ایدوب اوراده صرف ماده
غدا ئیهیه منقلب اولدیغندن کندوسی یدکده فضلات اوله رق
وجودندن برشیء چقمز دیر ایدی و لقد مون اهالبسنه ایلروده
آرقادیه طائفه سنك اسارتنه دوچار اوله جقارینی خبر ویردی.

برکون حوریلره تخصیص ایتمك اوزره مباشرت ایتش اولدیغی بر
عبادتگاهك حین انشاسنده ای اپینیدس بو عبادتگاههی حوریلره
تخصیص ایلله ژوپیتره اهدا ایلله دیو جانب سعادن بر ندا کلدی.
سولونك آنه یه هجرت ایلدیکنی خبر الدقده کندوسنه تسلی ویرهك
وکریده دعوت ایلک اوزره زیرده محرر مکتوبی تحریر ایلدی.

عزیر دستم غیرت ایدیکنز . اگر پیسسترات اسارتنه آلتش و یا خود
قوانین مستحسنه تختنده بولنما مش ادملری پنجه قهر و استیلاسنه
المش اولسه ایدی بلکه حکومتی چوق وقت ممند اولور ایدی ،
فقط مادامکه مشارالیهك معامله سی سر بست وجسور آدملر ایلدر
چوق وقت کچمز سولونك اصولنی تخطر ایدرلر کندوزنجیرلرندن
محبوب اوله رق حال اسارتده قالمغه قائل اولرلر اگر بالفرض
پیسسترات مدت حیاتنده مسند حکومتده پایدار اولسه بیلله سلطنتی
اولادینه انتقال ایتمز زیرا قوانین مستحسنه تختنده سر بستیشامغه
مألوف اشخاصك الی الابد قید اسارتده قالمیری ممکن دکلدر . سرجه
ایسه شوراده بوراده بیهوده امرار وقت ایتوب همان بو طرفه
عزیمت ایللرینی رجا ایدرم . بوراده او یله خلقه اذیت ویرهك
ظلمدن کیسه یوقدر زیرا پك قورقارم که ملحوظ اولدیغی وجهله
پیسستراتك هوادارلری بر طرفه سزه تصادف ایدرک سو قصد

ایملرندن قورقارم.

ایمینیدس مدت عمر بنی اعمال صالحه ایله امرار ایدوب اشعار ی پک
سودیکندن منظوم اوله رق بر قاج کتاپ تألیف ایتشدور و نثر
اوله رق دخی قربانلره و کرید جمهورینه دائر بر تألیفی واردور.
مومی الیهک مدت حیاتی امور غریبه دن عبارت اولدیغندن بعضری
دخی قاج سنه اولمخوده قالش ایسه اول مقدار کون طرفنده اختیار
اولدیغنی روایت ایتیلر دره. حیث وفاتنده کرید اهلایسی معبود
درجه سنده کندوسته قربانلر کسیدیلر. لقد مون اهلایسی دخی وقتیه
بر هاتفک واقع اولان تنیهی وجهله جسدینی کمال تعظیم ایله
حفظ ایتدیلر.

آناخارسیس

قرق یدنجی اولمییاد ده آنده یه کلوب مملکتیه عودتندن بر از وقت
صکره مقتول اودی. شو حاله نظر أسالف الترجه حکماتک اکثریسته
معاصر اولدیغی اکلاشیلور.

آناخارسیس تاتار طائفه سندن اولوب بین الحکما صاحب قدر
و منزلتدر. مومی الیه تاتارستان حکمداری قارویداسک برادری ایدی
پدری تاتار و والده سی یونان اولوب ایکبسنک دخی لسانلرینی کرکی
کبی ییلور ایدی. کلامی زیاده بلیغ و مؤثر اولوب تشبثاتنده زیاده
جسور و نابقدم ایدی. دائما ایکی قات و بول برلباس تلبس ویالکز
سود و بنیرایله تغدی ایدر ایدی. مقالاتی غایت مفید و مختصر
اولوب طلاق و فصاحتده ضرب مثل اولمشیدی و هیچ بر شیئده

شورکتور مدیکندن تشبیه ایتدو کی اموری البتده باشه چیقار ایدی .
 اناخارسیس تانارستاندن هجرتله تمکن ایتک اوزره آتده کلدی .
 همان اورایه وصوانی متعاقب سالف الترجه سولونک خانه سنه
 کیدوب دق باب ایلدی و قیوی اچانه خاصه کندوسنی زیارت
 ایتک و بر از وقت نزدنده اقامت ایتک اوزره کلدیکنی سولونه خبر
 ویر دیدی . سولون بوکا جوابا انسان کندو مملکتنده و یاخود
 مناسبی اولان محارده مسافر اولمایدیر دیر ایکن اناخارسیس اوزرینه
 کروب سولونه خطاب ایله اشته سز مملکتکرده و کندو خانه کزده سکر
 سز انکا مسافر اولکز و بنعله عقد الفت ایدیکز دیدی . سولون
 شو حاضر جوابخی تحسین ایدرک اناخارسیسی مسافر لکه قبول
 ایلدی و پینارنده الفت و مودت کامله حاصل اولوب مدت حیاتلرنده
 قطعاً خلل پذیر اولدی .

اناخارسیس اعمارده زیاده مانل اولوب تانارستانک قوانینی نظم ایلدی
 فن عسکرییه متعلق بر منظومه سی دخی واردر .
 اکثرا دیر ایدی که باغلردن اوج نوع اوزم حاصل اولور بر اسی نشه
 و دیگر سرخوشلق و اوج جنبیسی پشیمانقدردن آتده مجالس عمومیه سنده
 عقلاک مهم مملکتده دائره وادی تکلیف ایله اکثفا ایدوب مجانینک بوکا
 قرار ویرملرینه تعجب ایدرم و بر کسنه آخره شتم ایتدیکی حالده
 مجازات اراثوب شدتله یکدیگرینی ضرب ایدن پهلوانلر و ایونجیلره
 عظیم مکافاتلر ویرلمسک حکمتنی اکلایه میورم دیر ایدی . و یونانلر
 ابتدای طعمانده کوچک قد حارایله مکیفات استعمال ایدوب طعامک
 نهایتنده سرخوش اولمغه باشلا دقلری وقت بیوک قد حارایله
 اینجیلرینی استغراب و مجالسده خلعتک زیاده سربستهانه حرکتلرینی

تقیح ایدر ایدی . بر کون بر ادی شراب ایچمکدن نصل منع
ایتملیدر دیو کندوسندن سؤال اولندقدده ایوجه احوالنه دقت
ایده بیلک ایچون اوکنه بر سرخوش ادم قویملیدر . بوندن اعلا
چاره اولمز دیدی .

بر کون کندوسنه سزک مملکتده آلات موسیقیدن نه واردر دیو
سؤال اولندقدده بزده باغ بیله یوقدر دیدی . پهلوانلرک کور شده
چیقمزدن اول سورندکاری یاغده جنت حاضرلغی تعمیر ایدر ایدی .
بر کون بر سفینه نک تخته سنک والینلغنه دقت ایتدکن صکره
واه واه دکرده سفر ایدنلر ایله موت اراسینده یانکز درت پارمق
مسافه وارایمش دیدی .

بر کون کندوسنه الک امیتلو سفینه قنخسیدر دیو سؤال اولندقدده
لیمانه واصل اولاندر دیو جواب ویردی . انسان کندو لسان و بطننه
کرکی کبی مالک اولغنه بدل مقدود ایتملیدر تنهینی دائمی تکرار ایدر ایدی
دنیا ده لسان کبی حفظنه تقید و اهتمام اولنه جق برشی اولدیغنی
کوسترمک ایچون دائما الیه اغزینی قیار ایدی .

بر کون بر آنه لی کندوسنی تاتار طائفه سندن اولدیغندن طولانی
تعیب ایتمکله مملکتتم بکا موجب شین اولیور فقط سن مملکتکه
موجب شین اولیور سن دیو جواب ویردی . انسانلرده الک ایو واک
فناشی ندر دیو سؤال اولندقدده لساندر دیدی . انسانک بر چوق
افبال پرست دوستی اولمقدن ایسه یانکز بر صادق دوستی اولمی
یکدر دیر ایدی .

دنیا ده اولمی چوقدر دیریمی دیو کندوسنه سؤال اولندقدده دکر
اوزرنده اولاری قنخی صندن عید ایدیلور سکر دیدی . بازارلر انسانلر

بری برلرینی الدائمق ایچون قورلش یرلدر دیر ایدی *

بر کون برزقاقدن کچر ایکن بر سرخوش دلی قانلی کندوسنه بعض
مرتبه اطالة لسان ایلدی اناخارسبس اکا نظر ایدرک اوغلم اگر سن
کنجلاک اتناسنده شرابی کوتوره میور ایسک اختیارلقده چوق وقت
صو کوتوره جکسن دیدی *

اکثرا قوانینی پرده عنکبوته تشبیه ایدوب سولون بعض خطوط ایله
انسانلرک اغراض نفسانیه لرینی ضبط ایتک ادعاسنده در دیو موئی
الیهک وضع ایتدیکی قوانینی تزییف ایدر ایدی * چیقرق ایله
طویراقدن چوملاک اعمالی اناخارسبسک ایجادیدر *

بر کون اناخارسبس آپولون بتخانه سی کاهنه سی نزدینه کیدرک کندوسندن
دها عاقل ادم وار میدر دیو سؤال ایتدکده اوت مېسون اسمنده بر
ذات وار * اوسندن عاقلدر دیو جواب ظهور ایتدی * اناخارسبس
اولوقته قدر انک اسمنی دخی ایشتماش اولسندن طولانی متعجب
اوله رق موئی الیه مېسونک اختیار عزلت ایتش اولدیغی بر قریه یه
عزیمت ایلدی وانی صبان تعمیر یله مشغول بولمغله ای مېسون
ارتق چفت سورمکه وقت یوقدر دیدی * مېسون دخی جواپنده
نه ایچون وقت اولسون قریغی اولدیغی حالدده صبان تعمیرینه بیله
وقت وارد دیدی * فلاطون اشبو مېسونی حکما عدادینه ادخال
ایتش ایدی * موئی الیه نوع بشردن طبعاً متنفر اولدیغندن بر
کوشه عزلت اختیار ایدوب هیچ کسه ایله اختلاط ایتدیکی حالدده
افسای عمر ایلدی * بر کون تنهاده قهقهه ایله کولدیکی کورملکله
برایسی یاننه واروب کسه اولدیغی حالدده بو قدر کولسنگ سبی نه
اولدیغنی سؤال ایتدکده اشته بنده کسه اولدیغی ایچون کولیورم

دیو جواب ویردی .

مشهور لیدیا حکمداری قریسوس اناخارسبسك شهرت شایعه سنی
ایشکله کندوسنه بر مقدار اچقه ارسا ليله نزدینه دعوت ایتکله
اناخارسبس جواباً مشارالیهه زيرده مندرج مکتوبی تحریر ایلدی .
ولسان وعادات وقوانین بلده بی او کر نمک ایچون یونانستانه کلدیم .
التون وکوشه احتیاجم یوقدر اکر اولکندن زیاده بضاعه علمیه ايله
ملکته عودت ایدرایسم پک ممنون اولورم . مع مافیه سزک زیارتکزه
کله جکم زیرا احباکز عدادینه داخل اولغی پک ارزو ایدرم . ۶۰

اناخارسبس مدت مدیده یونانستانده قالدقدن صکره عودته نیت
ایلدی . اثنای راهده یونانستانک بر محلمنده مراسم دینیه دن بر رسمک
اجراسنه تصادق ایتکله سالماً مملکتنه عودت ایتدیکی تقدیرده رسم
مذکورک اوراده دخی اجراسنی نذر ایلدی . وطنه وصولنده مملکتک
عادات قدیمه سنی تغیر ايله یونانستان قوانینی تأسیس ایتک استمش
ایسه ده اهالی طرفندن تلقی بالقبول اولمندی .

برکون اناخارسبس مذکور نذرینی خفياً ایفا ایتک ایچون بر صیق
اورمانه کیدوب النده بر دئبلک اولدیغی حالده یونانستان معبودینک
قارشوسنده اجرای این ایلکه باشلادی . شو حالنه اهلیدن بریسی
مطلع اولغله طوغری کیدوب کیفیت برادری اولان حکمداره خبر
ویردی . اولدخی در عقب کلوب برادرینی اول حالده کورمکله اوق
ایله اتوب اوردی . اناخارسبس بوندن متأثراً والدیه مک منسوب اولدیغی
طائفه نک لسان وعاداتنی او کر نمک ایچون کتمش اولدیغم یونانستانده
نی راحت براقشلایدی دیه رک تسلیم روح ایلدی . وفاتندن صکره
ابقای نامیچون متعدد ستاتول اعمال ونصب اولندی .

(منیف)

(خلاصهٔ پولتیقه)

فرانسه و انگلتره و بلژیکا و هولانده دولتماری مأمورلرندن مرکب اوله رق بو دفعه پارسده تشکل اولسان بر قومسپونده خارجدن جلب ايله ممالك مذکورده تصفيه اولسان خام شکره متعلق بعض نظاماته و بالخصوص مذکور شکر مصفاك حين اخراجنده اصحابنه ویرلمسی معتاد اولان رسمك مقدارینه قرار ویرلمش واشبو قرار دول مشار الیهم طرفندن لدی التصدیق بر معاهده قالبنه افراغ ايله کانون اولك سکرزنده امضا قلمشدر.

فاس دولتی ممالکنده بعض قبائل رفع لوای عصیان ایلش اولملریله فاس پادشاهی خضرتماری طرفندن اوزرلرینه مقدار وافی عسکر سوقیله تحت اطاعت ادخال و اوزرلرینه کلیتاً ویرکو طرح اوله رق زجر و تنکیلاری اجرا قلمشدر.

مقدمجه دخی یازلدیغی وجه اوزره امریقاده برازیلیا دولتیله بونك جانب جنوبیسنده واقع پاراغه جمهوری بیننده اعلان حرب اولمق اوزره در. بو ماده برازیلیا دولتی جمهور مذکوری بلع ایتك نیتنده اوله رق براز و اقتدنبور امور داخلیه سنه مداخله دن خالی اولدیغدن بو دفعه جمهور مذکور برازیلیانك اشبو حرکاتی علیهنه پروتستو ایدوب برازیلیا دخی بوکا قطعاً احاله سمع اعتبار ایتدركان لم یکن حکمنده طوته جغی جوابی ویرمش و بونك اوزرینه پاراغه جمهوری پروتستوسی احکامنی حرباً اجرا ایده جکنی اعلان ایلش اولمسندن نشأت ایتشدر. معلوم اولدیغی اوزره برازیلیا ممالکی همان اوروا قطعده سی جسامتنده اولوب فقط اهالیسی پك ازدر. دولت مشار

اليهاك اقصای حدودنده واقع اولوب كندوسنك عشر معشاری
 وسعتنده بوانسان بویله بر كوچك جمهور ايله اوغراشمی لایقسن
 اولدیغی مللوییهوده تكلفاتی داعی بولندیغی غزته نرطالعاندند.
 ایتالیا پایتختك توربندن فلورانس شهرینه نقلی مسئله سی ایتالیا
 ملت مجلیسینه حواله اولمغله خصوص مذکور بر قاج دفعه موقع
 مذاکره قونلمش و پایتختك اولوجمهله تبدیلی ماده سی مؤخرأ
 فرانسه و ایتالیا دولتری بینده منعقد معاهده احکامی اقتضاسندن
 اولدیغدن ذات مسئله دن قطع نظر بو مقوله داخلی اولان مواده
 اجنبی مداخله سی جائز اولوب اولیه جغی حقیقه پك چوق مباحثات
 جریان ایلشدر. نهایت نقل ماده سی اکثریت ارا ايله قبول اولمش
 و فقط مقدم دخی یازلیدیغی وجهله بو تدبیرك تورین اهالیسی بینده
 زیاده سؤ تأثیری اولوب حتی بعض حرکات عصیانیه دخی قیام
 ایتش اولماریله بونلرك اسكاتی ضمنده واقع اوله جق خساراتلرینه
 مقابل مقدار مناسب تضمین ایچه سی اعطاسنه قرار ویرلشدر. بنأ
 علیه كرك بو تضمینك اعطاسی و كرك فلورانسده لازم كله جاك مصارفك
 ایفاسی کلی ایچه یه محتاج اوله جغی درکاردر.

امریقاده جنوبولر لوزیان مملکتده بر چوق زنجی اسیر ایدرك سلك
 عسکرلرینه ادخال ایلشدر. بونك اوزرینه الیوم ممالك جنوبیه ده
 مطلق زنجیلرك عسکر یازملری و بونلردن خدمت عسکریه ده دخول
 ایدنلرك اولادلریله برابر نائل حریت اولماری متصوردر.
 انكلتره و فرانسه دولتری طرفدن بالاتفاق ژاپونیا دولتی اوزرینه
 سوق اولتان سفان اوراده ازوقت طرفده غلبه عظیمیه ده ظهیر اوله رق
 طرفین بینده بو دفعه بر صلح معاهده سی عقد اولمش و بونك

مجموعه سنون

اثر

جمعیت علمیہ عثمانیہ

اوجنہی سندھ

نومرو ۳۴

شعبان

استانبول

جمعیت علمیہ عثمانیہ مطبعہ سندھ طبع اولنشد

(مواد مندرجہ)

ادھم پرتو	مدح سعی و ذم بطلالت
ادھم پاشا	مدخل علم ژتولوژی
فاردیس افندی	آیا صوفیہ
محمد شوقی افندی	اور و یاد ولترینک احوال حاضرہ می
نظیف افندی	اور مانجیل قتی
بکر صدقی افندی	زطوبت هوا



تجلیت مہر یلہ ممہور اولیان مجموعہ فنون نسخہ لرینہ ساختہ نظریہ
باقیہ رقی طابع و بایملری مشمول طبعیہ چقد ر

(مدح سعی و تم بطالت حقه مشاهیر علمای اسلامیه دن کمال

پاشا زاده نك عربی رساله سی ترجمه سید ر.)

بسم الله الرحمن الرحيم

وجوه مکاسب و دقائق صنایع بزره تعلیم و الهام ایلان جناب
الله جد و ثنا و خام اصحاب شرایع اولان حضرت محمد و آل
و اصحاب کرامنه صلاة و سلامدن صکره معلوم اوله که اشبو رساله
سعی مدح و بطالتی تم و قدح بیانده دره قال الله تعالی (وان لبس
للانسان الا ما سعی) یعنی انسان ایچون انجق سعی ایلدیکی نسنه
حاصلدره تفسیر تیسیر صاحبی (فادا قضیت الصلاة فانتشر وافی
الارض و ابتغوا من فضل الله) بیت کریمه سنی که معنای شریفی نماز
ادا اولندقدن صکره روی ارضه منتشر اولوب الهک فضائی طلب
ایدک دیمکدر (تفسیرده فضل اللهدن مراد باعث قوامن اولان
معاش و رزقدر که جناب حق انی بیع و تجارتله مباح ایتمشدرد یو
بیان ایدر معید ابن جیر رضی الله عنه بیورمشدر که (اذا انصرف

من الجمعة فاخرج من المسجد فساوم بالشئ وان لم تشتريه (یعنی جمعه
 نمازیدن عودتکده مسجددن چیتوب همان بر شیء مشتری اول هر
 تقدر الله من ايسه كده، بزديرز كه طلب رزق مشروع اولديغنده
 خلاف يوقدر چونكه بي محترم صلى الله عليه وسلم افندمن (اطلبوا
 الرزق في خبايا الارض) يوردی یعنی رزق ارضك خفايا سنده طلب
 ايدك. خلاف انجق بعض كره طلب فرض اولوب اولمديغنده در
 امام راغب ذریعه نام كتابنده شویله بیان ایلر كه دنیاده كسب و تجارتك
 مجاح اولديغی من وجهه در والا وجه اخره واجباتند در چونكه
 انسانك عبادانه قدرت واستطاعتی ضروریات حیاتی ازاله ايله
 اولوب بو تقدیرجه ازاله ضروریات واجبد در. زیرا بر واجبك تمامیتی
 هر نیه متوقف ايسه اودخی واجبد در. بر ادم مأكل وملبس ومسكن
 وسائر حوائجك تداركنده ناسك ثمره سعی اجتنایه مجبور اولور
 ايسه بوندن كرك كندوسنك تمتعی مقصود اولسون كرك اولسون
 هر حالده درجه استفادهسی قدر انلره خدمت ایتك لازم كلور
 والا ظالم اولور.

بر كمسنه ناسدن استفاده ایدوب كندوسنك انلره بر فائدهسی طوقنر
 ايسه جناب حقك (تعاونوا على البر والتقوى) یعنی ایولك رتقواده
 بری بر یكزه معاونت ایدیكن امر شریفنه امتثال ایتماش و (والمؤمنون
 والمؤمنات بعضهم اولیاء بعض) یعنی مسلمانلرك ارو عورتلری یكدیكرك
 ولیلریدر) هیئت عمومیه سنه داخل اولماش اولور. بو اجلدن ادعای
 تصوفله اختیار بطلالت ایدنلر و اخذ اولنه جق علملری و امر دینده
 وسیله اهتدا اوله جق عمل صالحلری اولیوب بلکه همتلری حظوظات
 نفسانیه لرینه منحصر اولانلر مذمومدرلر. بو مقوله ادملر ناسدن

منصفانوب امر تعبد شده اناره بار اولورلو و کندولری سائره منصف بخش اولورلو.

ایمدی یونلرک اتلافی ارزاق و اغلای اسعاردن بشقه فائده لری یوقدر. جنید رحمة الله علیه بیورد یلرکه بر فقیری استماع الحانه هائل کوررایسده ک یلکه انده بقیه بطالت باقیدر و الله تعالی بطلان اولان ادمی سومن و تحقیقا اختیار تعطل و تبطل ایدنلر صفت انسانیتدن و بلکه حیوانیتدن بیله منسلخ اولوب موتادن معدود اولورلو. چونکه انسانه موجب سعی اولسون ایچون اوج قوت تخصیص و اعطای اولمشددر بری قوه شهوانیه درکه ادمه موجب نشو و نما اولان مکاسب انکله و بری قوه غضبیه درکه مستوجب حفظ و حمایت اولان مجاهدات انکله و بری قوه متفکره درکه سبب هدایت اولان علوم انکله طلب اولور. بو تقدیرجه انسانه لازمدرکه کندو قوتنی تأمل ایدرک اندازه طاقتنجه حرکت و کندویه موجب سعادت اوله جق شیلری استحصاله سعی و غیرت ایلبه. یوندن معلوم اولدیکه ادمک تعب و مشقتی ذلتدن عزته و فقردن غنایه وضعه دن رفعت و خولدن شهرته سبب و صوالدر. بزر جهر دیمشدرکه کل و بطالتله تخلیق ایدن ادم سعادت داریندن قطع امید ایلسون.

ابوالمخراسانی اوائل خروجنده اشوبیتی انشاد ایدر ایدی.
(فلا اؤخر شغل الیوم عن کل - الی غدان یوم العاجزین غد) یعنی کلدن ناشی بر کونک ایشنی فردایه تأخیر ایلم زیرا فردا عاجز لر کونیدر. سلطدن خلفه یادکار اوله رق کتب توارینخده مسطور یونان اخباردندرکه ملوک سالفه دن اردشیر ابن بابک الساسانی کی

قلوب رعیتی خوف و خشیتله املا (۱) و مملکتدن جهل و غفای
ازاله و امحا ایتمش بر ملاک یوغیدی . حتی مشار الیه ایله ضرب مثل
اولنور ایدی . بو مقامه مناسب کلام بدیع النظام لرندندر که دیمشدر
(شهد الجهد احلی من غسل الکسل) یعنی جهد دن حاصل اولان
شهد نفسک اکامیلی وانکله تلذذی سببیه عسله تشبیه اولسان
کسلدن احلا در اولنده کی لذت مالا اولوب جهده اضافتی سببیت
ملا بسه سیله در و ثائیده کی لذت حالا اولوب اضافتی مشبه بهک
مشبهه اضافتی قیلندندر و بو معناده ایراد اولسان کلامک متخیلرندندر
که دینلشدر (راحتی فی جراحت راحتی) یعنی بنم راحت دست
غیرت پیوستمک جراحتنده در . معلوم اولسونکه بطالت هیئت
انسانیه بی ابطال ایلر . زیرا هیئت مجتمعه انسانیه و یا هر بر عضوک
که استعمالی ترک اولنه باطل و عاطل اولور . مثلاً کوز یومله رق وال
تحریک اولنیمه رق بر مدت بر اقلسه کوز کورمکدن وال طوتمقدن
قالور . بنأ علیه ازاده هر برشی ایچون ریاضت وضع اولنمشدر .
جناب حق حیوانه قوه حرکتی اعطا بیورد قدده رزقنی سعینه تعلیق
ایلدی تا که اعطا اولسان قوت تحریک فوائدی فوت اولیه وانسانه
فکر اعطا ایلد کده احسان بیورد یعنی نعمت ترک فکر ایله اتمام و اصلاح
اولنه جق بر طرفنی ترک ایلدی تا که فائده فکر باطل و وجودی
عبث قالیه . مریم علیها السلامک حالنی تأمل ایتکه جناب حق اعظم
معجزات اوله رق انک مؤنتی ایچون قوری اغاجدن تازه خرما خلق

(۱) بو تصور و حکم اسکی اصول اقتضا سیدر والا حقیقته بو
وجهله حکومت مقبول برشی اولیوب بلکه جلب قلوب زیردستان
ایله تأیید سلطنت ایلک بالوجه اولوا اقوادر .

ایتمشکن افاجک تحریکنی امر بیورمسی معجره پی محل دکلدردن ته کیم
بیورر (وهزی الیک یجزع النخلة تساقط علیک رطباً جناً) یعنی
یا هریم خرما افاجک دالنی سندن یکا چکوب تحریک ایله تا که
اوزریکه تازه خرما دوکلسون.

بعض علماء رزق جناب یارینک تقدیر یله اولوب لکن سببه مسبب
وحسب العاده عبد جانبدن طلب واسبابنه مباشرته وابسته اولدیغنه
بوایت کریمه ایله استدلال ایلدیلر و دیدیلر که کورمن مېسنکه جناب
حق حضرت هریمه (وهزی الیک یجزع النخلة) بیوردی حالبوکه
دیلسه انک واسطه تحریکی اولقسزین خرما پی اجنا واحضار ایدر
ایدی لکن هر برشی ایچون برسبب واردرد. ابوا سودالدئلی دیمشدر که
شعر (ولیس الرزق عن طلب خبث - ولكن الق دلوک فی الدلاء
یحیی بملئها طورا و طورا - یحیی بحماة و قلیل ماء) یعنی رزق طلبله
خبث اولمز همان سن قوغه کی صال بعضاً صو ایله طولو و بعضاً
چامورلی چقر. و خبرده وارد اولدیکه جناب حق عبادینه بیورر که
(یا عبدی حرك يدك انزل عليك الرزق) یعنی ای قولم سن قولکی
تحریک ایله بن سکا رزق انزال واعطایا ایلیم. عبدک حرکتی دخی
جناب حقدن اولمسی حرکت طلبنه منافی دکلدردن زیرا عبد انکله
مأمورددر امرک حقیقتی طلب اولدیغی بشقه محله تحقیق و اثبات
اولمشدر بو جوابله ذکر ای مشکل دخی دفع و ایضاح اولمش
اولور شویله که برادم رزق الالهیدندر و لکن قولدن حرکت استر
دیسسه شرکدر دیو مشهور اولان مسئله پی تعلیلده صاحب
خلاصه نک زیرا حرکت دخی جناب حقدندر دیدیکی موجه دکلدردن
بلکه بو کلامه شرک دینلیدیکی رزق خلقنده جناب باری عبدک

حرکتدن استعانه ایدر معناسی توهم اولندیغنه میندر بواسته
صحیحاً شرکدر چونکه قول مزبورک بر قاج معناسی واردر بری حقه
موافق اولوب بوکاجل اولندفده تکفیر شویله طورسون تخطئه بیه
لازم کلز و صاحب خلاصه نك تعلیلنه کوره دخی شرکله حکم لازم
کلیوب نهایت خطا دینه یلور: (فتوکلوا علی الله) قول شریفنده کی
امر زهار کسب و اسبابه توسلدن نهی معناسنه المنسون زیرا توکل
اسبابی و ادخار زخائری حیراتکا و استطهاردن چیقارمق اولوب
یوقسه عادت جاری اولدیغی وجهله انلردن استعانت صوریه بی
قالدیرمق دکلد رنته کیم علیه الصلوة والسلام افدمن توکل تعطیل
دیمک اولیوب بلکه اسبابه توسل لازم اولدیغنه بو حدیثله دخی اشارت
بیورمشلردر (لو توکلتم علی الله حق التوکل لرزقکم کما یرزق الطیر یغدو
نخاصاً و یروح بطیاناً) یعنی اگر سزلر جناب حقه حق توکل ایله
متوکل اریسه کز قوشلرکی سزی رزقلندیرر ایدی که انلر صباحی اج
واخشامی طوق ایدرلر: اشته قوشلرک رزقلندقلری طلب و سعیریلدر
(و الرزق مقسوم فلا ترحل له و الموت محتوم فلا توجل به) یعنی
رزق مقسومدر انک ایچون اختیار سفرایمه و موت محتتم و مقدردر
اندن قورقه و (رزق تو برتو زتو عاشقترست - روتوکل کن مارزان
پاودست - ورتو نشتابی بیاید بردرت - ورتو بشتابی دهد درد سرت)
یعنی رزقک سکا سندن عاشقدر انک ایچون تحریک دست و پا ایله
زیرا سن حرکت ایتمز سکده ینه قپوکه کلور و حرکت ایدر ایدر
سکا یهوده باش اغریسی اولور و (نصیبک یصیبک) یعنی نصیبک
سکا اصابت ایدر و (درپی ان غله که پیوده کشت - رنجه مشوچون
قلم اسوده کشت) شو اولچامش زخیره نك ارقه سنه دوشوب یورله که

قلم آسوده اولمدر یعنی ارزاق ازنده تقسیم و تحریر اولنوب جری ما
 جری وجف القلم مدلولنجه مجدداً برشی دهها تقدیر و تحریر اولنوب
 دیکدر. بو مقوله اقواله نه جواب ویریلور دیو سوال اولنور ایسه
 خزام نام خاتونک (اذا جاء نهر الله بطل نهر معقل) یعنی اللهم
 نهري کلد کده معقلک نهري باطل اولور سوزيله جواب ویروب
 دیرز که فحول اعلامدن نقل اولنان کلام جانب جناب خیر الاتامدن
 روایت قلنان احادیثه معارض اوله من. بزینه صدده رجوعله علی
 طریقی الاستدلال ذکر سبقت ایدن (وان لبس للانسان الاماسی)
 ایت کریمه سنک درایت و روایتیه مضابقی و حل اشکال و دفع قیل
 قاله موافق صورته تفسیر و تقریرینه مباشرت و بو مقامده تحقیقه
 شروعدن اول بر مقدمه ایرادینه مبادرت ایلر شو یله که امام ابو
 حنیفه و اصحابی و امام احمد ابن حنبل و ثوابی رضی الله عنهم
 عندارنده بر مؤمن صلوٰه و صوم و حج و صدقه و قرائت و امشالی
 ثوابارینی اخره و یرمک جائزدر زیرا صحیح مسلم و صحیح بخاریده
 صلی الله علیه وسلم افندمن ایکی قوج قربان ایدوب برینک اجرینی نفس
 همایونلرینه تخصیص و دیگرینک ثوابنی امتنه بخش بیوردقلری روایت
 اولندی. صاحب الاحکام عبدالحق العاقبه ادلو کابنده میت قبرنده
 غریق مثالی اولوب اولاد و اخوان و احباسبندن دعایه منتظر اولور
 و هر نوقت کندویه بونلرک طرفندن بر دعا وارد اولور سه دنیا
 و مافیهادن زیاده هر غوب و مقبول اولور دیو بر حدیث شریف
 روایت ایلددر. و دارقطنی حضرت علی ابن ابی طالبدن و اودخی
 جناب رسالتآب افندمن دن روایت بیوردیلر که بر کسسه مقابردن
 مرور ایلد کده اون بر قل هو الله قرائت ایدوب اجرینی امواته

هیه ایلر ایسه امواتک عددنجه اجره نائل اولور و حافظ شرح
 السنه ده ابی هریره دن روایت ایلدیکه برکسنه وفات ایدوب بر
 اوغلی قالسه درجه سی رفع اولور و اول کسنه یارب سبب رفع
 درجه ندر دیو سوال ایلدکده ولدیکک سکا استغفاریدر جوابی
 ویریلور: جناب حق بیوررکه (ما کان للنبی والذین آمنوا ان یستغفروا
 للمشرکین) یعنی نبی و مؤمنلره مشرکین ایچون استغفار ایلک
 مناسب اولمز. بوندن مستفاد اولان مشرکینک مؤمنلره استغفارلری
 مفید اولقدرد و کذا (والذین جاؤ امن بعد هم ویقولون ربنا اغفر لنا
 ولاخواننا الذین سبقونا بالايمان) یعنی مؤمنلرد نصکره کلنلر دیرلرکه
 یاربنا بزلری و ایمانده بزی سبقت ایدن قرنداشارمیزی مغفرت ایله
 بودخی دلالت ایدرکه بودعا انلره نافعدرد. و نبی محترم صلی الله تعالی
 علیه وسلم افندمز روز محشرده شفیع و مشفع اولوب شفاعتندن عصاة
 مؤمنین مستفید اوله جقلردر و علما بالاجماع بیان ایدرلرکه مسلم اولان
 کسنه دوچار اولدیغی اعراض و احراضدن و حتی الله باتان دیکندن
 طولایی مأجور و برکاهی مغفور اولور. اشته بوعنا تقرر ایتدکن
 صکره دیرزکه (وان لبس الانسان الاماسعی) ایت کریمه سنک مآلی
 خاطره تبادر ایلدیکی کی انسانه کندو عملندن ماعداسی نفع و ضرر
 ایلز دیمک دکلدر چونکه بوصورت انفا تنبیه و بیان قلنان وجهلره
 منقوضدر. و بلکه ایت کریمه سنک معنای شریفی بر مضاف تقدیری
 و یاخود مجاز طریقیه انسان ایچون کندو عملی اجرندن غیری اجر
 یوقدر کندو عملی وزرندن غیری وزر اولدیغی کی دیمکدر و الله اعلم.
 بالاده ذکر اولسان صورتلره انسانه و اصل اولان ثوابلر عملی اجری
 قیلندن دکلدر. بو تقدیرجه نقص وارد اولز اما قاضی بیضاوی

تفسیر شده (کما لا یؤخذ بذنب الغیر لایشاب بفعله) یعنی غیرک ذنبه
مواخذہ اولمندیغی کی عملیله ده مثاب اولم دیمشدر و خبرده (ان
الصدقة و الحج ینفعان المیت) وارد اولمشدر یعنی صدقه و حجک
میتہ فائده سی واردر چونکه میت ایچون نیت ایلیان اناک نائی
کبیدر، بو تعلیلده ضعف ظاهر و اشکال تمامیلہ مندفع اولمندیغی
باهر در.

(ادهم پرتو)

(مدخل علم ژؤلورژی)

ایکنجی فصل احجار بحشده در

قشرارضک احوال حاضره سندن احوال سابقه سنه و مبدأ و منشأ نه
تحصیل و قوف ایتک ایچون قشر مذکورک کیفیات و ترکیباتی بیلیمک
اقتضا ایده جکندن علی الاجمال احجارک جنس و ترکیباتی پیاننه
شروع قلنور. جنسیت جهتیله احجار بسیط و یاخود مرکب
اولور یعنی اجزاسی متجانس اولانه مرکب اطلاق اولنور. مثلا
عادی جبر و اعلامر مرلر و تابشیر و درالنجف ترکیب کیمیوی اعتباریلہ
مرکب ایسه لرده ینه احجار بسیطه دن عد اولنورلر زیرا بونلردن
برینی کسر ایلسک هر بر پارچه سی جله جنسندن اولوب خواص
و کیفیاتی مساویدر. مثلا کیرج طاشک پارچه لری ینه کیرج طاشیدر
و مرمر قطعهلری ینه اول مرمر جنسندندر. مرکب تسمیه
ایتدیکنر احجارده ایسه کیفیت بستیون بشقه اولوب اکثر حالده

اقسام غیر متجانسه سی يك نظرده عیان اولور، مثلاً سلطان احمد میدانده بر نوع سماقی دیکلی طاشك جنسندن معدود اولوب غرانیث تسمیه قلنان حجر مختلف الجنس مواد معدنیة ثلثه دن عبارت اولوب بری قوارس یعنی درالجف و بری فلسپات و بری دخی میقادر که هر برینك رنگ و شکلی بشقه اولدیغندن يك نظرده بری برندن فرق و تمیز اولور لکن اشبو غرانیث طاشی قیریلوب بو اقسام مختلفه یعنی قوارس و فلسپات ایله میقا تفریق اولسه اولحاله غرانیث اطلاق جائز اولمز زیرا بواسطه اجسام ثلثه مذکوره نك ترکیبندن تسکلی ایش اولان طاشه منحصردر حجر بسیطده اجزا بری برلینه قویا متماسك اولدیغی مثلاً و حجر مرکبده دخی اجسام مختلفه قوی التمسکدر و ذکر اولنان اجزای مختلفه نك مقدارلری بری برینه نسبتله تخلف ایدوب برینك آز و یا چوق بولمسیله حجر مذکورک کیفیتی تبدل ایدر، مثلاً اجسام مزبورده دن بری سیاه اوله رق حجر مرکبده کثرت اوزره واقع اولور ایسه دیگر ایکی جسم اولحاله يك کورغمیهرک حجر مذکور کاملاً سیاه اولور و قوارس چاقق طاشی جنسندن اولمغله غرانیثده مقداری زیاده اولسه طاش سرت و بالعکس فلسپات یومشق اولدیغندن کثرت اوزره غرانیثده بواندیغی حالده یومشق اولور، احجار غیر متجانسه نك جمله سی غرانیث شکل و صلابتده اولیوب مثلاً یوفیر یعنی سماقی طاشی هیچ بروجهله اول ترکیبده دکلدور، چونکه سماقی یه دقتله نظر اولسه خرسانك طاشلری یکدیگرینه ربط و الصاق ایلدیکی کبی اجسام مختلفه سنی تشبیه و الصاق ایدر، برده اشبو اجسام متفرقه بری برینه بلا واسطه ملاصق اولیوب خرسان قیپانندن بر نوع خیر بونلری الصاق

المشدرو بعضاً دخی ذکر اولئان خرج علی السویه بر جنسدن اولیوب
قونغلومرا و برش تعیر اولئان غیر متجانس حجرارده مواد متفرقه
بر خرج ایله حتمد ایسهده بو خرج دخی مواد مختلفه یی حاویدر
و غره نسیمه اولئان حجر حجر رملی اولوب یعنی مواد سیلبدن
عبارت ایسهده اکثراً مواد جیرییه و یاخود مواد حدیدییه و طینییه ایله
خر جلمش اوله رق اجزاسی متمد و متماسکدره فصل سابقده بیان
اولندیغی وجهله غره لره میاه جیرییه تفوذ ایتدکده سرتلکی متراید
اولور و بو حجر رملی قونغلومرا نسیمه اولئان جنس احجاردن
معدود اولوب حیاتی یعنی دانه لری یوجک اولدیغی حالده پودینک
اسیمله معروفدر که بعضاً غایت سخت اولوب اندن دکرمان طاشلری
اعمال اولنور.

معلوم اوله که طبیعتده موجود احجار و معادنک اختلاف خواص
و جنس جهتیله انواعی اوچبوزی متجاوز اولوب فقط جبالی ترکیب
ایدن احجارك عددی بوکانه سیله پک قلیلدر و نباتات و حیوانات
ارضک مواقع مختلفه سنده تنوع و تخلف ایلدیکی درکار ایسهده
احجار بویله اولیوب هر طرفده حسب الجنسیه ینلرنده مطابقت
تامه واردر. مثلاً روسیده اورال صحرالرنده و دشت قیماقده اولان
غرائیت طاشیله امریقا صحرالرنده اولان غرائیتلر ینشده قطعاً فرق
یوقدر و انکلتره و فرانسهده و بونلردن بعید بولئان بحر ازاق
جوارنده بولئان تباشیر طاشلری بری برینه مشابهدر. سائر احجار
دخی هر قنغی طول و عرضده و ارتفاع و انحطاطده بولنسه لر
کیفیات و خواصی تخلف و تبدل ایتمز. احجارك ایلروجه توصیف
وییلننه شروع اینکسزین احجار و معادنن بعضیلرینک اشکال

مخصوصه سنی تعریف ایدلم زیرا بونلری بلك يك لازمدره اشكال
 مذكوره عدد جهشيله غير محدود اوليوب حتى مواليد سائرهيه نسبتله
 يك قليلدره معلوم اوله كه معادن واحجارك اكثريسي بر شكل
 منتظم اوزره اولوب يعني سطوح خارجيه سي منتظم وجسم هندسي كي
 مقطعدر كه انلره قرستال تسميه اولنور قرستال في الاصل درالجف
 معناسنه اولوب اودخی بلوركي بر منتظم شكلده بولنديغندن بواسم
 شكل مذكوره بولنان كافه معادن واحجاره تعميم اولمشدر معلوم
 اولديغي اوزره مایعاتدن بعضيلری واردر كه تصلب ایلدکلرنده جسم
 هندسي صورتني يعني فاستالی منتظم شكله کیررلر و بوشکل اجزای
 جسميه نك بری برلرينه نسبتله صورت وضع وجذبيلرنندنشأت ایدره
 کیفیت غریبه هر قومه هر نقدر طبیعتده وقوع بولور ایسهده
 بالعمل انسان دخی بعضی اسباب و واسطه ايله انی وجوده کتورر
 شویله كه بعضی مواد آتشده اريد کدن صکره و بعضیسی دخی بر
 مایعده منحل اولدقدن صکره قرستالالنور و کبریت اذابه اولنوب
 بالتدریج تبرید اولنسه اولوجهله قرستالالنور وینار طاغلردن چیقان
 اریمش طاشلار كه انلره فورات تسمیه ایلدك انلرك یارقلرندن کوکرده
 انخره سی چیقهرق بر مقداری اولشقوقده قرستالالنوب قالوروعادی
 طوز دخی صو واسطه سیله يك قولای قرستالالنور بر ماده در و انك
 قرستالاری مکعب شکلنده اولور

قرستاللرك ظهور و تشککلی قوانین حکمیه تحتنده بولنديغي بدیهی
 اولوب قرستال شکانی اخذ ایدن هر بر جسمك کندویه مخصوص
 شکلی واردر مثلا یواش یواش تبرده قرستالالنش کوکرد دائما بر
 شکل ایلده و صوده منحل اولهرق قرستالالنش طوز دخی کندویه مخصوص

بر شکل ایله متشکل اولدیغی تجارب ایله ثابتدر بعض مرتبه تخلف
اینسه یله جزئی اولوب ینه شکل اصلبندن معدود اولور بودخی
بر جسم حالت مایعیتدن حالت صلابته هر نقدر بطاقت و تدریجه
کیررایسه اولقدر منتظم و جسیم اوله رق قرستالنور و بعض قرستالار
شول مرتبه صغیر اولور که ساده کوز ایله کور یله میوب خرده بین
ایله کشف و معاینه اولنور و بعضیلرینک دخی جسامتی زیاده اولوب
یوز سکسان و ایکی یوز قیه وزنده اولنلری بولنور.

تجارب کثیره ایله مثبتدر که قرستالارک خواص غریبه سندن بری
جهات مختلفه ده شق اولنه میوب یعنی استلادیکی طرفلردن یاریله میوب
جهات مخصوصه سی واردر که اول جهتلرده تصدع ایدوب شکلک
انتظامنه خلل کلز و اگر جهات مخصوصه مزبوره دن بشقه جهته ده
شق اولنه جق اولورسه قرستالک هیئت منتظمه سنه خلل طاری
اولوب شکست و منکسر اولور یعنی فاستاری قرستال کی دور
و مستوی اولز. اشته بر جسم قرستالینک یاریله ییلان جهات
مخصوصه سنه فرانسیزجه قلیواژ تعیر اولنور. معلوم اوله که
قرستالرده اشبو قلیواژ متعدد و مختلف اولوب قلیواژه کوره
شق اولندقدده اشکال هندسیه مجسمه حاصل اولور که جمله سی
اشکال اصلیه لرندن نشأت الیش اوللریله اشکال معینه اصلیه
مذکوره یه ارجاع اولنه یلور بو خصوصه دائر بر وجه آتی بعض
تفصیلاته ابتدار اولنور.

معادن و احجارک جمیع قرستالاری بعض تبدیلات و علاوه لر ایله
التی مجسم اشکال منتظمه هندسیه دن برینه نقل و تحویل اولنورلر.
بنأ علیه اشبو اشکال سه اشکال اصلیه اعتبار اولنوب قرستالارک

اشكال سائرہ سی مطلقاً ہونا بردن برینہ منسوبدر: اشكال اصلیه مذکورہ نك اسامیسی زیردہ بیان اولنور: برنجیسی مکعبدر: ہونك سکز زاویہ سی واون ایکی ضلعی اولوب التی سطح متوازی احاطہ سندن حاصل اولور: اشته مکعبہ زاویہ لردہ وضلع لردہ مشابہت تامہ اولغلہ بر ضلعہ ویاخود بر زاویہ دہ اولہ جق تبدل دیگر لرنده دخی واقع اولق لازم کلور: اکا بنا زاویہ لری قطع اولندیغی حالہ بر جسم ذو ثمانیہ قواعد منتظم حاصل اولور واکر مکعبك اون ایکی ضلعی قطع اولنسہ ذوائنی عشر قواعد اولان شکل مجسم منتظم حاصل اولور و اهرام مثلی دخی مکعبك متفرعاتنددر: ایکنجیسی منشور مربعدر: اشبو منشور مربعی بری برینہ مساوی سکز زاویہ مجسمہ دن عبارت اولوب ہونلر متناظراً واقع اولمشدر واون ایکی ضلعی وارايسہ دہ سکزی افقہ موازی ودردی عمودیدر واشبو شکلک بعضاً ایکی قاعدہ سندنہ بر اهرام مربعی واقع اولور:

اوچنجیسی منشور مستطیلدر اشبو شکل سالف الذکر منشور مربعی یہ بکزر ایسہ دہ ایکی قاعدہ سی مربع الشکل اولیوب مستطیل شکلندہ در دردنچسی شبیہ بالمعیندر: معلوم اولہ کہ مکعبہ بری برینہ مساوی اوچ محور وارد را شکل اصلیه دن ایکنجی شکلدہ یعنی منشور مربعی کہ محورل جملہ سی مساوی اولیوب فقط ایکبشر ایکبشر مساوی واقع اولمشلاردرو منشور مستطیلدہ ایسہ محورل غیر مساویدر و مجسم شبیہ بالمعیندہ محورل بری برلرینہ ہم مساوی و ہمسدہ مائل اولوب مجسم مزبورک ہر طرفی شکل بسیط شبیہ بالمعین بر منشور مائلدر و ہر طرفی مساوی اولوب فقط زاویہ ل مکعب مجسمہ اولدیغی

کبی قائمه دکلدزلر اشبو مجسمک متفرعات کثیره سی وارد ر.
 بشنجیسی منشور شبیه بالمعین مائل اولوب التنجیسی دخی منشور
 مائل غیر منتظمدره علم معادنده اشبو قرستالیر اسیون زیاده معتنا
 وشایان تتبع بر کیفیت اولوب اجسامک اجزاسی بیننده غریب حالات
 اولدقدن بشقه معادنک پک چوغی دخی قرستالینش اولدقلری حالده
 یک نظرده اشکال مخصوصه لری واسطه سیله بری برندن تقریق
 وتمیز اولنور فقط بونک بیلنسی میترالوژی یعنی مبحث المعادن دینلان
 علمک تحصیلنه موقوفدر.

معادن شکل قرستالیدن بشقه نیجه اشکال مخصوصه ایله منشکل
 اولوب مثلاً حبات شکلنده و دیش دیش و ریش و خیط کبی اولور
 و بعضاً دخی هیچ بر شکل مخصوصی اولیوب طویدن کومه کبی اولور
 و بوکار کی تعیر اولنور. بعضاً دخی بر معدن ساده کوز ایله کور یله میه جک
 درجده اجزای صغیره دن عبارت اوله رق سائر معادن دروننده
 بولنور. معادن ایله اکثر حالده مخلوط بولنان احجسارک باشلیجه لری
 بولنور درقوارس فلسپات میقا پیروکسن انفیبول حمض حدید.

(ادهم)

ناظر معارف و نافعده

(آیا صوفیه)

معلوم اولدیغی اوزره شهر استانبول یدی یوکسک تپه اوزرینه بنا
 اولمش اولدیغندن آیا صوفیه جامع شریفی بولاردن جانب شمال

شرقیه واقع تپه نك جهت غربیه سنده اخر قپویه یدی یوزویالی کوشکی
 ساحله بیک خطوه بعد مسافه ده واقع در زمان قدیمه موقع
 مذکورده بر بتخانه اولوب صکره خرابه سی اوزرینه میلادك ۳۲۷
 سنه سنده قیصر قسطنطین اکبر خاچ شکننده اخشاب بر کلبسا
 بناسنه مباشرت و حکمت ربانیه معناسنه (تئو صوفیاس) تسمیه ایلشدر.
 انجیق ختامه رسیده اولقسزین قیصر مشار الیه وفات ایلدیکندن
 اوتوز اوچ سنه صکره اوغلی قوسطانس بر مقدار توسعیله برابر
 اتمام ایلشدر. فقط اسم مذکور دن رب معناسنه اولان تئو لفظی
 مرور زمان ایله حذف اولنوب یالکز صوفیه و صکره مبارک معناسنی
 متصنن آیا کله سی علاوه سیله آیا صوفیه یعنی حکمت مبارکه تسمیه
 قلنس والی یومنا هذا بو اسم ایله معروف بولنمشدر. بنای مذکور
 قرق درت سنه صکره محترق اولدیغندن آرقادیوس نام قیصر تاریخ
 میلادك درت یوز اون بشنده ینه اخشابدن اوله رق مجدد ابنا ایدوب
 بودخی یوز اون یدی سنه پایدار اولدقمن صکره بش یوز اوتوز
 ایکی تاریخنده جوستینیانوس نام قیصر زماننده در سعادتده سرزده
 ظهور اولان اختلالده طعمه نار اولمشدر. وقعه مذکورده قیصر
 جوستینیانوس ارباب فساده غالب کله رك امن و اسایشك تقریرینی
 متعاقب معبد مذکورك زینت و جسامتجه امثالی کورلماش بر صورتده
 وهیئت قدیمه سی اولان خاچ شکننده کارگیر اوله رق انشاسنی تصمیم
 و ممالکنك هر طرفندن اك مشهور معمار و نقاشلری در سعادتده جلب
 ایتدیکی مثلاً روما و آتنه و مصر و جزایر بحر سفید و آیاتلوع و اسکی
 استانبول و سائر یرلرده واقع معابد و ابنیه قدیمه و مشهوره خرابه لرندن
 سماقی و یشم و ویرقانی و دیگر ذرلو مقبول و نادیده ستون و احجار

تجمع و تدارکله در سعادت به نقل ایتدیرمشدر. معبد مذکورک باش
 معمارانی سلطان حصار اهالبسندن اولوب علوم ریاضیه و سائرده
 ید طولاسی بولان آنته میوسه حواله ایدوب معینه دخی یوز معمار
 و هر بر معماره یوز عمله که جمعاً اون بیک کشی تعیین ایلدی. بونلر
 یکدیگره موجب غیرت و رقابت اولق اوزره ایکی به منقسم اوله رق
 میلادک بش یوز اوتوز اوج سنه سی شهر شباطک یگرمی اوچنچی
 کونی اساسنک وضعنه مباشرت اولغش و قبل الاتمام مومی الیه
 باش معمار وفات ایلدیکندن یرینه عمراده سی پاله چه لو ایسیدوروس
 تعیین قلمشدر. بناسی میلادک بش یوز اوتوز سکر سنه سی کانون
 اولنک یگرمی دردنده یعنی بش سنه اون ای طرفنده و دیگر روایت
 کوره انقاضنک در سعادت به نقل یدی سنه الی و بناسی سکر سنه
 الی ای متمد اولوب بو تقدیرده اون الی سنه ده ختام پذیر اولمشدر.
 معمار مومی الیه ابراز مهارت ایچون قبه سنی پک یصی یامش
 اولدیغدن یگرمی سنه صکره وقوعبولان بر حرکت ارضدن ناشی
 منهدم اولش و ینه معمار مومی الیه اولکنندن یگرمی قدم
 مرتفع اولق اوزره شمدیکی قبدی انشا ایدوب بوکا تقویت و یرمک
 اوزره خارجاً شمال و جنوب طرفنده برر کر و زمیندن قبه به قدر
 ایکبشر پای بند و دیگر بعض ابنیه علاوه ایلمشدر. اشبو علاوات
 خارجاً رونق و لطافتنه ایرات خلال ایتش ایسه ده داخل کرک
 صنعت و جسامت و کرک احشام و زینتجه اولان محسناتی حقیقه
 خیره ساز عیون عالمدر.

یوک قیودن کیرلده کده محرابه قدر کیدیلوب وسطنده طورلدیخی
 حالده نظر جوانب اربعه سی احاطه ایده جکندن شو جهتله

دخی هر درلو مدح و ستایشه الیق و احرا و روی ارضده بولنان
بو مقوله اینده نك كافه سنه تفوق و رجحانیتی رونمادر.

بناسنه صرف اولنان مبالغ تقریباً بر ملیون لیرایه بالغ اولوب بانیسی
بولنان قیصر مشار ایله درونته وضع ایلدیکی تزیینات فوق مایه تصور
اولوب یا لکزاوچ بیک مذهب سیم قنديل تعلیق قلندی و این عبسوی اوزره
محراب پیشگاهنده موضوع بیوک سفره التون و کوش و اینجو و الماس
و یاقوت و زمرد و سائر هر نوع ذیقیت احجار دن عبارت بر خلیطه دن
معمول اوله رق یتش ایکی الوان مختلفه بی شامل ایدی و زر خالصدن
مصنوع یکپاره درت ستون اوزرینه موضوع اولوب بونك اوزرنده
دخی درت قطعه مذهب سیم ستون اوزرنده واقع سیم قبه نك
اوستنده اوتوز سکر قیه و زننده الماتعیر بر قطعه التون کره و بونك
اوزرنده دخی یکرمی اوچ قیه و زننده كذلك التوندن معمول و انواع
جواهر ایله مزین بر خاج وضع اولتمشیدی و صحنك جانب شرقیسنده
غایت مصنع و ذیقیت معادن و احجار ایله مزین و مرصع بر منبرانشا
قلتمشیدی. بعض مؤرخینك تحریرینه کوره اشبو منبر ایله محراب
پیشگاهنده بولنان مذکور سفره بالاده ذکر اولندیغی اوزره قبه نك
حین انهدامنده شکست و تلف اولوب فقط دیگر روایتیه نظراً
لاتینلر شهر قسطنطنیه بی ضبط ایتد کلرنده مذکور سفره بی
سائر بر چوق تزیینات ایله برابر اخذ و سلب و مملکتلرینه ارسال
ایتمك اوزره بر سفینه یه تحمیل ایتمشلر و اشبو سفینه هر مره دکرینك
اورته سنده غرق اولمشدر.

جوستیا توس آیا صوفیه نك کشاد رسیده بیک رأس صغرو بیک
قیون و الی یوز کیک و بیک طومر و اون بیک خروس و طارق

نسخ ايله فقرايه پك چوق خنطه توزيع ايلمشدرو كندوسى عظيم
الاي ايله دروننه دخول و منبره عروج ايله بويله بر معبد بناسنه
موفق اولديغدن طولايي بيان تشكر معرضنده برنطق ايراد ايدوب
بوعصرده عرض تفاخر و مباهايات ايله وواي حضرت سليمان بن
سكا تفوق ايلدم“ ديمشدر.

سندیس (Sandys) نام سیاح دیمشدر که ووبوینای مشهورک بروجه
تدقیق تعریف و توصیفی موجب تطویل اولوب بوکاتصدی ایتسم
دخی افاداتم مشهوداتمه نسبتله پر نقص و قصور اولور“ بنأ علیه
حق توصیفی ادعا سنده اولمديغم چالده اولبايده بر علم اجمالی اعطاسنه
ابتدار ایدرم شویله که ایاصوفیه اوروپا و روسیه ده الک مشهور کلبسالر
و خصوصاً وندیکنده کائن سن مارق معبدینک و در سعادتده بر چوق
جوامعک بناسنده از چوق نمونه اتخاذ قلمشدر. جامع مذکورک
شکلی مربع و خاچواری اولوب طولی ایکی یوز التمش طقوز
و عرضی ایکی یوز قرق اوج و زمیندن قبه سنک بالاسنه قدر
ارتفاعی یوز سکان سکر قدم هند سیدر. جسماتجه فی زمانه دنیاده
موجود دیگر یوک عبادتخانه لره نسبتله دردنچی درجه ده در و تخمیناً
یکرخی بش بیک نفوس استیعاب ایدر.

ایکبسی شمال و ایکبسی جنوب طرفنده صحنک درت گوشه سنده برز
جسیم دستک و بونلرک اوزرنده درت مرتفع کر انشا اولمشدر که
بری شرق و بری غرب و بری شمال و بری جنوب طرفلرینه یعنی بونلرک
هر بری جهات اربعه اصلیه دن برینه مقابلدر و بنانک غایت مصنع
اولان قبه سی اشودرت کر اوزرینه بنا قلمشدر.

کرک قبه و کرک کرلرک بناسنده استعمال اولان طوغله لرردوس

جزیره سنده غایت خفیف بر نوع طوپراقدن اعمال اولمش اولوب
التبسی بر عادی طوغله اغرلغنده در و هر بر طوغله نك اوزرینه
یونانیجه و وجناب حق بو بنانك داخلنده در و هیچ بر وقت متزلزل
و خراب اولیده جقدر^{۱۰} کلماتی طبع اولمشدر. حین انشاسنده هر
اون ایکی طوغله اراسه پیشوایان دینك (رلیق) تعبیر اولنور تبرکاتندن^{۱۱}
بر پارچه وضع ایله دعا اولنور ایدی.

قبه مذکورہ نك قطری یوز سکر و ارتفاعی اوتوز سکر قدمدر.
بنأ علیه لوئدرده کائن سن پول کلباسی قبه سندن بش قدم
مرتفع و روماده واقع سن پترو کلباسی قبه سندن یکرمی سکر قدم
الچقدر. بونك اشاغی طرفی قالین اولوب یوقاریسی بالندریج اینجه ذر
و قرق درت پنجره سی اولوب داخله هر ایکسنگ اراسنده رصانت
ایچون بر قدم ٹخننده بر قائمه واردر و بونلرک یوقاری طرفلری
اینجه لک یکدیگرینه تقرب ایدوب قبه نك تپه سنده برلشورلر.
داخله قبه نك درت گوشه سنده موزائیک تعبیر اولنور خرده جام
پارچه لردن مرکب درت ملک رسمی واردر که بونلر جبرائیل و میکائیل
و عزرائیل و اسرافیلک صورت موهومه لریدر. كذلك کرلر ایله
بتون قبه نك سطحی اشبو موزائیک ایله تزیین اولمشدر.

سالف الذکر دستکرتیمور و قورشون وضع و اصاغه سیله و علی
روایه شهرک ابنیه سائر سنده مستعمل بر نوع خرج ایله یکدیگره
تحکیم اولمش جسیم طاشلردن عبارتدر. خرج مذکور قیناساداش
ارپه صوی ایله کرج و اصدا ف صغیره بحر یهدن و قره اغاجک
سحق اولمش قبوغندن مرکب اولدیغی مرویدر.

اشبودستک و تملردن ماعدا بنانك هر طرفی طوغله دن انشا و قبه ده

موضوع اولدیغی مثل اولیونانک سائر محاربهینه و ستونلرک زیر و بالاسنه
 بر پارچه رلیق صوقشدیرلدر: ذکر اولنان درت بیوک دستکدن
 بشقه ایکبسی شرق و ایکبسی غرب طرفنده دیکر درت کوچک
 دستک دخی وارددر: شرق و غرب طرفنده کیلرک یکدیگریله بیوک
 دستکلر اوزرنده برر کر و بونلره مستند برر نیم قبه و یانلرنده منحنی
 الشکل برر نیم دائرة اولوب بو وجهله شرق و غرب طرفلرنده اوچر
 نیم دائرة و نیم قبه شکل ایتشددر: انجیق شرق طرفنده و سطده
 واقع نیم دائرة یعنی محراب محلی زیاده جه مقعر در و بونک اوچی اشاغیده
 و اوچی یوقاریده الی بیوک پنجره سی وارددر و مقابلنده غرب طرفنده
 و سطده واقع نیم دائرة مقعر اولوب انجیق زاویه قائمه یه منتهی
 و اوزری یالکز کرلی اولوب نیم قبه سی اولدیغی حالده حصیر اوه سنه
 چقار و سطده بر بیوک و ایکی طرفنده برر کوچک که جمعاً اوچ قیوسی
 وارددر و هر بر اوچ نیم قبه اوزرنده غرب و شرق طرفنده اولان
 بیوک قبه کرلرینه قدر مرتفع و بونلره مستند برر نیم قبه دخی
 وارددر:

اشته بو وجهله اورتده تمل و ستون کورغندیکی حالده نیم دائرة
 و قبه لرحزن جامعی خلی توسیع ایله موجب حیرت اوله جق بر
 صورته وضع ایدر که شو حال هیچ بر معبدده یوقدر: هر بر کوچک
 دستک ارقه سنده یعنی بونلر ایله دیوار یاشنده برر طارکچید وارددر:
 ذکر اولنان الی پنجره دن ماعدا هر بر نیم قبه نک بالاسنده بش پنجره
 وارددر و مذکور نیم قبه ل داخل بیوک قبه مثل و موزائیق ایله مزیندر
 بیوک و کوچک دستکلرک اراسنده یعنی محراب نیم دائرة سیله مقابلنده
 واقع اوچ قبه نک یانلرنده واقع مارالذکر درت نیم دائرة نک اشاغی

قائده هر بریسفده ایکبشردن جمعاً سکن قزل سماقی دیرک وارد
 بونلرک ارتفاعلری اوتوزر و قطرلری اوچر یچی قدمدر. قاعدلری
 چار گوشه بیاض مرمردن و سائر ستونلرک قاعده لرندن بیوجکدر
 و باشلری کذلک بیاض مرمردن اوله رق غایت مبشعدر. بونلرک
 وبالخصوص غرب طرفنده کیلرک اکثریسی مرمور زمان ایله بعضی برندن
 چاتلامش اولدیغندن تیمور و تونج چنبرل طاقلمشدر. اشبوستونلر
 فی الاصل بریه الشامده کائن بعلبک شهرنده شمسه مخصوص مشهور
 عبادتخانه ده مرمکوز اولوب بونلر اورلیانوس نام قیصر طرفندن رومایه
 ارسال و اوراده ینه شمسه مخصوص بر معبد بناسنده استعمال
 قلمشیدی. بعده معبد مذکور خراب اولدقده اشبوستونلر
 اصلر اداکاندن برینک زوجه سنه بالورائه انتقال ایتدیکندن
 مرقومه دخی آیا صوفیه نک حین بناسنده جوستیانوسه اهدا
 ایلشدر.

(بقیه سی صکره)

(فاردیس)

از خلفای اوطه ترجمه باب عالی

(اوروپا دولترینک احوال حاضر سی) • (مابعد)

مدنیت

تفصیلات سالفه دن مستفاد اولدیغی اوزره اوروپا اها ایسی مشهور
 نظر عبرت نمون اولان درجه تمدنه بالتدریج ارتقا ایدوب بو کیدشاه
 دها اعلا درجه لره واصل اوله جقلری بی اشتباهدر چونکه مدنیت

هیئت اجتماعی ده بولان افراد بشرک مظهر اولدیغی ترقیات مادیه
 و معنویه نك هیئت مجموعه سی ديك اولوب بودخی انسانك كرك
 کند و اینای جنسك و كرك دروننده متعیش بولندیغی مخلوقات
 سائر نك احوال و کیفیاتنه دائر بالتدریج استحصال معلومات ایدرك
 سرمایه مثابه سنده اخلافتنه ترك ایلمکدن عبارتدر. ترقیات مادیه
 اوزرنده بولندیغی کره ارضك اسباب طبیعی ثروتنه و بونلرك
 انسانه فائده لو صورتله استعمالنه دائر معلومات یعنی علم معاشدن
 عبارت اولدیغی مثلاً ترقیات معنویه دخی کند و مزاج و ماهیتمه
 و دروننده بولندیغی هیئت اجتماعی نك احوالنه و امر معاده دائر
 ممکن مرتبه موافقی نفس الامر اوله رق استحصال قلنان معلوماتدر
 (الاحتیاج ام الصنایع) دینلدیکی وجهله احتیاج انسانی بالطبع
 تحریر و تحصیل معلوماته سوق ایدر چونکه طبیعتده دفع احتیاجه
 صالح هر درلو مواد موجود ایسه ده انسان بونلری استعماله قابل
 بر قابله افراغ ایتمک مجبور و بوا یسه سعی و عمله موقوفدر فقط
 اشبو سعی و عمل حسب الخلقه موجب تعب و مشقت اولدیغندن
 انسان هم احتیاجات واقع سنيك لایقيله دفعنه و همده بونك موقوف
 علیهی اولان مشقتك اولدجه تقلیلنه بذل مجهود ایدوب یعنی مساعی
 جزئیه ایله احتیاجات کلیه دفعنه چاره ارر. شو مقصدك حصولنه
 بالکز بر طریق اولوب بوده کند و سنه لازم اولان شیلرك تدارك
 و تحصیلنده بعض اصول مستحسنه اتخاذندن عبارتدر که انسان بونلری
 تحریر و تجربه ایله بواور مشویله که اوالنده افراد بشر هنوز حلیه
 کالاتدن عاری اولسنه مبنی مجرد دفع دغدغه جوع مقصدیه
 کند و سندن ضعیف بولسان حیواناته هیسوم و افتراس ایدوب

بعضیہ لرینک لمندن تلذد ایتدیله انجق بو مقوله حیوانات صیدنده
عسرت اولدیغی و احتیاجات واقعہ لری ایسه بونک استحصالده بر
سائق قوی بولندیغی جهتله بالضروره اشبو مشکک حله تصدی
ایدوب نہایت ظفریاب اولدیله شویله کہ بونلرک اذکیاسندن بری بعض
اناچ دالترینک اکیلوب بعدہ براغلدقده شدتله حالت اصلیه سنہ رجوع
ایتدیکنی کشف ایتمسی اوزرینه اناجک شوخاصہ سندن استفادہ برہ
یای و اوق ایجاد اولنوب بو صورتله صید و شکار کسب سہولت ایلدی
وبعدہ انسان بویولده دہاترقی و تفنن ایلہ رفاه و سعادت عالمی
موجب نیجہ اخراعاتہ موفق اولہ رق صاعد مدارج کمالات اولمشدر
شو حالہ نظر آمدنیت انسانک طبیعتی و خلقت ذاتیہ سی اقتضاسندن
اولوب بو دخی انسانک احتیاجات واقعہ سنک سوقیہ استحصال
ایدہ بیلدیکی معلوماتدرہ فقط افراد بشرک معلوماتی قرناً بعد قرن
تزايد ایدوب بوجہتله حدودی غیر معین اولغله مدنیت غیر متناہی
دیمک اولور.

اولوجہتله مدنیت انسانک خلقت ذاتیہ سی اقتضاسندن ایسہدہ
کافہ طوائف و ائم طریق تمدنہ منساویا ایلرولہ مامشدر و حتی
بعضاری بویولده بر درجہ اعلا یہ واصل اولش اولدقلری حالہ
بر چوغی حال و حشت و جہالتدہ قالمشدرہ اشبو تفاوت طوائف
مذکورہ بیلندہ قوای جسمانیہ و روحانیہ جہ اولان اختلافدن و مقر
وہاوالری اولان اراضینک احوال مخصوصہ سندن نشأت ایتمشدر
شو تفاوتک مدنیتہ اولان صورت تأثیری شایان تحقیق بر مادہ در
شویله کہ قوای جسمانیہ و روحانیہ لری مختلف و متفاوت ایکی طائفہ
بر ملکندہ متکین اولسہل لاجرم قوای جسمانیہ و روحانیہ سی مکمل

اولان قومك امر تمدنه ديكرينه تفوق ايده چكى مثلاً و خواص
مذكوره جه مساوى ايكي قوم مواقع مختلفه ده ممكن ايتسه لر ترقيلرى
متفاوت اوله جنجى امور مسلمه دندر.

مدنيك عناصر طبيعى سي اولان اسباب مشروحه مطالعه و تدقيق
ايدلد كده طوائف عالمان بعضيلرينك درجه رفيعه مدنيته ارتقا
ايتلارى و ديكرنرينك حال و حشت و جهالتده قالملى نه مقوله
اسبابه مبنى اولديغى اكلا شيلور. مثلاً جزاير هنديه اهاليستك اوله عقل
و فطانت جهته سائرلندن دون بولمى و ثانياً ممكن اولدقلى
ممالك اعتدال هواسى و اراضينك مبتلاكي جهته احتياجاتلرينى
بالسهوله دفع ايتدكلرندن اختيار بطالت ايتللى و حسب الموقع
كندولرينك قطعات عالمان منقطع اولدقلى ملل سائر ايله اختلاط
ايتمللى يئرلنده انوار مدنيك انتشارينه حائل اولمشدر. اهالى
مذكوره نك مملكتلى محصولدار اولماش اولسه ايدى خارجه
احتياجلى اوله جفتدن ملل سائر ايله كسب مناسب و بو وسيله
ايله فن بحرى و سائره يى تحصيل ايده چكلى دركار ايدى. اهالى
مرقومه نك اليوم بعض مرتبه طريقى تمدنه سلوكلى ملل متدته نك
اورالره آمده شد ايتلى سايه منده وقوع بولمشدر. خلاصه برطائفه نك
مزاج و طبيعتك و بولندقلى مملكت احوال طبيعه سنك حصول
مدنيته مدخل كليسى وارد.

فى زماننا ك زياده تمدن طوائفدن بريى انكلتره لو اولوب طائفه
مذكوره زمان قديمده بربرينى متعاقباً انكلتره ممالكنى استيلا ايتش
اولان التى يدي قومك طبائع و تمايلاتجه اتحادندن تركيب ايتش
و سمدىكى مدنيتلنده اراضينك و موقع جغرافيه سنك يك حقوق

تأثیری اولمشدز. انکلتزہ نیک اراضیسی منبت ایسہ ده اہالی یہ ایراث
بطالت ایدہ جت درجہ ده اولیوب هواسی ایسہ افراط ایلہ شدید کلدز
انجق انسان قالنچہ البسہ و مضبوط مساکن تدارکیلہ برودتک
سو تأثیراتندن کندوسنی محافظہ یہ مجبوردر. برده مملکت مذکورہ
اوروپا قطعہ سندن بر بوغاز ایلہ منفصل اولوب بو جہتہلہ اہالیسی
محظی اعدادن مصون و کندولری ملل سائرہ ایلہ اختلاط ایدرک
صناعت و تجارتلہ مألوفدرل. ایشہ بو مقولہ محسنات موقعیہ
سایہ سندنہ انکلتزہ ده مدینتک سرعت ترقیسی لاید بولنمشدر. اگرچہ
انکلتزہ نیک اہالی اصلییہ سی یکی زلانده صحرالزنده متمکن اولہ رق
متعاقباً انکلتزہ سواحلی استیلا ایدن اقوام ایلہ اختلاط واتحاد
ایتمامش وطریق تمدنہ سالک اولان اوروپا اہالیسی ایلہ کسب مناسبات
ایتمامش اولسدل ایدی الیوم مذکور یکی زلانده اہالی اصلییہ سندن
هیچ بر فرقلری اولیہ جغی درکار ایدی.

مدینتک ترقیسنہ ذکر اولسان محسنات موقعیہ و سائرہ نہ درجہ
مدار ایسہ سربستی افکارک فقدانی واسارت مادہ سی او درجہ
مزاحدر.

یورایہ قدر اوروپا لولرک علوم و معارف وامر اداره و سائرہ جہ
وقوعبولان ترقیلری مقدمہ طرزندہ اولہ رق مجملہ بسط و بیان
اولنمش اولدیغندن بر وجه آتی مقصدہ شروع اولنور.

انکلتزہ ذواتی

انکلتزہ ممالکی بیوک بریتانیا واسقوجیا و ایرلانده و دیگر بعض
جزائر دن عبارت اولوب یونلرک حال و موقعی انکلتزہ دولتنک بحراً

کمال قوت و مکنشنی موجب اولشد در ممالك مذکوره شرقاً بحر
شمالی و جنوباً مانش دکزی و شمالاً و غرباً بحر محیط غربی ایله محدود
اولوب بو وجهله انکلتره دولتی بالجمله حرکات و سکناتنده سر بیست
بر حالده بولند یغندن اببحار مذکوره نك هر طرفنده نفوذی جاریدر
ویوک بریتانیا اطه سی هر نقدر الی ایله التمش بر درجه بیننده واقع
ایسده هواسی وسط المانیا و بلکه قریم هواسنه معادلدر انکلتره
دولتک حکومتی بالکز جزائر مذکوره یه منحصر اولوب کره ارضک
هر طرفنده مستملکاتی وارددر از جمله اوروپاده کرک تجارت و کرک
سیر سفائن ایچون کمال اعمیتی اولان سپته بونغازی و مالطه جزیره سی
و آسیا قطعه سنده الک زیاده منبت و زنکین بولنان هندستان و افریقاده
و فلنک جدیدده بر طاقم محصولدار سواحل و جزائر و امریقای
شمالیده دخی ممالك وسیعه انکلتره یه تابعدر.

دولت مشار الیهانک داخل قلمرو حکومتی اولان ممالکک کافه سی
تقریباً یوز یتمش بیک در تیوز قرق سکن میریامترو (۱) مربع وسعتنددر
بونک بالکز بش بیک میریامترو مقداری اصل انکلتره ممالکی
اولوب قصوری آسیا و افریقا و فلنک جدیدده اولان ممالکیدر.
بیک بشیوز سکنان اوچ تاریخنمبرو امریقای شمالی یه متصرف
اولوب تاریخ مذکور دنصکره دخی طوعاً و جبراً امریقانک وسطنده
واقع بر طاقم یرلری ضبط و بوندن براز صکره افریقایه توجه ایتمش
و بیک التیوز سکنان سکن تاریخننده بومباید بر تجارت قومیا یاسی
تشکیل و بو طریق ایله هندستانده الی بیک میریامترو وسعتنده ممالکی

(۱) بر میریامترو اون بیک مترو درکه مشی معتدل ایله بکی بچق

ساعتک مسافه در.

تسخیر ایلشد و فلنک جدیدہ ایسہ بویقینلردہ توسیع حکومت
ایتمکدہ در.

یوک بریتانیانک اراضیسی سیان اولوب انکلترہ واسقوجیا اراضیلری
یکدیگرندن فرقلیدر. علی العموم انکلترہ سیوری واسقوجیا دوز
تپلردن عبارت اولوب ایرلانده جزیرہسی دوز اوہدر فقط انکلترہنک
بعض یرلری پک یوکسک دکل ایسده عموماً مرتفع اولق ملابسہ سیلہ
درونده جریان ایدن کوچک نہرلرک مجرالری عمیق اولغله سیرسقاآن
قابل و یاخود جزئی ہمتلہ شو حالہ افراغلری ممکن اولدیغی مثالو
اغزلرنده طبیعی منسج لیمانلر موجود اولوب بونلردن یوز قدری غایت
واسع و بشیوزی کوچکدر. انکلترہده موجود اولان انہارک مجرالری
بالطبع پک قصہ اولوب اک اوزونی تامس نہریدرکہ اوتوز بش
میرامترو طولندہ در و کرک انکلترہ و کرک ایرلانده واسقوجیادہ
خیلیجہ جسیم کولار اولوب ممکن اولان محالردہ نہر و کول و دکر
ینلرنده جدولار کشاد اولمشدر.

یک سکر یوز بر تاریخندنبرو بہر اون سنہده بر کرہ تحریر نفوس
اولنسی پارلمنتونک قراری اقتضاسندن اولغله یک سکر یوز الی بر
تاریخنده اجرا قلان تحریر نفوسدہ انکلترہ و غال مملکتندہ اون
یدی ملیون طقوز یوز بش یک سکر یوز اوتوز واسقوجیادہ ایکی
ملیون سکر یوز یمش یک یدی یوز سکسان درت و بوکا تابع
اطہلردہ یوز قرق ایکی یک طقوز یوز اون الی کہ جعاً انکلترہده
یکرمی ملیون طقوز یوز اون طقوز یک بشیوز اوتوز برو ایرلانده
جزیرہ سندہ الی ملیون بشیوز اون بش یک یدی یوز طقسان درت
نفوس اولوب بوصورتلہ بریتانیا اطہلرینک مجموع نفوسی یکرمی یدی

میلیون درتوز بش بیک اوچیوز یکرمی بشه بالغ اولمشدر.
 مقدار مذکور بیک سکز یوز قرق بر تار یخننده اجرا قلنان تحریر
 نفوسده بولنان مقداره نسبت اولندیغی حالده بیوک بریتانیا
 اطه سنک نفوس موجوده سی ایکی میلیون ایکی یوز التمش سکز بیک
 بشیوز التمش الی کشی تزیاید ایدوب ایرلانده اطه سنده بر میلیون
 الی یوز الی طقوز بیک اوچیوز او توز طقوز کشی تناقص ایتمشدر.
 بیک سکز یوز قرق بر تار یخننده اجرا قلنمش اولان تحریر نفوسه نظراً
 انکلتره ده بر میل مربع جغرافی اوزرنده الی بیک اوچیوز بش
 و ایرلانده ده بش بیک درتوز او توز الی و غال مملکتنده ایکی بیک
 التیوز و اسقوچیا ده بیک یدی یوز یکرمی الی کشی متمکن بولنمش
 و تاریخ مذکور دینرو هر اون سنه ظرفنده بیوک بریتانیا ده یوزده اون
 اوچ و ایرلانده ده یوزده بش نفوس تزیاید ایتمشدر.

انکلتره اهالیسی ایکی جنس اولوب بری جرمن و بریدخی سالت
 طائفه سندندر. سلتار انکلتره نك اهالی اصلیه سی اولوب الیوم کیم
 و ارس اسملریله ایکی فرقه یه منقسم اولمشلردر. غال اهالیسی
 و وستورلاند و کومبرلاند ایالتلرنده بولنان قاهر یتلر مذکور سالت
 طائفه سنه منسوبدرلر و ذکر اولنان غائل طاقی ایکی شعبه یه منقسم
 اولوب بری ایرلانده ده متمکن ایر طائفه سی و دیگر اسقوچیا ده
 واقع ومن اطه سنده و هاید جزیره سنده متمکن غائل طائفه سیدر.
 ایسته ذکر اولنان ایکی قولدن ایرلر انکلتره اهالیسنک سکرده اوچی
 و کیمرلر او توز بشده بری و اسقوچیا لول یکرمی یدیده بریدر. جرمن
 قولندن کلش اولان اصل انکلیرلر اهالی موجوده نك نصف مقدار یدر.
 انکلتره و اسقوچیا و ایرلانده اهالیسنک کندولرینه مخصوص اخلاق

و عاداتلری وار ایسده میانہ لرنده کثرت مناسباتدن ناشی جملہ منی
انکلیز اصولنی اتخاذ ایدرک همان یکوجود اولمشلردر۔ انکلیزلر علی
العموم سربستلکی سووب حقانیتی التزام ایدرلر و اصلامر اسمہ
یا قیوب خاطر زینہ کلانی سویلرلر و هر درلو مشاق و مخاطراتی
کوزہ الہرق معظمت امورہ تشبثده پک جسوردرلر و بونکله برابر
ممکن مرتبہ حزم و احتیاطہ رعایت ایلرلر۔ وقار و مکانتله موصوف
و بالخصوص تجاری اقوال و افعال لرنده صدق و استقامتله
مشهوردرلر۔

(ما بعدی صکرہ)

(محمد شوقی)

از خلفای اوطہ ترجمہ باب عالی

(اورمانجیلق فنی)

اورمانلرک حسن محافظہ و اصلاحندن بحث ایدن فنہ اورمانجیلق فنی
تعبیر اولنور۔ اشبو فن اوچ قسمہ منقسم اولوب قسم اول اشجارک
نشو و نماریله برابر جنسلرینک نصورتله اصلاح قلنسنی و قسم ثانی
اشجار سنوی زیاده حاصلات و یرمک ایچون نمقدار و نوجملہ قطع
اولنسنی و قسم ثالث دخی اورمان و اشجاری انسان و حیواناتک
مضرات ملحوظہ سنی وقایہ ایتیک ایچون نہ مقوله تدابیر اتخاذه
لازم کله جکئی بیان ایدر۔ قسم اول یکدیگری حقندہ تأثیر بلیغی
درکار اولان اوچ ماده اوزرینہ مبنی اولوب بونلرک دخی برنجیسی موقع
زمین ایکجی انواع تراب اوچنجیسی اجناس اشجاردر۔
اشبو فن اصطلاحنجه بر محاک موقع زمیننی بیلک اول محاک فصول

سنویه و درجه هواسنی بسلکدن عبارتدر بر اورمانده هواجه دقت
اولنه جق شی اول محله حادثات جو هوانک کیفیت تأثیریدر حادثات
مذکوره دخی ارضک موقع و مزاجنه کوره تخلف ایدر اول حادثات
مذکوره نک تأثیراتی بیان ایده لم

(اعتدال هوا) طیارق ایچنده تخمک فلیرلمسی لا اقل ذرت درجه
حرارت وجودینه متوقعدر و برودت میاه اشجارک جریاننه مانع
اولدیغی مثلواللی درجه دن زیاده حرارت دخی ماء اشجاری
جریاندن تعطیل و توقیف ایدر و صغوقده نباتاتده بولسان طبیعی
صوانجمادو بو جهته حجمی تزايد ایده جکندن درونلرنده بولسان
طمرلری بوزوب شق ایده بیه جکی کی زیاده حرارت دخی اشجارک
نشو و نماسنه لازم اولان رطوبت طبیعی پی قوریدوب بالاخره
نباتاتی اتلاف و افنا ایدر و ایلروده بیان اولنه جخی و جهله هوانک
دفعه صیجاقدن صغوغه و صغوقدن صیجاغه تحولی نباتات حقنده
زیاده مضردر.

(ضیا) اغاجلر نشو و نمالر چون هوای فمی بی جذب و مولد
الموضه بی دفع ایتک اوزره هر حالده ضیایه محتاجدر فقط ضیایک
زیاده اولور ایسه اولوقت دخی اغاجلره مضر اولوب حتی برنوخ
خسته لک بیه حصوله کتورر و بو حالده بولسان اغاجلر صنایعجه لر
ایشه پرامرلر.

(دومان) ضیای شمسک تأثیرینه مانع اولوب بو جهته اغاجلره مضرت
ایراث ایدر.

(بلوط) یازین کونشک تأثیراتنه حائل اولوب هوایی تبرید ایدر
و قبشین دخی بالعکس اجسامک کوندزدن الدیغی حرارت شمسده نک

انعكاس وانتشارينه مانع اولوب نباتاتی طرکدن محافظه ایدر.
اشته بو ایکنجی حال نباتات حقنده فائده لودر.

(یغمور) شدتلو اولدیغی حالده نباتات ایچون اقتضا ایدن صوبی
حاصل ایتدیکی جهتله نشو و نماسنه زیاده مدار اولور.

(شبیم) بعضی محارده یغمور یرینی طوتدیغیچون زیاده فائده لوایسه ده
اکثریا نزولندن صکره ظهور ایدن صغوقدن طوکوب پک چوق
مضرتی کوریلور. شویله که اغاجک اوزرنده منجمد اولان شبیم
اوزرینه صباح کولشک تاثیرنده دفعة شبیمک اریسنه مینی نبات
ایچروسنده بولسان مواده تأثیرات مضره سی اولدیغندن بر فئالق
حاصل اولور چونکه شبیم اوزرنده بولندیغی جسمدن بر مقدار
قالوریک یعنی ماده حرارت المدیقه شبیمک حالندن تحویل ایده من
حتی انسانک منجمد بر عضوی بردنبره صیجاق صویه وضع اولندقدده
نه درلو ضرر مشاهده اولور ایسه دخی اولخالده او یله جه ضرر
کورر. بالاده یان اولندیغی وجهله شبیم انجماد حالنده اشجاره نصل
ایراث ضرر ایدر ایسه طوک دخی او یله جه مضر در.

(قار) لایا حرراتک خارجه انتشارینه مانع اولدیغندن نبات حقنده
حسن تأثیری واردر. فقط زیاده اولدیغی حالده دالار اوزرینه باصه رق
بونلرک قیرلمسنه سبب اولور.

(قراغی و بوز) بونلرک نباتات حقنده هیچ بر فائده سی اولیوب
ایکبسی دخی مضر درلر.

(روزکار) ملایم روزکارلر تبخیری تسهیل ایلدیگندن اشجارک نشو
و نماسنی موجب و ریا ح شدیده ایسه بالعکس اضمه لانی مستوجب
اولور. روزکار نقد رطوبتو بولور ایسه اولقدر مضرتی زیاده

اولور. جو هواده وقوغبولان حادثاتك نباتانه اولان تأثيراتى بيان اولندقدن صكره ارضك درجه ارتفاعيله شكل وهيئت طبيعه سنك حادثات مذكوريه تأثيرى دخى بر وجه اتى كوستريلور.

(اولر) طاعلرك وضع وهيئته نسبتله حادثات جويه و وقوعات آفاقيدك تأثيرات مختلفه سى وارد ريعنى طاعلرك ذروه واتك و دره لرند بشفه بشفه حالات مشاهده اولنور.

(دره لر) ذروه لرده هوانك بغته تبدل ايتسند نئاشى كثر زطوبت و انجماد و دومان اكسك اولن فقط بويله محالار اورمانلرند رطوبتدن بشفه حرارت دخى اولور و شدتلى روزكاردن محفوظ بولنديغندن اشجار فوق العاده چاڭ بيور ايسه ده جنسى پك اعلا اولن. (طاع اتكلرى) بومشالو مواقع طاعلرك جهات اربعه افقيه سندن قنغيسنده واقع ايسه هوانك اكا كوره تأثيراتى وارد. مثلاً شرقه قارشو بولنان محالرده نه چوق رطوبت و نه ده چوق ييوست اولور و بوجيهته اول بهارده شمسك طلوعنده شعاعاتى قوتسز و بنا عليه فدائلرك اوزرند منجمد اولان شبنمك هوايه صعودى تدريجى اوله جغندن انجماددن قطعاً خوف اولنر و بالعكس صوك بهارده هنوز تازه سورن فليرنر ايچون طوكدن احتراز اولنور و بويله شرقه قارشو بولنان اورمانلرك محصولاتى دائماً ايو اولور و هر نقدر دره لرده اغاجلر چاڭ و بو موقعه كيج نشو و نما بولورلر ايسه ده بونك محصولاتى ده اعلا اولور و جنوبه قارشو بولنان طاع اتكلرى غايت صيحاڭ اولنديغندن زمينك رطوبتنى قوريدوب نباتك كركى كى نشو و نما سنده مانع اولور و بو موقعه ايلك بهارده حاصل اولان اشجار غنجهلرى سائر محالره نسبتله ده اعلا اول حاصل اولوب

تازه بولنه چقلرندن موسم مذکورده وقوعبولان طوکدن زیاده سیله
 قورقیلور و برده جنوب طرفنده واقع اشجاره شمسک شدت تأثیری
 اولدیغندن اولخالده نباتک اوزرنده بولسان منجمد شبنم بغتة طاغیلوب
 خلی مضرت وقوعه کتورر. بونکله برابر شدید روز کارلر هبوب ایتک
 حسبیه هر حالده موقع مذکور اورمان اغاجلرینک بیومسئه پک صالح
 اوله من ايسه ده اگر اغاجلر روز کاره ایوجه مقاومت ایدرلر ايسه
 حاصلاتی غایت اعلا اولور و طاغک غریبه ناظر اولان اتکلری دائماً
 شدت حرارت شمسه متوجه بولنه چقلندن هر حالده موقع مذکورده
 حرارت زیاده اولق و بوجمهله زمین رطوبتدن خالی بولمق حسبیه
 موقع مذکورک نبات حقتده مضرتی درکاردر. بویله یرده هر نقدر
 طوکدن قورقلن ايسه ده روز کارک چوق ضرری کوریلور و اشجار
 غایت یواش یسود کدن بشقه بچمسز اولور. فقط غایت سرت
 اولدقلرندن بعض صنعتلرده استعمالی مقبولدر و طاغک شماله متوجه
 اولان اتکنده دائماً برسرینک اولوب طپراغک دخی دائماً عملی
 بولمسیله دره لرده اولدیغی کی موقع مذکورده اغاجلر چاپک یورلر
 ايسده کرک حرارتک و کرک ضیانک قلمتندن ناشی جنسلری پک اعلا
 اولر و موقع مذکورده هبوب ایدن صغوق روز کارلر حسبیه طوکدن
 و بشقه مضرتدن قورقیلور.

(طاغ تپدری) کوندزدن اله چقلری حرارت شمسیدی کیچده لرده چاپک
 غائب ایده چکلرینه مبنی طاغلرک ذروه لری زیاده صغوق اولدیغندن
 اکثراً طوکدن خالی اولر و بونلرک ارتفاعارینه کوره قار و قراغی
 و طوکدن مضرات کلیه حصواه کلور و علی العموم طاغ تپدرنده
 بولسان اغاجلر دره لرده حصواه کلان اشجاردن هم یواش یور

وهمده انلردن قېنسه اولور.

(اورمان طپراقلىرى) اورمان طپراقلىرى ايكي قسم اولوب بريسى تراب منبت وديكرى تراب معدنيدير. تراب منبت سطح ارضده واقعدير كه نقلى ممكن ونطسى قابل واناجلارك كوك صاله بيله جكي مرتبه يوشاق اولور. تراب معدنى ايسه تراب منبتك التنده اولوب اكثراناجلارك كوك صاله ميه جقلى مرتبه قى قياردن عبارتدر. ذاتاً تراب منبت دخى قيارك انحلالندن حاصل اولديغى مثلاً سيل ووسائط سائره ايله بشقه محللردن سوريلوب كلور. اشته طپراغك حصولنه باشليجه سبب صولردر. شويله كه اول قيارك چاتلامش محللردن صوايچرو سيزوب اوراده منجمد اولديغى حالده حجمى بيوديكندن احجار المذكوره نك اجزاسنى تفريق ايدر بوندن بشقه حامض قاربون ايله مخلوط اولان صوكرچ طاشلرينى اريدوب حل ايدر. آتيده تفصيل اولنه جغى وجهله المذكور تراب منبت چوريان نباتات ياپراقلردن دخى حاصل اولديغى مثلاً و بعضاً اشجارك كوكلى قيارك ارالرينه كيروب بونلىرى صوكي چاتلادهرق طپراغه تحويل ايلدكلى دخى واقعدر. نباتات طپراقده استقرار و نما بولديغندن بونك نباتاتجه تاثيرات كليسى واردر. اناجلارك قائماً طور مسيچون نفوذ وانتشار ايده بيله جك رتبه زمينك قى ودرين اولسى لازمه دندر قيار دخى بو بابده يك چوق ايشه يرارلر زيرا كرج طاشلندن عبارت اولان قيارك اكثريارقلى واردر. اشجارك كوكلى بو يارقله كيروب كسب تقرر و متانت ايدرلر. بويله قيار بولنديغى حالده طپراق از اولسه بيله هيچ بركونه ضرر و يرمنز. طپراق اشجارك نسو و نماسه ياردم ايتك ايچون املاح و حوامضى ترك يعنى اناجلرده

اولان اجزای ترایه پی شاوی اولسی اقتضا ایدر. غموماً اورمان
طپراقلرنده اجزای مذکوره پک چوق اولوب شویله که بر اغاج
بیود کده اجزای مذکوره دن نه مقدار شی المش ایسه طپراق اندن
زیاده سنی یکیدن تدارک و حاصل ایدر. بوندن بشقه اشجارک
طپراقدن دیغی املاح و حامضات پپراقلرده تجمع ایدوب وقت
خرانده پپراقلر دوکلد کده ینه بطراغه قاریشور و یو وجهله اجزای
مذکوره هیئت اصلیه سنی ضایع ایتکسزین اصلنه رجوع ایدرک
دور ایتش اولوز.

طپراغک غموماً اشجاره اعانه کلیه سی اولدیغیچون اول امرده بر
طپراغک حکمتجه حال و خاصیت طبیعه سنه دقت اولنور. یعنی
جذب ایده جکی صویک مقدارینه و هوانک درجه تأثیراته کوره
اول طپراغک ایولکی و یاخود فناغی و اشجار حقنده کیفیت تأثیری
اکلاشیلور. خلاصه کلام ایلروده طپراق حقنده حسن تأثیر
و خاصیتدن بحث اولنده جتی اوموس یعنی پپراق کوبره سی مستثنا
طوتیلور ایسه بر ارضک یالکن حکمت طبیعه جه اولان خاصیتنه
دقت اولنسی ایجاب ایدر.

(بقیه سی صکره)

(نظیف)

از خلفای اوطه ترجمه باب عالی

(رطوبت هوانک تأثیراتی)

رطوبت جو هوانک ترکیبده بخار حالنده بولنان صودن عبارت
اولوب بودخی روزکارلو و معتدل هوادن و بعضاً اسباب موقعیه دن

نشأت ایدر. دکزلك اوزرنده بولسان هوا دائماً رطوبت حالنده
 اولوب فقط یوکسلدیجه رطوبت ازالور. صباحلری طلوع شمسن
 مقدم وهوانك برودتی حالنده هواده بخار کثرت اوزره بولوب
 شمك طلوعندن بر قاج ساعت صکره هوا کسب حرارت ایلدکده
 قلت اوزره قالور. دائماً ریزکار اکسك اولیان هر تقع محارده بو
 حال تبدل ایدر. موسم شتاده چيك و یغمور تخدمشده بخارك مدخل
 کلپسی اولوب بالطبع تشرین ثانی و کانون اول ایلرنده ریاخ بارده
 دخی رطوبتك ازدیادینی موجب اولور. انکین دکزلده هواده بخار
 وسوا حلدده رطوبت اولوب بونك وجود انسانه بالوجوه مضرتی
 واردر شویله که معلوم اولدیغی وجهله کره ارضده بر حرارت دائمیه
 موجود اولوب بوکا حرارت هر کزیه تسمیه قلنور. هر کزه تقرب
 اولندیجه یعنی بر محل حفرايله اشاغی اینلدیجه حرارتك زیاده لشمسی
 ذکر اولنان حرارت هر کزیه نك وجودینی اثبات ایدر. موسم صیفده
 کوندزلی شمك حرارتی ارضه تاثیر ایدرک ارضك وهوانك
 حرارتی تراید ایدر. کیجه لری ایسه شمك ارضه تاثیر اولمديغندن
 ارض حرارت هر کزیه سنی هوايه ترك ایدرک ایکلپسی دخی برودت
 کسب ایدر و بو وجهله هواده بولنان بخار صویه منقلب اوله رق
 اوفق طامله شکلنده روی ارضه نزول ایلر که چه تعبیر اولنان ماده
 بوندن عبارتدر. موسم شتاده ایسه کیجه هوا بلوطدن عاری اولورسه
 ارض حرارت هر کزیه سنی هوايه ترك ایدوب کندوسی برودت اوزره
 قالور و ارض اوزرنده موجود اولان میاه بو سببه مینی انجماد
 ایدوب بوکا دخی بین الناس ایازلو هوا تسمیه اولنور.
 (بلوط) روی زمینده محترق اولان مواددن حصوله کلان دومان

رطوبت هوانك تأثيراتى

و بخاردن عبارت در كه بعضى حكما نك قولند كوره اجزاسى يكديگرينى تضيق ايدوب كروى الشكل اولور و دائماً رطوبت حالنده بولنور .
 (يغمور) جو هواده تكون ايدوب سحاب ديكر بخارك انضماميله تضيق اولندرق طامله شكلنده روى ارضه نازل اولور و بوده موسم و ارض و روزگار كوره كثر و قلت اوزره اولور . ممالك خارده بارانك كثر اوزره نزولى جو هواده بخارك چوق بولنمسندن ناشيدر . بنا برين كره ارضه خط استوان قطبلره طوغرى كيدلد كجه يغمورك نزولى تناقص ايدر و دكردن اوزاق اولان محالرده بارانك قلت اوزره اولديغى سياحينك رعنا معلوملايدز .

رطوبت هوا اوچ قسمه منقسم اولوب بولنردخى رطوبت خارده و رطوبت معتدله و رطوبت بارده در . (رطوبت خارده) حرارت شمس جو هوايى توسيع ايدرك تنفس انسانيه يى تكثير و بو حرارته رطوبتك انضمامي حالنده تنفسدها زياده مضر اولور زيرا بو صورته هواده اولان رطوبت انسانك اق جكرلرينه كيدرك سؤ تأثيراتى كوريلور خصوصيله امراض قاييه ذوات الرئه و ورم علتلرينه مبتلا اولنلره اشبور رطوبتلو و حار اولان هوا زياده مضر و مهلكدر . اشبو هوا قوه اصليه و قوه هاضمه يه ضعف ايراث ايدر . ورم علتى اقا ليم خارده اوائل حالنده ايسه در عقب مندفع اولور و ايلرولش ايسه حرارتك وبا خصوص رطوبت هوانك اختلاطى حالنده او كسر كى تشديد ايدرك نهايت خسته نك سبب مماتى اولور .

(رطوبت معتدله) حرارت ايله برودت بيننده اولان حاله رطوبت معتدله تسميه اولنوب بودخى ايكي قوتك تأثيراتنى جامع بر حالدر و امراض صدر يهيه مبتلا اولنلرك اشبو هوايى تنفس ايلسى مناسب اولور .

(رطوبت بارده) اشبو رطوبتک معتاد و غیر معتاد اولملری جهته دخی تأثیری مختلفدر. تأثیر معتاد وجود انسانه مضرت ایراث ایدوب بروجهاتی بادی علل و امراض اولان اشبو رطوبت بارده معتاده اوله رقی حرارت غریزه استحصال یچون بعض حرارت صناعیه یه احتیاج مس ایدر. تأثیر معتاد التهاب محلیه نک درجه اولیسی و بعده علت مذکوره نک اشتدادینی وذات الجنب وذات الرئه و بوزار اوله و امراض متنوعه قلبیه و سائر بو مثالو امراضی موجب اولور. دائمی صورته رطوبتلو و الیچق محللرده هواسی تجدید اولنه میان یرلرده بولسان آدم لر سراجیه و ورم علتلرینه استعداد کسب ایدرلر. اگر مقدمدن استعدادلری وار ایسه از وقتده اشبو علتلر ظهور ایدر.

مدت قلیله طرفنده اولان تأثیر غیر معتاد بمخته کلنجه حال صحتده اولان بر ادم رطوبت بارده ده بر مقدار بولندیغی حالده برودتن متاثر اولسه ییله اولکنندن اهون و مداواتنه اعتنا اولور ایسه از وقتده مندفع اولور فقط ترلو اولان ادم بر مقدار رطوبت بارده تأثیر ایتدیکی صورته عناصر استعداد ذاتیه سنه کوره جهای دائمی و امراض خلقیه وذات الجنب وذات الرئه مثالو امراض صدریه نک ظهورینه و بعضا طائفه نساذه حیض دمنک انقطاعه دخی باعث اولور اگر بو برودت زیاده سیله شدید اولور سه اولزمان امراض قلبیه و وجع مفاصله دخی بادی اولور.

باراندن اصلان ادم در عقب تبدیل جاوه ایدر سه لایسدر. خلافی تقدیرجه حرارت غریزه ایله البسه ده بولسان رطوبت بخاره منقلب اوله رقی البسه قورومغه باشلر ایسه ده اول کسنه حرارت

غريزه از قالوب وجودى صغويه رق بالاده ذكر اولسان رطوبت
بارده حكمنجه امراض متنوعه مذكوره يه دوچار اوله بيلور.

(بكر صدق)

دوقتور درمكتب طيبه شاهانه



مجموعه فنون سر باه عربی نهایتی چیتا ریور

در سلوات ایچون باسی

غروش ۶۵ بر سنه لك

۳۵ التي ایلق

۶ بر سنه

بر سنه لکنه و یا خود التي ایلغه شتری اولق استنلد کده یکی
جامع جوارنده چچک بازارنده واقع جمعیت علیه عثمانیه
مرکزینه مراجعت اولنه ایلاتده مشتری اولق استیانتلرفیئات
مذکوره اوزرینه مسافه نك قریت و بعد یننه با قلیوب بر یالق
ایچون التي والی ایلق ایچون اوج غروش پوسته اجرئی ضمیمه
الجه سنی پوسته یه تودیعاً جمعیت علیه عثمانیه ریاستی طرفه
کوندردکلری حالده اوقات معینه سنده محله ایصال اولنور

ممالک اجنبیه ایچون مسافه سنه کوره لازم کلان پوسته اجرئی
ضم اولنور

متفرق صایمان محار

جمعیت مرکزی

صحافر کتخداسی حلیلی حاجی

حقال اوغلنده صوبی

حسین افندی

ک اوغلی سباده سنده صحاف

باغچه قیوسنده سوره تربیه سی

کولر نومرو ۳۳۳

اتصالده طبعیانه

الاجه سهامده سرکی عثمانی

کتبخانه سنده

اشی صایمان یوسف افندی

مجموعه فنون سر باه عربی نهایتی چیتا ریور

(مدخل علم ژئولوژی)

ایک نئی فصل احجار بخشنده در (مابعد)

قشر ارضك بر بيوك قسمي قوارس يعنى چاقق طاشي جنسندن
هر كدر، اشبو قوارس لفظي اوروپا لسانلرينك جمله سنده مستعمل
ايسده ما خذي معلوم اوليوب فقط نمسه جه اولسي محتملدر. قوارس
معدني سيليس ديتلان حضدن عبارت اولوب مخلوط اوله رق
طبيعتده پك چوق بولنور. فقط خالصي بعض يرلرده طاشلارك
چيلاق قيارى كي سيورى تپه و قيا هيئتده تصادف اولنور و جزئي
و ياكلي پك چوق موادك اجزاي تركيبه سنه داخل اولور و اشبو
معدنك جمله كيفيات و خواصندن غايت سرت اولق خاصه سي
مواد سائردهن تميرينه مدار اولور. زيرا قوارسه چليك ايله
اورلدقده اتش چيقار و برده غير متحولدر. في الواقع هوا و صو
و حرارتك و سائر اسباب خارجيه تحلييدنك تاثيراتنه مقاومت ايدوب
فقط بعض جنسي واردركه زمان ايله قواي خارجيه نك تاثيريله قابل
انكسار اولد بندن چاقل طاشي و بوكا ممائل قطعات صغيره يه

قبول ایدر، لکن مواد کثیره سائرہنک کل و یا ترابہ منقلب اولدیغی
درکار ایسه ده بو معدنک قطعہ سی هر تقدیر اجزای صغیره یه تحول
ایتسه ینہ جنسنہ و کیفیات و خواصنہ اصلاً خلل کلز.

قشر ارضنک سطحی پک چوق محالرده قوم و غره ایله مستور اولوب
انده قوارسک وجودی سهولته رؤیت اولنور. فناپذیر اولمز بر معدن
اولدیغندن مواد مخلوطه سائرہدن تفریق پک اساندر. طبیعتده
جبری شکل و یا خود غیر منظم و رکمی و یا خود قرستالی حالنده
بولنوب اخذ ایلدیگی اشکال قرستالیه دن بری اکثراً منشور مسدس
یعنی الی یانی بر دیرک رسمنده اولوب فقط منشور مذکورک ایکی
اوجلری الی فاسته لی یعنی اهرام مسدس ایله متعیدر و بعضاً
اولور که منشور غائب اولوب اهرام برلشور و بوشکل نادر ایسه ده
اسپایاده آراغون مملکتنده و مجارستانه متصل اردل مملکتنده
و بحر هندک جنوب طرفلرنده واقع جاوه جزیره سنده بویله قوارس
قرستالری بولنور و چوق دفعه دخی قرستالری پک منظم اولوب
بعض فاستلری سائرندن بیوک و ککش و اهراملری دخی غیر
منتظمدر. قوارسک الک خالص و پاراغی در النجف اولوب قرستالرینک
جماعتی دخی بعضاً چوق اولور و حتی اوروپاده آلیا جبال مناسله سنک
بعض محالرنده پک اعلا و نفیسلری تصادف اولنور و مقدملری
مقبولتی جهتیله اسویچره ده تحریری اولنور ایدی و حتی بر مغساره
کشف اولمشدور که درونی منظم قرستالری ایله بالطبع مزین و هر
جانبی امکنه مستور اولوب مذکور قرستالری بالآخر اراج فروحت اولنور
پوزیک فرانقندن زیاده حاصل اولمشیدی و افریقا قطعہ سنک جانب
جنوب شرقی سنده واقع مدافع شفقار نام جزیره ده فوق العاده

در النجف قرستالری وارد که بالاده ذکر اولسان قرستالردن
کوزل اولوب اوروپایه اندن کتورلر بغداد جوارنده دخی جوق
در النجف اولوب بواسطه اسم ایله تسمیه سی دخی نجف نام موقعه منسوبیتنه
مبذور.

در النجف بعضاً رنگلی اولوب بعضاً دخی بولانق و صاری و مور
و سیاه اولور و رنگنه کوره قیمتی و اسماء مخصوصه سی وارد
و غیر شفاف و مواد اجنبیه ایله مخلوط و درلو الوانده در النجف اولور
عادی عقیق و عقیق یمانی و عقیق شجری و یشم خطایی و اق
یشم و امشالی نفیس طاشارک جمله سی قوارس جنسندند و مور اولان
قوارسه جبل قوم و صاریسنه طوپاز یا خود زیرجد هندی و یشل
اولور ایسه پراز تسمیه اولور، فلسپات و میقامعدنری دخی طبیعتده
قوارس کی یک مبذول و احجار کثیره ترکیباتنه اساس اولوب قوارس
ایله برابر برائت غرانیت دینلان حجر مرکی حاصل ایدرلر و حجر
مذکورده مواد ثلثه مزبوره ایروا یرو و صورت متمایزه ده مشاهده
اولور، فلسپات معدنی اوج درلو اولوب بری عادی فلسپات و بری
دخی لا برادورد و بواوج جنس دخی طبیعتده مواد سائره ایله مرکب
اوله رق یک مبذولدر، مثلاً اصل فلسپات قوارس و میقا ایله تجمع
ایدوب بوندن حجر غرانیت و غنایس ایله دیگر بعض احجار حصوله
کلور و الیت تسمیه اولسان نوعی ینه بشقه درلو غرانیت طاشنی
حاصل ایدر ایسه ده احجار و لقانیه ترکیبته داخل اولق احوال
مخصوصه سندن و لا برادور معدنی دخی سیرنیت تعبیر اولسان احجاری
حاصل ایدوب لکن عقیق و جدید و لقان فورانی ترکیبته بولندیغی
جهتله مشهوردر.

اشبو معدن ثلثه بیننده واقع کیفیات مشترکه کثیر و حتی اشکالده
 دخی مشابه اولدیغندن مقدمه لری اوچی دخی برجنس معدن ظن اولنور
 ایدی لکن قرستاللری هر نقدر ظاهرده بری برینه بکزرکی کورینور
 ایسه ده قلیوازلری جهتلرنده یارلدقده حاصل ایتدیریلان اشکال
 بسیطه اصلیه موافق اولوب فقط زاویه لرینک قیمت و درجاتی
 مختلفدیر یعنی زاویه لری بر درجه ده دکلدیر. بنأ علیه اوچ درلو
 فلسفات واردیر. بونلرک اوچی دخی برسر تلکده اولوب اوچی دخی
 علی السویه قوارس چیز لکن عکسی حالده مساوات یوقدر یعنی
 قوارس انلرک اوزرندن امرار اولنمیوب انلر قوارسک اوزرندن امرار
 اولندیغی تقدیرده قوارس متأثر اولیه رق انلرک اوچلری اشنوب توز
 اولور و اجسام ثلثه هنر بوره نک ترکیبنده هنوز مبساینت بولنه ماش
 اولوب اوچی دخی الومینا و سیلیس و پوتاسدن عبارتدر و قلی
 پوتاس دخی کیرجی حاوی و اجسام مذکوره مقدارلری دخی مساویدر.
 اشته ذکر اولنان مشابهت کلیه یه مبنی مقدمه لری بونلر برجنسدن عدد
 اولنور ایدی فقط الیوم بینلرنده فرق اولدیغی ثابت اولمشدر. بونلرک
 احوال و کیفیات سائره سی بروجہ اتی بیان اولنور.

(فلسفات) اشبو معدنک خواصی کیفیات مخصوصه سی اولغله
 اجسام سائره دن تفریق وتمیزی پک قولایدیر مثلاً سرتلکده قوارس
 ایله فرق چوق اولدقدن بشقه قابل تحولدرو هوا وصو و اختلاف
 حرارت ایله متأثردر و قوارسک موضع کسری فلسفاتک موضع
 کسرینه بکزه میوب بونکله اینجه صحیفه کی کورینور یعنی نسج
 و بنیانی فرشیدر و قرستاللرنده دخی چوق فرق واردر زیرا ابتدا
 فلسفات قرستاللری قوارس قرستاللری قدر جسامتلی اولدقدن

بشقہ منشور مسدسینک قاعدہ لرنده اهرام مسدس یرینه ایکی سطح
واقع اولمشدر و بر شکل قرستالایی دخی بر منشور مستطیلی اولوب
قاعدہ لرنده اوچر فاسہ بولنور و بولنردن بشقہ اشکالده دخی بولنوب
حتی بعض کره ایکی قرستال بری یرینه گرفت اولور و فلسپاتک
رنکی اکثریا بیاضه و قرمزیه مائل و بعضاً صاریه قریبدر، لکن
سیریا مملکتی غرانیلرنده اولان فلسپات یشلدر و بعضیسی زجاجی
یعنی جام کبی پارلق و بعضیسی دونقدرد.

(البت) شکلا فلسپاتدن فرقی توی قلمک دیشی کبی چیرنگری
اولمشدر و اکثریا رنکی بیاض اولمغله اسمی لاتین لسانی اوزره بیاض
معناسنه اولان آلبوس لفظندن مأخوذدر لکن دائماً بیاض اولیوب
پنبه و یشلی دخی واردرد.

(لابرادور) بوندن سکسان سنه اول امریقاده واقع لابرادور مملکتنده
کشف اولمش اولدیغندن اورایه نسبت تسمیه اولمشدر. بو معدنک
اصل رنکی صاریه مائل اولوب سنجایی و یشل و مائی و صاری
و قرمزیه و سائر رنگاری حاصل ایلمک خاصه مخصوصه سنددر.
اشبو معدنی صجاق حامض قلور مولد المائی تحلیل ایدر. فلسپات
ایله آلیت معدنلرینه ایسه حامض مذکورک تأثیری یوقدر. سمادن
سقوط ایدن احجارده بعضاً لابرادور معدنی کورلمشدر.

(میکا) اشبو میکا معدنی پرلاق اولدیغندن ظاهرده ذیقیت معدنیاته
مشابهدر و اکثریا التون صاریسی رنگنده اولدیغندن بیلسانلرانی
التون قیاس ایدرله یازی اوزرینه دوکلان ریک اکثریا اشبو
میکا توزندن عبارتدر. میقانک فلسپات و قوارسدن فرق اولمسی
یک احسان اولوب شویله که کندولمعانی انلرده اولمقدن بشقہ اینجه

صفحاته و پوله تقسیم اولنور حتی بر ایکنه و یا خود بر اینجه الت ایله کاغذ اینجه لکنده متعدد اوراقه منقسم اولور. اشبو میقا معدنی غرایت و غنایز و میقا شبت طاشلرینک اقسام مترکبه سندنر و قرستالری کوچک منشور و یا خود مسدس الشکل طابله رستنده در. بعضاً عادتا اوزون طابله کبی اولور و بعضاً غایت شفافدر. طبیعتده مواد کثیره ایله مخلوطاً بولنور.

بالاده تعریف قلنان معادن ثلثه نك صنایعده استعمالری اولدیغندن زکری بو محله مناسب کورلیدی. قوارس بر جسم صلب و غیر متحول اولوب یونیز و انتظام اوزره منکسر اولمز بر ماده ایسده خرج اعمالنده استعمال اولنور و بو چاقق طاشی معدن جوهرلرینی اذابه ده پک چوق قوللانیلور و فلسیات دخی اسوجده باقر معدنلرینک اذابه سنده مستعملدر. قوارس عندالمتقدمین جام و پورسلینا و اوانی اعمالنده استعمال اولنوب فلسپاتک دخی بو مقوله شیلرده و پورسلینا و چینی قابله سر اولتی ایچون استعمالی قدیمدر و جام ایجادندن اول درالنجف قرستالری ایله بلور کبی کاسه لر یا پیلورایدی. الحاله هذه آویزه و وازو کبی شیلر و دوربین و کوزلک جاملری اندن اعمال اولنور. لابرادور حجریه طابله اوزرینه وضع اولمقی ایچون مدور طاشلر و قطعه لک اوزرلرینه قونمق و پاندولاری و بعض سائر شیلری تزین ایلمک ایچون اعمال اولنور.

میکه نك استعمالی دخی وار ایسده قوارس و فلسپات قدر اولیوب فقط بعضاً زیاده شفاف و بیوجک صفایح شککنده بولندیغندن روسیده مقدملری جام یرینه چرچوه لرده قوللانیلورایدی. فقط هواناک تأثیرینه مقاومت ایده مدیکندن شفافی زائل اولور و سفاینده

طوب انداخته جام کبی شکست اولدیغند مینی جام یرینه استعمال
ارلندیخی وارددر واسبو حقایق موسقوجامی دخی تسمیه قلوب اوائلده
درلو رنگلور یله مناسبترک پنجره لرینه زینت و یر یله رک مار یا جامی
اسمیه دخی مشهور و معروف ایدی، ممالک چینده و جزیره
سرندییده بومعدنک انواعیله خانه لرک دیوارلرینی قاپلرلر و یک ظریف
و مصنع یلپازه و شمیه اعمال و هندستانده دخی غایت اینجه و شفاف
مقالو حدلری اوزرینه اعلا رسملر نقش ایدرلر.

(حجر یروکسن) اشبو حجر احجار و لقانیه ترکیبده داخل اولوب
کرک احجار و لقانیه قدیمه و کرک احجار و لقانیه جدیدده بولنور.
حتی مسینا بوغازی جوارنده واقع اولوب بر قاج یک سنه دنبرو
مشتعل بولنان استرومبولی نام ولقاندن اشبو یروکسن قرستالری
ظهور ایدر.

(حجر انفیبول) احجار پلوطونیه نك چوغنده بولنور بر ماده اولوب
ترکیبده سالف الذکر حجر یروکسن ایله مشابهتی یعنی ایکبسی دخی سیلبس
و کیرج و ماغزیا و الومینه و حصن حدیددن مرکب بولندیغندن
بولناری بری برندن تفریق و تمیز ایتک اسان دکلدور. فقط هر نقدر
ایکبسنک دخی رنگلری سیاهه قریب یشل و غیر شفاف و مساوی
سرتلکده ایسه لرده بشقه بشقه صورتده قرستالندقلرندن شکللری
واسطه سیله بری برندن فرق اولنور.

(احجار جیره) کیرج طاشی جنسنک انواعی اولوب الک زیاده مبدول
اولان زکی البیاندر که شکست اولان موضعی نه قرستالی ونه ده فرشیدر.
یک چوق طاشلر بو جنس جیردن مرکبدر. اجیارک تکویناتده
حدوث و حصولی و گاه غیوبت و گاه ظهور ایلمسی کیفیاتلری

ادوار ژئولوژی ده دن بعض پك معشارينك تعيینه مدار استطلاع
 اولور في الواقع اجبارك توضع وترسي دورنده حصوله كلان حالات
 مختلفه سبيليله احجار مذكوره بعض تبدلاته تابع و كلي و يا جزئي
 مواد اجنبیه ايله مختلط بولمشدر و الك قدیم حاصل اولان اجبارك
 الوانی اكثر یا سیاهه قریب و یا خود الاجه در و تكوینات متأخره نك دخی
 رنگری قیر و بیاضه قریبدر و الحاصل احجار جیریه نك رنگری پك
 مختلف اولدیغی مثلوسر تلکری دخی درجه متفاوته ده اولوب
 تباشیردن جیر رکی یه وارنجه هر درجه ثخونت واقع اولمشدر و هر
 تکوینده بولنان کیرج طاشلرنده بقایای حیوانیه بولنور. اشته حالات
 مذکوره پك چوق حادثات و کیفیاتك سرو حکمتی بیان ایلدیکندن علم
 ژئولوژیده انلره اعتنا اولنور. چونکه هر درلو زمانك جیری کیفیات
 و خواص معینه و مخصوصه ايله متصف و متمایز بولندیغنه مبنی
 احوال هر قومه ايله قنغی دور و تکوینه منسوب اولدقلری یقینا
 استدلال اولنه بیلور. ملح قاربون کلس بلکه یوز الی درلو شکله
 قرستاللوب فرانسزجه سیات قالکله تسمیه اولنور. مواد اجنبیه دن
 عاری اولدیغی حالده شفاف و رنگسزدر لکن اکثر یا شبه شفاف
 و بیاض اولوب مواد اجنبیه ايله مخلوط اولورسه بونلرک رنگه کوره
 اولور.

(جیس) دیلان معدن ملح کیریت کلس اولوب بودخی طبیعتده
 میزولدر و حتی بعض طاغلر اندن عبارت بولمشدر. تکوینات قدیمه
 و متأخره ده بولنوب فقط تکوینات قدیمه ده اولنورده بقایای حیوانات
 اثری یوقدر. اشبو جنس جیردن یومشاق اولغله بونکله و طرناقله
 ییله سهولته چیریلور و جیر حامضات ايله تحلیل ایدوب جیس ایسه

مقارنت ایدر و ترکیبده صودخی بولنوب اجزای ثلثه ترکیبده سنک
یعنی کبرج و صو و حامض قار بونک یوز قسمده مقدارلی ۳۳:۲۱
۴۶:۱ عددلی نسبتده در جبسک اینجه نسج و بنیانلی اولانلرینه آق
مرمر و قیاق طاشی دخی دیرلر که زمان قدیمده خانه لک تزیناتنده
قوللا یلور ایدی . اعلاسی مصر و نو بیا مملکتلرنده بولنور . ایتالیا
و فلورانس و میلانو و الیغورنه شهرلرنده دخی پک اعلالی اولوب
بولدن فابریقه لرده کونا کون و ازو و قوطی و سائر اشیا اعمال اولنور .
چونکه اشبو معدن هر نقدر یومشاق ایسه ده تصقیل و تجلیده سی
مرمردن کوجدر . بوکا سونکر طاشی ایله پرداخ و یرلر کدن
صکره تباشیر و صابون ایله سوددن عسارت بر مخلوط ایله و بعده
فلانله ایله جلا اولنور .

هر نقدر جبس بیاض اولسه بیه ینه هرور زمان ایله براز صاری
رنکی کسب ایدر . عادی جبس ایله آلی دینلان ماده اهر زراعتده
هر عاری اصلاح ایتک ایچون دخی استعمال اولنور . اینیه انشاستند
کلز ایسه ده بر نوع خرج و خراسان اعمالنه صالحدر . جبسک
قرستالغشی و فرشی بنیانلیسی پک چوق بولنور .

(ادهم)

ناظر تجارت و نافع

(بقای شخصی و نوعی به خدمت اعظم وظائف انسانیت اولدیغنه دائر
مقاله)

شوعالده اقدم وظایف بنی البشر بقای شخصی و بقای نوعیست خدمتدر .
بونک جمیع وظائفه تقدیمی عدل و نقل و طایفه ده و جویی مثبت

بولندیغندند. شویله که وقایه نفس ضمننده جمیع محظورات شرعاً مجاز و مباح اولدیغنه و چونکه انسان ایچون ترقی و کمال مزرعه اعمالی اولان وجودیله حاصل وانك زوالیله بازار اکنسابی عاطل اولوب حتی (الدنیامز رعة الآخرة) اثری بومالی شامل بولندیغنه نظرأ شرعاً انسان ایچون جمیع وظایفك اقدمی بقای شخصه سینه خدمت اولدیغی تیقن اولنور.

بو دعوانك عقلاً اثباتی هر چند وهلة جای نظر دکل کپی کورینور ایسه ده چونکه متقدمین و متأخرین فلاسفه دن بقای روحه قابل اولنلردن بعضیلری بودغدغه دهر دوندن تخلص کریبان جان و روحی منسب ومائل اولدیغی عالم علوی به ایصال ایلك محنت و مشقتدن بالتخلص سعادت حاله ادخال دیمك اولدیغندن هر کسه نفسی اعظم سعادت حاله دلالت واجبدردیو کند و نفسی قتلی تجویز دکل ترجیح معروضنده مقالات عجیبه و مقدمات غریبه سرد و بیان وبالمقابله بو زعم فاسدك ابطال ایچون نیچه ادله قویه عقلیه ایراد و اتیان اولندیغنه و بو بابده یادکار صحیفه روز کار اولان ژان ژاق روسونك ایکی قطعه محرراتی طرفینك ادله و اجوبه سنی جامع بولندیغندن قطع نظر غرایب مباحثدن معدود اولدیغنه بنأ بو مقامده تحریر و ایرادی مناسب کورلشدر.

(مکتوب اول ژان ژاق روسو طرفندن لورد ادواره)

میلورد ارتق جل ثقیل حیات التنده تاب و تحمل کسله رك خیلی وقتدن پرو حالت زندگانی بکا برکلفت عظیم اولش و عمره عزت بخش اوله جق اسباب و وسائلك جمیعسنی غیب ایلش اولدیغندن کلال و ملالدن غیری حیاتدن بکا پر عمره قالمسا شدر. لکن احسان و اعطا ایلان

ذالك امر واذنى اولدجه نقد حياتى تصرف ممنوع و حرامدر
دياور. بنم دخی مجزومدر که بضاعه حياتم بالوجوه سنک ملاک
يمنکدر. زیرا همت مخصوصه کزله ایکی دفعه مهلاکه دن قورتارلدیغی
مثالو اعانت و احسان کزله لاینقطع حفظ اولنقده دره. بنأ علی ذالك
آخره عائد حقوقه تجاوز کاهندن بری اولدیغنه کسب اطمینان
ایلدجه و یا خود وقتاً من الاوقات ینه سکا فدا و ایشار ایده سلاکک
امید ضعیفی بنده باقی اولدجه قطعاً او یله بر تصرفه قیام ایلیه حکم
درکاردر.

بنم وجودم سزه لازم اولدیغنی بیان یورر ایدیکن. بونکله نیچون
بنی تغلیط و تغیرر ایدرسکن. لوندرده بولندیغمن مدتدنبرو بنی سزه
دائر مصالح ایله اشغال ایلک شویله طورسون بالعکس سز حصراً
بکامقید و مشغولاسکن. میلورد سز کده مصدق کزدر که التزام مالایلم
یور یورسکن. بن حیاتی استکراه ایلدیکمدن زیاده غدیری استکراه
ایدرم. چونکه ذات باقی بنم معبود و معتقد مدر. جمیع وارم سنکدر.
سنی سورم و شو عالمده مجبوریت و ارتباطم یالکز سکادر. محبت
و وظائف محبت بو کطالعک پای بند عزیمتی اولسه هیچ بر بهانه
و مغالطه عالم زندگانیده طور سنی موجب اوله من.

سنی اصغایه مستعد و مهیا اولدیغمدن ملاحظه مده اثر نقصانیت
و ارایه تصحیح و ابضاح و کولک القای معنای فلاح ایله. فقط بو
تصوراتک اثر یأس و قنوت اولدیغنی دخی ملاحظه یور. معلومدر که
عادت دولتکز هر خصوصده وادی مباحتیه و استدلاله کیمکدر.
یک اعلا بحه درکار اولم. استرسکن که مطالعه و ملاحظه بحوث
عنه اولان مسئلهک اهمیت قدر اولسون. راضی یم او یله اولسون.

راحت و سکونت له حق و حقانیتی اتحری و بو قضیدی آخره متعلق
 کی کوره رک بيطرفانه بحث و تفکر ایلمدم . روبك نام فیاسوف
 اختیار یله قطع رشته حیات ایتك مذموم برشی اولمديغنه دائر
 مقاله مشهوره سنی بالذات قلمه الهرق اثبات مدعا ایلدکن صکره
 کندوی قتل ایلدی . بنم مقصدم انك کتابنه بر نظیره یایمق اولمديغی
 کی کتاب مذکور دخی چندان منتخیم دکلدرد . فقط بو بحثده مومی
 اليك تمکین و سکونتی تقلید و التزام ایتك منوی ضمیر مدر . پك
 چوق وقتدنبرو بو امر خطیر اوزرینه اجاله افکار ایلمکده اولمديغیم
 معلومکزارمایدرد . زیر اطالع بر کشته معلومکزدرد . مع مافیه حال حفظ
 حیات ایلمکده ایم . نقدر تفکر و ملاحظه ایلد مسه حقیقی شوقضیه
 اصلیده مندرج بولدم . شویله که سعادت حالی تمنی و سقامتدن
 توفی آخرک حقوقنه تجاوزی متضمن اولمديغی حالده حقوق طبیعیه دندرد .
 بو تقدیرجه حیاتم بزه مضرو آخره غیر نافع اولورسه اندن تخلص
 کریبان اولمق مجازدرد . افکار مجه اگر دنیاده بر قاعده صحیحه
 صریحه و ارایسه اتبعق بو قضیه اولوب والا انسان ایچون ضمنده
 نگاه اولیان هیچ بر فعل و حرکت قالمز .

بو مسئله اوزرینه بزم مغالطه جیلرک اقوال و آرا لری معلوم دکلیدرد .
 اول امر ده بونلر حیاتی بزم دکل کی ملاحظه ایدرلر و دیرلر که چونکه
 حیات بزه اعطا اولمش بر شیدر بو تقدیرجه حقیقه بزم دکلدرد .
 حالبو که استه بالخاصه بزه اعطا اولمديغی اجملدن بزمدر . مثلاً جناب
 باری بزه ایکی ال اعطا واحسان ایلشدر . قانغارینه کی بقیه وجوده
 سرایتی ملحوظ اولان بر حالده برینی و بلکه ایجابنه کوره ایکبسنی
 دخی قطع ایتدیررز . شته بقای روحه اعتقاد اولمديغی حالده بو

کیفیت مسئله مزه بر مفیاس صحیح اولور. زیرا بن وجود مدن دها
اعزو اشرف بر قسمك محافظه سیچون بر قولی فدا ایلک مشروع
و مجاز اولدیغی حالد، جسم مدن دها اعزو اشرف بولسان روحك
حصول سعادت حالچون جسمی فدا ایلک دخی مجاز و مشروع
اولمیدر. هر چند جناب بارینك بزره اعطا و احسان ایلدیکی نسنه
بالطبع بزه نافع و لازم ایسه ده ینه بالطبع ذی تغیر بولند قلرندن طولایی
بو عطا یا یه قوه عقل و تمیزی دخی علاوه اعطا و احسان بیوردی
ناکه بزر بواشیای موهوبه نك حال و زمانه کوره ایوسنی اختیار
و تمیز و کوتوسندن اجتناب و پرهیز ایلیم، اگر قاعده عقل
و حکمت بو اختیار و انتخاب خصوصنده استعمال اولنده هنر ایسه
انسانلرک قنغی مصلحتنده قوللانلق ایچون اعطا اولمشدر. اشبو
اعتراضات اولدجه متین و معقول ایکن بزم مغالطه جیلریمز بیک طرز
ایله تغیر و ابطال ایلرلر. شویله که بونلر روی زمینده بر حیات بولسان
بر ادعی قوللق نفری کبی عد و اعتبار ایدرک دیرلر که جناب حق سنی
شو عالمده و دها اخص اولق اوزره شهر وجود کده اقامه ایلش
اولدیغی حالد اندن امر و رخصت اولدجه بونلردن نیجه خروجی
تجویز ایدرسن. ولو سلم بویله اولسون امر زندگانی کسب کلفت
و صجرت ایلدیکی صورتده بو حال جناب حقندن بر اشارت رخصت
دکلیدر.

جناب حق بنی کرک روی زمین و کرک جسمنده و الخاصل قنغی محلد
اقامه ایلش ایسه مطلقا اوراده مظهر سعادت حال اولدجه اقامت
والا اختیار مباحثت ایلک رخصتیه اقامه ایلشدن. اشته قانون
طبیعت و قانون الهی بودر. اوت بنده تصدیق ایلر مکه رخصت

و اراده الهیه بی بکلمه کر کرد. لکن بحث اشبوا امر و رخصتی
فرقه در. مثلاً بن بالطبع وفات ایلدیکم حالدیه جناب حق بکا ترک
حیات ایتکلاکی امر ایتمز بلکه کند و اراده سنی بلا استشاره اجرا ایدر.
رخصت و اراده سی انجق صفت حیاتی بکا بر جل ثقیل ایلدیک
زماندر. برنجی حالدیه المدن کلدیک قدر مقاومت و ایکنجی صورته
مطابعت بکا اولاً و احرادر. بو مقدمه دن معلوم کن اولیور مکه
اراده و قانون الهیدن فرار اولیور کی موت اختیاری به تقدیر
الهی به عدم رضا معناسنی ویرر نیچه ادملر واردر. حالو که بر ادم
کندوی قتل ایلمسی ارادات الهیدن فرار ایچون اولیوب بلکه انی
تمام اجرا ایلمک ایچوندر. بونه معنای معکوسدر. جناب حق قدرت
و تصرفی یالکر بنم جسم اوزرینه میدرو عوالمده بر نقطه وارمیدر که
موجوداتدن برزده اوراده ید قدرت و تصرف الهیدن چیقده یلسون
و بنم حقیقم شو کسافت جسمانیه دن قورتیلوب دها زیاده کسب
صغوت و عالم لاهوته اکنسابت مناسبت ایلدیک حالدیه نسبت معاملیه
الهییه ضعف و زوال کله یلسون.

خیر قضیه بونک خلافته ملا بسدر و بو بابده عدل و احسان الهی
بکاتقویه بخش امید ارمقده در و اگر موت ملا بسده سیله انسان ید قدرت
الهی دن چیقرفکار و اعتقادنده بولنش اولسدهم قطعاً موتی تنی
ایتمز ایدم. قدون نام کابده بیان اولندیغی وجهله سقراطک سبهیه
خطابا اگر سنک بر غلامک کندوی اولدرسه و سنک ایچون انی
تأدیه امکان مساعد اولسه سنک مال و ملککه ایصال خسار ایلدیک
ایچون انی تأدیب ایلمز بسن دیدیک مغالطه قبیاندر. بیچاره سقراط
انسان بعد الهیه تصرف الهیدن چیقار ظن ایلمش. قضیه بویه

دکدر، بو مقامده شو تمثیلاک یرینه اکر سنک بر غلامک اولسه که
اکا لباس ایلش اولدیغک لباس خد متنه مانع اوله جق صورتده
بولندیغی اجلدن غلام هر قوم خدمتی حسن ایفا قصدیله لباس
مذکوری چیقارسه اکا نظر مجازاته باقرمېسن دیمک کړک ایدی.

بو خصوصده منشأ غلط شومدت قلیله حیاته اهمیت ویره رک
بعدالمائة متروک و معطل قالنه جق کبی انسانک وارلغی همان اومده
مفحصر بیلکک افکاریدر. حالبوکه بزم حیاتمز عندالله وعندالعقل
لاشی مقواهی اولدیغی مثلاً و کیدی نظر مزده دخی هیچه صایلوب
شو جسمدن تجرد قامت استعد ادمزه ناملایم بر لباسی تبدیل ایلک
کبیدر. شویله برشی حقیر بو مرتبه قیل و قال کوتورمز.

ملورد بو تصورات و مقالات اصحابک نظر و استدلالری بطلان
و بلکه ظلمدن خالی دکدر، زیرا بو خصوصده زعم و ادعا ایلدکلی
خطایی اعظم صره سنده ازاله حیاتی اعدام حقیقی کبی اعتبار
و جزا یشنه کلنجه صورت تأیید و بقای اظهاری و اقرار ایلر.
یونلر صورت حقه کورینان اشبو ادله و بر اهینی سالف الذکر
فدون نام کایدن الوب حالبوکه کتاب مذکوره بو بحث تحت اللفظ
صورت مختصرده ایراد اولمشدر. چونکه سقراط ظالمانه بر محاکمه
و حکم ایله برقاج ساعت صکره قتل اولنه جغی مقرر ایکن شاگردانه
و یردیکی تنیهات میاننده بالمناصبه بو ادله و بر اهینی دخی ایراد ایلدیکه
و کندی ایچون ترک دغدغه حیات ایلک مقرر بولندیغنه مبنی اول
حالده بالاخیار قطع رشته حیات جائز اولوب اولیه جغی عریض
و عمیق ملاحظه یه وقت و احتیاجی یوغیدی. افلاطونک سئوالی
ملاسمه سیه عومی ایلد سقراط هر چند اشبو مقدمه یی ایراد ایلش

ایسه ده بنم ملاحظه و افکارمه کوره حکیم مومی ایسه بو مسئله یی
 ببانده بالفعل اجرایه احتیاج حالنده بولنش اولسه ایدی بهر حال
 افکارنده دهها زیاده التزام تدقیق ایلرایدی . مع مافیه کتاب مستطاب
 مذکوره بالاختیار قطع رشته حیات ایلمکلاک ممنوعینه دائر ادله
 قویه بولمیدیغنه قاتونک ترک حیات ایلادیکی کیجه ایکی کره سرپا
 ختم ایلادیکی دلیل کافیده . ینه بو مغالطه جیلر دعوالرینه تقویت
 و یرمک ایچون آیا نعمت حیات فنا برشی اولق احتمالی وارمیدر دیو
 سؤال ایدرلر . حال حیاتک محاط و مشمول اولدیغی بونجه ذریع و ضلال
 و محن و ملال و مساوی و وبال پیش نظر تفکر و اعتباره النور ایسه
 آیا حیات دینلان شبتک ذره قدر محسناتی وارمیدر دینله ییلور . زیرا
 بنی بشر دن اک فضیلت مندا دم دخی جند معاصی و خطایانک محصور ی
 اولدیغی کی صاغ اولدجه بهر دقایق دیا پازده اهل عصیان و یا خود
 بالذات اهل عصیان اولق مهلاکه سندن امین اوله مز . بو تقدیرجه
 مجاهده ملا بسه سیله انزعاج اهل عرض و انصافک و سوء صنعه لری
 جهته له انزعاج دنی و غیر منصف لک نصیب لری اولوب بوندن استتاج
 اولور که احوال و اوصاف سائر ده بو ایکی صنف بری برلرینه طبان
 طبانہ مغایر اولدقلری حالده ذلت و مشقت حیاتی چکیمکده همحال
 و همدرد درلر . بو کیفیتی ادله قویه و وقایع صحیحه ایله دخی اثبات
 ایده یلورم . شویله که نیچه اقوال حق و بینات و نیچه افعال مستحسنه
 فضائل غایات اصحابی حقنده موجب قتل اولمشدر .

ملورد بونلرک جمعینی برطرف ایدرک سکا توجیه خطاب برله سؤال
 ایدر مکه عقلا و عرفانک شو عالم سنیایده جلالت هم و اختیاری
 خارجدن قطع علاقه ایله کند و قابیلرینه طولمنغه و قبل الممات میت

زمتهاك اولفاغه قصروف و معطوف دكایدرو و بشریت بلالزندن
 كندومزی تخلص ایچون عقل و حكمتك اراثه ایلدیكى طریق
 بالكر شو عالمیدن و بلکه نفس برده فانی بولسان جمیع وار لغمزدن
 قطع علاقه ایله كند و باطنزه جمع اوله رق سیر عالم علوی به توجه
 خصوصی دكایدن و بزم منشأ ابتلا من جهل و غرض اولدیغی حالدده
 بونلرك ایكسندن دخی بادی خلاص اولان موت ایچون نه سببیدن
 آه و اسف ایدلم.

شو عبد النفس اولان ادمار عقل و انصافدن عاری صورته كندو
 لذائد شهوانیدارینی استحصال ایچون تزید بارمجن و مشقت ایدوبده
 نه یاییورلر. دقله باقلسه بونلر شو عالمده واراقاری دائره سنی توسیع زعمیه
 بتون بتون احسا و بیونلرینه طاقلمش اولان زنجیر طول امل ثقلتی
 علائق جدیده عیدده ایله تزیده اعتنا ایدیورلر. برذوق و صفاری
 یوقدر که كندولری يك درلو حرمانله تلخكام ایتیه. بونلر هر مرتبه
 تلمذلر نجه مبتلای مشقت و دنیا به صاپلند جده اسیر مسكنت اولقده درلر.
 طوتالم که شو صورت مكدوره ایله روی ارضده سورنك عموم ایچون
 بر نعمت عد اولسون. بندخی خلق تمامأ كندولرینی قتل ایتسونده
 دنیا باشند باشه بر مز اراق اولسون دعواسنده دكلم. اكن بو طریقده
 سلو که احق ادمار وار که مبتلا اولدقلری یأس و حرمان و شدائد
 عشاق بی پایان طبیعتدن كندولره و برلش ضرورت ذکره سی کیدن.
 بو مقادله کوره حیاتی نعمت عد ایلک بر نوع جتدر. حیات
 بزه لید اولدیغی مدتیجه عزیزدر و بو عزتی انجق شدائد مصائب
 ازاله ایده ییلور.

چونکه بزم جلاله من بالطبع اولومدن ایمایت ترسان اولدیغی بون اشو

خوف و خشیت حیاتك ذل و مسكتنى بزه صورت اخرا ده كوستریور
 و اولكه قرار و یرلزدن اول بودرلو محنت و مشقتله یشامغه پك چوق
 وقت تحمل اوانه یلیور. انجق بر کره حیاتك صفندیسی اولوم قورقوسنه
 غلبه ایتد كده حیاتك نه درجه فنا اولدیغی تعین ایدرك انسان بر
 ساعت اول قورتلغه جان اتر. هر چند قنغی درجه ده نعمت حیات مبدل
 نعمت اولدیغی صحیحاً كسد یر یله هنر ايسه ده هله بزه فنا كورن ديكندن يك
 چوق اول كسب و خامت ایلدیكى مجزومدر. چونكه ترك حیاتنه
 صلاحیت بوكا قصد و تصدیق چوق وقت اول حاصل اولدیغی هر
 بر عقل سلیم صاحبی عندنده مسلدر. مدعی و معترضلر بو قدرله ده
 اكتفا ایتیب بزی ازاله حیاته قصددن منع ایچون حیاتك دركار
 اولان فنا لغنی انكاردن صكره صبر و ثبات سزلقله ده بزی تعیب ایلک
 اوزره تصدیق فرضی ايله تصدیقه ایدرلر. بونلرك زعمیجه مصائبدن
 قاجمق حیثسرك علامتی و كندوی قتله تصدی ایلک مطلقاً
 مختلر صفتدر. بو تقدیرجه عالمی قبضه تسخیره الان رومایه
 سطوت و سلطنت و یرن برالای مختلرایمش.

هله ارری واپونین ولوقرس نسوان طائفه سندن بولندقلر یچون
 مختلر عددینه داخل اولسونلرولكن بروتوس وقاسیوسنه
 وعلى الخصوص اسم و رسمی رومایه افاضه روح حیت و قلوب
 ظلمه یه القای دهشت ایلان و اثار عجیبه سیله سكان روی زمینك
 تعظیبات فوق العاده سنه مظهر اولان قاتونك ستایشیله افتخار ایدن
 بونجه عقلا آباخاطر و خیاله كتوررلر میدیكه وقتاً من الاوقات بعض
 پنتی مكتب خواجهلری مومی الیهك فدای جان ایلک شرفنی
 دشمنلره مطاوعت مسكندند ترجیح ایلدیكندن طولای حیثسركلنی

اثبات و استنتاج ایچون بسط مقدمات و مباحث ایدنه جکارد در
 ماشا الله طوغریسی زمانه مؤلفلرینک قوت و عظمتلری عال العال
 و قلمبدست تألیف اولدقلرنده جرأت و جسارتلری رسیده مرتبه
 کالدر. ای پهلوانان عرصه بسالت باری بکاسزلر بیان ایدلکه
 مدت مدیده محنت حیاتی تبحری کوزه کسدیروب بونجه غیرتله عرصه
 هیجادن کارسلامته چقاردیفکر دست شجاعت پیوستکزه برقبس
 پاره دوشسه نه چاپک دست کش اجتناب اولیورسکزن. آیا بو کیفیت
 شدت حرارت آتشف عدم تحمل جباتند نمیدر. غالباً یوسئواله جوابکز
 شو اوله جقدرکه شدائد حربه تحملی ایجاب ایدن اسباب مجبوریت
 بلا موجب آتشف ال طوتمق خصوصنده یوقدر.

اشته بنده دیرمکه محنت حیاتی چکمکه بنم ایچون نه مجبوریت واردر.
 آیاخالقه کوره برادمی خلق و ایجاد خس و خاشاکدن دهاکلقلومیدر.
 یوقسه بونلرک ایکبسی دخی برخالقک اثریمی دکلدر. بلی ردودفعی
 ید اقتدارده اولیان شدائد صبر و تحمل اولنور و لکن تجسوز
 وتعدیسزدفع وردی ممکن اولان محنت و مشقتی چکوب طورده ق دیوانه
 کاریدر و بلا موجب برکوچک فناغه تحمل فناغک یوکیدر و منغص
 و مؤلم اولمش برحیاتدن فوری بر موتله تخلص کریبان ایتمک استیانتلر
 شول احق ادمه بکزلرکه عملیات جراحیه دن اجتناباً یاره سنک تشنجه
 راضی اولور. بن جراحه دیرمکه شوایاغم بنم هلاکمه یاعت اوله جق
 کل کس و کسلدیکنی دخی کوزیمی قیمه رق سیرایدرم. یو عملیاته
 عدم جسارتلرندن ناشی وجودلرینی چوریدن پهلوانلر قوبنم ایچون
 باقک حیسنز ایاغنی کسیدردی دیسونلر.

آخره عائد بعض وظایف جهتیله هر بر ادم کندو وجودینی کیف

مایشأ تصرف ایده میه چکنی اعتراف ایلم، لکن یوکا مقابله نمیده لده
 وارد رک کندویه ترك حیات وظیفه مخصوصه اولشدر. مثلاً مملکتک
 سعادت حالی وجودینه هر بوط اولان بر حکمدار و اولاد و عیالک
 اتفاق کندویه منحصر بولان بر کنخدا و مماتی داینارینه موجب
 خسار اوله جق بر مدیون هر نه حال اولور ایسه بو وظایف
 مخصوصه لر یچون تحمل ایده طور سوزلر. بو مقوله قایلان و مملکتک
 متعلق اسباب سائر جهته ته تعدی و تجاوز عار و شاری کی دها
 بیوک بر مصیته سبب ویرمادک اوزره مصائب حیاتی چکمه که مجبور
 بولان اهل قوت وارد دیو شو مجبوریتلرک بر یسیره مقید بولنیا زاره
 بر طاقم عجزه بی اضرار ایله کندولردن ماعداد بر کسندیه مفید
 اولیان حیاتی مجرد موده عدم جسارتلری ایچون وقایه ایلمک جائز
 اولور می و حشیلردن بر اختیار اد می اوغلی ارقه سنه الهرق بر موقع
 محاربه دن تخلیصه چبار ایکن هر قوم و اوغل بنی اولدرده براق
 اشته دشمنلر یتشدیلر و سن کیت رفیقارکله برابر حرب ایدرک
 اولاد یکی تخلیصه شتاب و خصایلرینی عیش اولدیغم خصایلر الله بنی
 صاغ صاغ تسلیم ایتمک مصیبتدن اجتناب ایله "دیشدر و حشیلردن
 بر دشمن خاندان اولان عجز و احتیاج واضطرار و ازعاج ملا بسده سیاه
 پسترا بتلاده یاتوب معینه کافی اولیان ناپساره ایله سدر مق حیات
 ایتمک مجبور اولان بر عاجز و درمانده نک و شو عالمده هیچ بر شید یارامیان
 و جمع علایقدن مجرد اوله رق تک و تنها قالان و دنیاده وجود
 عجز الودندن بر عمره حصولی مأمول اولیان ادمارک شو اقاتکاه
 قانیدن چکمه که نیچون صلاحیتلری اریلسونکه ابتلاری غیر نافع
 و انین و اشتکالری مضمض تعصب ایدر.

ملورد اشبو مطالعانی میزان عقله اورر و بو قباساتی جمع و انتاج
 ایلر ایسه که جمله سنی عقل سلیم اصحابی عندئده محتاج نظر اولیان
 قواعد عادیه حقوق طبیعیه مبنی بولورسن . حقیقتده خسته لکدن
 تخلص نفس جائز اولوبده هنر عجم بر صاعقه قدن قور تلغه سعی
 نیچون جائز اولسون . آیا بونلرک هر بریسی بزه تقدیر ایلان خالق
 یسقه میدر . یوقسه اولمک زحمتیده معالجه استعمالی صفاییدر .
 موتی معالجهیه ترجیح ایدر یک چوق مبتلار بولندیغی بونلرک ایکبشدن
 دخی طبیعت هنر اولدیغی اثبات ایدر . ایمدی دفعی قابل اولان
 برعلتک معالجه ایله دفعه جالشقی ازاله سی غیر ممکن بر بلیه دن ترک
 حیاله تخلص کریبان جان ایلمکه مرجم اولدیغی اثباته محتاجدر .
 مثلاً ستمده قناقنا و طاش سنجوسنده آقون استعمال اولور . بری
 ثواب و بری کناه میدر . حقیقتنه نظر اولور ایسه شو ایکی حالدهده
 مقصد بر فناء قدن تخلص نفس اولوب قوللائیلان وسائطک ایکبسی
 دخی طبیعی و مقضای حالدر . اگر طبیعتک تفرتی طرفنه باقیلور
 ایسه طرفینده مساوی اولوب اگر اراده الهیه پیش نظر مطاوعته
 المنق لازم کلورسه بزه کلان بلالرک قنطرسی طرف مولادن دکلدر که
 اکا مقابله و مقاومت وید قدرتدن صادر اولیان قنغی الم واردر که
 اندن مجانبیت اولنسون . قدرت الهیه بر حده انتها وار میدر و نه
 حال و محله اراده الهیه مقاومت مشروع و معقول اوله ییلور .
 هر برشی اراده الهیه ایله وجود پذیر اولمندر دیو یزم ایچون هیچ
 برشی تعبیر و تصرف جائز دکلدر و قوانین الهیهی اخلاادن
 احقراناً شو عالمده هیچ برشی باعما لم ییر و هر نه یاسق عجباً اخلاانه
 مقدر میر .

می‌لورد قضیه بویله دکلدرد. انسانک اعداد و ارشاد اولاندیغی مقاصد
 ده‌ها اجل و اعلا در. ذات باری انسانی بویله بر بطائت دائمیده
 طورسون ایچون خالق ایلمامشدر. بکه عمل صالح ایشلک ایچون
 اراده جزئییه احسان ایلدیکی کی طلب خیر ایچون قلب سلیم
 و ترجیح و تمیز ایچون عقل مستقیم اعطا ایدرک کائن مکنوناته میر
 تعین و صحیفه قلب الهام جلبنده سکا نافع و غیره غیر مضر اولانی
 ایشله دستورینی تخریر ایلشدر. ایمدی نفسم ایچون موت حیاتدن
 انفع اولدیغی ادر اکدن صکره یاشامغه اصرار ایدر ایسه م اراده
 الهیه سنه مخالفت ایتش اولورم. زیرا بنی موتی استحسان حالنه
 کتوردیکی انی اختیار و اجرایه بر امر در.

اختیار یله ترک حیات ایتکلک خصوصنده عقل و قیاسک ده‌ها اصح
 اوله رق اصول دیندن استنباط ایده جکی قاعده ندر. نصاری طرفندن
 بویابده بسط اولنان مقدمات نقض و ابطال نه کند و دینلری اصولی
 ونه ده کابیری احکامی اولیوب فلاسفه مجوسدن ایتش شیلردر. بو
 مذهب جدیدی اولاتخاذ ایدن لاقتانس و اوکستن اولوب استنادلری
 دخی بالاده اعتراض ایلدیکم فدون نام کابه در. یوقسه حضرت
 عیسی بو کادار کله واحده بیان بیورماشدر. شویله که بو کامتبعته
 احکام انجیله اتباع زعمنده بولنن افراد نصاری انجیق افلاطونه
 تبعیت ایلر. توراتک بر محملنده کند و نفسنی قتل ایتکلک تحریم و یا خود
 تقبیحه دائر سوز وارهیدر و حتی کند و کندوی قتل ایتش بعض
 اشخاصک حکایه احوالی صره سنده بو افعاللرینی تخطئه و تعبیره
 دائر کله واحده بولمندیغی غریبه دن دکلیدر. ده‌ها غرب اوله رق
 اعدا اسندن اخذ انتقامه برابر نفسنی تلف ایتش اولان

سامسون (۱) نام پهلووانك فعلی بو بایدہ من طرف الله کندویہ
 ویریلان قوه قهریه ملاسه سیله مرضی و مجاز طوتلقده در آیا
 بو خارقہ بر کیره ارتکابی تجویز ایچونگی وقوعبولشد در پهلووان
 موسی الیهک بر خاتونہ میل و مراودتی قوتنک زوالنه سبب اولمش
 ایکن بر جرم عظیم ارتکابی ایچونگی تکرار کندوسنه اعطا اولمشدر
 یوقسه مقصد الہی بنی بشری تغلیطمیدر حضرت موسایہ دخی
 اولسان تندیہات عشرہک بری (قتل نفس ایتمہ) امری اولوب اگر
 شو ارادہ الہیہ حرف بحرف النور یعنی کالنه صرف اولنور ایسه
 نه لازم الازالہ ادملری ونه ده دشمنلری قتل و اعدام ایلمک لازم
 کلوب بو صورتده حضرت موسی بونجه ادملرک قتلنی امر و تجویز
 ایلمش اولدیغندن طولایی کندو شریعتی احکامنی حاشا بیلزمش
 بو بایدہ بعض احوال استثنایہ و ارایسه پرنجیسی شبهه سزا اختیاریلہ
 قطع رشتہ حیات ایتمکک خصوصیدر زیرا بو صورت ظلم و تعدیدن
 وارسته اولوب اشته بو ایکی حال اخری قتلك موجب منع و تحریمیدر
 و طبیعتده بونک ایچون موانع کافیہ وارد در و کذا دیرلر کہ جناب
 حقک ویردیکی شدائد و مصائب حقنده التزام اصطبار و کندو
 ابتلاکی سرمایہ افتخار ایله دین نصاری احکامنک بویله جه حل
 و اجر اسی حقیقتی لایقیلہ درک و اذعان اولنه مدیغنددر انسان
 ییک درلو محن و مشقتک موضوعی و جامہ عمری تار و بود ذل

(۱) انا انزلنا سورہ شریفه سنک تفسیرنده بیان اولندیغنی اوزره
 بو ذات برغزاده کفار طرفندن طوتیلوب بتخانه لری عمودینه باغلندیغنی
 حالده خارق عاده بر قوتله عمودی قویاروب بتخانه یی و قومی
 و کندوسنی افنا ایدن شمسونددر

و هوان منسوجی اولدیغنه نظراً کویا تجمیع جام جفایا ایچون
 پانهاده بزم وجود اولمشدر. عقل و حکمت اشو محن و مصائبدن
 دفعی ممکن اولنلرک دفعی استدیکی مثلاً و دین دخی عقل و حکمت
 مخالف اولدیغندن بو آرزوی قبول و تأیید ایلمر. لکن بو درلوقابل
 الاندفاع اولان بلایا مبرم بولسا نلره نسبتاً پک کوچک شیلر اولوب غالباً
 تحملی عندالله موجب تمیز عدد اولسان مصائب قسم اخیردر. بو
 تقدیرجه جناب باری زیر دستاندن مجبوراً و مکرهاً الدینی تکالیفی
 بر تقدیمه فاخره زینده قبول ایدن حکمدار کیدر که فوائده عقی شدائد
 دنیایی تسلیم و رضا ایله تلقیده اولدیغنی کوستریور. طریق توبه
 و انابتک سدیددی طبیعی کوستریلاندر. انسان چکمه مجبور و مضطر
 بولندیغنی بار بلامی صبر و ثباته چکر سه اولنابده اراده الهیدی حقیقه
 یرینه کتورمش اولور و اگر بر بو الفضول بو درجه یی تجاوز
 صد دنده بولور ایسه او مقوله ادم یا تیماره محتاج دلی و یا تأدیه
 شایان ادب سزدر. ایمدی تخلص کریبان ایده بیه حکم بونجه محن
 و مشقتدن بلا پروا بجانبت ایلمز زیرا دفعه مقتدر اوله مدیغمن مصائب
 بزه یتر بزم ایچون موجب انزعاج اولدیغنی حالده نقد حیاتدن بیه
 بی محابا دست افشان استغنا اوله لم.

بو وجهله تخلص نفس ید اقتدار عزمده اولوب غمننده نه حدود الله
 ونه ده حقوق غیره تجاوز و تعدی محظور لری یوقدر. اگر واجب
 تعالی حاضر تارینه فدا لازم ایسه فدا انجق اولمک دکلیدر. بو
 تقدیرجه عقل واسطه سبله بزدن طلب ایلمدیکی موتی همان عرض
 و تقدیم وارجاعنی مراد ایلمدیکی روحی درگاه الوهیه راجعه در
 و تسلیم ایلمه لم. عقل سلیمک جمله تعلیم و اراده ایلمدیکی قواعد

کلیه طبیعت استه بونار اولوب دین دخی بونی تجویز ایلر.
 کلام بزم حالمه ذات دولت کز بغانه احوال کزی بکا کشف یور مشیدیکز
 سزک صورت ابتلا کز معلوم و بتم دردم کی قابل علاج اولدیغی
 مجزومدر. قوانین حفظ ناموس طالع برکنسته احکامندن اقوی اولق
 چهنیه سزک حال کز دهها مشکادر. سزکال ثباله تحمل ایلکده
 اولدیغی معترف. متصف اولدیغی فضاوت ذاتیه سزه معیشتدر.
 بوخاصه بر درجه دهها ایلر و کتمش اولسه بادی خلاص کز اولور.
 مبلورد ذات دولت کز بنی درد و بلا حکم کلکه و بنده سزی درد و بلادن
 تخلص کریبان ایتکلکه ترغیب ایلور. ایدی احد همادن قنغیسی
 اخری چوق سور اولدیغی تعینی عهده تمیزیکزه براقرم. بهر حال
 اته جق اولدیغی ایدی نیچون تأخیر ایلور. دهر دنی و پیرک
 نعمت حیاتک لذت و صفاسنی اضاعه و امحا ایتد کدن صکره بزی
 حیث سزجه سنه قید حیاته دوشور و بده انواع عمل و اسقام و رسوا یلقه
 شوقالب شکسته بی سورتدیر مستی بکلیه لمی. بز الان بر سنده بز که قوت
 قلبیه قولایلقه بزی بو پایند بلادن تخلص ایده ییلور. یعنی ادمک
 اختیار عوته قدرت و استعانت چاغنددیز. بر زمان صکره بو کیفیت
 جزع و فرعه یاپیلور. ایدی کلال و ملال ایله موتی بزه ارزو
 ایتدیر مکده اولان شوزماندن استفاده و موتک طلب ایلدیگمز بر
 زمانده شدتله کلمسندن خوف واجتناب ایایهلم. حالا خاطر نشاتمدر که
 بر زمان جناب حقندن بالکز بر ساعت وقت طلب و نیاز ایدر ایدم
 شویله که اگر نیازم رهین قبول اولمامش اوله ایدی مطلقاً ایدم
 هلاک اوله جق ایدم.

بزم کوکلرک شو عالم سفلی به اولان ارتباطی چوزمک نه مشکل مبدر

وارملا حفظه ایله، ارتق بوردردده برعلاقه نك انقطاعنی فرصت
 آتماذا ایدرك عالمدن قطع علاقہ ایلك پك معقولدر.
 میلورد ایگمزه دنس دنیادن تطهرله دهاصفوت و طهارتلاو برعقانه
 لایق اولسد یغمزی تیقن ایلدورم. فضیلت بورایی بزه اراده و قدر
 تحریشنی اشارت ایدیور. بزی برانشدیرن حب حقیقی اخر نغمزی
 دخی براشدی سون. محبت صحیحده ایله بری برینی سون ایکی محب صادق
 بری بری قوجاغنده کند و اراده لرله تکمیل حیات اینلاری و نفس
 و اینلارینی بری برینه قاعدلری و کویا یکدیگره معالق بولسان ایکی
 جانی قفس تندن بر لحظه ده اوچورملری نه شوق انگیر ارزودر.
 بو مقوله لك اخر وقتلرینی نه مقوله زحمت و نه درلو مشقت اخلاص
 ایده یلور. بو طرز ایله دنیادن رحلت ایدنار نه دن ایریلورلر برلکده
 کیدر و کیروده هیچ برشی براقزلر.
 (ادهم پرتو)
 عن اعضای دیوان محاسبات

(مابعد)

(آیا صوفیه)

صحنك جانب یمین و بشارنده و بیوك دستكلر اراسنده سکزیشیل
 ستون وارددر که بونلر ایانلاو غدن جاب اولمشدر. ارتفاعلری قرق
 ایکی و قطارلری درت بچق قدمدر. قاعده لرینك اشاغی طرفی مرمر
 و یوقاریلری پرنجدر و باشلری بیاض مرمر دن نفیس ایشلمشدر.
 اشبو ستونلرك و صحنك گوشه لرنده واقع درت نیم دائره ده موجود
 سکز قزل سماقی دیركك اوزرنده التبشردن اوتوز التی یشیل اعلا
 ستون اولوب ارتفاعلری یگرمی درت و محیطلری یدی قدم سکز

بر مقدار و بوناردن قاتلجه اوله رق غرب طرفنده بیرک قپو اوزرنده
یان یاه متصل ایکشردن دوت و بونلرک ایکی یانلرده بر ادم بونیدن
یوکک اولوب فنار وضعنه مخصوص دیگر دوت که جمعاً قرق دوت
بیل ستون واردر. بونلرک کافه سی طبقه نایبندک صحن طرفنده
واقع اولوب فنار وضعنه مخصوص اولان مذکور دوت دیر کدن
ماعداسنک بعضاری یوک قبه یی و بعضاری دخی دوت نیم قبه یی
حاملدرلر.

طبقه نایبده محراب نیم دائره سنه قدر ممتد برو بو طبقه نک یالاسیله
قبه یی دائر امدار احاطه ایتش ایکی که جمعاً اوچ صره دهلیز
واردر. جامعک زمینی التیده اون یدی قدم عمقده غایت جسیم
بر صهر یج اولوب بونک اغزی غرب طرفنده واقع ایکی دستک
اراسنده در. جامعک زمینی سر ایا یوک قطعه ده مر مرارایله دوشنش
و بونلرک اوزرنده نفیس و کرانیها اناطولی قالیچه لری فرش اولمشدر.
صحنک جانب غربیسی عین و یسارنده کائن ایکی نیم دائره داخلنده
یکپاره برر یوک مر مر کوپ واردر. بونلر مجرای مخصوص ایه خارجدن
کلان صوایله طولوب جماعت مصلقارندن تجدید وضو و دفع عطش
ایدرلر. اشبو کوپلری سلطان مر اد ثالث حضر تلی مر مره
جزیره سنده اعمال ایتدیرمشدر. سالف الذکر دوت دستک پیشگاهنده
اوج ارشون ارتفاعنده متعدد دیرکلر اوزرینه مستند دوت محفل
و شمال طرفنده دوت ستون اوزرنده بر کرسی اولوب بونلر کافه
مر مر در و محفل شاهانه مقابلنده واقع منبر دخی کذلک بیاض
مر مر دن اوله رق غایت مصنع و مذهبدر. غرب طرفنده کی اورتیه
قبونک فساد و پروازلی برنج قابلودر و بونک ایکی جانبده بونسان

دیگر ایکی قېونك قنادلری كذلك پرنج قاپلو اولوب پروازلری یئیل
طاشدند.

هر بر دستكدن شمال و خوب دیوارلرینه برر كر تمديد اولغش
اولغله جامعك جهت شمالیه و جنوبیه سنده اوچردن جمعاً الی جناح
تشكل ایتشدن. بونلرك دردی جامعك درت كوشه سنده اولان درت
نیم دائرهك و راستده و ایكیسی دخی یكدیكری مقابلنده اوله رق جانب
شمال و جنوبیه واقعدن.

اشته صحن جامع ایله جانب شمال و جنوبیه واقع مذکور ایکی جناح
بر شكل چلیپایی تشكیل ایلدیكندن بالاده ذكر اولندیغی وجهله
بنانك خاچواری اواسی بوندن عبارتدند. كوشه لرده واقع اولوب
مربع الشكل بولنان مذکور الی جناحده اوچی تحتانی و اوچی فوقانی
اوله رق التبشردن جمعاً یكری درت پنجه و اردن. بونلردن شمال
شرق طرفده اولان اشاغی صرهك اورتیه پنجه سی دیگر لرینه نسبتیه
بر مقدار یوك اولوب صفوق پنجه اسمیه معروفدر. اشبو كوشه
جناحلرینك زاویه لرنده برردن اون الی ستون واردن. بونلرك
ارتفاعلری اوتوز الی و قطرلری اوچ قدم اوچ ربع اولوب اورتیه ده
بولنان سكری استوائی و شرق و غرب دیوارلری طرفنده واقع
دیگر سكر قطعده سی چار كوشه در. بونلردن شمال غربی كوشه سنده
اولان دیرك قاعده سندن بر ارشون یوقارییه قدر پرنج قاپلودن.
یوكا درلر دیرك تسمیه اولنوب تبركا زیارت اولنور. غرب طرفنده واقع
ایکی جناحك حصیر اوه سی طرفنده اوچر قیوسی اولوب بونلرك
پروازلری بیاض مرمر و قنادلری پرنج قاپلودن.

شرق طرفنده اولان دیگر ایکی جناحدن شمال طرفنده کی جاده یه

خروج ایدر حنکار قپوسی و بو قپونك داخونده شمال دیوارندن
 محراب نیم دأردسند قدر ممتد اوچی یشیم و یشی پلانطیر طاستندن
 سکن قطعه نفیس ستون ارزیننه انشا اولمیش بر محفل شاهانه
 واردر. بونك جهت جنوبیده سنده واقع دیگر جناحك بری جنوب
 و دیگری شرق طرفنده ایکی قپوسی اولوب شرق طرفنده کینك
 خارجنده ایکیسی قزل سماقی و دردی بیاض مرمردن التی قطعه
 ستون واردر. اشبو قپونك زمینی براز الحقدده واقع اولدیغندن زردبان
 ایله نزول اولنور.

مذکور گوشه جناحلرینك اراسنده بولتان ایکی جناح مستطیلدر.
 و هر بریسنده دردردن جمعاً سکن قطعه اسطوانی دیرك واردر.
 اشبو دیركلرك ارتفاعلری دیگرلری کی ادتوزالتی و قطرلری اوچ قدم
 اوچ ربعدر. بونلر جناحین مذکورینك ایکی صره اوزره اورتیه سنده
 واقعدر و جناحیندن هر برینك ایکی صره ده اون ایکیدن جمعاً
 یکرمی درت پنجره سی واردر. شمال طرفنده و کلا قپوسی اسمیله معروف
 برقیو اولوب بونك مقابلنده یعنی جنوب طرفنده دخی اوائلده برقیو
 اولدیغی کتب تواریننده منقولدر. صحنك ایکی یان طرفنده واقع کرل
 موزائق ایله مزین اولدیغی مثلاً جامعك داخلاً جوانب اربعه سی
 و دستکراغایت مصنع اوله رق رنگارنگ احجار نفیسه ایله قابلمیشدر.
 حصیر اوه سنك ایکی اوجنده یعنی جانب شمالی و جنوبیسنده برر
 کوچك قپو اولوب بونلرك داخلارنده بش قدم عرضنده آت ایله
 صعود اولنده یله جك درجه ده مستوی و سکن کره طولاشور برر
 زردبان اولوب بونلرله طبقه ناییده چقلیور. اوائلده طبقه مذکوره یه
 جیقلمق اوزره سائر طرفلردن دخی زردبان اولدیغی مروی ایسده

غالباً بعده بونلر عدم لزومنه و یا خود بنانک تحکیمی مقصدینه منی
سد اولمشدر. البوم ذکر اولنان ایکی نردبانن بشقه حنکار قیوسی
طرفندن دخی دیگر بر نردبان واردر.

طبقه ثانیه نك زمیندن ارتفاعی طقسان یدی و بوندن کرزك بالاسنه
قدر قرق بش قدم اوچ ربعدر. جهت غریبه سی اتی الیسان
برنجی حصیر اوه سنك اوستی اولوب وسعتلری مساویدر و جهت
شمالیه و جنوبیه سی سالف الذکر جناحلرک اوستی اولوب عرضلری
التمشرقدهدر و طبقه ثانیه نك اطرفنده صحنه ناظر قرق و ایکی
یانلرنده یکر می درت دیرک اولوب طبقه اولاده دخی قرق دیرک
اولدیغندن جامعده موجود دیرکلرک مجموعی یوز درت قطعیه بالغ
اولور. طبقه ثانیه نك جانب جنوبیسنده دستک ایله دیوار اراسنده
اولوب یکر می قدم عرضنده بولنان کچید محانده جنت وجهنم قیوسی
نامیه معروف بر هر هر پرده اولوب بو وجهله طرف جنوبیسی
ایکی یه منقسم اولور. شمال و جنوب طرفلرنده یکر می درت دین
قرق سکز و جانب شرقیده اون ایکی و جانب غربیده الی درت که
جمعاً یوز اون درت پنجره واردر. زمینی اون اوچ قدم طولنده
بیاض هر هر لرله تفریش اولمشدر.

مقدماری بو طبقه نك اوزرنده شمالا و جنوبا بیوک کرلردن صحنه
ناظر اوله رق محفل نسا طبقه ثانیه سی اسمیه بر طبقه دخی اولوب
انجق صکره بونک عدم لزومنه و بنانک تحکیمی مقصدینه منی رفع
اولمشدر. کرلرک اساسندن بالاسنه قدر یکر می قدم ارتفاعنده بر
مقدار ایچرو طرفیه اوله رق قبه نك ایکنجی دفعه انشاسنده برر
دیوار انشا اولمش اولدیغندن صحنه نك بالاسی بیضی السکل اولمشدر.

مذکور ایکی دیواره تختانی بدیشرو فوقانی بشردن جمعاً ایگرمی
درت پنجره واردر. تفصیلات سالفه دن دخی اکلاشیله جغی وجهله
الیوم ایا صوفیه نك هر طرفنده موجود پنجره نك عددی جمعاً ایکی
یوز قرق یدی به بالغ اولور. فقط بونلردن بعضیلری بنانك رصانتی
ایچون خارچنده انسا اولسان پایندار مناسبتله قیامتشدن. مع مافیه
جامعك رونق و لطافتنه خال کلیوب شمدی دخی غایت مفرح
و ضیاداردر.

اشاغی قانتك جهت غریبه سنده بری برینه متصل ایکی حصیر
اوهسی اولوب برنجیسی صحن جامعه ملاصقدر و طولی الشمس
وعرضی اون مترودر. کمری موزائق و دیوارلری رنگارنگ احجار
تقبیه ایله مزیندر. طرف شمالیسنده داخلی و خارجی ایکی قیوسی اولوب
خارج طرفنده واقع قیونك زمینی مرتفع اولدیغندن بوندن داخلی
قیویه اون بر قدملی بر نردبان ایله نزول اولور و طرف جنوبیسنده
كذلك چفته قیوسی اولوب بونلردن مرور ایله حولی به خروج
اولور. جانب جنوبیسنده واقع باب خارجی هر نعلسه برازیره
باتمش اولدیغندن یره بتان قیوسی اسمیه معروفدر. مذکور قیو
قیانیه میوب دائماً اچیق طورر. اشبو حصیر اوه سنك طرف جنوب
غریبیسنده بیاض مرمر ستونلر اوزرنده كذلك مرمر دن انشا
اولمش کوزل بر محفل واردر.

ایکنجی حصیر اوهسی برنجیك جانب غریبیسنده واقع اولوب بش
قیو ایله یکدیگرینه ملاصقدر. اشبو قیوارك اورتده کی دیگرلرینه
نسبتله بر مقدار یوک اولوب ارتفاعی اون سکن قدمدر و محل
مذکور عرضاً الی و طولاً قرق متر و ستمده در و برنجی حصیر

اوهسی کی موزائی و احجار نفیسه ایله مزین دکلدن بونک غرب طرفنده اوج قیوسی اولوب اورتهدکی مدرسه حوایسنه و شمالده کی سوقاغه و جنوبده کی جامع حوایسنه چیقارلر.

الیوم جامعک موجود اولان قیوزی جماعاً یکر می اوچه بالغ اولوب یونلردن اون یدیسی غرب طرفنده و ایکبسی شرق و ایکبسی جنوب و ایکبسی شمال طرفنده در. مقدما شرق و جنوب طرفلرند و ایکبشر و شمال طرفنده برقیو دها از اوب مؤخرأ بعض اسبابه منی سد اولمشدر. ایکنجی حصیر اوه سنک خارچنده و اورتهد قیوسنک طرف جنوبیسنده سالف الذکر صهریمچک بر سرده اون بر صلیخی اولوب بوکا اون یدی قدمه لی واسع بر زردیان ایله نزول اولور.

اولاده مدرسه حوایسی اورتهد سنده طاس و قدح معناسنه اولان فیال اسمیله معروف و یشم طاشدن مصنوع غایت مکلف بر حوضی اولوب اطرافنده احجارن معمول ارسلانارک اغزلردن جریان ایدن صولر ایله طولر ایدی و حوض مذکورک اطرافنده لسان یونانی اوزره زیرده مسطور عبارتۀ مقلوبه نقش اولمش ایدی *νίψον* *ἀνομήματα, μὴ μόναν ὄψιν* بونک معناسی یا لکن وجهی غسل ایتمک قیایخی دخی غسل ایت دیمکدر. بعض مؤرخلرک قوائه کوره عبادتخانه مذکوره کیرن جماعت حوض مذکوره الارینی و یوزلرینی غسل ایتدکلری و حوض مذکورک غرب و شمال و جنوب طرفلرند و اوستی کرلی بر صره ستون موجود اولدیخی دخی مسطور کتب تواریشدر.

ایا صوفیه نک هر گوشه سنده بر شرفه اودرت منساره سی واردر. یونلردن خنکار جامه سی طرفنده یعنی جنوب شرقیسنده یونانی

ابوالفتح سلطان محمد خان حضرتلری طرز قدیم اوزره طوغله دن
انسا ایتمش و دیگری باب همایون طرفنده یعنی جانب شمال شرقیده
اولوب سلطان سلیم ثانی حضرتلری سکسان سکن تاریخنده بیاض
طاشدن بنا ایلمشدر و طرف غربیسنده ایکنجی حصیراوه سنک ابکی
طرفنده واقع دیگر ایکسی دخی فاتح شردان سلطان مراد ثالث
حضرتلرینک اثر همیتی اوله رق هجرتک طقوز یوز طقسان سنه سنده
سرنمای میدان ظهور اولمشدر.

جامع مذکورک بناسندن بو آه کلنجیه قدر یعنی بیک اوچ یوزیکرمی
یدی سنه ظرفنده پک چوق کیره تعمیر و ترمیم اولمش اولوب
باغلیجه لری بروجه اتی ذکر و تعداد اولنور. شویله که اول تاریخ
میلادک ۸۶۷ سنه سنده وقوعبولان حرکت ارضده پک چوق یرلری
چاتلامش اولسی اوزرینه تعمیر اولمشدر. ثانیاً ۹۷۵ سنه سی تشرین
ثانیکن یکرمی بشنده جانب غربیسنده کی کر چاتلایوب بوکا مستند
اولان نیم قبه منهدم اولمش اریغله تعمیرینه مبادرت اولنوب الی
سنه ده ختامیدیر اولمشدر. ثالثاً ۱۳۱۷ تاریخنده جانب شمال شرقیسی
اوتوردیغندن شرق طرفنده درت پایبند انشاسیله بعض مرتبه
تحکیم اولمش ایسده یکرمی سکن سنه صکره مذکور کرایله بوکا
مستند اولان نیم قبه منهدم اولدیغندن تعمیرینه مسارعت اولنوب
چند سنه ظرفنده اتمام اولمشدر. رابعاً ۱۵۷۳ تاریخنده سلطان
سلیم ثانی حضرتلری چوق یرلرینک تعمیر و تزیینی ایله برابر بالاده
بیان اولندیغی اوزره غرب طرفنده واقع ابکی مناره ایله مدرسه یی
و دیگر ابنیه خیرییه یی انسا ایندیردیکی ائشاده شرق طرفنده کی نیم
قبه بر زلزله دن ناشی منهدم اولوب بونی متعاقب مشارایله حضرتلری

ارتحال دار بقا ایلاز یکندن سلطان مراد ثالث حضرت تلی قبه
 مذکوره یی مجدداً انشا و جامع شریفک سائر نقصانلرینی اکیال
 ایلشدیر. خامسا بوندن اون التی سنه مقدم طبقه ثانیه سی ستونلرندن
 اون ایکه سی بر طرفه تمایل ایدوب بنا مشرف خراب اولاق درجه سنه
 رسیده اولدیغندن جنت مکان سلطان حیدر الجیدخان حضرت تلی
 زماننده فن معماریده ید طولاسی اولان فوساتی معرفتیه قرق بیك
 کبسه ایچ قدر پاره صرفیه ایکی سنه ظرفنده تعمیرات مقتضیه سی
 اجرا قلمشدیر.

الیوم اوروپا قطع سنده موجود الک بولک معابدک جسامتلرینی مبین
 جد و لاندیر.

ارتفاع	عرض	طول	موقع
	قدم	قدم	
۴۳۴	۵۰۰	۶۳۸	روماده سن پترو کلیسای
۰۰۰	۴۱۵	۵۷۵	فلورانسده بر کلیسا
۴۰۴	۲۵۰	۴۴۶	لوندردده سن پول کلیسای
۱۸۸	۲۴۳	۲۶۹	ابا صوفیه

(فاردیس)

از خلفای اوطه ترجمه باب عالی

(بو دفعه امید بروندن ورود ایدن بر مکتوبک خلاصه مالی)

مؤخرأ یوزاون درت یاشنده وفات اینش اولان بر امامک اکثر جماعتی
 مقدما دومی البهی امامندن عزل ایلدیرینه حاج الحرمین بر ذاتی نصب

ایمک استسرا شده حکومت طرفندن موافقت اولم یوب شواملارینک
اسعافی حل طبیعی به تعلیق قلمشیدی . بود فعه اولوجهله وقوع وفاتنی
معاقب حاجی مرمی الیه بش التی یوز کشیدن عبارت اولان طرفدارانک
معاونتیه مقام امامت افعاد اولمش اولمغله شو کینیت طرفین مخالفین
بینده منازعه عظیمه بی مؤدی اولمشدر . بو طرف اهل اسلامک بعض
اعتقادات باطله لری مقدمایانلشیدی . بو کره دخی اولیایده بعض تحقیقات
عاجزانه مک بیانده ابتدار اولنور شویله که بزده هندی تعبیر اولنور طبر
معمودک منقاری اوزرنده بر بارچه قرمنی لحم زائد اولق مناسبیه بوتک
لحمی وقبون وصف رک باش واشکنبه سنی حرام عدایدرلر وبالعکس هر در او
حشرات ارضیه بی حلال اعتقاد یله اکل ایلرلر و زعملر نجه عزماد لری
یکدیگر یله زوجی جائز اولم یوب بالعکس سود قرنداشلرک بری یر یله و بر
ادمک بلا ولد بولنان اوکی والدیه سیله تزوجی تجویز اولنور .

یکرمی سنه دنبروبین الاهالی یله رفاعی اسمنده برنوع طریق شایع اولمشدر .
بو کال انساب ایدنلر مقابله اثناسنده بعض آلات جارحه ایله جسدلرینی جرح
ایمک معناد اولدیغندن اولیایده کندولرینه بادی جسارت اولق اوزره
عقد جمعیت ایتمزدن اول میخانه یه کیدرک مسکرات استعمال ایدرلر .
والئای مقابله ده شیخ شیوخ سالفه ک اسملرینی یادوند کارایا دیکی صرمده
کویا کندولرینه جاذبه کله رک برمنوال محرر آلات جارحه ایله جسدلرینه
ضرب ایدرلر . فقط اشبو ضرب لرحالت مستیده بعض مهالک محملارینه
اصابتله متأثراً وفات ایدنلر اولدیغندن بویله مجالس مضره عقدی
حکومت طرفندن منع اولنوب بالکر شیخ عبد القادرک مولودی کیجه سی
مریدلر نفسلرینی مخاطره دن وقایه ایمک شرط یله اجرای مقابله یه
رخصت ویرلشددر اشبو طریقده مخصوص تکبیر اولم یوب مشایخک

مستاجراً ساکن اولدقلری خانه لرده تجمع ایدرلر و هریدلر منسوب
اولدقلری شیخه اراقده برار یاره ویردکلرندن بوکاطمعاً پک چوق کسان
تحصیل مشیخته رغبت ایدوب بونی اراقده بش اون شلین بدل ایله دخی
یکدیگره فروخت ایلرلر. بویولده مشایخ پک چوق اولوب مولود
مذکور کیجه سی جابجا محالس عقد اولنه رق تابصاح ضرب و طعن
و نعره دوام ایدر. اول کیجه اسلام و خرسیاندن اهل عرض گروهی
سفله مذکور نك شرلرندن احتراز اوزره اولوب بر ضروری ایشلری
اولدجه سوقاغه دخی جیقیزلر. شو حرکات غیره ضیه نك مغایر شرع
شریف اولدیغنی ارباب حکومته اشراپ ایده جک اولسه م بالکلیه
منع اولنه جخی درکار ایسه ده حقمده عوام طاقنك خصوصتی داعی
اولور ملاحظه سیله شمیدیلک اولیابده اختیار سکوت و مکتبه دوام
ایدن رجال و صبیانک تعلیمیه اشتغال ایتکده ییم.

اهل اسلام ایله خرسیان بینده قطعاً منازعات دینه وقوعبولوب
حسن امتزاج برکالدر و حتی یکدیگرینک جنازه سنده حاضر بولورلر
وادی الحاجه بری برلرینک خانه سنده مراسم دینه لرینی اجرا ایدوب
اولیابده برکونه طعن و تعرض خاطر و خیال لرینه بیله کلز. طوغریسی
بورلری غبطه اولنه جق حالاندنر. بزده طرفینک دخی بویولده
مغایر عقل و شرع بولان حرکاتی بوراده کورلماش شیدر. فقط
بو طرفده اهل تزویر پک چوق اولوب انواع حیل و دسیاس ایله
خلقک مالی طولاندیرلر و بعده صیتی به کلدکلرنده اعلان افلاس
و یا خود دیگر بر طریق تزویره سالک اولورلر.

هندوان جزیره سیله ملحقاتی اولان دیگر اویچ جزیره افریقا قطعده سندن
معدود اولوب ساحل بحرده واقع موزامبیق بوغازیله ماداغشقار

جزیره سی پیشنده واقع در بورادن واپور سفینه سیله بش کونده
 ماداغشقاره و اورادن دخی بر کونده افریقا ساحله کیدیلور. مذکور
 موزامبیق بوغازنده دریاه منصب اولان جسم نهرک مجراسی خط
 استوا تحتنده واقع اولوب ایکی طرفی نفوس کثیره ایله مسکوندر.
 انگلیز اوراندره برچوق شهرلر وقصبه لر بناسیله شکر و پموق وسائر
 زراعت ایتمکده واهالیسی مساک مدینه سوق ایلمکده درلر. فقط
 اهالی مذکوره زیاده جاهل و متوحش اولوب تحصیل مدینه هوسکار
 دکلدر و بطالتله مألوف اولدقلرندن برکون تحصیل اسباب
 معیشته چالسه لر بش اون کون انکله اکتفا ایدوب بوش کزرلر.
 قبایل مذکوره مسلمان دکلر ایسه عادات و اخلاجه اهل اسلامه
 مناسبت و مشابهنلری اولدیغندن اسلامه محبت ایدارلر و بالخصوص
 کندورنکلرنده اولنلری دهه زیاده سورلر. نهر مذکورک یوقاری
 طرفلری اهالیسی غایت متوحش اولوب ایچلرینه کیدلمک ممکن
 اولدیغندن سواحلی هنوز تمامیه کشف اولنه مامشدر.
 بوغاز مذکور ایله امید برونی بیئی تقریباً اوچ یک میل مسافه اولوب
 بونلرک میانه سنده قابل اولان محللر تسویه و اصلاح ایله لیمان اتخاند
 اولنقددر و مواقع مناسبده اوروپا مهاجرینندن ویرلوردن کلی
 نفوس اسکان ازانوب بو وجهله یک چوق شهرلر وقصبه لر تشکیل
 ایتمشدر و اهالیدن ارتکاب جنحه و جایت ایدنلر بعد المحاکمه تبیین
 ایدن جرملرینه کوره مذکور لیساندره مجساناً ایشلتدیرلمکده در. بو
 اصولک کلی فائده سی اولوب مبالغه عظیمیه متوقف اولان خطوب
 جسمیه بو صورتله حصول پذیر اولمقددر.
 امید برونک ساحل غربی ساحل شرقی کبی مثبت و معیوردکلدر.

مع ما فید یک اویچ یوز میل امتدادنده بعض لیانلر اصلاح و کشاد
ویرلودن اهالی اسکان و اقعار اولمشدره ناپولیون بوناپارطک منفی
و محل وفاتی اولان سنت الینا جزیره سی دخی بوجوار ددره

امید برونی مثلث الشکل اولوب خط استوایه طوغری کیدلدجده
عرضی کسب وسعت ایدره بوجه مشروح ساحل شرقی و غربی سی
اولدجده معهور و معلوم ایسه ده اورته سنده جسیم طاغلر و اورمانلر
موجود و بونلر و خوش و سباع ایله مسکون اولدیغندن قابل زراعت
اولان محالری پک ازدر و اهالی سی غایت متوحش و قبایل کثیره یه
منتسم اولوب دائمی بری برلریله حرب و قتال ایدرلر و بونلر لون
و شکل و جنده مختلف اجناسدن مر کیدرلر و صغر و قیون و سائر
حیوانات اهلیه لری چوق اولوب زراعت دخی ایدرلر

طوائف مذکور هک کند و بیلارنده متعارف بشقه بشقه اسملری وار
ایسه ده اهل اسلام هیئت مجموعهارینه (فطار) و انکلیرتر (کافر)
calres تسمیه ایدرلر بو وجهله تسمیه اولملری سالف الذکر هندوان
جزیره سنده متمکن عربلر اقوام مذکوره ایله محاربه ایدرک بونلردن
الدقلری اسرایه کافر دیملرندن نشأت ایتمشدره بونلر جسور
و جنگاور ایسه لده انکلیرتره مقاومت ایده مد کلرندن ساحل دریایه
قریب بولنان مواقعی ترک ایله ایچرو طرفلره چکلشدرلر بونلردن
بشقه هوتنشات تسمیه اولنور دیگر بر قوم دخی واردر که امید برونه
قریب ایکی ساحل یننده اقامت ایدرلر بونلر کافرلر کی جنگاور
دکلدرلر

بو طرفده مأموریت خیره مک حسن ایفا سنده ایقاع مشکلات ایدن
یرلو مخالفلردن بشقه بو دفعه برده اجنبی ظهور ایدوب داعیارینی

حیاچه از عاج ایلش اولغله کیفیتک بروجده اختصار اشعارینه ابتدار
اولور. شویله که ایران تبعه سندن و سرسری گروهندن سینه لی
محمد نام کسند مقدمه بو طرفه کلدرک مجامع ناسده ککندوسی
اصلزادکندن و دولت عثمانیه ضابطان عسکر یسندن اولوب مصر
والبسک دامادی و بمن ایالتنده واقع حدیده و البسک برادری
اولدیغنی و متدما مکه مکرمه محافظی بولندیغنی اناده اون بردفعه
ایفای فریضه حج ایتش ایدوکنی و برکوچک برادری براز وقت مقدم
منفلاً ترک دیار ایلش اولدیغندن انی ارامق اوزره هند و چین
و سیام و ماداغشقر و سن موریس و دیگر بعضی ممالکده عزیمت
ایدوب امید برونه کلیسی دخی بو مقصده مبنی بولندیغنی نقل و بیان
وشو اکاذیبی تأیید و اثبات معرضنده برسیم مدالیه ایله برقاج مهرلی
برقطعه عربی العبارة ورقه ابراز ایلشدور.

بو حوالی اهابسی ایسه بزم طرفلرک احوالندن بالکلیه غافل و غایت
ساده دل ادمار اولدیغندن هر قومک اکاذیب مذکوره سنه اعتماد
و حقیقه بعضی مرتبه حرمت و اعتبار ایلشلدور. هر قوم خلقتدن
براز ایچه طولاندیغنه قیام ایله مصر و حدیده و الیاری و یاخود
در سعادتده فلان پاشا طرفند پوایچه چکمک اوزره بر مقدار ایچه
طلب ایتش اینسده اوروپالور بو مقوله له الداعدقلری مثلاً اهل
اسلامک دخی ممالک سائر ایله اخذ و انحطالری اولدیغندن مقصد
مذکورینه دسترس اولدماشدور و نهایت بزم شهیندر نزدینه کیدرک
برمنوال محرر طرف دولت علیه منسوبیت ادعاسنی و بعضی فلاکتره
اوغرایه رقی بورایه تهی دست دوشمش اولدیغنی در میان ایله ممالک
مخروسیه اعاده سی اسبابک استحصالی استماع ایتشدور. شهیندره و می

الیه دخی ترکیه بیلدیگندن شو افاداتی مؤید یدنده بعض اوراق
 و سائر واریسه طرفه ابراز ایتک و بعده اقتضاسنه باقماق اوزره
 مرقومی داعیلرینه کوندرمش اولغله بش نفر ادم ایله نزد عاجزانه ده
 کار کده مقدا در سعادتده دخی کورلمش بر جرار بیعار اولدیغندن
 کندوسنی طانیه رق بوراده سلوک ایلدیکی طریق تقییم و شوحاک
 مؤنجه سنی کندوسنه تفهیم ایلش ایسه مده متصح اولیه رق وسن
 بنی طانیه سن بن دولت علیه عسکر لکیله سیواستپولده و چوروک
 صوده و صخوم قلعه سنده بولندم و پک چوق خدمتم سبقت ایتشد
 دیرک ضارلمش کتشدی . بونک اوزرینه علی ملا الناس داعیلرینی
 تزییف و مأوریتی تکدیپ معرضنده بر طاقم تفوهانه ابتدار
 و بوندن قطع نظر حقنده حسن شهادت ایتدیکم حالده بکاسوقصد
 ایتک کبی تهدیداته دخی اجتناسار ایلدیکنه و شو کیفیت بین الاهی
 ناموس و اعتبار عاجزانه ده محل اولدیغنه منی جانب حکومت و وقوع
 بولان شکایت اوزرینه شخص مذکور جلب اولنه رق شهبندر من
 موسیو روبکس دخی حاضر اولدیغی حالده مملکت محکمه سنده اصولی
 وجهله اجرا اولسان محاکمه ده مرقومک بغیر حق تعدیات واقعه سی
 بین ایدرک کندوسندن مجازاة الی لیرا بر شلین تحصیلنه والی ماهه
 قدر بو مقوله حرکاته اجترایمده جکنه بر قوی کفیل التوب فالاول مدته
 حبسنده حکم اولمش و اقتضاسی اجرا قلمشدر و بوضره ده داعیلرینک کیم
 اولدیغم و انکله دولته و قوعبولان التماسی اوزرینه امید برونی اهلایسی
 یلنده تگون ایدن اختلافات دینه نک دفعی ضمنده در سعادتدن
 بالانتخاب کوندرمش ایدو کم حضور محکمه ده اعلان اولمشدر .

**TO RENEW CALL
422-3900**

[illegible]

HIGHSMITH 45-220

MAIN STACKS

